

筹海图编

胡宗宪

文硕阁

wenshuoge.com

目录

关于我们	3
提要	5
筹海图编卷一	6
筹海图编卷二	7
筹海图编卷三	38
筹海图编卷四	48
筹海图编卷五	62
筹海图编卷六	105
筹海图编卷七	128
筹海图编卷八	144
筹海图编卷九	145
筹海图编卷十	163
筹海图编卷十一	176
筹海图编卷十二	218
筹海图编卷十三	255

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案筹海图编十三卷明胡宗宪撰宗宪字汝贞号梅林绩溪人嘉靖戊戌进士官至兵部尚书督师剿倭寇以言官论劾下狱瘐死万厯初追复原官謚襄愍事迹具明史本是书首载輿地全图沿海沙山图次载王官使倭畧倭国入贡事畧倭国事畧次载广东福建浙江直 登莱五省沿海郡县图倭变图兵防官考及事宜次载倭患总编年表次载寇踪分合图谱次载大防考次载遇难殉节考次载经畧考明史称赵文华督察浙江军务宗宪深附之总督张经破倭于王江泾文华尽掩经功归宗宪经遂得罪又陷抚臣李天宠文华还朝力荐宗宪遂擢显秩宗宪又因文华结纳严嵩以为内援其喜功名而尚权诈诚有如 赞所云奢黷防垢者书中载胡松撰王江泾防事畧专述宗宪之功不及张经与本 符合是其攘功之实证然其他若载嘉靖三十四年五月平望之捷陆泾坝之捷十一月清风岭之捷三十五年仙居之捷七月乍浦之捷十一月龔山之捷及金塘淮扬宁台温之捷又纪勦徐海及擒王直始末大端与明史纪 均相符合则宗宪之保障东南尚不为无功经畧考三卷内凡防哨邻援招抚城守团结保甲宣谕间谍贡道互市及一切海船兵仗戎器火器无不周密又若唐顺之张时彻俞大猷茅坤戚继光诸条议是书亦靡不具载于明代海防亦云详备盖其人虽不醇其才则固一世之雄也乾隆四十六年四月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

筹海图编卷一

明 胡宗宪 撰

輿地全图

广东沿海山沙图

福建沿海山沙图

浙江沿海山沙图

直 沿海山沙图

山东沿海山沙图

辽阳沿海山沙图

(图略)

筹海图编卷二

明 胡宗宪 撰

王官使倭事畧

魏正始元年遣使如倭

【太守龚遵遣使建中校尉梯檣等奉绍印绶诣倭国拜假卑弥呼爵命并齐诏赐金帛锦罽刀镜等物】

六年赐倭臣绶

【诏赐难升米黄幢付带方郡假绶】

八年遣使诏谕倭王

【太守王倾到官卑弥呼与狗奴国王卑弥弓呼交兵遣其臣载斯乌越等诣郡説相攻击状郡遣塞曹掾史张政等因赍诏书黄幢拜假难升米为檄告谕之卑弥呼已死宗女防与嗣政等以檄告之】

隋炀帝大业三年遣使倭国

【帝遣文林郎裴清渡百济行至竹岛南望耽罗国经都司麻国迺在大海中又东至一支国又至竹斯国又东至秦王国其人同于华夏以为夷洲疑不能明也又经十余国達于海岸自竹斯国以来皆附庸于倭倭王遣小德何輩防从数百人设仪仗鸣鼓角来迎后十日又遣大礼歌多毗从二百余骑郊劳既至彼都其王与清相见大悦曰我闻海西有大隋礼义之国欲遣朝贡我僻在海隅不闻礼义是以稽防境内不即相见故清来道饰馆以待天使冀闻大国维新之化清答曰皇帝德并二仪泽流四海以王慕化故遣行人来此宣谕既而清就館其后清遣人谓王曰朝命既達清即戒涂于是厚设燕享以遣复令使者随清来贡方物先时其王冠服仍其国俗至是如赐与衣冠乃以防锦为冠絺裳皆施襴缀以金玉云】

唐太宗贞观五年遣使持节抚倭

【倭使入阙帝矜其远诏有司无拘岁许贡遣斯州刺史高仁表持节抚之浮海数月方至仁表无绥抚之才与其王争礼不宣朝命而还】

元世祖至元三年遣使往谕日本不達而还

【以高丽人赵彝等言日本国可通乃命兵部侍郎哈达给虎符充国信使礼部侍郎殷 给金符充国信副使持国书使日本书曰大防古国皇帝奉书日本王朕惟自古小国之君领土相接尚务讲信修睦况我祖宗受天明命奄有区夏遐方异域畏威怀德者不可悉数朕即位之初以高丽无辜之民久瘁锋镝即命罢兵还其疆域反其旄倪高丽君臣感戴来朝义虽君臣欢若父子计王之君臣亦已知之高丽朕之东藩也日本密迹高丽开国以来亦时通中国于朕躬而无一乘之使以通和好尚恐王国知之未审故特遣使持书布告朕志冀自今以往通问结好以相亲睦且圣人以四海为家不相通好岂一家之理哉以至用兵夫孰所好王其图之哈达等道由高丽高丽国王王植以帝命遣枢密院副使宋君裴偕礼部侍郎金贊等道诏使哈达等往日本不至而还】

至元四年遣使如日本

【六月帝谓王植以辞为解令去使徒还复遣哈达等至高丽谕植委以日本事以必得其要领为期植以为海道险阻不可辱天使○九月遣起居舍人潘阜等持书往日本留六月亦不得其要领而归】

五年遣使日本

【九月命哈达复持书往至对马岛日本人拒而不纳执其塔二郎称二郎而还】

至元六年遣使如日本

【六月命高丽金有成送还所执二人俾中书省牒其国亦不报有成留其太宰府守防所者久之○七月命秘书监赵良弼往使书曰盖闻王者无外高丽与朕既为一家王国实为隣境故常弛信使修好为疆場之吏抑而弗通所获二人令有司慰抚俾贲以还遂复寂无所闻继欲通问属高丽权臣林衍搆乱坐是弗果岂王亦因此辍不遣使或已遣而中路梗塞皆不可知不然日本素号知礼之国王之君臣宁肯漫为弗思之事乎近已灭林衍复 王位安集其民特命少中大夫秘书监赵良弼充国信使持书以往如即发使与之偕来亲仁善邻国之美事如或犹豫以至用兵夫谁所乐为也王其审图之良弼将往乞定与其王相见之礼廷议与其国上下之分未定无礼数可言帝从之 十二月诏与高丽王植送良弼通日本期于必達仍以呼噜蘓王国昌洪察球尔将兵送抵海上候国信使还姑令金州等处屯驻】

至元十年遣使如日本

【六月赵良弼复使日本至太宰府而还】

至元十一年命将征日本

【三月命经畧使实都高丽军民总管洪察球尔以千料舟巴图鲁轻疾舟汲水千舟各三百

共九百艘载上卒一万五千期以七月征日本冬十月入其国败之而官军不整又矢尽惟掳掠四境而还】

至元十二年遣使日本

【二月遣礼部侍郎杜世忠兵部侍郎何文着讨议官蕪都尔丹往使亦不报】

至元十七年日本杀使臣杜世忠

【二月日本杀国使杜世忠等征东元帅实都洪察球尔请自率兵往讨廷议姑少缓之○五月召范文虎议征日本八月诏募征日本士卒】

至元十八年再征日本

【正月命日本行省右丞相阿朮罕右丞范文虎及实都洪察球尔等率十万人征日本二月诸将陛辞帝勅曰始因彼使来故朝廷亦遣使往彼遂留我使不还故使卿輩为此行朕闻汉人言取人国家欲得百姓土地若尽杀百姓徒得地何用又有一事朕实忧之恐卿輩不和耳假若彼国人至与卿等有所议当同心協谋如出一口答之五月日本行省叅议裴国伊等言本省右丞相阿朮罕范右丞李左丞先与实都洪察球尔入朝时同院官议定领舟师至高丽金州与实都察球尔军防然后征日本又为风水不便再议定防于伊岐岛令其水工画地图因见近太宰府西有平户岛者周围皆水可屯军船此岛非其所防若径往据此岛使人乘船往伊岐呼实都察球尔来防进讨为利帝曰此间不悉彼中事宜阿朮罕輩必知令其自处之六月阿朮罕以病不能行命安□哈代总军事八月诸将未见敌防全师以还乃言至日本欲攻太宰府暴风破舟犹欲议战万户厉德彪招讨王国佐水手总管陆文正等不聽节制輒逃去本省载余军至合浦散遣还乡里未防败卒于閩脱归官军六月入海七月至平户岛移五龙山八月一日风破舟五日文虎等诸将各自择坚好船乘之弃士卒十余万于山下众议推张百户为主师 之曰张总管聽其约束方伐木作舟欲还七日日本人来战尽死余二三万为虏去九月至公角岛尽杀防古高丽汉人谓新附军为唐人不杀而奴之閩輩是也蓋行省官议事不相下故皆弃军归从之莫青与吴万五亦逃还十万之众得还者三人耳】

至元二十年遣使征日本不果

【命安塔哈为日本省丞相与彻尔特穆尔右丞刘二巴图尔左丞募兵造船欲复征日本淮西宣慰使昂吉尔上言民劳乞寢兵】

大德三年遣僧往说日本

【遣僧寧一山者加妙慈 济大师附商舶往使日本而日本人竟不至】

国朝太祖高皇帝洪武二年遣使招夷

【遣使臣赵秩往日本招来倭夷泛海至析木崖入其境关者拒勿纳秩以书達其王良怀乃延秩諭以中国威德而诏防有责让其不臣之语王曰吾国虽夷僻在扶桑未尝不慕中国之化而通贡奉惟前朝自恃其强大而以小国视我使赵姓者誑我以好语初不知其觐国也既而发水犀数十艘一时雷霆风波漂覆防无遗类自是不与通者数十年今新天子帝华使亦赵姓得非蒙古使之云祢乎亦将誑我好语而袭我也命左右将刃之秩不为动徐曰今圣天子圣神文武明烛八表威加四海开诚布公故以防信结汝尔若悖逆不我信即先杀我则尔之祸不旋踵矣我朝之兵天兵也无一不当百我朝战舰虽蒙古戈船百不当一况天命所在人孰能违岂以我朝之孔怀尔者与蒙古之袭尔国者比耶于是王气沮下延秩礼遇有加】

秋使行人杨载赍玺书諭日本国王

【倭寇惠潮滨海上命载往使赍书諭其国王书曰上帝好生恶不仁者向者天防丧乱赵宋失驭中原板荡东南半壁曰防于干戈自救不暇固未能经畧四荒也迨元自辛卯以来又复扰攘被倭来寇山东不过亦乘其衰耳朕以布衣提三尺剑义声一唱振旅兴师爰宅函夏宵衣旰食垂一十年自去歲以来羣盜止息海宇乂安惟四夷未服间者山东来奏倭兵数寇海邊生离人妻子损伤物命故修书特报正统之事兼諭倭兵越海之由诏书到日如臣则奉表来廷不臣则修兵自固永安境土以应天休如必为寇朕当命舟师扬防诸岛捕絕其徒直抵其国缚其王岂不代天伐不仁者哉惟王图之】

洪武五年遣僧往諭日本

【先是天寧寺僧祖闡以高行召至防朝廷将遣使诏与瓦礮寺僧无逸俱往祖闡毅然请行上壮之赐以缁器禅衣之属令大官饌享于五楼下且諭其国敬浮屠諭以善道设化时天界寺僧宗渤尝赋诗饒之其诗上献九十八韵首言王化无遐迹一视同仁次言宣诱以善道庶契西来祖意次言经涉海波虽甚艰险君臣大义勿防次言平等法行之无有彼此之异末言使旋方尽终始之义太祖俯赐和之常闻古帝王同仁无遐迹蛮貊尽来宾我今使臣委仲猷通洪 倭夷尝往至于善 防人不负西来意尔僧遊遠方毋得多生事入为佛弟子出为我朝使珎重浦泉经勿失君臣义此行非瀚海一去万里地既辞释迦門日日宿海涘艤挂飞瓢天风驾万里平心勿忧惊自然天之使休问海茫茫直是寻根际詣彼佛放光倭民大欣喜行止必端方毋失经之理入国有斋时斋毕还施礼是法皆平等语言休彼此尽善化顽心了毕才方已归来为拂尘见终必见始祖闡受命而行自翁州启櫂五日至其国境又逾月始入王都館于洛阳西山精舍一遵圣教擢演正法无非约之以善聽者耸愕以为中华之禅伯亟白于王请主天龙寺乃梦窓国师道場寔名利也祖敷以无上命力辞之且申布威德罔间内外所以遣使者来之意王悅命僧奉方物称臣来贡既归上喜怡愉赐白金一百两文绮二缣】

成祖文皇帝永乐九年遣使日本

【遣三寶太监王进奉使日本收买奇货至寧波选壮军顾通号大汉将军同往彼夷初御以礼后起别议輒下灊江龙于港口得支港潜出彼夷妇密引而还】

永乐十五年遣使如日本

【倭寇沙园所邊将执其酋首送京师诏贷以不死遣刑部员外郎李渊等使日本玺书责以敬天事大之义次年渊还其国王亦遣刺史奉表称谢】

宣宗章皇帝宣德八年遣使吊防

【倭王源道义卒上命太监雷春少卿潘钊等出使垂吊以尽懷柔之意】

今上皇帝嘉靖三十四年七月遣使移谕日本

【先是海商王直挟倭以要互市不得遂糾岛夷入寇而身为之调度浙直广福沿海悉被残破倏往倏来无寧歲御史胡宗宪按浙廉知其情奏乞遣使宣谕日本国王令其禁戢岛夷以弭邊患实欲行间谍以钩致王直而絕祸源也防入上命廷臣议之咸称曰便乃令布政司为檄致之宣布朝廷德意募能使者寧波生员蒋洲陈可愿请行于是假以市舶提举服色充正副使以往檄曰王国自我太祖高皇帝御极以来世秉恭顺贡献天朝天朝待王防亦不薄上下安和恪承天道各保生民今尔倭劫掠居民念惟王国法令严明部民盜一鸡一犬者必杀无赦岂有縱民侵劫之理必是欺蔽国王私出为非故特遣正使蒋洲副使陈可愿移檄报知王若能守祖宗之大法思圣朝之厚防愤部民之橫行分投遣人严加约束不许私出没海洋侵扰中国使边境寧静衅隙不生共享和平之福如此本司即为王奏闻天子必有大旌劳之典史册书美光 百世岂不快哉否则奸商岛民扇祸不已党类益繁盘防海岛窥伺窃发恐非王国之利如昔年安南国王陈氏之祸可鑒矣今日移文报知亦非为中国也王其深体而速行之洲等捧檄以行十一月望日至其国五岛地方偶遇直養子毛海峯在焉洲等以移谕事告之遂引见直洲等谕以朝廷遣使之意及军门招徕之心直为感德然不欲国王之知之也谓洲等曰夷意惟在求互市而已既朝廷有旷荡之防吾当为若等谋之然天文国君孱弱不能号令于其国其能禁戢诸部耶须歷岛谕之乱可弭也遣毛海峯輩送可愿回而防洲在岛者数月海峯以报効为名实伺内地虚实与当道待直之意何如以为进止时宗宪已總督军务洞烛其奸乃故示以寬厚之意准令立功报効而为之奏请赏赉优渥海峯还报直始挺身而来谓市舶可通而荣显可致也然犹虑中变仍挟倭数千而来迂延海上者又两阅月遣方大忠反覆说之又 貳其党与始入见军门于寧波而生致之斩之市曹 首京师自此海上少戢矣后御史赵孔昭以洲专命往使不达其王谓为直党恶奏系诏狱论死巡视军情郎中唐顺之谓不赦洲将来必以使絕域者为讳而阻宣力报効之心后奏释之】

太仓使往日本针路【见渡海方程及海道针经】

太仓港口开船用单乙针一更船平【更者每一昼夜分为十更以焚香枝数为度以木片投海中人从船面行驗风迅缓定更多寡可知船至某山洋界】

吴淞江用单乙针及乙卯针一更平

寶山到南汇嘴用乙辰针出港口打水六七丈沙泥地是正路三更见茶山【茶山水深十八托一云行一百六十里正与此合】

自此用坤申及丁未针行三更船直至大小七山滩山在东北边

滩山水深七八托用单丁针及丁午针三更船至霍山

霍山用单午针至西后门

西后门用巽巳针三更船至茅山

茅山用辰巳针取庙州门船从门下过取升罗屿【庙州门水深急流】

升罗屿用丁未针经崎头山出双屿港【升罗崎头俱可泊船崎头水深九托】

双屿港用丙午针三更船至孝顺洋及乱礁洋【双屿港口水流急孝顺洋水深十二托泥地】

乱礁洋水深八九托取九山以行【九山西边有礁打水行船宜仔细一云乱礁洋水深六托泥地】

九山用单卯针二十七更过洋至日本港口【打水七八托泥地南边泊船】

又有从乌沙门开洋七日即到日本

若陈钱山至日本用艮针

福建使往日本针路

梅花东外山开船用单辰针乙辰针或用辰巽针十更船取小琉球

小琉球套北过船见鸡笼屿及梅花瓶彭嘉山彭嘉山北边过船遇正南风用乙卯针或用单

卯针或用单乙针西南风用单卯针东南风用乙卯针十更船取钓鱼屿

钓鱼屿北边过十更船南风用单卯针东南风用单卯针或用乙卯针四更船至黄麻屿黄麻屿北边过船便是赤屿五更船南风用甲卯针东南风用单卯针西南风用单甲针或用单乙针十更船至赤坎屿

赤坎屿北边过船南风用单卯及甲寅针西南风用艮寅针东南风用甲卯针十五更船至古米山

古米山北边过船有礁宜知畏避南风用单卯针及甲寅针五更船至马防山

马防山南风用甲卯或甲寅针五更船至大琉球

大琉球那霸港泊船【土官把守港口至此用单卯及甲寅针行二更进那霸内港以入琉球国中】

那霸港外开船用单子针四更船取离倚屿外过船南风用单癸针三更船取热壁山以行

热壁山南风用单癸针四更船取硫黄山硫黄山南风用丑癸针五更船取田嘉山又南风用丑癸针三更半船取梦加刺山南风用单癸针及丑癸针三更船取大罗山大罗山用单癸针二更半船取万者通七岛山西边过船

万者通七岛山用单寅针五更船取野顾七山岛内各呼兵之妙是麻山屿野顾山用巽寅针二更半船旦午山用艮寅针四更船取亚甫山【一云野顾山对面行六十里有小礁四五个最宜畏避在北边过船用艮寅方行一百五十里至旦午山用艮寅方行二百四十里至亚甫山】

亚甫山平港口其水望东流甚急离此山用艮寅针十更船取亚慈理美妙若不见此山用单艮针二更船又艮寅针五更船取沿湾奴【一云沿渡奴】乌佳眉山沿渡奴乌佳眉山用单癸针三更船若船开时用单子针一更船至而是麻山

而是麻山南边有沉礁名套礁【一云名佐沉长礁】东北边过船用单丑针一更船是正路却用单子针四更船取大门山中

大门山傍西边门过船用单丑针三更船取兵裤山港

兵裤港循本港直入日本国都

按已上针路乃歷代以来及本朝国初中国使臣入番之故道也频年倭寇之入往往取间道

突至便利特甚予已稍从入寇图中指画然不欲条书之者恐 者或貽奸孽以幸衅也有志于经世者须以意防之而得予之所以不详书焉斯善矣

倭奴朝贡事畧

汉武帝建武中入贡

【帝灭朝鲜使驿始通使者自称大夫】

光武中光六年入贡

【奉珍朝贺赐以印绶】

安帝永初元年入贡

【来献生口百六十人愿相见】

魏景初二年朝献

【公孙渊诛后卑弥呼遣其大失难升米牛利等带方物求诣天子朝献太守刘夏遣使吏将送诣京师明帝诏赐卑弥呼为亲魏王假金印紫绶以难升米为率善中郎将牛利为率善校尉假银印青绶】

正始四年入贡

【卑弥呼遣大夫伊耆掖邪狗等八人献方物诏拜掖邪狗苛率善中郎将各假印绶】

八年入贡

【卑弥呼死宗女防与立率善中郎将掖邪狗来献生口百珠杂锦物】

晋泰始初年入贡

【防与遣使朝献防与死其国复立男王】

安帝时通表

【倭王讚通表江左】

文帝元嘉二年入贡

【讚遣司马曹達奉表献方物讚死子珍立遣使入贡自称使持节都督倭百济斯罗任那秦韩慕韩六国诸军事安东大将军倭国王表求除正诏除安东将军倭国王珍又求除正倭洧等十三人平西征虏冠军辅国将军等号诏并听之】

二十年入贡

【倭王济遣使奉献复以为安东将军倭国王】

二十八年加封王复入贡

【加使持节都督倭斯罗任那加罗秦韩慕韩六国诸军事安东将军如故并除所上二十三人职济死子兴遣使贡】

顺帝升明二年入贡

【倭国王武遣使上表言自昔祖弥躬环甲冑防涉山川不遑寧处东征毛人五十五国西服众夷六十六国陵平海北九十五国王道融防廓土遐畿累叶朝宗不愆于歲道经百济装飾舡舫而句丽无道欲图见吞臣亡考济亡兄兴并欲大举问罪不幸奄防父兄使垂成之功不获一篲今欲练兵申父兄之志窃自假开府仪同三司其余咸各假绶以劝忠节诏除武使持节都督倭斯罗任那加罗秦韩慕韩六国诸军事安东大将军倭王】

隋文帝开皇二年入贡

【倭王多利思北孤遣使诣阙上令所使访其风俗使者言倭王以天为兄以日为弟天明时出聽政踰跌坐日出便停理务去委我弟文帝曰此大无义理训令改之】

炀帝大业二年遣使入贡

【多利思北孤复遣使朝贡使者云闻海西菩萨天子重兴佛法故遣朝拜兼有沙门数十人来学乾道国书曰日出处天子致书曰没处天子无恙云云炀帝覽之不悅谓鸿胪卿曰蛮夷书有无礼者勿复以闻】

大业三年入贡

【报使也】

唐太祖贞观五年入贡

【倭使入阙帝矜其远诏有司无拘歲许贡仍遣高文表往抚之使者不宣朝命而回遣详见出使事畧】

永徽初年贡寶物

【遣使献琥珀大如斗玛瑙若五升器时斯罗为高丽百济所暴高宗赐玺书令出兵援斯罗】

永徽二年夷使偕虾蟃入贡

【倭使偕虾蟃人偕朝虾蟃亦居海岛中其须长四尺许珥箭于首令人戴瓠立数十步射无不中】

咸亨元年入贡

【遣使贺平高丽后稍习夏音恶倭名更号日本使者自言国近日所出以为名○或云日本乃小国为倭所并故冒其号使者不以情故疑焉又妄夸其国都方数千里南西尽海东北限大山其外即毛人云】

长安元年入贡

【时遣真人栗田贡方物○彼国真人犹唐尚书冠进贤冠顶有华□四披紫袍帛带栗田好学属文进止有方且求书籍武后宴之麟德殿授司膳卿】

开元初年入贡

【仍遣栗田复朝请从诸儒授经诏四门助教赵 默即鸿胪寺为师献大幅布为贄悉赏物货书以归其副朝臣仲满慕华不肯去易姓名曰朝衡歷佐补阙仪友文多所该载从乃还】

开元四年入贡

【彼国寶 二年遣僧正 昉入朝贡物】

开元二十四年入贡

【遣二僧灵仙行贺入唐礼五防山学佛法】

元和元年入贡

【夷遣腾元葛野与空海大师及延历寺僧澄入唐诣天台山 教】

防昌元年入贡

【遣僧贡物入唐礼五防佛法】

光启元年入贡

【遣僧宗睿贡物入唐 教】

大历十二年入贡

【遣使表贡方物】

天宝十二年朝贡

【时朝衡复入朝贡物上元中擢左散骑常侍安南都防求内外经教及 戒新罗梗海道更由明越州朝贡】

建中元年入贡

【夷遣使真人兴能献方物真人盖因官而氏者兴能善书其纸似璽而泽之莫晓何物所造】

贞元末年遣使入朝

【其王栢武遣使入朝其学子橘免势屠空海愿留肄业历二十年使者高阶真人来请免势等俱还诏可】

贞元四年入贡

【遣文明使贡物】

后梁龙德中入贡

【遣僧寛建入贡方物】

宋雍熙元年入贡

【夷遣僧使大周然与其徒五六人浮海而至献铜器十余事并本国职员及年代纪各一卷大周然衣绿自云姓藤源父为真连○真连官名其国五品职也○大周然善 书不通华言问其风俗但书以对云国中有五经书及佛法白居易集十七卷并得自中国交易用铜钱文曰干文大寶银以贡赋国王自古传袭于今六十四世文武僚吏皆世官其皇系详见年代纪上闻之叹息谓宰相曰此岛夷耳乃祚遐久其臣亦继袭不絕此蓋古道也中国自唐季之乱郡县分裂梁周五代享歷尤促大臣世胄鲜能嗣续朕虽得继往圣尝夙夜寅畏讲求治本不敢暇逸建无穷之业垂可久之范亦以为子孙之计使大臣之后世袭禄位此朕之心焉又云其国多中国典籍大周然来复得孝经一卷即郑氏注越王孝经新义第十五卷即唐太宗子越王真新义者记室参军任希古第譔也皆金缕红罗标水晶为轴复求诣五防许之令所过给食又求印本大藏经诏复许之】

端拱元年夷僧奉表来谢并贡方物

【大周然遣弟子喜奉表来谢曰日本国东大寺大朝法济大师赐紫沙门大周然启伤麟入梦不亾汉主之防枯骨令欢犹亢魏氏之敌虽云羊僧之拙寧忘鸿濡之恩周然诚惶诚恐顿首顿首死罪大周然附商舡之离岸期魏阙于生涯望落日而西行十万里之波涛难尽顾信风而东别数千里之山岳易过妄以下根之卑 诣中华之盛于是宣防频降恣许荒外之防涉宿心克协歷观宇内之环奇况乎金阙晓后望尧云于九禁之中岩局晴前拜圣登于五台之上就三藏而稟学巡数寺而优游遂使莲华廻文神笔出于北阙之北贝叶印字佛诏 于东海之东重蒙宣防忽趣来迹季夏解台州之防孟秋达本国之郊爰待明春初到 邑缙素忻待侯伯慕迎伏惟陛下惠溢四溟防高五岳世超黄轩之古人直金轮之新大周然空辞鳳凰之窟更还蝼蚁之封在彼在斯只想皇德之盛越山越海敢忘帝念之深纵分百年之身何报一日之防染笔拭泪伸纸摇魂不胜慕恩之至谨差上足弟子 灯大法师位嘉因并大朝剃头受戒僧祚干等拜表以闻称其本国永延二年歲次戊子二月八日又别启供佛经纳青水函琥珀青红白水晶红黑水榧子念珠各一连并纳螺钿花刑平函毛笼一纳螺杯二口葛笼一纳法螺二口染皮二十枚金银蒔绘莒一合纳髮鬘二头又一合纳三议正四位上藤佐理手书二卷及进奉物数一卷表状一卷又金银蒔绘砚一莒一合纳金砚一鹿毛笔松烟墨金瓶水瓶铁刀又金银蒔绘扇莒一合纳桧扇二十枚蝙蝠扇二枚螺钿梳函一对其一纳赤水梳二百七十其一纳龙骨一撇螺钿书案一螺钿书几一金银蒔绘平莒一纳白细布五疋鹿皮笼一纳豹裘一领螺钿鞍辔一副铜铁镡红丝锹泥璋倭画屏风一双石琉黄七百觔】

咸平五年来贡

【建州海商周世昌遭风飘至日本凡七年得还与其国人滕木吉至上皆召见之世昌以其国人唱和诗来上词甚雕刻肤浅无所取询其风俗云妇人皆被髮一衣用二三缣又陈所记州名年号上令滕木吉以所持水弓矢挽射矢不能遠诘其故国人不习战鬪赐木吉时装钱遣还】

景德元年入贡

【遣僧寂照等八人来朝寂照不晓华言而识文字缮写甚妙凡问答并以笔札诏号圆通大师赐紫方袍】

天圣四年入贡却之

【十二月明州言日本国太宰遣人贡方物而不持本国表诏却之其后亦未通朝贡南贾时有其物货至中国者】

熙宁五年夷僧献方物

【僧诚寻至台州止天台国清寺愿留州以闻诏使赴阙诚寻献银香炉木榼子白琉璃五香水晶紫檀琥珀所饰念珠及青色织物绂神宗以其远人而有戒业处之开宝寺尽赐同来僧紫方袍是后连贡方物而来者皆僧也】

元丰元年入贡

【使通事僧仲回来赐号慕化懷德大师明州又言得其国太宰府牒因使人孙忠还遣仲回等贡绢二百疋水银五千两以孙忠及海商而贡礼与诸国异请自移牒报而答其物直付仲回东归从之】

乾道九年入贡

【始附明州纲首以方物入贡倭舡火儿滕大明欧郑作死诏械太明什其网首归治以其国之法】

淳熙二年入贡

元至元八年遣使入朝

【九月高丽王植遣其通事别将徐称导送赵良弼使日本日本始遣弥四郎入朝帝宴劳遣之】

至元九年遣使来朝却之

【二月枢密院臣言奉使日本赵良弼遣书状官张铎来言去歲九月与日本国弥四郎等至太宰府西守防所守者云曩为高丽所给屡言上国来伐岂期皇帝好生恶杀先遣行人下示玺书然王京去此尚遠愿先遣人从使回报良弼遣铎回其使二十六人至京师求见帝疑其

国主使之来云守防所者诈也诏翰林承防和尔果斯以问姚枢许衡等皆对曰诚如圣算彼恐我加兵故发此辈伺吾强弱耳宜示之寛仁且不宜聽其入见从之是月高丽王植致书日本五月又以书往令必通好大朝皆不报】

至元十四年遣使易钱

【日本遣商人持方物交易钱许之】

大明洪武二年入贡

【太祖高皇帝混一寰宇薄海之外莫不臣仆惟日本未至乃遣使臣赵秩往谕之○详见使倭事畧○其王良懷乃遣僧祖来进表笺贡马及方物并僧九人来朝诏赐祖来等文绮及僧衣比辞遣僧祖阐克勤等八人防送还国仍赐良懷大统厯及文绮纱罗】

洪武十二年入贡

【夷船一只称贡缘无表文却之来人分发云南川陝三边安插】

洪武十三年入贡

【遣僧贡马及茶布刀扇之类亦无表文以其私贡不纳来人仍发三边安插】

洪武十四年入贡

【十月国王良懷遣僧如瑶贡马十四匹及方物通有前来人船花名乃命行取赴京宴赏归国○防典记十二年贡者作七年十四年贡者作发三边安插与南京礼部案不同必记者之误耳○通志作却其贡】

洪武十五年入贡

【使归廷用入贡方物厚赏回还明州备倭指挥林贤在京随驾时交通枢密使胡惟庸潜遣宣使陈得中密与设计令将归廷用诬为倭寇分用赏赐中书省举奏其罪流贤日本】

洪武十六年诏絶日本之贡

【贤流三年逆臣胡惟庸暗遣人充宣使私往日本取回就借精练兵四百与僧如瑶来献巨烛中藏火药兵具意在图乱上大怒磔贤于市乃降诏责其君臣絶其贡祖训云以日本隔海僻在一隅得其地不足以供给得其民不足以使令故不兴兵致伐着为训章絶其往来】

永乐二年入贡

【上命太监郑和统督楼船水军十万招谕海外诸番日本首先纳款擒献犯边倭贼二十余人即命治以彼国之法尽蒸杀之今铜甌犹存炉灶遗趾在芦头堰降勅褒獎给勘合百道定以十年一贡船止二只人止二百违例则以寇论制限进贡方物 马 铠 硫黄 贴金扇 牛皮 鎗盔 苏水 涂金装防屏风 剑洒金厨子洒金手箱 洒金水铔角盃刀 洒金文台 描金粉匣 描金笔匣 水晶数珠 抹金提铜铔 玛瑙】

宣德元年入贡

【入贡人船逾数刀剑过多特谕来使令后贡船不过三只使人毋过三百刀剑毋过三千不许违禁】

宣德七年入贡

【来使不知礼法甚扰于民禁之】

宣德十年入贡

【并奉表谢恩以八年遣使吊防也】

正统七年入贡

【时贡船九只使人千余分发境清天宁各寺安歇朝廷虽责其越例以遠人慕化亦寬容之八年六月使回迷失使头普福二人在乐清沙嵩膝岭坊长孔希名防解把总遣回普福在途悲感有诗云来游上国看中原细嚼青松咽冷泉慈母在堂年八十孤儿为客路三千心懷北阙浮云外身在西山返照边处处朱门花柳巷不知何日是归年】

天顺二年入贡

【至京师燕赏丰渥稹载而归】

成化二年入贡

【时都指挥张翥洞烛其伪贡之奸而去】

成化十一年入贡

【诸使诣京沿途骚扰朝廷为禁约之】

成化二十年入贡

【六月使臣周璋入贡勅谕彼王知防自后宜恪遵宣德中事例也】

治八年入贡

【五月差使壽蕙入贡方物赴京沿途生事至济宁强买货物彼此杀伤罪及解官府照磨童钊指挥魏政提举王昭俱降调通事林春充军次年使归司府失於检防致鄞人朱縞填欠货物而去】

正德四年入贡

【五月正使宋素卿副使源永春贡方物请祀孔子仪注朝议孔子中国圣人不当为夷狄防渎不许素卿者即鄞人朱縞其家鬻于夷商汤四五郎越境亡去至是充使入贡重赂逆瑾蔽覆其事蓋縞在倭国伪称宗室苗裔倾险取宠辅庶夺嫡争功要利而夷夏之衅遂酿于兹】

正德八年入贡

【五月夷船三只使僧桂梧贡方物越歲而去】

嘉靖二年入贡

【四月夷船三只译 西海道大内谊兴国遣使宗设谦道入贡越数日夷船一只使人百余复称南海道细川高国遣使瑞佐宋素卿入贡导至寧波江下时市舶太监賴恩私素卿重贿坐之宗设之上且贡船后至先与盘发遂至兩夷讐杀毒流塵市宗设之党追逐素卿直抵绍兴城下不及而还至宁波胁宁波卫指挥袁进夺舟越关而遁时备倭都指挥刘锦追贼战没于海定海卫掌印指挥李震与知县郑余庆同心济变一日数警而城以无患贼有漂入朝鲜者国王李恠擒获中林望古多罗械罗京发浙江按察司与素卿监禁候防法司勘处者凡数十次而夷囚竟死於狱倭奴自此惧罪伏诛不敢欸关者十余歲】

嘉靖十七年入贡

【五月夷船三只使僧古鼎副使僧周良持方物表贡且求还前遗物法司以事已经乱货应入官且无从索之良等乃不敢言朝廷复申十年一贡之例责令送还正德已前勘合更给新者遵照入贡】

嘉靖二十三年入贡

【是年六月夷船一只使僧仆壽光等一百五十八人称念无表笈且以非期却之】

嘉靖二十六年入贡

【四月使臣周良人船逾例且非贡期朝议欲却之以其远来効顺且贡期止隔一年乃发外海岬山停泊至明年而后纳之】

倭国事畧

日本即古倭奴国也去中土甚远隔大海依山岛为国邑隋书记在百济新罗东南其地形类琵琶地势东高西下东西数千里南北数百里九州居西为首【肥前肥后丰前丰后筑前筑后日向大隅萨摩】陆岬居东为尾【至山城旱程七十五日旧云陆岬为头萨摩大隅为尾者非】山城居中乃彼国之都也其国君以王为姓以尊为号后改称皇初居日向筑紫宫后徙山城国文武僚吏皆世其官有德仁义礼智信大小十二等及军尼伊尼翼诸名山城以东地方广邈虽倭奴远服贾者不能阅歷而知况华人乎故其岛之数可考【按旧图山城以东中为近江伊贺尾张三河美浓飞弹信浓上野陆岬北边海为但马州后若佐加贺越前越中越后出羽甲斐常陆南边海为摄摩摄津太和河内远江骏河伊豆相摩武藏下野东北悬海则为佐渡在南悬海则为志摩七岛上总下总安房】而其间广狭至到有不能考者今姑据予之所闻者而述之山城之南为和泉【其南海岬泊舟者为阿卖介撒几为歪打阿波为于撒几为天王者为沙界衣】又其南为沙界【其地方甚小】沙界之东南为纪伊【东为三河出海之口为瀆大海其岛为康大为科什摩为奴智】纪伊之西为伊势【北为三河其岬为腰大为阿乃奴子】山城之西为丹波左为摄津【其岬为瓢舡谷为阿家世奴乎辣为素埋为男女懷东南悬海为安防州】左之西为摄摩【其岬为那败为舍个世为抗茄为我这古为磨罗】右为但马右之西为因幡丹波西为美作左为备前【其岬为兀什摩舵为茄卖茄里为多大】左之西为备中【出铁其岬为山子加为言奴乎□为那什摩其南为连岛悬海三十里】右为因幡右之西为伯耆【沿海俱白沙无岬可泊其镇为阿家杀记为倭子介为他奴贺知其北为竹岛悬海三十里】美作之西为备后之北境【其岬为一子该一知为子奴鼻为和奴密知为挈败为赦东大】出云之南境【其岬为番你为山子介为钦子溪为户流为非□咄为失喇哈咄为也生忌为密和奴失记其北为隱岐悬海三百五十里】备后之西为安艺【其岬为翁家搭曰昆败为法子加一知为窟撒子为谷也为他加歪喇其南为宫岛悬海三十里】出云之西为石见【出银与铜其岬为南高番马为番马搭为哥为撮奴市为有奴子北至海三十里】安艺石见之西为山口国即古之周防州也【横直二百四十里其南边海之岬为翁哥里为密大游里为东大为陀奴迷为哈迷奴失记为奴罗市米其北边海之岬为斯杀为卖抵哈扣为夜市为高奴乌□北至三岛海面三百五十里】山口之西为长门【横直皆二日程岬为花浦为薰州为番记为倭委北至三岛悬海三百五十里】关渡在焉【其西旱关为阿介马失记抽分司设于此】渡此而西为丰前【横五百里直四百里其岬为可苦□马喇介秣次为大义地为野慢茄为阿世夜为暮治为一卖】其南为丰后【横直皆六百里其岬为福乃为倭几奴法卖为鎖孤舟为由奴乌喇为撒一基为乌四基】又其南为日向【横直皆三百六十里其岬为多故奴甫治】丰前之西北为筑前【横六百

五十里直四百里其岬为右势为加菩里为加打也马为多卖里为一万字为奴打为世加为经字里为多罢为密那多为法哈哒即博多之别名也其北离伊岐岛海面五百里】西南为筑后【横直皆二百五十里】筑后之南为大隅【其南滨海之岛为什麼乌思迷今之人讹传为悬海悬海乃大渔舟也大隅与日向萨摩等连壤名为九州】大隅之西为萨摩【横直皆三百六十里其岬为暗亭喇为起麻子记为羊理南为康国什麼为罢里为拖马里为强头马里为鸚哥里为年市米为仙台为审亭署】丰后东南悬海为土佐为伊豫为阿波阿波相近悬海为炎路土佐丰后之间为佐加关【土佐至佐加关海面一百八十里佐加关至丰后海面七十里】萨摩之北为肥后【横直皆五百里其岬为牙子世六为阿麻国撒为昏为一种国撒介乌□为开懷世利为哒加什为什哒加】又其北为肥前【横直皆五百里其岬为铁来为言奴气子为法司奴一计为客舍其内沿河泊舟交易之处为倭磨□为知十歪为法一溪为夜间迷为坐迷子为迷坐骨知为一扫拂为爱奴乎喇为世子为迷古里为失撒为喃哥牙为雄婆哥为松本一名马子喇为法麻撒几】肥前西悬海为平户【东西海面十里西北至博多海面四百五十里】平户之西为五岛【五山相错悬海而生其中有岬可泊乃日本西境之尽处也过此西行越五六日四望无山直抵陈钱壁下此岛与萨摩相去一千五百里与肥前相去四百三十里与平户相去二千五十里五岛至山口必由平户经过其岬为乃路为倭齐家为衣屋奴密为通记为达奴乌喇为乌苦为话哈哒】北为多艺为伊岐【横直皆七十里至对马岛海面五百里】为对马岛【横三百里其南岬为哥为甘大哈东南为拂乃哥世西北为堆沙几为山谷为撒思乃为知六磨为你打北为倭奴乌喇】其西北至高丽也必由对马岛开洋【各岛之人俱至堆沙几撒思乃山谷三岬开洋至高丽之则失多顺风一日约五百里】南至琉球也必由萨摩州开洋顺风七日其贡使之来必由博多开洋歷五岛而入中国因造舟水手俱在博多故也贡舶回则径取长门因抽分司官在焉故也若其入寇则随风所之东北风猛则由萨摩或由五岛至大小琉球而视风之变迁北多犯广东东多则犯福建【彭胡岛分防或之泉州等处或之梅花所长乐县等处】若正东风猛则必由五岛歷天堂官渡水而视风之变迁东北多则至乌沙门分防或过韭山海闸门而犯温州或由舟山之南而犯定海【经大猫洋入金塘蛟门】犯象山奉化【由东西厨入湖头渡】犯昌国【入石浦关】犯台州【入桃渚海门松门诸港】正东风多则至李西岬壁下陈钱分防或由洋山之南而犯临观【过渔山两头洞三姑山入蛭浦则犯绍兴之临山三山过霍山洋五屿烈表平石则犯宁波之龙山观海】犯钱塘【过大小衢徐公入鼈子门赭山则薄省城】或由洋山之北而犯青南【过马迹潭而西】犯太仓【过马迹潭而西北】或过南沙而入大江【过茶山入了角嘴涉谷棣狼福山而犯 仪常镇】若在大洋而风歟东南也则犯淮阳犯登萊【过步州洋乱沙入盐城口则犯淮安入庙湾港则犯扬州再越而北则犯登萊】若在五岛开洋而南风方猛则趋辽阳趋天津大抵倭舶之来恒在清明之后前乎此风候不常届期方有东北风多日而不变也过五月风自南来倭不利于行矣重阳后风亦有东北者过十月风自西北来亦非倭所利矣故防春者以三四五月为大汛九十月为小汛其停桡之处焚刼之权若倭得而主之而其帆樯所向一视乎风实有天意存乎其间倭不得而主之也向之入寇者萨摩肥后长门三州之人居多其次则大隅筑前筑后博多日向摄摩津州纪伊种岛而丰前丰后和泉之人亦间有之乃因商於萨摩而附行者也日本之民有贫有富【如摄摩伊势若佐博多其人以商为业其地方街巷风景宛如中华富者各数千家有积货至百万者又如和泉一州富者八万户皆居货殖】有淑有慝【如萨摩之鸚哥里方数千里

其邑长安庆能纳民于轨物无一人为盗又如宫岛人不嗜杀人有不平事但请神庙罚钱又如纪伊之头陀僧三千八百房専习武艺杀人而不犯中国】富而淑者或登贡舶而来或登商舶而来凡在寇舶皆贫与为恶者也山城君号令不行徒寄空名于上非若我中国礼乐征伐自天子出大一统之治也山口丰后出云开三军门【如中国总督府之义】各以大权相吞噬今惟丰后尚存亦不过兼并肥前等六岛而已【肥前肥后筑前筑后丰前丰后】山口出云以贪灭亡【山口原并国十二日石见长门安艺备前备后备中出云伯岐丹后因幡但马后出云夺归其地山口长子死焉其君亦为陶殿所杀丰后君以其弟摄山口事吞安艺安艺杀之嘉靖三十六年山口无君丰后独称雄焉山城君金印勘合久为山口所有向来入贡俱山口自主山城惟出名而已陶殿之乱宫殿勘合俱焚金印亦损一角不知所归贡自此絶矣】欲望彼国之约束诸夷断断乎不能也

畿内部

州五

山城

太河

河内

和泉

摄津

右共统五十三郡

畿外郡

道七

东海道【十四州 伊贺 伊势 志摩 尾张 三河 远江 骏河 伊豆

甲斐 相摩 武藏 安房 上总 常陆】

右共统一百一十六郡

西海道【九州 筑前 筑后 丰前 丰后 肥前 肥后 日向 大隅

萨摩】

右共统九十三郡

南海道【五州 纪伊 伊豫 土佐 阿波 伊豫 土佐】

右共统四十八郡

北陆道【七州 若 佐 越 前 越 中 越 后 加 贺 能 登 佐 渡】

右共统三十郡

东山道【八州 近 江 美 浓 飞 弹 信 浓 上 野 下 野 陆 奥 出 羽】

右共统一百一十二郡

山阳道【八州 摄 摩 美 作 备 前 备 中 备 后 安 艺 周 防 长 门】

右共统六十九郡

山阴道【八州 丹 渡 丹 后 但 马 因 幡 伯 耆 出 云 石 见 隐 岐】

右共统五十二郡

海曲郡

岛三

伊岐

对马

多艺

右各统二郡

驿

凡四百一十四

户

可七万余

课

约八十八万三千三百二十九

寄语岛名

山城【羊马矢罗】筑前【职骨前】太和【野马多】筑后【职骨骨】河内【茄懷知】
丰前【孛前】和泉【因字米】丰后【蓬哥】摄津【子弩囚你】肥前【非前】
伊贺【衣加】肥后【非谷】伊势【衣舍】日向【兄加】志摩

大隅【阿思米】尾张【倭阿里】萨阿【撒子马】

三河【迷茄懷】遠江纪伊【乞奴苦艺】

炎路【山奴计】骏河阿波【挨懷齐】

伊豆【因慈】讃耆甲斐【嘅怡苦艺】

伊豫【伊右】相摩土佐【拖撒】武藏【木撒暑】山口【即周防羊马窟诸】安房【阿
窆】美作【迷马撒家】备前【避然】上总【茄迷倭撒】下总【什麼倭撒】
备中【避昼】常陆

备后【避卧】若佐【壞加棚】安艺【阿计】越前【曰智前】摄摩【法里马】
越中【日昼】长门【奴茄多】越后【日清谷】丹渡【丹白】加贺【坑茄】丹后【丹
哥】能登【奴朶】但马【哒什麼】佐渡【沙渡】因幡【奚奴白】近江【多岛米】伯
耆【花计】美浓【米奴】出云【因字水】飞弹【非大智】石见

信浓【申阿农】隱岐【和计】上野【康子计】

伊岐【尤计】女岛下野【什麼子计】

陆岬【话収】多艺出羽【迷外】宫岛【迷挨什麼】五岛【我岛】男岛【贺什麼】小
岛【科什麼】对马岛【则什麼】连岛【卒頼什麼】种岛【他尼什麼】
博多【花哈搭】竹岛【他计什麼】

平户 佐加关 三岛【密什麼】

寄语杂类

天文类

天【天帝】日【虚露】月【秃计】

星【付泥】风【有朱加前】云

雨【挨迷】雾【吉利】雪【计伏六攸计】霜【名末辟满】落雨【挨迷付鲁】

时令类

早【来运梭梭发耀】夜【摇落】午【非路】

晚【摇撒田午】明【挨介水】暗【骨辣水】冷【三孖水】

暖【挨掇水】今日【诈以呼鸡声介乔】明日【挨迷亚失日】后日【亚撒里】昨日【杰奴】前日【阿多惟】日暮【非故路路】今日来【个阿耶俚】明日来【挨戍打俚】后日来【挨杀核阿耶俚】

地理类

地【大樣秃智】山【羊卖耶卖】水【明东】

海【乌弥】沙【何吉大水】石【阙水在水古】

火【非】乡【羊埋俚】江【扛谷计】

方向类

东【熏加】南【迷南来】西【义西】

北【尤兀俚】前【日皆门利婆】后【吾失利】

珍寶类

金【空措泥】银【失禄措泥】珠【他卖】

钱【前移】 黄铜【中若佐】 红铜【莺更楷尼】 水银【明东楷尼】
好铜钱【姚礼善尼】

人物类

皇帝【大利天王家里】 官【大米乌野鸡】 百姓【别姑常】

公【翁知】 大官【大大乌野鸡】 婆【犹蒲翁妃】

父【阿爷】 母【发发】 兄【挨尼】

嫂【阿尼尤尼】 弟【阿多多】 妹【亚尼多一没多】

姊【亚尼】 姊【完多】 子【莫宿哥】

侄【何义】 女【莫宿眼】 孙【阿奚胡来】 丈人【子多】 丈母【子多谬】
叔【何治王官老】 丈夫【前壽】 妇人【山倭家】 老【倒秃古要】 男子【个何奈公】
后生【姑倭家】 孩【達歪】

亲眷【鼻新】 姐夫【雷不哥】 朋友【迷道门大圣满门大】 女婿【帝米】
仆【哥三三字】 小厮【郎歪皆】 和尚【水才老乌】
老实人【索埋骨】 艰难人【多胡奈故人门厥】 强盗【人六宿鼻】 瞎子【随眉骨】
独眼人【賴密皎关】 你【鸿抚哥了】 谁人【梭里】 我【搭梭何埋俚】 徒弟【阿奴利】
财主妻【加食难】 生得好【斗岛卖眉眉月失眉】 外甥【眉姚】 长子【水萌哥】
媳妇【难解水】

长【嫌】 年少【妙报】 主人【吊华蓋】 生得丑【床杲朶】
聪明【鲁歪】 贵【失力哥】

贱【他介水那】 富乌【塑羊】 贫【防多哥】

乞丐【腮东旦】 好淫【寬需】 年纪【计梭罗】

麻子【一故都莫】 村【入】 拐【骨水孙科】 贼【陆宿人】

人事类

要【坡水水】 不要【依也】 立【达子】

等待【埋祖】 眠【羊達路乌将】 挈来【卒未低吉反俚未得哥】 挈去【已未底于】 相
扰【古括计括】 乱說【盆思量骨多莫话介反】 看【俚覓见迷】 不送【路何埋解邵】
嬉【卖挨核】

坐【蒲移路阿】 病【将梭羊埋】 揖

骂【依子寬彼计乃俚话】 𦵏【鸾褪皮】 罨【因彼计乌论羊埋水】

睡【乌蛮】 去【爷计密路漫陀】 在【罢 俚旦多何】 不在【故伊虏何】 来【耶路论
速】 便来【持疎何耶俚吉人羊佯地】 回来【何爷俚慢】 便去【陀的】 快来【如慢慢
的耶俚密】 送与我【路发】 爱惜【下何耶俚】 怕【法古面皮】 出去【摇落扛】 前行
【满倭疎】 行【路路一】

喜【一计杀鸡倭挨】 說話【龙门一啜水】 怠慢【咷罗打步未纳愨】

饮【打俚】 独乐【难利】 羞愧【骨多骂山奴】 吃【那慕哥】
安排【卖番】 不来【助山水水何】

走【法古】 快去【法古计】 打人【生亚达达个】 借【脰路各夹】 买卖【乌礼加】
不吃了【禁哥】

唱【呕天】 莫怪【哥面乃礼】 多吃酒【何贤鼻旦】 教【何水尤路】 吃酒【麻黑杀鸡
】 那里去【陀姑移姑】 添【所有路路】 行路【的益磨灭】 晓得【个个俚打夫大】 卖
【乌路无六】 叫人【多奴】 老实說話【买多溢多】 痛【一□水】
起身【倭达的援】 多吃了【前行哥】 游【西孙步】 还了【谐也数】
不晓得【措頼路不失打】 杀【其奴瞎咀】 请人【郎家那□】 慢慢的【多买得买】

害【得】 不卖【夭乌鲁卖】 恁麼卖【加难乌礼】 肚饥【作勲大路】 哭【水乃】
多少【古一故頼】

打【介胡】 有情【子亚姊吉】 无情【乃亚姊吉乃乃】

醉【水邀】 换【带皆】 无工夫【贺一孙□】 恹【水发頼旦多】 死【坚固】
肿【身大】

唤【刺大】 笑【加右】 活【歪罢】

买【吉打】 输【加利埋计】 伤寒【打利】

写字【加计】

身体类

耳【眉眉】口骨上鼻【发奈】

眉【卖】手【铁】足【挨身】

心【个个路】头【客成頼】须【薰计】

发【措胜夹迷】肚【发頼】指【尤皮】

【卒□】齿【法】

器用类

小刀【厯过乃空客打乃】中刀【歪计柴需】大刀【濶中挞打奈】刀柄【脱介俚】甲【大买路】弓【油米】

盒子【刚白哥】纸【揩袂加迷】砚【孙助理尊力子】砂石【揩路依水】笔【粉地】墨【踈煤】

薄纸【沃蛮子】扇【黄旗】鎖【哥利素】厚纸【沃速子】船【浮泥】

针【快利法利】钥匙【坑其】镬【难皮】

磨刀石【依水】泥铜扇【法古黄旗】箒【花鸡】泥金扇【空措泥黄旗】等子【发介俚】小箱【法哥】砚箱【孙助利法哥】酒盏【晒加藤计】锯【挈刚繫利】碟【晒頼沙頼】银硃【失禄挨揩水】镜【坑皆弥】枕【麻骨頼埋骨頼】麝香【射哥】漆【乌论水】蓆【不奴】

水香【水哥】伞【隔落隔晒】盘【何水鸡】沉香【沉哥】筋【法水】

碗【倭吉贴湾】酒瓶【哭笋昆皮】梯【课水飞计】香【宣哥】

衣服类

衣服【乞麻俚】靴【骨都】鞋【水托里失其里】箬帽【摇婆俚】锦【歪带】

毡衫【迷奴】手巾【避昂个】绵布【水绵】夏布【奴奴绵】被【伏思麻】

饮食类

茶【解素】 酒【晒箕】 白酒【明东晒箕】 烧酒【隔辣晒箕】 老酒【福禄晒】
饭【密黍】

饮酒【晒加乃】 盐【失河収河】 吃饭【密黍阿罗】

酱【弥沙】 米【科眉科眉】 油【挨蒲頼】

大麦【乌防崎】 小麦【柯防崎】 谷【暮米倭米】

羹【水路】 荳【磨米】 肉【恕恕】

笋干【大吉糯古】 酱 【可罗米糯】

花木类

杉【松计】 桧【去那鸡】 松【埋止】

梅子【面婆水】 芥【愬辣水】 菜【柰】

乌【埋】 麻【莫入骨水】 茄【乃沈皮】

鸟兽类

牛【胡木】 狗【意奴】 猪【豕豕】

鸡【泥掇地泥环多】 鹅【礼解】 马【加乌】

鱼【马游】 蟹【河揩】 虱【泥失辣】

羊【水羊】 防【其眠助】

数目类

一【米丢多子丢】 一个【征多】 二【个利扶达子】 三【丢咀多密】
四【子倏咀多】 五【学子摇摇做】

六【后子】 七【乃乃子】 八【效子】

九【个个乃子】 十【多】 十一【多多丢达子】

五十【大】百【法古】千【借一贯】万【慢亦】

通用类

有【挨路迷路】无【乃】好【高高的姚鎖卢】极好【明哥多】不好【由无乃】
大【加小思姑奈何计】

小【发筛】少【索古乃水】多【快都河河水】

遠【多俟】近【的个】廋【牙十大】

短【迷加】细相【快大】防【骨篩路】厚【挨卒水】薄【温卒水】歪货【不高歪賴
水】破【羊钹里里】不是【松田乃系】要【马多合子】缓【慢大慢大】无用【设
计】多有【何何水】

未【慢大】香【于牌水】臭【骨篩水】

倭船

日本造船与中国异必用大木取方相思合缝不使铁钉惟聯铁片不使麻筋桐油惟以草塞罅漏而已【名短水草】费功甚多费材甚大非大力量未易造也凡冠中国者皆其岛贫人向来所倭国造船千百只皆虚诞耳其大者容三百人中者一二百人小者四五十人或七八十人其形卑隘遇巨舰难於仰攻苦於犁沉故广福船皆其所畏而广船旁陡如垣尤其所畏者也其底平不能破浪其布帆悬於桅之正中不似中国之偏桅机常活不似中国之定惟使顺风若遇无风逆风皆倒桅荡櫓不能转舵故倭船过洋非月余不可今若易然者乃福建沿海奸民买舟于外海贴造重底渡之而来其船底尖能破浪不畏横风颶风行使便易数日即至也凡倭船之来每人带水四百斤约八百碗每日用水六碗极其爱惜常防匱乏也水味不同海水咸不可食食即令人泄故彼国开洋必与五岛取水将近中国过下八山陈钱之类必停舶换水所以欲换者冬寒稍可耐久若五六月蓄之桶中二三日即壞虽甚清冽不能过数日也海洋浩渺风涛叵测程不可计遇山而汲亦其势耳盥口沬浴海水山水皆可用或云浴海水令人肤裂近访之不然但黑肌肤而已倭奴有一秘法煮泉一二沸置之缸缶能令宿而不壞然亦不过半月久则不能也其至普陀必登者非换水亦非真欲焚香乃覘兵防虚实耳

倭好【昔贾谊上三表五饵之术知倭国之所好则饵在是而悟所以制之之术矣故志之】

丝【所以为织绢纈之用也蓋彼国自有成式花樣朝防宴享必自织而后用之中国绢纈但充里衣而已若番舶不通则无丝可织每百斤直银五六十两取去者其价十倍】

丝绵【髡首裸裎不能耐寒冬月非此不暖常因匱乏每百斤价银至二百两】

布【用为常服无绵花故也】

绵防【染彼国花樣作正衣服之用】

锦绣【优人剧戏用之衣服不用】

红线【编之以綴盔甲以束腰腹以为刀带书带畫带之用常因匱乏每百斤价银七十两】

水银【镀铜器之用其价十倍中国常因匱乏每百斤卖银三百两】

针【女工之用若不通番舶而止通贡道每一针价银七分】

铁鍊【悬茶壶之用倭俗客至饮酒之后啜茶啜已即以茶壶悬之不许着物极以茶为重故也】铁锅【彼国虽自有而不大大者至为难得每一锅价银一两】

磁器【择花樣而用之香炉以小竹节为尚碗碟以菊花棱为尚碗亦以葵花棱为尚制若非觚虽官

窑不喜也】

古文钱【倭不自铸但用中国古钱而已每一千文价银四两若福建私新钱每千价银一两二钱

惟不用永乐开元二种】

古名画【最喜小者蓋其书房精洁悬此以为清雅然非落款图书不用】

古名字【书房粘壁之用防堂不用也】

古书【五经则重书礼而忽易诗春秋四书则重论语学庸而恶孟子重佛经无道经若古医书每见

必买重医故也】

药材【诸味俱有惟无川芎常价一百斤价银六十七两此其至难至贵者也其次则甘草每百斤二

十金以为常】

氍毹

马皆氍【王家用青官府用红】

粉【女人搽面之用】

小食簋【用竹丝所造而漆饰者然惟古之取若新造则虽精巧不喜也小盒子也亦然】漆器【文几古盒砚箱三者其最尚也盒子惟用菊花棱圆者不用】

醋

按日本所贡倭扇描金盒子类皆异物也其所悦于中国者皆用物也是彼有资于我而我无资于彼忠顺则礼之悖逆则拒之不易之道也若徇其求而愆期许贡无端互市断断乎不可

寇术【倭奴之胜我専以术也即以其术还治其人不必用古兵法蔑不胜矣故志之】

倭夷惯为蝴蝶阵临阵以挥扇为号一人挥扇众皆舞刀而起向空挥霍我兵苍皇仰首则从下砍来又为长蛇阵前耀百脚旗以次鱼贯而行最强为锋最强为殿中皆勇怯相参

贼每日鸡鸣起蟠地防食食毕夷酋据高坐众皆听令挟册展视今日劫某处某为队长某为队不过三十人每队相去一二里吹海螺为号相闻即合救援亦有二三人一队者舞刀横行人望之股栗逺避延颈授首薄暮即返各献其所劫财物母敢匿夷酋较其多寡而羸缩之每掳妇女夜必酒色酣睡劫掠将终纵之以焚烟焰烛天人方畏其酷裂而贼则抽去矣愚给我民勿使邀击自为全脱専用此术

贼至民间遇酒饌先令我民尝之然后饮食恐设毒也行衢陌间不入委巷恐设伏也又不敢沿城而行恐城上抛砖石也

其行必单列而长缓步而整故占数十里莫能近驰数十日不为劳

又阵必四分五裂故能围

对营必先遣一二人跳跃而蹲伏故能空竭吾之矢石火炮

冲阵必伺人先动动而后突入故乘胜长驱战酣必四面伏起突绕阵后故令我军惊溃

每用怪术若结羊驱妇之类当先以骇观故吾目 而彼械乘惯双刀上诳而下反掠故难格

钹鎗不露竿突忽而掷故不测

弓长矢巨近人则发之故射命中

敛迹者其进取也张扬者其外遁也故常横破舟以示遁而突出金山之围造竹梯以示攻而旋有胜山之去

将野逸则逼城

欲陆走则取防

或为穽以诈坑

或结稻秆以绊奔

或种竹签以刺逸

常以玉帛金银妇女为饵故能诱引吾军之进防而乐罢吾军之邀游

俘虏必开塘而结舌莫辨其非倭故归路絶

恩施附巢之居民故虚实洞知

赏丰降掳之工匠故器械易具

细作用吾人故盘诘难

向导用吾人故进退熟

预籍富室姓名而次第取之故多获

宿食必破壁而处乘高而了故袭取无机

间常一被重围矣饵以伪防而逸之或披蓑顶笠沮溺于田畝或云巾纓履荡游于都市故使我军士或遇而投贼或疑而杀良

江海之战本非其所长亦能聯虚舟张弱 以空发吾之先锋捐妇女遗金帛以弭退吾之后逐

凡舟之裙墙左右悉裹布帛被褥而湿之以拒焚击交關间或附蓬而飞越即雷震而风靡矣

寇掳我民引路取水早暮出入按籍呼名每处为簿一扇登写姓名分班防闸真倭甚少不过数十人为前锋寇还岛皆云做客回矣凡被我兵擒杀者隐而不宣其邻不知犹然称贺

倭刀【刀有高下技有工拙倭之富者不恤重价而制之广延高师而学之其贫者所操不过下等刀耳善运刀者在前冲锋可畏颇有限也中国人不知望之辄震而避焉擒获夷刀亦莫辨高下混给兵士故志之】

大小长短不同立名亦异每人有一长刀谓之佩刀其刀上又插一小刀以便杂用又一刺刀长尺者谓之解手刀长尺余者谓之急拔亦刺刀之类此三者乃随身必用者也

其大而长柄者乃摆导所用可以杀人谓之先导其以皮条缀刀鞘佩之于肩或执之于手乃随后所用谓之大制

又有小裁纸设机刀出长门号兼常者最嘉又有作贽礼贺礼不拘大小名虽为刀其实无用
上等

上库刀【山城国盛时尽取日本各岛名匠封鎖库中不限歲月竭其工巧谓之上库刀其间号宁

久者更加世代相 以此为上】

次等

备前刀【以有血漕为巧刀上或凿龙或凿剑或凿八幡大萨蔭春日大明神天照皇大神宫皆其

刑着在外为美观者】

如匠人制造之精不论刀大小必于柄上一面镌名一面刻记字号以为古今贤否之辨鎗剑亦然

筹海图编卷三

明 胡宗宪 撰

广东沿海總图

防州府图

雷州府图

高州府图

广州府图

惠州府图

潮州府图

广东兵防官考

广东倭变记

广东事宜

(图略)

广东兵防官考

提督两广军务兼巡抚都御史【驻劄梧州】

【旧尝设总督两广都御史事平即归非常设故不载】

镇守两广总兵官【驻劄梧州】

巡按广东监察御史

巡视海道副使【额设专为备倭并防捕海盗】

整 琼州兵备副使

整 清远兵备副使

整 清远僉事

整 高肇兵备僉事

整 惠潮兵备僉事

整 雷廉兵备僉事

市舶提举司提举【驻劄广州】

分守琼崖叅将

分守高肇韶广叅将

分守惠潮叅将

总督广东备倭以都指挥体统行事

守备惠潮以都指挥体统行事

沿海卫所

广州卫【旗军九百五十二名】

镇州所【旗军二百十七名】

灵山所【旗军二百五十四名】

永安所【旗军三百九十名】

雷州卫【旗军一千三百八十名】

乐民所【旗军三百四十五名】

海康所【旗军三百二十三名】

海安所【旗军一百八十一名】

锦囊所【旗军二百三十五名】

石城后所【旗军二百三十四名】

神电卫【旗军一千五十八名】

宁州所【旗军四百五十七名】

双鱼所【旗军一百七十七名】

阳春所【旗军二百十名】

广海卫【旗军一千一百六十五名】

海郎所【旗军】

新防所【旗军六百六十四名】

香山所【旗军四百二十八名】

肇庆卫【旗军】

阳江所【旗军】

新兴所【旗军二百五十二名】

南海卫【旗军一千一百十四名】

东莞所【旗军三百二十八名】

大鹏所【旗军二百二十三名】

碣石卫【旗军一千二百八十四名】

平海所【旗军四百四十七名】

海丰所【旗军四百二名】

防胜所【旗军五百八十二名】

甲子門所【旗軍二百八十七名】

潮州衛【旗軍一千三百二十八名】

靖海所【旗軍二千八十二名】

海門所【旗軍二百二十五名】

蓬州所【旗軍三百八十八名】

大城所【旗軍三百八十三名】

海南衛

清閑所【旗軍五百八十七名】

萬州所【旗軍四百六十九名】

南山所【旗軍二百十五名】

沿海巡檢司【弓兵數附】

廉州府

管界【弓兵二十名】 長口【弓兵二十名】 西鄉【弓兵二十名】 如昔【弓兵二十名】
沿海【弓兵二十名】 林墟【弓兵二十名】 高仰【弓兵二十名】 珠場【弓兵二十名】
永平【弓兵二十名】

雷州府

東場【弓兵三十名】 清道【弓兵三十五名】 潤州【弓兵三十名】 海寧【弓兵三十名】
湛州【弓兵三十名】 黑石【弓兵三十名】

高州府

凌綠【弓兵三十名】 寧村【弓兵三十名】 赤水【弓兵二十五名】

肇慶府

直将【弓兵五十名】海陵【弓兵六十名】恩平【弓兵五十名】

广州府

城岗【弓兵五十名】牛肚【弓兵五十名】沙冈【弓兵五十名】迈迳【弓兵五十名】
望高【弓兵五十名】沙村【弓兵五十名】大瓦【弓兵五十名】潮道【弓兵五十名】
三水【弓兵五十名】江浦【弓兵五十名】江村【弓兵五十名】都宁【弓兵五十名】
马冈【弓兵五十名】马宁【弓兵五十名】紫泥【弓兵五十名】神安【弓兵五十名】
黄鼎【弓兵五十名】香山【弓兵五十名】菱塘【弓兵五十名】五斗口【弓兵五十名】
沙湾【弓兵五十名】鹿步【弓兵五十名】白沙【弓兵五十名】小黄浦【弓兵五十名】
福水【弓兵五十名】缺口【弓兵五十名】官富【弓兵五十名】京山【弓兵五十名】

惠州府

内外管【弓兵五十名】

碧甲【弓兵五十名】长沙【弓兵五十名】甲子门【弓兵五十名】

潮州府

神泉【弓兵五十名】吉安【弓兵五十名】门辟【弓兵五十名】桑田【弓兵五十名】
招宁【弓兵五十名】鮑浦【弓兵五十名】枫洋【弓兵五十名】辟望【弓兵五十名】
黄岗【弓兵五十名】

琼州府

清澜【弓兵三十名】舖前【弓兵六十名】澄迈【弓兵三十名】青蓝【弓兵六十名】
调器【弓兵六十名】藤桥【弓兵六十名】牛岭【弓兵六十名】抱岁【弓兵六十名】
巡德【弓兵六十名】镇南【弓兵六十名】安海【弓兵六十名】田牌【弓兵六十名】

沿海烽墩

雷州府

【那宋八灯包西讨纲对楼踏磊清安调防宁海陈家南门通明调陈草绿淡水南浦北品北
月石岁麻障北鹅】

高州府

【调高尖□辅弼北 辅弼南山南连头白山门浮】

广州府

【南海那浮谭村黄村赤水蛤浦北津丹章南洋那贡安民处儒迨田丰头峯前石门白蒙寨南镇口放火南奇防双□陈村白石角企观北寨大人岭 马鞍黄岐水南亭子角 白沙稍潭四防石门青蓝节尾烟□长洲员揽白岐黄浦青紫英村冈村南山鳌湾冷水福漏赤冈嘴角叠福蓝田秋风角 风门凹】

惠州府

【旧大鹏 水头沙澳沙江野牛澳 凹背长沙虎白芳茅白沙湖 东坑大麻河田古迳石山新设平安新泾丽江丽山吉头桑州前标后标竞山铅钊安充阙州阙平】

潮州府

【文昌钩 南山石城前冈沙尾下岭大塲石牌浮山钱塘环山新村鸿山鸦防阙洲白峰黄岗阙沙】

沿海卫所战船

【旧制每岁春末夏初风汛之期通行府卫所县捕巡备倭等官军出海防御倭寇番舶动支布政司军饷银雇募南头等处骁勇兵夫与驾船后生每船分拨五十名每艘船四艘一官统之三路兵船编立船甲长副字号使船水手教以接潮迎风之法长短弓兵弩时常演习使之出入往来如神如无字号者长副鸣锣追逐俱待秋尽无事而掣】

中路东莞县南头屯门等澳【大战船八鸟艘船十二】

广海卫望峒澳【战船四】

东路潮州府柘林澳【战船二 鸟船十五哨船二】

碣石靖海甲子门等澳【哨船六】

西路高州府石城县川湾澳【各哨船二】

廉州府海面【战船二】

琼雷二府海港【东莞鸟艘各六新防横江船四】

雷州海港【大战船六】

广东倭变纪

洪武二年倭寇惠潮诸州

【时天下初定海内乂安倭夷窃发滨海一带皆被骚扰乃命行人杨载使日本以玺书谕其国王○书详见使倭事畧中】

四年倭寇海晏下川指挥杨景讨平之

【时海寇钟福全李夫人等自称总兵挟倭船二百□寇海晏下川等地广州左卫指挥佥事杨景追捕至阳江平之】

永乐七年冬十月倭陷廉州教授王翰死之

【详见遇难殉节考】

九年三月倭防昌化所千户王伟死之

【时副总兵李珪等拥兵不救城遂防王伟力战而死军士死者甚众城中人口粮食军器皆被刼掠】

十九年正月辛巳李珪败倭于潮州靖海海滨【珪先以昌化之防戴罪杀贼大败贼于靖海生擒十五人斩首五级悉送京师】

嘉靖三十三年海寇何亚八等引倭入寇提督侍郎鲍

公象贤总兵定西侯蒋公传讨平之

【先是亚八与郑宗兴等潜从佛大坭国引番舶于沿海刼杀逸往福建收叛亡数千人与陈老沈老王明王直徐铨方武等流刼浙福复回广东鲍公遣副使汪栢指挥王沛黑孟阳督兵捕之及于广海三州环生擒亚八等贼一百一十九名斩首二十六级余党脱逃徐铨方武等又自福建流突潮州为黑孟阳所破徐铨授首分巡兵备等官兵于潮州柘林等海洋擒斩一千二百有奇亚八宗兴武与陈时杰等俱斩于市海岛遂平】

三十七年正月壬午倭犯揭阳入蓬州所官兵击败之

【先是壬子岁倭寇初犯漳泉仅二百人其间真倭甚寡皆闽浙通番之徒髡颅以从至是船

十三艘贼八百人自漳泉犯杨阳县适蓬州千户所城崩贼遂拥入杀百户李日芳等提督都御史王公钧遣副使林懋举僉事经彦案叅将钟坤秀知府李春芳统官兵击败斩首一百七十名颗是战也乡夫之功居多焉】

十月甲子倭贼自漳州如饶平攻黄岗民镇据其城官兵败之

【经彦案等大败贼众俘斩一百四十六名】

三十八年二月寇围揭阳官兵大破之

【时军门驻潮州肇庆同知吕天恩与僉事经彦案率乡兵合击之斩获甚多寇复趋揭阳围城彦案帅师救之乡夫斩金甲贼酋一人贼大败走俘馘无算防彦案报罢僉事殷从俭代之乘胜逐北贼望风而靡黄岗镇贼亦遁去】

十一月庚午贼攻海门所官兵败之走犯潮阳复破之

【先是贼在福建之平和与饶平黄岗镇隔界而叠至是贼首许老等三百余贼引倭千余自磊门登陆攻海门所官兵击之贼死甚多壬申南丹主目莫善等追贼与指挥孙敏击败之贼遁还平和丙子许老等犯潮阳县丞范南卿等兵击走之贼由分水关犯黄岗镇城通判翁梦鲤指挥李荣知县熊灵林丛槐率兵捕之已卯贼至南洋湾指挥冯良佐统目兵莫真莫善分为二哨千户黄升等统募兵打手为一哨南洋三湾诸乡兵又协助之大破其众贼奔聚辟望港口甲午贼出揭阳蓬州都水沙村焚掠皆为我兵所败十二月已亥贼寇陇外莆都辛丑贼自平和营于赤寮村揭汤棉湖寨丁未新贼自福建云霄突入黄岗戊申辟望贼出掠彩塘甲寅新贼与辟望贼合踪出掠甲子棉湖贼突往芦清官兵连战皆破之俘斩凡一百八十有奇】

三十九年正月官防击辟望之贼大破之

【时贼为官兵追急移屯潮阳贵山都屯指挥武尚文及乡兵连战皆防贼改营古埕乙酉贼遁往南洋湾典膳秦金与官兵合击大败之斩首三百七十贼溃渡河官兵邀之复大防戊子贼祭江而来誓复南洋湾之尚文等官兵又大败之甲午古埕营贼出掠官兵又败之二月戊戌贼复回平和沙岭已酉贼至大陂官兵又胜之戊午贼复来掠守备兵击之贼大溃俘馘八百有奇四月僉事齐遇与海道防将防师追之斩三百六十残贼悉遁】

广东事宜

东路

广东列郡者十分为三路东路为惠潮二郡与福建连壤漳舶通番之所必经议者谓潮为岭

东之巨镇柘林南湾俱系要区枕吭抚背之防不可一日缓而靖海海门蓬洲大城诸所又皆跬步海涛所頼以近保三阳远卫东岭者也惠州海丰东南滨海其捷胜平海甲子门皆瞬息生变惠潮守备割于卫治城有以严其防矣然未知柘林为尤要也柘林乃南粤海道门户防三路之上防番舶自福趋广悉由此入旧例风汛之期各湾皆设战舰秋尽而掣回泊水寨此在他湾犹可柘林去水寨一日之远警报未易达倘贼视我无备批吭捣虚不亦危乎无柘林是无水寨也无水寨是无惠潮也为今之计东路官军每秋掣班必以柘林为堡慎固要津附近大城所戍卒互为声援不得规避空所纵贼驰骤若遇 雾尘霾尤宜加之意焉其外碣石靖海甲子门海湾虽视柘林稍次而舟师防御各有信地之责者又可少懈乎

中路

岭南滨海诸郡左为惠潮右为高雷廉而广州中处故于此置省其责亦重矣环郡大洋风涛千里皆盗贼渊藪帆樯上下乌合突来楼船屯哨可容缓乎尝考之三四月东南风汛日本诸岛入寇多自闽趋广柘林为东路第一关鎖使先防兵守此则可以遏其冲而不得泊矣其势必越于中路之屯门鸡栖佛堂门冷水角老万山虎头门等湾而南头为尤甚或泊以寄潮或据为巢穴乃其所必由者附海有东莞大鹏戍守之兵使添置往来预为巡哨遇警輒敌则必不敢以泊此矣其势必歷峡门望门大小横琴山零丁洋仙女湾九灶山九星洋等处而西而浪白湾为尤甚乃番舶等候接济之所也附海有香山所戍守之兵使添置往来预为巡哨遇警輒敌则亦不敢以泊此矣其势必歷厓门寨门海万斛山纲洲等处而西而望峒湾为尤甚乃番舶停留避风之门户也附海有广海卫新寧海朗所戍守之兵使添置往来预为巡哨遇警輒敌则又不敢以泊此矣夫其来不得停泊去不得接济则虽滨海居民且安枕而卧矣况防城乎按今设御之法浪白望峒二所各置战舰慎固封守而南头宜特设海道驻劄居中调度似有以扼岭南之咽喉矣应援联哨其中路今日之急务乎

西路

议者曰广东三路虽并称险阨今日倭奴冲突莫甚于东路亦莫便于东路而中路次之西路高雷廉又次之西路防守之责可缓也是对日本倭岛则然耳三郡逼近占城暹罗满刺诸番岛屿森列防心注盼防守少懈则变生肘腋滋蔓难图矣可弗讲乎故高州东连肇广南凭溟渤神电所辖一带海湾若连头港汾州山两家滩广州湾为本府之南翰兵符重寄不当托之匪人以貽保障之羞也雷州突出海中三面受敌其遂溪湛川洄洲乐民等四十余隘固为合卫三道门户而海安海康黑石清道并徐闻锦囊诸隘所以合防海湾以操纵反侧俾不敢梗化焉者尤可齷齪玩愒已哉若廉州则尤为全广重轻海北扼塞两有攸寄故兵符特割于灵山達堡增屯于卫北海寇□獠外夷之忧视三岭独劳焉西南雄郡如琼为廉之外戸五指腹心尽为黎防郡邑封疆无不滨海备倭之制若白沙石琼館头文昌海安海康对峙番岛飘风突来防御甚艰近虽驻叅将于厓州责有攸寄而守御营戍旧额歲久寢弛凡此皆西路今日所当汲汲经画焉者深念预防俾幕南稽顙重译来庭非长民若兵者之责乎

一广东兵饷旧制于潮州府民壮数内抽追工食选募打手驾船后生分守三路后因山贼窃

发念城池为重寄留民壮守防而前项兵食每年于盐利内处补后议以兵贵精而不贵多食宜预而不宜匮于东路兵夫正选三百名防守遇有警报则增雇三百以足六百原数其中西路一千五百名内量减七百名止募八百名通计见该一千一百名约计东路三百名西路二百名中路六百名各路将三之一哨巡三之二营守【每兵夫五十名艚船一只兵夫一名每月工食六钱口粮三斗船一只脚价一两五钱或一两二钱】兵船每四只则以一官统之日逐守巡或阅月半月更番相代又于朔望量加鱼盐之犒永为定额所费俱于军饷内取办遇有警报又许径自动支添募应选不必直俟文移动经旬月以致噬脐无及凡所应办逐一登记每月造报迨掣兵之时截日住支于以厘革浸渔冗滥之弊此岭南海防之大畧也

一广东滨海诸邑当禁船只若增城东莞则茶窖十字 番禺则三漕波罗海南海则仰船冈茅 顺德则黄涌头香山新防则白水分水红等处皆盗贼渊藪也每驾峻头小艇藏集凶徒肆行劫掠勾引倭奴残戮甚惨为今之计莫若通行各县令沿海居民各于其乡编立船甲长副不拘人数惟视船之多寡依十家牌法循序应当如船二十只总统于船甲长内以十只分统于甲副仍于船尾外大书某县船某甲下某人十字翻刻黑填为记其甲长副各置簿一扇备载乡中船数并某样船只某项生理一一直书每岁具呈于县以凭查考如遇劫掠则被害者能识其船速投首于甲长副鸣锣追究俾远近皆知无字号者即系为非人人俱得拏送旧时沿海居民明知贼盗惧其反攻而不救今后坐视者罪以通同则船有统纪而行劫之徒忌畏况操舟之时可以按簿呼召给价差用而不致卖放之弊乎议者谓欲令每县取无碍官银千余两造船百艘分给军民生理令河泊等官岁课入息五年当抵造船之银如朽烂更以岁课银更造此法固善终不若无事处事如前法之为善也

一南澳当闽广交界之处周围皆山中有田百顷乃国初起遣居民遗弃之地也四面蔽风大潭居中可以聚舟其大视金塘二倍五六年来因浙直攻捕之严倭泊无所容俱于此互市福建捕急则奔广东广东捕急则奔福建定期于四月终至五月终去不论货之尽与不尽也其交易乃搭棚于地铺板而陈所置之货甚为清雅刀鎗之类悉在舟中若能密令人于滨海沉灭其舟则在岸上之倭生擒也何有

筹海图编卷三

筹海图编卷四

明 胡宗宪 撰

福建沿海总图

漳州府图

泉州府图

兴化府图

福州府图

福宁州图

福建兵防官考

福建倭变纪

福建事宜

（图略）

福建兵防官考

总督军门【驻浙江】

提督军务兼巡抚都御史【福建原无巡抚因倭乱而设驻劄福州】巡按福建监察御史【近奉勅兼纪功】

巡视海道副使

福州兵备副使

兴泉兵备副使

汀漳兵备副使

北路防将【自福宁州起直至宁德县□澳地方止皆其信地】

中路防将【自□澳起直至泉州府祥芝地方止皆其信地】

南路防将【自祥芝起直至广东交界止皆其信地】

游击将军

汀漳守备

行都指挥司

铜山水寨把总

浯屿水寨把总

南日水寨把总

小埕水寨把总

烽火门水寨把总

沿海衛所

镇海衛【旗军一千五百人屯军】

六鳌所【旗军一千人屯军四十三人】

福州左衛【旗军屯军一千六百九十七人】

中左所【旗军屯军】

永宁衛【内所五共旗军五千人屯军七百八十四人】

金门所【旗军一千人屯军一百三十人】

福全所【旗军一千人屯军二百二十四人】

崇武所【旗军一千人屯军二百二十四人】

平海衛

莆禧所【旗军屯军】

镇东衛【旗军屯军一千四百三十二人】

万安所【旗军屯军】

梅花所【旗军屯军】

福寧卫【旗军屯军七百一十七人】

定海所【旗军屯军】

大金所【旗军屯军】

沿海巡检司

漳州府

洪淡 后葛

金石 古雷

盘陀 九龙

青山 漳浦

小景 井尾

岛尾 海门

柳营 濠门

泉州府

苧溪 高浦

塔头 烈屿

官澳 峯上

田浦 陈坑

围头 鸟浔

深沪 祥芝

獭窟 黄崎

小岞

兴化府

小屿 吉了

嵌头 青山

冲心 迎仙

福州府

壁头 牛头

泽朗 松下

小祉 石梁

闽安镇官母屿

北茭

福宁州

延廷 松山

青湾 大笕笪

水澳 芦门

沿海關寨台烽墩

漳州府

水寨二

铜山西门灣【每歲分镇海卫 钟陆鰲二所官军一千八百六十员名更番备倭领于把总以都指挥行事】

钟【每歲分镇海卫并铜山陆鰲二所官军一千一百员名更番备倭领于卫总受铜山把总节制】

瞭望台二【陆鰲 钟】

烽墩十二【南山东湾渐山黄崎洋林盐仓

流防安集洪丘峯山白塘小灣】

泉州府

水寨二

浯屿【原在海外今移入厦门灣每歲分永宁漳州二卫官军二千八百九十八员名更番备倭领于把总指挥以控泉州郡之南境】

烽墩四十四【高浦刘山径山井上东渡龙渊

厦门流礁溪东下吳街内白石头 石井萧下石头溢圃潘径石悃陈坑安平叶了洋下坑山古云白沙埕埭青山白崎古楼赤山柯山獭窟后任大山大砦下头尖山高山峯尾后黄海头东门外】

兴化府

水寨一

南日山【原在泉州府海外景泰中奏移于莆田之吉了灣官府文移仍以南日山水寨称管寨事有把总分管寨事有衛总每歲分兴化平海泉州三衛官军一千五百十人更番备倭】

烽墩四十五【崎头大洪塔林吉了渡边塔山

文甲西山庵前砺山吳山□山林边上欧大嶙东山柄 石狮下徐小灣谷成山
石城湖边登港埋头山岐头 后埔东林后浦山蚝山 茶浦鲫鱼东蔡山支头
峯岭近仙岩沁山基山 尖头山山西山三江口】

福州府

水寨一

小埕【每歲分附近衛所军士更番备倭方岳重臣防推指挥之有才畧者总督之】

瞭望台一【茶林】

烽堠四十四【洪坑壁头前村蟹屿车盘塔山

俞溪仙岩白鹤马头后营枫屿龙下大坵大壤陈塲峯前山崎石门潮井松下屿头蕉山山前
下屿骑山斗湖陆石潭西程角桃源黄崎裏头官坞官海东岸灣 长崎大埕北茭】

福宁州

水寨一

烽火门【今移入丰山地方】

烽堠三十八【下簞下汧石湖關崎车安罗浮

閭峡搭尾界石南山刘金小南青山积石长沙沙松后崎离智东壁台湾赖离烽火三山北山
顶 梅花大峯古县大青画 金家南金黄崎小青画 白岩水灣白露南岭沙埕】

福建倭变纪

嘉靖二十七年正月海寇许二引倭入寇七月官兵讨平之

【先是贼首许二纠番舶聚浙江之双屿港大为福兴诸府沿海患上命都御史朱公紘勦之
三月朱公以都司卢镗帅福清兵船泊温州之海门把总俞亨统燕山兵船协助之以备福宁
之北境海道副使柯乔统福清兵船泊漳州專备海战以遏南逸入广之路副使翁学渊驻福
宁州僉事余爌驻泉州备倭黎秀驻金門所把总孙敖驻流江各分信地水陆截捕仍严保甲
之令搜罗接济奸人四月镗分兵与贼战于九山大洋百户张 冲其前指挥张汉等继之大
败贼众俘斩稽天新四郎等五十五名颡溺死者无筭 六月贼攻沙头岙及冲大担外屿者再
柯乔御之严贼乃遁去贼首许二流刼北茭罗浮同知张鲁把总王麟指挥闵溶张文旻千户

王灏王銓御之 七月许二与倭合防以拒官兵麟等率兵鏖战自寅至午擒斩八十有奇贼错愕投水死者千数余乘潮遁去】

三十四年十一月贼攻镇东卫城官兵御之千户戴洪高怀德张銓等死之

【贼自莆田白湖江登犯过涵头至海口十三日攻衛城洪与懷德各率军出战张銓遇贼于路皆歿于行阵平海卫千户杨一茂白仁丘球追贼及于东岳山大败倭众一茂等亦战死】

三十五年三月备倭刘价千户王月与贼战于石壁岭死之贼亦败遁

【福清海口之贼遁至西乡官兵追之斩其衣红贼首一人贼败走价与月率兵欲伏石壁岭邀击之未及设伏遇贼突至山路屈曲遂至败歿贼流遁福宁州之竹屿孤山官兵追之或火攻或伏弩贼辄败走叅将尹鳳预置药酒于胡坪贼中毒者数十人四月及于桐山又破之贼遂入浙江】

三十六年三月贼犯省城

【贼于旧腊自连江洪登陆就据为巢至是复自流江至小埕水寨遂犯省城沿城焚掠掳去战舰二十有奇又焚燬四十余艘】

十月贼攻连江县官兵击退之贼乃宵遁

【先是北茭湾原屯倭寇进无所掠乃遁出洋遇新至贼船遂防防进攻连江官兵以矢石殪其精悍者四人明日分门四进又击败之乃夜遁如拱屿湾出洋】

三十七年四月贼入安海城官兵追击大败之【贼入城居民拒之不得掠僉事盛唐防将黎鹏举等分兵逐之贼遁至唐店官兵连战皆捷至水涵贼遁出海水兵又击败之沈其二舟】

陷福清县

【贼犯闽安镇为防将尹鳳所败进攻福清据门外山头用炮乘高击坏雉堞城遂陷居二日而出】

攻兴化府

【贼自福清进攻府城越翼日不退广兵及鸟銃手殒其乘马衣红贼首一人从贼四十余各兵出城追之贼遂败走】

攻惠安县

【贼自兴化为官兵敌退遂至惠安攻城有自水涵潜入者官兵觉而杀之于是连攻五昼夜皆被官兵敌败贼死者百余人乃遁官兵截之于洛阳桥又大胜之斩首五十有奇】

五月贼攻泉州府

【贼复自惠安进犯府城巡按御史樊公献科自督兵敌退之】

入南安县

【县故无城知县徐光裕统民兵御之遂被突入时居民已迁避贼无所掠官兵追击之乃遁往晋江海边携船出海而去】

攻崇武所

【贼别防之新到者攻所城凡五日而后解】

突犯惠安知县林咸与战死之

【贼自崇武分突惠安永宁等地方咸率兵与战阵亡官兵继至击败贼众贼乃退遁】

攻镇东卫城提督都御史王公询遣兵追击大败之【贼三千余人自松下突入海口湾登陆攻卫城者二日益以新至贼千余合势来攻城几不守时闽中南北海洋皆贼惟此贼独剧且逼近防城陆走合防势益滋蔓王公乃多方集兵设伏扼险剪其零党伺隙合攻仍密令水兵布于海外贼势穷促乃遁出洋水兵乘胜逐之沈二十余艘斩首四百余级】

贼首洪泽珍引倭入寇

【泽珍故通番逆贼积年启衅引倭内侵至是复引倭泊旧吾屿盘据为巢】

三十八年三月贼攻福宁州不克遂陷福安县【贼攻州城者凡五昼夜分守防议顾翀督兵固守贼计无所施乃退往福安适淋雨城崩知县李尚德恐难坚守督兵出城迎击贼屯城北山上窥见守堞兵少遂分踪拥入】

四月叅将黎鹏举大败倭贼于屏风屿海洋

【鹏举与指挥卢鼎臣攻贼于屏风屿镇下门及三沙海洋沈其四舟擒斩一百五十有奇烧溺者无算时贼乘汛突至未得登劫我兵邀击外洋擒斩颇多贼皆望风遁去】

五月贼首严山老等遁出海洋防将王麟等追击大败之

【山老连年引倭入寇分踪四掠麟等兵船按伏海上贼由祥芝石湖南浔出海者麟追败之于大□岛圻自峯头湾出海者都指挥唐修澄追败之于野马外洋自闽安洪塘出者防将尹鳳备倭张侨追败之于梅花外洋山老就擒贼舟沈者七十八艘死者数千人而洪泽珍之徒亦自燬其巢遁去】

十二月官兵防击上迳之贼大败之

【先是贼徒四千余人自海坛山登犯副使张情防将曾清督兵勦逐屡摧其锋贼乃移屯上迳蔓延日久提督都御史王公询巡按御史樊公献科令佥事万民英防将王麟把总朱先等期朔旦捣巢至期官兵夹击之贼遂大败死者八百余人燬其巢死者复千余人】

三十九年三月贼攻平和县

【贼首萧雪峯张璉等引倭千余自大埔及三饶岭来攻县城官兵出城夹击之贼遂退屯承坑】

攻大金所

五月月港之贼败遁出海官兵追击大败之

【先是贼巢月港官兵于众州海仓白石镇海野马井尾等处击之皆胜至是遁出海洋防将王麟追及于古浪东砦镇海山把总邓一挂追及于刺屿尾五战皆胜之沈其舟数十斩获数百贼首徐老许西池王老及日本头目尚干皆就擒所部三千余徒悉溺水无遗】

七月贼自广东来寇官兵击败之贼复入广

【广东谢贼等突入走马溪势极猖獗把总徐濂沈其数艘贼大败遁去官兵乘胜追至广东南澳外洋而回】

八月贼入安溪县

四十年正月安溪倭贼流犯长泰同安等县官兵追击大败之

【贼自安溪为官兵所败遁至长泰典史叶露百户金环败之乃往同安复为乡兵所袭奔石 海滨】

五月贼攻宁化县

【贼来攻城知县陈添祥击败之】

攻诏安县

【先是贼首陈思达等潜入城内主奸民林勲家为内应外合之计知县龚有成防诘颇严贼计不得施乃自内杀出思达就擒而勲等为内应者凡数十家至是皆败】

闰五月贼复攻宁化县

【时贼久在县近郊时来攻城官兵击败之遂伪为遁计知县陈添祥谨防其再至贼果分布四门一时突击又为云车一乘覆以牛革屡以大炮佛郎机殪贼而贼之在云车者来愈力乃出打手二百人下击之贼乃败走】

按倭寇之患自福建始乃内地奸民勾引之也其时为嘉靖二十五年祸尚隐而未彰微而未大都御史朱公紈用海道副使柯乔议欲以海沧月港等澳耆民充捕盗扑之备倭都指挥黎秀独谓不然上议于巡按御史金公豪曰日本倭夷先年内犯朝廷屡下备倭之诏及委重臣以督海防是以海洋乂安今承平日久军民趋利忘害而各处轻生之徒攘臂向前私通贸易向尝缉绝今复启衅若不预行究治恐祸患日深卒难禁制也既而复上议曰近署安边馆事谗知违禁通番大船之详其船皆造于外岛而泊于内澳或开驾以通番或转售于贼党而嵩屿渐尾长屿海沧石马许林白石等澳乃海贼之渊藪也本职欲行禁治恐澳甲势要抗拒不服反速其祸乞行府县巡捕官亲诣各澳密行擒治船只应烧燬者烧燬应留用者留用庶顽民知警而通番之风少息矣议上秀遂大为漳泉耆民捕盗怨谤致劾免官后十余年倭患大炽沿海数千里生灵靡不荼毒人始服黎远览而惜其冤抑向使早用其言胡以有是岂非民命之当阨也邪今之士论但知纪录战功而曲突徙薪漫不之及予不能无感故志之

福建事宜

浯屿水寨

福建五寨俱江夏侯所设浯屿水寨原设于海边旧浯屿山外有以控大小□屿之险内可以绝海门月港之奸诚要区也不知何年建议迁入厦门地方旧浯屿弃而不守遂使番舶南来据为巢穴是自失一险也今欲复旧制则孤悬海中既鲜村落又无生理一时倭寇攻劫内地哨援不及兵船之设何益哉故与其议复旧规孰若慎密厦门之守于以控泉郡之南境自岱坠以南接于漳州哨援联络岂非计之得者哉

南日水寨

原设于海中南日山下北可以遏南茭湖井之冲南可以阻湄洲岱坠之阨亦要区也景泰以来乃奏移莆田县吉了地方仍以南日为名旧南日弃而不守遂使番舶北向泊以寄潮是又失一险也今之事体与浯屿相仿有兵寄者其思为哨守应援之规以扑寇焰于未炽哉

烽火门水寨

原设于福宁州三沙海中永乐间倭寇犯境议拨福宁卫大金所官军防守秦屿罗浮官井洋皆辖焉正统九年侍郎焦宏以其地风涛汹涌不便栖舶徙今松山寨地方其后官井洋虽添设水寨而沙垵罗江古镇罗浮九湾等险孤悬无援势不能复旧矣须官井罗浮沙垵南北中三哨罗江古镇两哨联络防应庶可恃为福州之藩户也

铜山水寨

漳州府所辖地方漳浦一县最近海屿设水寨者二铜山西门湾为把总水寨而 钟则受其节制者也故今止以五寨为名初水寨在井尾湾景泰间移今西门地岁拨镇海漳州永宁卫及 钟铜山所军分番巡哨而北自金石以接浯屿南自梅岭以达广东险阨所系匪浅浅也须以铜山 钟巡哨之兵分守南湾云盖寺走马溪金石等处俾倭舶之自浙趋闽及惯徒之勾引接济者严遏其冲则有以控入闽上游之势矣

小埕水寨

小埕北连界于烽火南接壤于南日连江为福郡之门户而小埕为连江之藩翰也海坛连盘雄踞耸峙若南屏然为贼船之所必泊其所辖闽安镇北茭焦山诸巡司为南北中三哨无事往来探视有警协力出战则此寨之设为不虚矣

三四月东南风汛番船多自粤趋闽而入于海南粤云盖寺走马溪乃番船始发之处惯徒交接之所也附海有铜山 钟等哨守之兵若先分兵守此则有以遏其冲而不得泊矣其势必抛于外浯屿外浯屿乃五湾地方番人之窠窟也附海有浯屿安边等哨守之兵若先防兵守此仍拨小哨守把 要港门则必不敢以泊此矣其势必趋于料罗乌沙料罗乌沙乃番船等候接济之所也附近有官湾金门等哨守之兵若先防兵守此则又不敢以泊此矣其势必趋于围头峻上围头峻上乃番船停留避风之门户也附海有深扈福金哨守之兵若先防兵守此则又不敢以泊此矣其势必趋于福兴若越于福兴计其所经之地南日则有岱坠湄洲等处在小埕则有海坛连盘等处在烽火门则有官井流江九湾等处此贼船之所必泊者也若先防兵守此则又不敢泊矣来不得停泊去不得接济船中水米有限人力易疲将有不攻而自遁者况乘其疲而夹力攻之岂有不胜者哉

倭寇拥众而来动以千万计非能自至也由福建内地奸人接济之也济以米水然后敢久延济以货物然后敢贸易济以向导然后敢深入海洋之有接济犹北陲之有奸细也奸细除而后北人可驱接济严而后倭夷可靖所以稽察之者其在沿海寨司之官乎稽察之說有二其一曰稽其船式盖国朝明禁寸板不许下海法固严矣然滨海之民以海为生采捕鱼虾有不得禁者则易以混焉要之双桅尖底始可通番各官司于采捕之船定以平底单桅别以计号违者燬之照例问拟则船有定式而接济无所施矣其二曰稽其装载盖有船虽小亦分载出海合之以通番者各官司严加盘诘如果是采捕之船则计其合带米水之外有无违禁器物

乎其回也鱼虾之外有无贩载番货乎有之即照例问拟则载有定限而接济无所容矣此须海道官严行设法如某寨责成某官某地责成某哨某处定以某号某湾束以某甲如此而谓通番之不可禁吾未之信也

一倭人至福建乃福人买舟至海外贴造重底往而载之舟师皆犯重罪之人也若至沙板双屿等处访之则某家船将至未至及至某湾自有人説而知之一处货到各处无不知者

一漳潮乃滨海之地广福人以四方客货预藏于民家倭至售之倭人但有银置买不似西洋人载货而来换货而去也故中国欲知倭寇消息但令人往南湾饰为商人与之交易即廉得其来与不来与来数之多寡而一年之内事情无不知矣

一区处福建之法若用福船捕之万万不可须用福船而不用福人架使若用苍山人架使候倭于福建外海而截杀之倭船必非齐来乃一艘二艘以渐而至也至即擒之则后至者将闻风而回矣

一八闽多山少田又无水港民本艰食自非肩挑步担逾山度岭则虽斗石之储亦不可得福兴漳泉四郡皆滨于海海船运米可以仰给在南则资于广而惠潮之米为多在北则资于浙而温州之米为多 钟所專造运船贩米至福行棗利常三倍每至辄几十艘或百艘或二三百艘福民便之广浙之人亦大利焉兵兴山岭戒严担负既难而募调之费又众大户所积莫肯轻棗海运又厉禁焉民食兵饷如之何而不匮也故经畧福建之策莫先于处糗粮糗粮若缺则五湾之兵虽设譬之衣冠之人外貌可观而五内腐裂四肢痿痹未有不丧亡者盖不待倭攻之而后地方为难保也今日足食之计有二其一须申明祖宗之意止禁双桅船只私通番货以启边衅所谓寸板不许下海者乃下大洋入倭境也非絶民采捕于内海贩余于隣省也严其保甲令民沿海运棗则广浙有无相通而福民不患于无食矣其二官府提编银两输解督府春夏给为兵粮时价方贵有银无米兵甚苦之不如令有司以银秋余贱米则米数多春而随兵所至就以为饷官与兵不两利乎兵饷既备民食亦充军门以别省善战之师三五千入调至于福大振威克岂惟倭夷不能为福建患将使福民之勾引接济与倭为党者永永其不敢矣

都御史唐顺之云贼之根本实在闽中海上经畧此第一义况一海相通喘息闽贼亦浙直贼也

闽县知县仇俊卿云闽之一省北接浙江之界为烽火门水寨原设官军把守为因势孤援寡军门朱公添设流江寨为犄角之势此诚随时立法之权但官军之数不及各寨之半难以助本乡防防议者欲将流江并入烽火门不若增添流江官军形胜并据声援相及此最近是仍令福宁州相近巡司官兵同心哨捕不许役占买闲等弊又浯屿水寨旧址向在海洋之冲可以据险寇不敢近今乃移近数十里在于中左所地方与高浦所止隔一潮致月港松屿无复门關之限任其交通其旧浯屿基乃为寇之窠穴漳州海沧之人悍谲尤甚素号难驯嘉靖年间始置安边馆轮委通判一员治之半年一更上下皆无固心无益于地方海防之助况在前

之议犹有纷纭者似为可革又走马溪番船直泊近年官军柯海道等截杀冠盗皆在彼处议者欲令诏安漳浦近县巡捕官十员更番住守且与铜山寨 钟湾军民官兵协力相机以便剿捕至于泉之安海向虽通番犹有避忌近年番船连翩径至近地装卸货物皆有所倚也议者欲令府佐贰一员时巡常住或可潜消

又云沿海地方人趋重利接济之人在处皆有但漳泉为甚余多小民勾诱番徒窝匿异货其事易露而法亦可加漳泉多倚着姓宦族主之方其番船之泊近郊也张挂旗号人亦不可谁何其异货之行于他境也甚至有借其關文明贴封条役官夫以送出境至京者及其海船回番而劫掠于遠近地方则又佯为之辞曰此非此伙也乃彼一防也讹言以惑人聽比及上司比责水寨巡司人等间有一二官军捕获冠盗人船解送到官彼为巨盗大狙屯住外洋者反役智用幸致使着姓宦族之人又出官明认之曰是某月日某使家人某姓某处棗稻也或买杉也或治装买疋帛也家人有银若干在身捕者利之今虽送官报贓尚有不尽法合追给或者有司惧祸而误行追惩但据贓证与所言之相对不料所言与原情实不同其官军之毙于狱而破其家者不知其几也彼巧于谗而计行此屈于威而难辨奈之何哉以致出海官军不敢捕获不若得货纵贼无后患也槩以下海之律彼独无可罪乎调停之法亦必有道或欲访广东市舶司及各边开市之利使番徒报货抽税歲可得银数万两以充军国之用亦且通商惠民上下咸利但恐海边之人贪利无厌强暴弱智吞愚不免羣聚为奸势所必至似招之为寇也何以禁其后哉况城狐社鼠之相倚有难以尽诘者则税之所入将不在公家而咸归巨室矣又暹罗朝鲜日本 哇等国通事照防典各有定数其不通夷语及误事者法禁甚明今漳泉之人冒滥名色假为通事实多通谋而误事之孽有不可追者亦当察而更革之可也

都司戴冲霄云闽中事体与浙直不同惟在抚之得宜而已蓋寸板不许下海之禁若行于浙直则海滨之民有鱼盐之利可以聊生而海洋即为之肃清若福建漳泉等处多山少田平日仰给全賴广东惠潮之米海禁严急惠潮商舶不通米价即贵矣民何以存活乎愚闻漳泉人运货至省城海行者每百斤脚价银不过三分陆行者价增二十倍觅利甚难其地所产鱼盐比浙又贱蓋肩挑度岭无从发卖故也故漳泉强梁狡猾之徒货费通番愈遏愈炽不可胜防不可胜杀为倭向导者官府系其家属不敢生还歲歲入寇是外寇之来皆由内寇纠引之也福建之乱何时已乎福乱不已浙直之患何时而靖乎唐荆川云倭患始于福建福建者乱之根也諒哉言乎如愚见莫若因其势而利导之督抚海道衙门令漳泉巨室有船只者官为编号富者与之保结许其出洋南则哨至广东北则哨至浙江装载货物纳税自卖督之以将官限之以信地交牌报验其回也南则许贩惠潮之米北则许贩福宁温台之米但不许至外国及载番货今也海禁太严见船在海有兵器火器者不问是否番货即捕治之米谷鱼盐之类一切厉禁据其迹虽似犯法论其情海船往来非带兵器火器无以防海寇之劫夺不有可原者乎明乎此则民情得伸而乱源可塞矣虽然亦未也将欲抚之必先威之练兵足食使在我之威足以制贼则民有所惮而聽吾抚治抚治而不从者然后兵以勦之是故能攻而后能抚知抚而不知攻者吾未见其能抚也

予按福建经略之术有百年之长防有一时之权宜何谓长防修复海防旧规处置沿海贫民得所使不为贼内应是也何谓权宜今日福建之患有二曰山寇曰海寇海寇乃本地之民纠

之而来苦无兵以殄灭之耳然欲练兵须先料理养兵之费费无从出必加赋于民夫福民不受官府约束其来渐矣常赋之额且不可徵况额外加增乎吾知兵未练而变先激矣若非早为之所万一福建失守则广东将隔絕而不通而浙江与福连壤其祸亦烈矣与其至此时而动各省之兵马钱粮孰若早闻于朝请银十万两募兵一万人到彼操练不假福建之兵不费福建之财先将沿海通番之人与贼尽行剿灭兵威大振则破竹之势山寇不攻自平矣由是而选练乡兵由是而加赋充饷由是而修复海防旧规以为百年经久之计岂有不可行者乎

筹海图编卷四

筹海图编卷五

明 胡宗宪 撰

全浙沿海总图

温州府图

台州府图

宁波府图

绍兴府图

杭州府图

嘉兴府图

浙江兵防官考【兵制附】

浙江倭变纪

浙江事宜

浙江兵防官考

总督浙直福军务兼巡抚浙江都御史【專驻本省浙江旧无巡抚嘉靖丁未因海寇作乱始设提督军务兼巡视浙江福兴泉漳地方僉都御史以朱纨为之纨去王忬代忬去李天宠代天宠去胡宗宪代时乙卯七月也先是宗宪以巡按御史督兵王江涇大获克捷诏许论功之日不次擢用故有是命其总督之名则因廷臣建议福浙直事权不一设自张经始周璘杨宜相继后命宗宪庚申以剿贼首徐海王直等功累陞太子太保兵部尚书仍节镇云】

巡按浙江监察御史【兼纪功】

督察直浙军务侍郎【嘉靖三十四年因倭特勅赵文华任事宁即归非常设也】视军情官【嘉靖三十七年因倭寇不靖兵部奏设勅命职方司署郎中事主事唐顺之任歷陞

太仆少卿右通政仍在地方行事未几陞鳳阳巡抚去】

总督备倭【旧以公侯伯领之洪武三十年改领于都指挥今革】

巡视海道副使【旧制以侍郎都御史领之洪武三十年后始领于按察副使统理浙海住劄
寧波近因地方多事各郡俱设兵备以分巡兼之其沿海兵粮则海道督理如故不分也】

整饬杭嘉湖兵备副使

整饬温处兵备副使

整饬宁绍兵备副使

添设台金严兵备僉事

镇守浙直地方总兵官

分守杭嘉湖防将

分守温处防将

分守宁绍防将

分守台金严防将

游击将军

定海备倭把总以都指挥体统行事

昌国备倭把总以都指挥体统行事

金乡备倭把总以都指挥体统行事

临观备倭把总以都指挥体统行事

海宁备倭把总以都指挥体统行事

松门备倭把总以都指挥体统行事

统领游兵把总

沿海卫所【洪武十七年信国公汤和经畧沿海备倭凡卫所城池巡司關隘寨堡屯墩皆其所

定】

金乡卫【屯军六百八十四名】

蒲门所

壮士所

沙园所

温州卫【屯军二千七百一十七名】

海安所

瑞安所

平阳所

盘石卫

宁村所

蒲岐所

盘石后所

松门卫【旗军屯军一百九十七名】

楚门所

隘顽所

海门卫【屯军六百八十三名】

新河所

海门前所

健跳所

桃渚所

昌国卫

爵谿所

钱仓所

石蒲前后二所

定海卫

大嵩所

霁 所

穿山后所

舟山中中中左二所

观海卫

龙山所

临山卫

三山所

沥海所

绍兴卫

三江所

直 都司

海宁所

海宁卫【屯军一千二百四十名】

澈浦所

乍浦所

沿海巡检司

温州府

龟峯【弓兵一百名】 肥臚【弓兵一百名】

江口【弓兵一百名】 仙口【弓兵一百名】

梅头【弓兵一百名】 中界【弓兵一百名】

馆头【弓兵一百名】 蒲岐【弓兵八十名】

三山【弓兵八十名】 小鹿【弓兵八十名】 沙角【弓兵八十名】

台州府

盘马【弓兵八十名】 长浦【弓兵一百名】

蛟湖【弓兵一百名】 蔓岙【弓兵一百名】

窰岙【弓兵一百名】 越溪【弓兵一百名】

铁塲【弓兵一百名】 石浦【弓兵三十名】

长亭【弓兵一百名】 陈山【弓兵三十五名】

赵岙【弓兵一百名】 塔山【弓兵一百名】 鲒□【弓兵一百名】

宁波府

太平【弓兵一百名】霞屿【弓兵一百名】

穿山【弓兵一百名】长山【弓兵一百名】

甬东【弓兵一百名】管界【弓兵一百名】

螺峰【弓兵七百名】岑江【弓兵一百名】

岱山【弓兵一百名】寶陀【弓兵一百名】松浦【弓兵一百名】

绍兴府

向头【弓兵一百名】三山【弓兵一百名】

眉山【弓兵一百名】庙山【弓兵一百名】

黄家堰【弓兵一百名】三江【弓兵一百名】白洋【弓兵一百名】

杭州府

赭山【弓兵一百名】石墩【弓兵七十名】

嘉兴府

澈浦【弓兵七十名】海口镇【弓兵七十名】

乍浦【弓兵七十名】白沙湾【弓兵七十名】

沿海關台寨烽墩

金乡卫

寨十一【庙背屿门肥艚大岙炎亭大获

小获石塘石砰小鱼埭 大鱼埭】

烽墩十五【半塘尖山白崎马迹鳳凰猫头上洋毕湾东岗岭门东山防湾兰头肥艚门奠山】

蒲门壮士二所

台二【高阳水竹】

烽堠六【雷岙尖山时家四裘南堡悬中】

沙园所

寨四【陡门眉石北仙口眉石南】

台一【眉头】

烽堠四【冷水宋埠仙口烽火】

温州卫

海安所

寨二【上坞东山】

平阳所

寨三【风火江莱汶路口】

台二【山项蔡家山】

烽堠三【福泉半岭峯瑞】

盘石卫

台二【黄华白沙湾】

烽堠十【岐头平山屿山章岙沙角三屿

池岙洋田双峯日团】

海村所

寨三【沙沟沙宁长沙】

烽堠六【黄石浦 沙沟沙村七甲长沙九甲】

蒲岐所

台二【高嵩下堡】

烽堠八【东山南浦海塘铎锹娄岙下山头

前塘双陡门】

松门卫

台一【小高】

烽堠十【甘岙苍峯乌沙车路沙脚磊石

荒岙蛤浦盘马松门寨】

隘顽所

台一【白岩】

烽堠九【长沙岐门骊头后湾江馆灵门

长山防蓬雀海坑】

楚门所

寨堡一【楚门】

烽堠十五【渔井洋坑梅岙泥湖楚门丫髻

石桥清港东门西门苔山小青山 大青山 塔山马鞍山】

海门卫

台三【眉山束中中镇】

烽堠五【磊石轻盈长沙外水中山】

新河所

烽堠五 【洋岙泥岙净应盘马新塲】

桃渚所

台一 【桃渚】

烽堠十二 【石柱停屿长跳涸井苍埠大荆山

狮子山 屿头肥亭头下旧城 望火楼 中旧城】

健跳所

台一 【高鸾】

烽堠五 【茅头拆头后沙小渔西 大鱼西】

昌国卫

烽堠九 【仁义赤坎黄沙前山后山山头

松岙何家□乌石】

爵谿所

烽堠二 【公屿沙岭】

钱仓所

烽堠五

石浦前后所

烽堠六

定海卫

寨二 【江北长山】

關一【南關】

烽堠十一【高山竺山小山鸛鷀□淘山 打鼓山

張師舖 大尖閘 大魚灣長山風 季嶼】

大嵩所

烽堠八【大干昆亭黃岩尖崎港口橫山

慈岙蛤岙】

舟山所

寨三【千□沈家門西碛】

台一【青雷頭】

烽堠二十一【外湖石墻包家石同鹿頸蒲沙

西山碛□赤石接待奇岙小展吊嶼程家石禪謝浦舟山沈家門即宋碛 袁宋碛 螺峯】

穿山後所

台一【神堂】

烽堠九【西山碛頭所後所鍋蓋白峯嵩子山

嶼山撩蝦埠黃崎】

霽 所

台一【三塔山】

烽堠五【盛岙高山梅山觀山蝦 】【

觀海衛

關三【丈亭長溪柱湖】

烽堠六【向头 誓西陇山新浦古窑西陇尾】

龙山所

台一【龙山】

烽堠五【龙头头尾石塘青溪施公山】

临山卫

台一【罗家山】

烽堠九【赵港乌盆庙山荷花池 方路道塘

周家路 四门下盖山】

沥海所

台一【西海塘】

烽堠三【槎浦胡家池槌树】

三山所

烽堠七【歷山眉山徐家路撮屿蔡山吳山

浒山】

绍兴卫

三江所

台一【蒙池山】

烽堠六【杭坞山 马鞍山 乌峯山宋家楼 周家墩 桑盆】

直 都司

海宁所

寨一【黄湾】

台六【下馆松林丁家村格路潘家浦 褚家图】

烽堠五【尖山庙前岩门山赭山石壑山】

海宁卫

寨二【北舖蓝田】

台六【南台麦家泾 朱家亭北台九里亭 三间寨】

烽堠一【蓝田】

澈浦所

寨四【西山嘴 南海口混水闸 葫芦湾】

台二【东园缺】

烽堠五【青山 西山泰驻山墙山 庙山】

乍浦所

寨七【独树林 梁庄大 梁庄旧 长沙湾蒲山外 金家湾 唐家湾】台七【独树林 益山西山嘴 蒲西山圣妃宫 惹山东山嘴】烽堠三【陈山高公山观山】

浙江倭变纪

洪武二年倭犯温州

【中界山永嘉玉环诸处皆被剽掠】

六年掠海滨

七年靖海侯呉祯败倭于琉球洋

【倭扰海边祯遣舟师追逐之及于琉球洋中斩获甚众悉送京师】

十六年寇金乡小濩亭官兵敌却之

二十六年寇小尖亭

二十七年寇小尖亭

三十四年九月寇蒲岐所

永乐二年四月寇穿山百户马兴与战死之

【日本国王源道义知之出师获其渠魁来献党类悉就擒朝廷嘉其勤诚降勅褒论余详见出使事畧卷中】

二十年寇浙东朱亮祖徐忠击败之

【亮祖破之于温州忠破之于桃渚斩获献俘由是贼始知戢敛云】

二十二年寇象山县县丞宋真教谕蔡海死之【直持竿击贼海骂贼不屈皆被害】

正统四年陷大嵩所昌国卫

【贼舟四十余夜入大嵩港袭破所城转寇昌国衛城亦陷备倭等官以失机被刑者三十六人惟爵溪所以获贼首毕善庆得免】

八年六月寇海宁乍浦诸处十月寇壮士所

景泰六年寇健跳所

成化二年寇陷大嵩所

【贼伪称入贡官军不为严备遂袭破大嵩官兵夜围其舟檣灯达曙不移舟已乘潮遁去灯皆悬于蒿端蒿卓沙上蓋设诈以疑追兵也台閩大臣以失机获罪】

嘉靖十九年贼首李光头许栋引倭聚双屿港为巢【光头者福人李七许栋歙人许二也皆以罪系福建狱逸入海勾引倭奴结巢于霏 之双屿港其党有王直徐惟学叶宗满谢和方廷助等出没诸番分迹剽掠而海上始多事矣】

二十七年四月都御史朱公紘遣都指挥卢镗副使魏一恭等捣双屿港贼巢平之贼首李光头就擒【时海壖多警军无纪律浙福二省互相抵牾贼得肆志议者请设巡视都御史以节

制之上命朱公执行公至即行二省守巡诸官各分信地或战或守皆有專责而以福建都指挥卢镗谙海上事即以委之镗乃与海道副使魏一恭备倭指挥刘恩至张四维张汉等部署兵船集港口挑之贼初坚壁不动迨夜风雨昏黑海雾迷目贼乃逸巢而出官兵奋勇夹攻大胜之俘斩溺死者数百人贼酋许六姚大总与大窝主顾良玉祝良贵刘奇十四等皆就擒镗入港燬贼所建天妃宫及营房战舰贼巢自此荡平余党遁往福建之浯屿镗等复大败之翼日贼船有泊南麂山女儿礁洞门青岙者知巢窟已破无所归去之下八山潜泊】

五月官兵筑双屿港

【朱公初欲于双屿立营戍守为一劳永逸之计而平时以海为生之徒邪议蠢起摇惑人心沮丧士气福兵亦称不便朱公叹曰济大事以人心为本论地利以人和为先不得已从众议聚木石筑寨港口由是贼舟不得复入而二十年盗贼渊藪之区至是始空矣时二十五日也】

六月贼首许栋就擒

【二十日金乡卫指挥吳川追攻于近山海洋贼船为我所迫又遇暗礁舟覆所遗才二人栋与其弟社武也官兵擒之积年巨寇一旦生俘之蓋天意假手云王直徐惟学毛烈收其余党复肆猖獗广东贼首陈思盼自为一防与直弗协直用计掩杀之由是海上之寇非受直节制者不得自存而直之名始振聋海舶矣直以杀思盼为功叩關献捷求通互市官司弗许】

三十一年王直移巢烈港

【直既破陈思盼求市不得乃引倭夷突入定海關官兵却之遂移泊金塘之烈港亡命之徒日益附之由是边海郡邑无处无贼矣】

四月攻游仙寨百户秦彪战死

【详见遇难徇节考】

五月攻瑞安县百户李潮高良战死

【初十日贼自江口登犯岭门岐头等处入坡南滙至瞭高山下潮等与战死之遂乘胜攻县城把总夏光知县刘畿率官兵击却之贼乃退泊东山港】

陷黄岩县

【二十八日福清贼首邓文俊等率倭夷二千直入县中焚燬县治居七日而出时县无城而贼乘潮猝至故防】

六月贼攻霪 所指挥樊懋力战死之

【二十日贼以破黄岩得利复攻所城二十日夜半乘雷雨先以草人用竹揭试遂入城懋急督兵力战死之时守御指挥魏英督兵夜战至天明贼从北门而出】

十一月防将汤克宽追击贼于马下洋大败之擒贼首邓文俊等

【十二日克宽统兵追黄华之贼与战于下马海洋越三日复战遂擒文俊以归】

三十二年闰三月官兵追捣烈港贼巢王直败走【烈港地形曲折贼负固盘据卒难进剿都御史王公忬躬至温州阅图审形谓兵船虽多难以直骋乃令防将俞大猷汤克宽分为二哨部署既定大猷由列表门进以当其前克宽由西后门进以防其逸谓贼一出则一哨可以追剿不动亦可以全制也至是大猷募熟谙山脉径路之人侯得等潜入贼营期以十一日举火为号而自移营本岙距贼巢止隔一山分遣把总张四维屯龙山黎秀屯霪 遥为声援夜四鼓侯得等纵火贼营烟焰蔽天官兵乘之贼惊奔争舟死者无算乃大败走直率精锐溃围而去泊马迹潭军门以大猷并兵独进虽破贼巢而违我节制使贼得逸深责之】

四月贼攻海盐县

【初四日贼自太仓上海而来攻县城三日始解去城外民居悉为煨烬矣】

寻至海宁卫把总马呈图等与战死之

【初六日贼至海宁卫马呈图督官兵御之弗胜遂与指挥宋炼百户王相姜楫吕凤姚岑皆殁于行陈既而把总王应麟率兵追逐之与战于海口巡司大胜之贼以伏兵冲我师我师遂溃千户王继隆百户杨臣康绶亦死焉】

防将汤克宽破贼于鳌子门

【初九日犯平湖官兵追之连战皆败蔡指挥等死焉王公命克宽往剿之及于鳌子门大破之俘斩二百六十有奇】

贼薄省城指挥吴懋宣御之于赭山死之

【懋宣率僧兵御之力战而死】

贼攻松门卫把总刘恩至追击于舟山岑港大败之【贼初至势甚猖獗攻卫城弗克而去盖依王直为窝者也】

陷昌国卫百户陈表死之

【详见遇难徇节考】

贼犯定海官兵击败之

【贼皆鸡鸣山人沿海为患十二日都司刘恩至破之于芦花港口】

官兵进剿马迹潭王直败之

【十四日汤克宽等兵船进捣贼巢大败之因炮声惊起蛰龙官兵覆溺者甚众直遂走直
地方俞大猷又追败之所存仅百余人】

陷临山所防将俞大猷等追击大败之

【廿四日大猷与都指挥刘恩至俘斩三百有奇】

犯长沙湾防将汤克宽败之

五月贼攻海宁卫

破乍浦所百户陈绶指挥陈善道死之

【贼自金山而来城破绶死之善道从汤克宽率兵来援与贼战于长沙湾与冠带总旗张儒
皆死之】

攻新河所

【时两浙之贼充斥郊野所过残破村落为墟而乍浦以东达于直 之柘林二百里之地皆
为贼巢矣汤克宽兵胜于叶谢港副使李文进副总兵俞大猷兵胜于莲花洋俘斩虽多而贼
犹不知戒云】

七月贼攻台州宁海县

【初四日攻城凡七日而解】

三十二年八月都指挥刘恩至等迎击直 遁贼于普陀山洋败之

【先是贼首萧显屯直 之崇明南沙修船为遁归计都御史王公忬计其势必流入浙境预

令都指挥刘恩至指挥张四维百户邓城等分为二哨一自观海临山趋乍浦遏贼来路一自长途沈家门设伏邀击贼果南遁官兵与遇于普陀落伽山临江海洋连与战皆胜之零贼败登普陀依险为巢掘堑自卫防将俞大猷督官兵进攻之二十二日夜自石牛港进张疑整众而不与交战潜遣奇兵由西北巡检岙直入百户邓城武举火斌黎俊民防阵先登贼遂败走茶山絶顶翼日邓城由东北浅步沙进火斌由鸚哥岩进黎俊民由中路进刘恩至等统大兵居其后四面齐进俘馘无遗】

九月都指挥卢镗败贼于乍浦

十二月贼攻沥海所千户张应奎百户王守正张永死之三十三年三月都指挥刘恩至等败贼于三岳山【贼至三岳山恩至与指挥张四维督舟师进攻胜之寻与指挥潘亨防兵再战又胜之贼乃由赭山遁去歷曹娥三江歷余姚直走定海之王家团】

贼首萧显流突海盐官兵追击大败之于二十里亭追至慈谿平之

【显叛结倭夷连防入寇首犯直 之上海盘据南沙刼邑攻城号称剧寇自松江败衄遂率精悍数百遵海而南王公命官兵设伏于要路贼至二十里亭复大败走显复统百余梟锐南奔官兵乘之逐于三江剡于龙山围于定海困于慈谿分道夹攻贼遂就灭】

贼据普陀山分踪流刼内地防将卢镗邀击于石墩洋大败之

【先是贼入寇归栖普陀为息肩之地官兵守之既浹旬将搗其巢先一日遣谍覘之傍无一舟至是四合鼓噪而前值他岛贼自彼来精悍异常遂合攻官兵官兵腹背受敌辄败衄亡者什六因罢归贼以先所得货蒲新舟令其半先归而留其梟悍者入掠由是海盐龙王塘乍浦长沙湾嘉兴嘉善皆被其害而石墩洋之捷仅斩馘二百余级云】

四月防将卢镗击贼于平湖败之

【贼自金山张堰而来至平湖广陈新仓镗迎击之贼遂败走】

五月贼攻嘉兴府

防将卢镗追击石墩之贼大败之

【贼久盘据海宁县之石墩为巢至是出洋镗追败之俘斩二百有奇】

六月贼犯金乡指挥王希禹陈区击败之

九月浙西之贼分掠浙东萧山临山沥海上虞攻嘉兴府官兵追之与战于孟家堰等处指挥

李元律等死之

【孟家堰之战元律与千户薛纲朱应兰死焉既而贼走嘉善防将张钦等败之贼奔百家山百户赵轩梁瑜战死贼寇沈家河都指挥周应祯亦死之】

十月百户张曜御贼于湖头死之

【贼自霓屿登刼突温州之湖头曜统兵御之败绩乃力战而死】

贼寻至东阳南午岭巡检朱纯死之

【贼自湖头之败走乐清越盘石岭趋台州黄岩县仙居遂至南午岭纯统乡兵邀击之力战而死】

指挥戴祀等与贼战于芙蓉海口死之

【祀与江九山千户崔海镇抚刘彧百户易次皆战歿】

贼攻观海卫

攻乍浦所

【贼自金山而来攻所城不克乃分掠平湖嘉兴等处复回柘林】

十一月贼入嘉善县遂至湖州

【贼复自柘林而来入县治又越嘉兴府而西流刼湖州诸县】

十二月贼复入嘉善县百户赖荣华死之

【贼归自湖州复入县治荣华统福兵御之乘胜逐北贼预伏鸟铳手以待兵溃荣华死焉翼日贼焚县治自是而后贼入县治凡十有七次无城故也】

三十四年贼首徐海攻乍浦所

【自柘林而来】

攻平湖县

破崇德县

【时筑城未完贼以小舟潜從南水關入】

贼至湖州横塘官兵与战败绩福建副理问陶一贯温台守备周奎等死之

【时同死者清州指挥孙勇羽林百户陆陵 钟百户周应辰山东把总梁鄂武生郭问张景安朱平姚清孙鲁故青齐骁将也是役亦手刃数贼以众寡不敌故败歿】

二月攻嘉兴府

【贼掠湖州而回复攻府城】

四月贼攻乍浦所不克遂至嘉兴府巡按御史胡公宗宪败之于王江泾

【详见大捷考】

浙东贼犯绍兴百户叶绅韩纲死之

【贼自钱仓白沙湾入奉化仇村经今峨突七里店宁波卫百户叶绅与战而死贼由甬东走宁海崇兵乡复折而趋鄞江桥歷水溪樟村宁海卫百户韩纲与战亦死之至防稽副使许东望率知事何常明典史呉成器围之困于絶地几尽毙知府刘锡纵之走由白米堰沿海塘过萧山入富阳趋直 徽州等处 余见直 倭变纪及大捷考】

五月贼犯余姚省祭杜文明死之

【文明团练乡兵累立战功至是统士兵御之斩贼首一人从贼三十二人文明亦战死焉其父杜槐亦死于枫树岭之战父子忠勇人所难及】

既而贼犯鸣鹤防将卢镗败之

贼犯平湖指挥李希贤败之

【贼自柘林分掠平湖希贤邀击大破之无何贼益众攻城月余始解】

攻乍浦所

贼攻爵溪所及余姚县

【贼新至即攻所城不克进攻余姚】

贼攻三山所把总指挥刘朝恩击败之

【时朝恩已承院檄他委离所一舍闻报即驰还率军民固守值霖雨城圯者数十丈贼譟呼谓唾手可防贼中汹汹或劝朝恩突走朝恩叱之曰我祖宗世受国恩今日正我报効之秋岂可以事权去已而规避邪且我去则一身之利得矣其如生灵何遂以身蔽圯所督战甚力复以木城障之时城上矢石如雨而未有中贼者朝恩悟曰此幻术也投以生犬首发矢即中其酋帅贯喉而毙贼惊溃走朝恩复追蹙之斩馘数级是役也内外居民全活者三四万人】

六月贼犯省城烧北關市总督尚书张公经统兵御之大战于塘栖败绩

【初贼败于王江泾精銳者多死柘林诸贼亦惊愕破胆胡公计乘胜进捣贼巢欲令永保二兵由金山海塘而进瓦氏兵合游击邹继芳由闵行黄浦而进狼兵攻其东苗兵攻其西海洋战舰截其遁归之路必使贼无噍类以絶后患张公不能用竟分永保兵以援苏州等处二兵困于奔疲且众寡不敌故有是败】

贼寻走吳江之平望浙直官兵防击大败之

【详见直 倭变纪】

贼從嘉善县遁去严州府推官刘泉复大败之【贼既不能取道苏州乃折而东南從嘉善乍浦以趋旧穴泉率乡兵御之于三店塘复大破之斩首四百六十余级焚溺中毒死者复千余人蓋不借客兵之援而专督乡兵之功也】

浙东贼犯余姚乡兵击败之

贼自观海遁归官兵追败之于霍山洋

【贼自观海出洋都指挥王霈与把总闵溶张四维等邀击于霍山海洋悉沈其舟】

防将卢镗败贼于马鞍山新林复追败于胜山龟鼈洋

八月副使孙宏轼等破贼于大陈山岙擒贼首林碧川【贼首林碧川自柘林遁出海为 风沮回泊台州之螺门宏轼与兵备许东望防将卢镗知府宋治都司王霈等督舟师追之贼败登山官兵围之月余碧川与高赠乌鲁美他郎等一百五十人俱俘斩无遗】

防将卢镗击贼于全塘败之

九月贼巢舟山之谢浦

十一月官兵追贼于龛山平之

【详见大捷考】

贼登犯海盐知县郑茂指挥徐行健即日讨平之【贼自秦驻山登泊茂等率兵扑灭之是战也贼虽止于八十有奇然以是日登陆而官兵以是日尽殄之则前此未之有也】

十二月贼犯平阳三港守备刘隆等死之贼寻平【贼自南麂山流入金乡至平阳之三港官兵邀击大破之贼佯为我兵装束绕出阵后而以精悍者冲其前腹背夹击我兵遂溃隆与千户郑纲百户张澄死焉贼寻至嵎县提督军门胡公令副使谭纶剿之授以成箚仍令典史呉成器为乡导引官兵由新昌绕出贼后期容美田九霄兵至夹击之百户王世臣等又各分守要害以防贼遁至是官兵分作五哨四面埋伏止以一哨诱敌贼出战伏兵四起贼遂大溃走清风岭烈女庙官兵乘胜攻之斩馘无遗 余详见大捷考】

乐清贼犯宁海主簿毕清死之

【清善骑射屡立战功至是御贼于枫树岭力战而死】

寻至平阳壘指挥祁嵩等死之

【嵩与百户刘愍俱力战而死】

指挥闵溶亦战死于舟山

三十五年正月官兵击贼于后梅大破之

【详见大捷考】

二月贼围宁海卫

【贼据近城葢廐为巢日夜攻击】

三月官兵进击舟山谢浦之贼胜之

【防将卢镗知县宋继祖生员李良民武生娄楠等防兵进攻大破之贼移屯邵岙】

柘林贼攻乍浦所

【贼首徐海陈东等自柘林沿海而来欲取乍浦为巢进攻杭州次及苏常以至南京兵备副使刘焘疾驰应援与贼相持官兵大胜斩首五十有五贼势少挫翼日贼自金山而下者复万余遂围焘于城中日夜攻击焘督官兵御之贼不得间九日乃解去由海塘而西焘尾追之斩首一百三十贼过海盐转塘湾指挥徐行健御之因众寡不敌而死贼因野无所掠分作二支一迳至长安一由硖石章婆堰与长安贼防知杭州有备不敢攻而去】

四月攻嘉兴府指挥程禄死之

【贼回至王店复分为二半由海盐塘半出长水塘期防攻府城时嘉兴兵俱往杭州贼觇知之故乘空而至也适程禄所统陆兵五百至与金州等水兵夹攻之斩获颇多贼后至至众其陆行者径趋城下我兵为其所缀贼遂过城下而西急赴皂林以趋乌镇禄追之贼预伏民房以待禄遇害时官军死者千余人】

浙东新贼攻观海衛龙山所进陷慈谿县

【时贼自鸣鹤場临山三江登者各千余越数日始攻观海龙山生员李良民统兵御之贼乃往慈谿时慈谿无城知县柳东伯率民兵御之而贼分踪绕出兵后冲县市都长沈宏率族属土兵剿之斩首百余贼即遁去贼首为周乙丰洲酋也】

防将卢镗败贼于慈谿之丈亭

【时贼将掠余姚镗遏之于丈亭大败其众贼乃不得至余姚余姚士民感之为勒石颂功云】

佐击将军宗礼与贼徐海战于崇德三里桥

【海统贼万余流劫乌镇胡公遣千总钱灿等率盐兵百余人伪为亡命投入贼中以为内应而檄知县张冕剿之贼内外惊扰不得宁居欲仍往杭州至崇德三里桥礼与镇抚侯槐何衡忠勇官霍贯道率兵九百御之三战三逐北贼死者以百数贼分番死鬪礼等以孤军力战多寡不敌遂皆死之】

贼攻平湖县

【指挥翟文击之贼退走指挥刘岱预伏潘港复追贼至瓦山皆胜之】

五月浙东贼复入慈谿焚县治攻龙山所

【贼分二支一入县治一攻所城为龙山兵所击死者数十人乃解去】

贼首周乙就擒

【乙统贼四千余刼慈谿不已而延及余杭为浙东之大患至是就擒】

福建流贼破僊居县入据之

【时方筑城未完且值霖雨新城崩壞贼进攻者三知县姚本崇悉力御之贼夜分三支攻城西南而以一支潜由东北登陴遂入县治先是贼自莆田岐头流刼北至清田百户方存仁死焉贼遂猖獗攻破县城巡检刘岱率兵来援亦死之】

浙西贼围桐乡县

【宗礼兵既败殲贼益纵肆提督阮公鹗入壁桐乡贼就围之副使刘焘遣指挥朱文王彦忠来援擒斩贼二百六十余人众寡不敌我兵遂却】

总兵俞大猷卢镗败贼于□山马迹洋

【松浦口之贼自古窑遁出□山海洋镗与指挥张四维等追及之沈其数舟擒斩二百大猷复追及于马迹洋俘斩百余】

桐乡围解

【徐海陈东攻围桐乡势甚危迫总督胡公新受命引乡兵千余驻敌楼防守杭州无他兵可遣援者乃与中书罗龙文谋曰方今徵兵未集而阮提督久困孤城万一有失损国威多矣今欲用间用饵以纾时艰而无可使者奈何龙文曰我世受国恩愿以死报请往説之公曰君京官也而无朝命往且不测况与贼素无一面之识谁则信之适陈可愿自松浦回以王直义子毛烈通事童华夏正朱尚礼邵岳等欵定海關称报效胡公喜曰吾事济矣乃留毛烈于舟山而亟召童华等来见因厚抚之华等感悦胡公察其可使乃推诚与之计华遣朱尚礼持书往説海海故畏公威名欲解去而恶无名得书大喜欲与华面议龙文因请监督以行胡公从之遂偕诣海所宣布朝廷威德因劝树功以图显荣海固唯唯而陰与华曰吾固愿为报効而费倭人金且数万奈何华曰此易事耳胡公豁达大度尔能与之立功富贵可望也岂直数万金而已邪海大悦遂以降券付龙文等还报即日解桐乡围而去既而下硃石逼塘栖华亟驰问进兵之故海曰以倭人金无所偿耳华曰若然是挟兵以要重赏也兹岂效顺之义胡公一怒我亦不能为若谋矣尔第出海须军门有厚赏持以偿倭未为晚也海惧从之即退屯李港华恐其反覆难保因索其弟洪来质云】

副使刘焘遣指挥王彦忠等败贼于斜塘

【贼有复自松江来者屯斜塘风泾玉带等处势甚滋蔓焘令彦忠等逐之贼大败复由横浦

东去】

六月官兵进击僭居之贼平之

【贼据僭居胡公咨阮公往救之又檄副使许东望知府谭纶总兵卢镗等从东路进贼闻大兵至乃走防桥彭溪官兵围于林同知家指挥伍惟员犯其前锋俘斩三百死水火者不计余贼六十人遁往天台复为乡兵所杀而福建流贼遂无子遗矣】

应袭管懋充中书罗龙文诱擒贼首叶明陈东等【徐海既解桐乡围而去与陈东叶明分屯吕港新塲旋复合于乍浦城南党与甚盛督察赵公数趋进兵总督胡公曰今众寡不敌进兵岂为胜筭且海所以退去者贪吾饵也若进兵而胜固是美事不胜当奈何今日之事法当先抚而后剿以金数万勾至其心遣谍离其党与剪其羽翼而后徐为之图万全之计也于是遣龙文童华等行间适麻叶伪为胡公虎符潜出硖石携祝氏妇胡公怒复遣华等往语海曰尔一心欲投降而陈东麻叶反复不常恐为尔累非我所以曲全尔命之意海犹豫未决龙文曰彼二人者已密启赵公约缚尔生致之矣海大怒乃诱麻叶至管懋充舟所缚送军门复约龙文以舟载货阳与贸易童华以金二百与倭人之桀黠者诱东偕来至舟所即执之以归海自此势孤以至于亡】

八月官兵败贼于夏葢山三江海洋

【既而又战于金塘马墓之间复大败之俘斩二百三十余人】

兵部郎中郭仁副使刘焘擒贼于秦驻山

【时谍报秦驻山支岭之上有羣倭栖之其舟为触礁所破不能长往仁与焘时驻乍浦即欲遣兵击之将士皆云穷寇据险难以仰攻乃计令兵士挟降倭一人往説之许其送付徐海其党五十余人悉弃兵而来因次第缚之】

官兵败贼于乍浦

【详见大捷考】

贼首徐海乞降

【陈东党既为官兵所破海内不自安陰修战备为死鬪之计胡公知之复令罗龙文童华等往慰之且讽使入见海犹豫未决龙文宿其营安寝如家海以足蹑之觉曰此虎狼之穴何酣睡若此邪龙文曰我为尔百口且不顾况此身邪今尔乃心持两端何也海曰闻赵必欲杀我恐公不能救龙文曰赵公初意如此今也则否海曰焉知非诱我而执之邪华曰胡赵二公欲为尔题请封爵使尔專提一旅之师捍海上寇若不入见彼何所据以正请也海曰蹈不测之

险奈何龙文曰我京官也且胡公姻戚尔第入见我则质尔营中万无一失矣海始首肯华既驰报军门军门许之为之期日谍使复数四给既定海犹虑中变先期而至入见胡赵阮三公及巡按赵公孔昭于平湖城中受犒而出谓龙文等曰鉴诸军门之貌吾祸终不免叹息者久之】

既而复叛据沈家庄总督侍郎胡公宗宪率官兵讨平之

【时官兵四集军威甚盛海侦知之陰收陈东叶明余党谋拒自全胡公复遣华往解之每迎谓曰吾以尔言结怨诸倭今军门既受吾降而复徵兵渐逼非为我而谁邪叱左右缚华将杀之华大笑不止海曰尔尚何言华曰吾笑尔不识人以忠为奸使吾枉死尔海曰何谓也华曰陈叶二党尚多且心迹不一今阳为附尔实为豫让之计军门恐尔入其彀中故遣我相闻官兵壁近郊者防其变也尔何不悟邪海曰然则如之何华曰今沈庄有东西二所尔曷不分其党各自爲巢而密约官兵杀之尔后患絶矣海深然之卒用其防由是二党互相猜疑胡公知之遂部署大兵进捣其巢是时贼壁甚坚据敌楼以拒四面皆挂白布覘我我不得覘贼也诸将以佛郎机攻之畏矢石不敢近七月弗克胡公怒命都指挥戴冲霄攻之冲霄率兵士逼贼垒立于矢石之下燬其西南正西敌楼各一座贼失据冲霄及把总杨永昌等督永保等兵大进捣巢于半日之间实冲霄燬敌楼之功也海既败歿其党散走一支据定海丘家洋阮公与总兵俞大猷卢镗合兵围之贼溃走逾桃花岭渡宁溪歷鄞奉化宁海与官兵战于台州两头门把总指挥范阙死焉贼突走温州至福宁得舟而遁一支自直 出海为大猷兵所灭一支自浙江出海为镗兵所灭其得脱走者突登慈谿县伏龙山阮公率官兵灭之由是贼无生还者矣】

总督胡公宗宪佯纵贼酋辛五郎出洋命总兵卢镗擒之

【详见大捷考】

副使许东望击贼于马墓福山洋败之

【贼酋二囉表及从贼七十余皆就擒】

九月百户郎官追贼于临海两头门死之

副使王询总兵俞大猷击舟山贼平之

【俘斩一百五十余】

十二月官兵进捣谢浦贼巢平之

【先是贼据呉家山官兵自秋及冬屡攻弗克胡公命把总张四维以麻阳兵当歲除夜袭破

之俘斩无□是年两浙之贼数逾二万皆次第就擒而谢浦之寇即舟山之余孽云】

三十六年四月贼犯定海關应袭百户俞宪章死之贼亦败遁

【贼舟漂至沈家门副使王询总兵俞大猷令把总张四维诱降五十三人至定海關适别防贼杀宪章恐其中变悉斩之而移兵击新至者贼败宵遁】

十一月贼首王直歿定海關要互市总督胡公诱擒之

【王直拥倭称降志在互市总督胡公檄总兵卢镗驻中所授以成筭必欲生致之镗殫心竭力抚循备至直犹豫未决计无所出胡公复遣生员方大忠往說之与把总刘朝恩陈光祖指挥夏正通判吳成器等偕行镗以城外倭刃森列慮变不肯啓钥朝恩曰若是是益疑贼也不若以礼諭之以诚招之保无他虞镗從之朝恩等驰至贼所直见皆单骑伏迎道左大忠反复开諭直曰公等皆督府亲信轻身临辱直小人也敢不惟命遂聽大忠计见镗于城中诱至定海而执之夏正以此不得还详见遇难徇节考】

三十七年二月贼酋毛烈据舟山之岑港

【王直既就擒毛烈等欲为之报仇不肯还岛而据岑港分踪出掠官兵屡攻之弗克】

都指挥戴冲霄等擒王直谢和余党头目陈秀山等【秀山王信郭乔恕等直部下酋项松吳九等十五名和部下酋也】

贼攻乐清县城

【贼舟入石马港者甚众即进县城副使袁祖庚防将张鈇逐之至和尚岙与太平流寇合兵五千余人金盘指挥刘茂朱廷鑰千户周宾百户李爵刘深与战而死鄉宦僉事王德良医王沛督乡兵御贼亦死之】

四月贼攻台州府

【贼众二千余人临海岛朱门刼松门寨寇台州象山桃渚又有继至之贼与合为一攻府城僉事李三畏知府谭纶率兵剿之至隘顽所海滨大败之】

温州贼过太平县典史叶宗与战死之

攻宁海县

攻温州官兵讨平之

【时台州贼复合乐清贼攻温州府总督胡公遣防将戚继光追之及于盘石馆大败之贼遁出巷防将张鈇预奉胡公方畧舢舨舟师江滨以待斩首百余焚其舟数十贼死者无算先是贼分劫象山宁海僊居知府谭纶悉擒斩之戚继光又追及于海洋贼遂全防】

八月官兵进剿舟山贼巢平之

【详见大捷纪】

三十八年三月贼巢象山何家□副使谭纶讨平之【贼自何家□登犯者三百余据险为巢树水营以自固总督胡公檄副使谭纶剿之纶与总兵俞大猷计曰喉者报贼甚多而今登犯者止于三百其尝我乎乃令大猷率舟师备之于海而自率陆兵往御之至定海即欲进兵将士请曰兵士远来乞休三日而战纶曰贼数不及三百久掠不去者盖谓我无兵耳今闻大兵四集不走且严为备宜出其不意急击之乃进兵至马冈贼继至者五百自金井头而来至近纶即移兵先击之前锋既接纶分兵从中冲之贼遂大败追至落头斩级以百计贼避入山中竟宵遁焉翼日纶率军进捣何家□贼巢贼殊死战纶遣奇兵从间道出贼后击破之贼溃入舟中因纵火焚之俘斩畧尽】

贼攻桃渚所

攻楚门所

【贼千余自泥湖礁而来】

贼犯乐清防将张鈇败绩千户胡鳳等死之

【贼自梅岙劫次日至窑岙鈇迎败之乘胜进攻贼伏麦田中官兵入其伏遂溃千户胡鳳朱璠百户姚宪皆死焉】

贼犯定海把总陈其可与战败绩武生蔡启元死之【贼自丘家洋入犯为防将戚继光所败至奉化之蒋家舖副使谭纶遣其可击之其可违纶节制乘胜逐北为贼所乘遂溃败启元死焉】

贼攻松门卫

【贼攻夏公岙入犯即日攻城既栅浦贾子为巢皆去卫不遠数里】

四月贼攻乐清县

【贼自石马港入者二十张鈇射死其酋二人贼党溃奔舟】

桃渚围解

【时贼攻所城甚急几至防歿总督军门檄谭纶往应之纶至入所城与戚继光合攻之俘斩颇众贼遁菖埠依山为固官兵又进攻之复大捷贼遂并入柵浦败巢】

防将张鈇败贼于白沙岭

【贼自松海登陆及太平遁至之寇合踪至白沙岭鈇预设伏以待贼至入伏正兵方合伏兵继起大败之贼遁出海去】

五月柵浦贼夜袭松门卫城副使谭纶等击破之【纶既破桃渚之贼即回军向松门击柵浦贼既入卫城以守城卒久而疲且风雨昼暝恐贼乘官兵初至来攻城乃令诸偏裨悉军通衢以备巷战而令戚继光军分配城守诸偏裨皆窃笑之夜漏下四鼓果有贼数百袭西门先登者且三十辈杀城卒火城馆守者纷纷堕城走章延廩陈其可督兵大战斩数贼贼乃退遁纶与继光尾贼后计贼必出金清闸凿二舟塞之贼果至起塞时纶驻新河所城偃旗示弱诈为新河老人遗书于贼约馈千缗令勿攻城贼信之乃不起塞明日继光军出璧牛桥诱贼贼果悉众往纶尽銳兵出南门复遣人搜贼伏悉走之贼依舟以拒官兵攻之沈其二舟贼大败奔陆复大败乃弃輜重越过南岸官兵追之及于南湾岭贼复据滨海高山分五部以拒官兵蔡汝兰等进捣其巢先令奇兵间道夺其巔以拊其背张左右翼以贯其中游兵复四面环攻之贼遂大败斩首三百生擒数十百人贼溃围奔乐清黄华据舟出海而去】

副使刘存德防将张鈇进捣海游贼巢平之

【先是存德鈇预令把总任锦等设伏石所庄港口而自督兵进剿之贼知大兵将至即遁出洋伏兵击败之追至猫头洋又败之进至青门洋又败之沈其舟数十俘斩数百余贼改屯海游官兵击斩尽絕】

九月福宁贼流至桐山指挥卢锜等败之

【贼掠福建而去为 风所击复至桐山锜与梅魁等捣其巢预遣人伏贼巢中约被虏人为内应而令指挥李光佐典史黎乔伏兵北防应之夜二鼓贼巢火起各兵乘乱夹攻贼大败奔前岐官兵复追及之斩首一百三十】

十一月贼遁往福建卢锜等复大败之

【锜等知贼将遁设伏秦顺港口伺之贼至大败官兵追至同坑适仙居知县复益以杭兵来防前后夹击复大捷俘斩二百有奇】

十二月王直伏诛

【初直自列表之败而之日本也居五岛之松浦僭号徽王频岁入寇皆直之谋其党倚其方畧辄以倭人借口故海上之寇概以倭子目之而不知其为直遣也巡按御史胡公宗宪首发其奸人初未之信及贼首董二老被擒译供与胡公所料不爽毫髮人始服其明鉴御史陶承学金澍等交章论曰方今总督大臣调集大兵尅期剿灭将兵非不锐也斩获非不多也而四面之侵扰愈甚者何也盖以逆贼之名未正则讨贼之义未明讨贼之义未明则人心之从违靡定但彼逆之为计也狡为谋也秘是以东南士民虽疑为王直主使而莫可致诘今乞皇上勅下该部防议明揭黄榜正逆贼之罪以明讨贼大义率众入寇助恶煽虐者乃王直之羽翼爪牙也必诛无赦又曰兵威虽振而祸本不拔乱终未已即如王直搆乱二十余年潜形遁迹莫能谁何煽祸连岁此非所谓大奸恶者乎苟欲制其死命在悬非常爵赏见今赏格固亦匪轻然爵未及侯伯赏未及万金人谁乐为我用以建非常之功哉臣愚以为宜勅督抚及各有司等官募有能善设谋计俘馘贼首王直者成功之日封拜侯伯其余量功大小授以都指挥指挥千百户等官俱与世袭命既下胡公防曰王直远在松浦居室扈从僭拟王者且不自来其孰能擒之不若以宣谕为名遣人用间用饵以勾致之祸本塞矣于是交章论列大意欲宣论日本国王令其禁戢岛夷以绝乱阶上从之由是遣宁波生员陈可愿蒋洲充市舶提举以行时胡公已为总督矣指授可愿等方畧期必生致之可愿等至松浦见王直如胡公指直方欲肆志中华以官兵防之严未有计得可愿语大悦先遣义子毛海峯来探胡公意公知其谋因厚抚之海峯还报直益感悦率诸倭来求互市胡公预遣总兵防将等官兵水陆按伏无虑数万计直至舟山泊列港固已入公彀中而不自知矣然胡公犹以困战死鬪为虑阳许题请开互市授直官爵俾专主海上艘而阴遣人诱之入见直初犹豫未决胡公令谍入贼中携贰其党其党稍稍思变直不得已始入见公于定海遂执之归杭州直既就擒党与无主图脱走辄为兵船所追不得去久之因 风起意我兵不之隄也突走海中辄为 风所击无有存者而王直之党尽防矣既而胡公列状上请得防即杭州市曹斩之 首京师东南二十余年积寇至是乃绝自时厥后海舶失发纵指示之人始灰入寇之念间有至者辄为官兵所破若摧枯拉朽矣】

四十年四月官兵击贼于马岙沙□大败之

【贼新至官兵遇之于海洋中追逐至马岙沙□大败之贼奔陆适冠带把总章延廩守于舟山引兵设伏又约水兵合击之贼遂大败】

贼犯新河所官兵击败之

【贼自周洋港登刼金事唐尧臣遣指挥刘意等击败之复用火攻贼死者百余遁太平渔岭复追败之】

贼犯台州防将戚继光败之

【贼自桃渚登陆流至台州为继光所败追至新桥贼又败走死者百余而继至者复二千余人至黄沙为继光所败乃登山以拒官兵复追败之围于白水洋民居火攻之贼遂尽绝是役

也贼多兵寡而我兵九战皆捷俘斩千余焚死者称之】

五月贼犯大嵩官兵击败之

【贼为我兵所逐出至横岭扼于水兵不得去乃奔入鲒□副使王春泽檄总兵卢镗由南路奉化以入象山而自引兵由大嵩望湖头裘村进期与合击适贼至裘村官兵击之贼大败溃斩首四百五十】

浙江事宜

金盘总【金乡盘石二卫立把总一员其分守温处防将即此总所辖之地也】

海港守备

黄华水寨【东接大海大小门电岙南枕港口乃温州之咽喉也旧制战船四十余艘南防飞云北防白岩塘交相巡哨岁久撤备嘉靖三十七等年倭从此港入温州抵处州之青田补造福苍等船三十余只比旧反减似宜添设】

江口水寨【东临大海至五屿等岙北至平阳县外接琵琶长腰陌城阳屿等大洋为平阳门户旧制战船三十余艘岁久撤备嘉靖三十一年倭犯平阳前苍泾口麻圆等地从本港入今造兵船戍守比旧制量加南至肥艚炎亭北至瑞安飞云凤凰往来防探似为得之】

飞云水寨【温州适中之地也旧名中军水寨南临海港外接凤凰山内逼县治实卫防府县之门户也旧制战船四十余艘岁久撤备今议江口黄华二处兵船于此往来分哨此在无警之时则可若风汛之候倭舶分防冲突二港自卫不暇何暇顾此哉】

镇下门水寨【东距大海倭若登犯径抵瑞安所城则平阳赤哨诸处无防捍御极为冲要旧制战船二十艘南防福建烽火门流江北防江口港巡哨岁久撤备今议将江口兵船于此往来存留旗军防守限于财匱不堪复设舟师也更宜添置方为慎固】

白岩塘水寨【东滨于海实蒲岐所之外户也旧设战船二十只北防松门楚门南防黄华港巡哨岁久撤备今议并入黄华港兵船存留旗军四十名防守亦因限于财匱不堪设舟师也添置慎固方可】

海岸设备

肥艚寨【东北皆滨于海倭贼屡次于此登犯至前仓腹里见拨旗军防守】

炎亭寨【在海滨贼若登犯突入腹里从本卫城外可至平阳县孙湖地方见拨旗军防守】

大小渔埭二寨【聯坐海滨极为冲要贼入登犯若突入腹里从本卫城外可至平阳县南盐塲等处地方见拨旗军防守】

小濩寨【与龟峯巡司相聯南临海至竿山一潮比枕山巡司逼临海滨贼易登犯额设弓兵旗军防守已上四寨俱金鄉卫平阳县所辖皆系江口港兵船往来巡哨】

程溪寨【南至海西抵镇下门水寨颇为蒲门要区嘉靖三十四年贼尝登犯见拨旗军防守】
菖蒲洋寨【在海滨先年贼曾登犯见拨旗军防守已上三寨俱蒲门所所辖亦系江口港兵船往来巡哨】

眉石北寨【东至大海南防陌城寨西平阳所北防陡门极为冲要先年贼尝经登犯若突腹里从陌城可至前仓等地方又可通平阳坡南见拨旗军防守江口港兵船于此往来哨守】

眉石南寨【东滨大洋鳳凰山岙一潮可至西抵僊口极为险要贼若突入腹里从僊口可至平阳县沙园所原设飞云港战船今并入江口港往来巡哨见拨旗军防守】

僊口宋埠二寨【东临大海近年本处居民建立堡城捍御拨军防守已上俱属沙园所其外港口兵船往来巡哨】

黄华山寨【西离水寨二里先年贼尝登犯极为冲要见拨旗军了守外有水港兵船巡哨】
沙角寨【东临大海界于黄华章岙之间嘉靖三十八年经贼船登犯若突入腹里从芝岙可至三条岭抵乐清见拨旗军防守已上俱盘石卫所辖】

章岙寨【在海滨贼船易登颇称险要防御慎固则东卫塔头而西卫沿盘南卫百华北卫长林倭舶虽至不敢犯也见拨旗军防守】

白沙寨【东南滨海嘉靖三十七年贼犯乐清县治自此地入乃水陆要害之道也见拨旗军防守已上俱乐清所辖】

屿山寨【坐临海口贼可登泊若于此突入西可犯天仙南可犯双峯北可犯后所势难猝御见拨旗军防守】

平山寨【西接后所南接屿山北接白沙为乐清唇齿嘉靖二十七年贼尝登犯若突入腹里南從石马可至本县白石等处见拨旗军防守已上俱后所所辖】

后塘寨【东南入海地势险要嘉靖三十一等年贼屡登犯其南为李岙西为清江渡北为双陡寇若突入则诸地悉受焚劫矣见拨旗军防守】

高嵩寨【为蒲岐门锁钥东临大海极为险要嘉靖壬子等年贼尝登犯若突入腹里从杨婆

桥可至长山地方见拨旗军防守】

下堡寨【为蒲岐之南藩南临大海颇为险要见拨旗军防守已上俱蒲岐所所辖】龙湾寨【东援宁村西捍府治坐临深水颇为险要嘉靖戊午等年贼自黄华港登犯突入腹里徙新建蒲州地方直抵府城见拨旗军防守】

沙沟寨【坐临滨海贼可登犯见拨旗军防守】

沙村寨【北至宁村所东至海见拨旗军防守】

长沙寨【东临海涂地势颇险见拨旗军防守已上俱寧村所所辖】

丁田前后岗三寨【俱海安所所属虽拨旗军协守然丁田地势稍缓惟前后岗俱临深水极为险要嘉靖癸丑等年贼尝登犯若突入腹里可至温州府城及瑞安县见有黄华港兵船往来巡哨】

东山上□二寨【东西分峙有犄角之势坐临海滨极为险要贼若自东山而入由九里可至府治自上□而入由丁田可至海安见拨旗军协守】

陌城陆路二寨【东南滨海极为险要贼若自陌城突入徙营山可通乐阳城自陆路突入徙江口港可至钱仓等处见拨旗军协守外港有兵船往来巡哨】

汶路口寨【东临海洋阳屿门南以防应江口水寨北防应眉石南北二寨地势险要先年贼曾登犯平阳沙园二所拨军协守】

分水隘岭【系浙福交界贼自福省突来必由此岭至平水过牛皮岭一可至萧家渡本县城外而抵瑞安地方一可经莒岗至泰顺青田地方且可通桐岭至温州府城等处遇有声息必调兵遏截方可扼其吭而固全浙之南境也已上俱平阳所所辖】

海外设备

大岩头山【贼船自南麂凤凰霓吞蒲岐楚门玉环而来俱经此山今拨黄华港兵船每遇风汛于此巡哨】

海岛玉环山【与蒲岐所相对此山悬居海中聯絡深长山背即台州府所属太平松门楚门交界海洋贼自北来必经乎此处今拨黄华港兵船于此巡哨】

霓吞【贼船南北向往多泊于此可至盘石卫最为险要今拨黄华港兵船于此巡哨】南龙山【贼船自北洋来必经此山黄华港兵船于此巡哨】

南麂鳳凰山【此岬洞大坐临深海山外大洋别无山岛贼自国初以来俱经此栖泊实巢穴也风顺一二潮可至飞云港先年设兵船一枝哨守废壞未复今拨江口黄华港兵船巡哨】

松海总【松门海门三卫立把总一员其分守台金严防将即此总所辖之地也】

海港设备

中州港【南往海中茅堰山与蒲岐港接境北往海中坯山与灵门港接境此处见有兵船巡哨更设八桨小船以搜玉环诸山之穴则善矣】

灵门港【东接海中鸡脐山与松门港接境南接楚门洋坑下接硎礁山原无兵船之设嘉靖壬子等歲倭犯江綰犯后湾始议立战舰己未贼犯灵门跳头从腹内流突沿岭江窃舟遁海将前船掣守东门又以单弱不足防御并入松门港大防哨守革之诚便也窃谓松门寨港大防兵船去此密还可以径顾其地彼港舟师每每潜遁哨报不时为今之计当重责于松门港之水兵而專严以哨船之号令】

松门港【其东为岛米门外积谷山及下洋大陈岬等处外即大海直抵日本北往化屿龙王堂鲤港横门大潭深门等处与新河水三防港接境南往鸡脐吊崩硎礁鹿头片屿骊洋邳山等处与灵门接境隘顽居其南如隘顽有贼此港之船直捣其防隘顽缓急此港之责守也海内碎山极多若贼自温州而来此为汇嘴捷径竟抵城下若自外国而来止过大陈邳山大鹿登岸皆为贼巢甚难防守今虽稍增战舰仅堪小敌之御而港内迂回屈曲难以捍贼必出大陈山而迎战于海中乃为得之】

新河港【港口浅狭大船未易出入不必舟师防守止陆备旧设椿闕动称门户之固司事者未皆亲履遂相驾重以为险阻实惟小松木二三十株于半港中耳既无险可恃无据可守左右南岸平于如掌岂能为坦港之重轻哉】

海门港【一名椒江渡港水流入二十里之中一分台州城下一分黄岩城下此我朝开国以来之重镇台黄府县之咽喉也视宁波定海關不同其定海關水港既狭港外舟山长涂马岙金塘遠近皆堪泊船分哨海中复有舟山二所且设重镇于定海战舰数百是以海外之功屡有成绩而港口之守永无内患今海门港一潮之遠止有三山一座形小直削并无港次四望汪洋我之兵船欲泊于港内则不可御敌欲出于外洋则更无山屿可抱风浪汹涌自国初迄今倭之犯台悉由于此国初全浙设备倭都司一员而独驻守海门其所系之重可知迩来诸港皆设备独此一港与海门卫未尝经理虽有兵船率为故事旧有二百余艘尚不能沮其黄岩之入今所造船只分其半于松门卫港不知此港之兵必当倍于松门庶克有济何也松门港之船可以尽出外洋截贼此港口必须多留船只防守若不严御港口使贼一入则其舟西去台州随潮仅九十里我之陆路隔渡阻山无由追蹙必由黄岩遠抄势不相及故全賴水兵阻截港外有台境之寄者其慎图之】

桃渚港【议者谓桃渚离海门甚近可以防应战舰不必设不知海门所由里路至桃渚止四十里形似弓 若由海中转达圣塘而下必出大洋其程两日不似桃渚至长沙巡司一带乱山丛砌羣峯散走或出或入萦纡纷峙海边浅潮之中直深出大海极为绵远而桃渚所北往健跳一带如盐塘除下仙岩处处海湾突进其健跳之舟北御昌国海邮一带力已足矣桃渚港之外接大海总港亦当设船一防如健跳之数但额舟有限松海二關已为不足若量抽数舟弃之万山之外孤海之中势分力弱亦竟何益哉】

健跳港【原设长洛一渡逼近东所城侧渡濶四百余丈出海直往茅头大洋上接海中查盘山与练陀等处下接海中青屿黄毛□与牛头桃渚地方接境此处宜设兵船一防必得福苍海沧二十余艘方可守御松海二關已称疎薄无力分应若又量抽数只分守此港则港大船寡无益于事此城孤悬以船为命今虽有守似为单弱不足恃也】

【按台州海门不出此数港分守合备似不可缓若春汛之期当以松海二港合为一大防在大陈洋岙伏截以为南防桃渚似当添船与健跳相等亦令防合外洋以为北防其在南防也则海门港必当留大小兵船十余艘守港而松门可尽发其在北防也则健跳港必当留大小兵船数艘守港而桃渚可尽发】

陆路设备

楚门所【贼犯楚门必屯鸡脐山下其心恋船不过二三日既还而走如往隘顽则歷所城藤岭慢游料我兵阻之不得已方弃船陆行也其往三山大荆以由温州不如径由水中对过蒲岐港为便南隔一小港为玉环山周围百里旧有民居国初遣入内地台温二境乃贼去来泊船之渊藪也对岸则温州府蒲岐所近被势豪据以耕种夫耕田则起屋起屋则招贼衅端虽不宜开然当事者谁肯任怨哉又由西北至太平城江下地方谓之东门港沿山滨海而行山林密茂水港出入又十五里乃南弯地方高山环海旧战場也旧贼据万仞山腰进兵之路皆鸟道鱼贯我兵分为四枝松林如织相战犯兵家之大忌仍成全捷以收奇功信乎地利不如人和也】

隘顽所【北为太平县藩篱南可以阻楚门之寇城外东北山下长沙面水民居一村番舶至此可以屯泊若弃舶登突决由藤岭内外皆可至温川地方夫贼屯聚于藤岭则太平之路既阻于藤岭松门之路又阻于慢游设贼屯据面水背山可以高枕久住可以从容困城楚门所在其南非驻兵之地决不能北援大松二路又絶将何以为计也所赖只有松门港兵船抵城下贼若有船在水定可逐之贼若在陆水兵无所用力但咱船远了松门港兵船急出过隘顽之南大海中截之庶可保全万一疎虞而致贼舟登犯城四面皆山高插天表既不能守而城身欹矮又不足固其若灵门關有贼虽属险难我兵统入城内从容南出攀接而进亦可应援过大岭皆夹山而行进退路径皆艰两鼠鬪于穴中勇者胜耳可不深长思乎若贼流走我兵当星夜先驰江下预处战地设伏以待若尾而追之则无及矣】

松门卫【若止驻兵城内而贼由西来则我兵瓠系诸处难顾若城内未尝驻兵而贼据松门

寨为巢以一枝劲兵守北门山麓下则我兵无路可援故城内城外皆当防守有警则将人由泥涂用马报约城内之兵刻期以一枝由新河一枝由隘顽海边进战城内兵鼓噪应之庶为一防其由隘顽而来多水窟难行必由北里山防合新河一带而往遇雨则潦不可涉旱则可进大兵沿涂皆硬沙实土有潮不可行无潮可列堂堂之阵今有大防兵船谅多无虞】

新河所【论形势之急在海门港论适中之地在新河所该所去松门隘顽海门黄岩皆五十里去太平县三十里三面俱有大路可以进兵应援但北至海门皆由塍雨久潦溢水皆没人其藤岭横山头敌所必由我可设备以阻贼冲者也盖此带沿海陆地四散贼出温岭少有阻则即由路桥绕出黄岩以往温州黄岩之贼决不复由海门新河盖知椒江有舟师新河有陆兵故也】

海门卫【卫城当置于高岭乃为据险每岁贼攻垂破而卒不防者乃保障之力非形胜之据也此为浙东三台门户水陆重镇三面阻水贼舟可泊实为险要惟恃兵船以为命御番舶于未登此守海门之上防也失此则为中防矣如贼在栅浦则水兵截于大港陆兵进剿一由海门近攻一由泉井一由路桥一由三山远截合力亦捍御之一术也又失此则无防矣】

前所【与海门卫对垒中隔大港即椒江也其形势利害与海门相同剿前所之贼多过江或由府治或下城门岭往仙居出温州贼若在长沙连盘一带屯住连盘港深而长背山面水健跳桃渚二港防于此可为巢穴分投出掠饱载而归我兵由里路至隘口转南出其巢后自山上攻下仍以一枝截住山头庶我不为贼抄兵勇者胜耳】

桃渚所【其城可守但濠狭而城卑今议濬濠即以土增城庶为海门卫及府治之藩翰也所城东北有菖埠港与本所港相类皆委蛇细曲贼之大船必不能入若泛小舟而我之兵船不能进追则其去海门甚近也外海诸山皆可以截贼须预设伏俟贼出而击之乃可以成功也其他若安圣寺可伏截以阻贼菖埠之冲白莲岭可伏截以阻贼后岭之冲肯埠岭尽头可伏截以阻贼肯埠之冲若贼至东所弃城而不之顾则必往府治自仙居走温州我兵即当驰赴府城以截之也】

健跳所【健跳城三面阻山皆峻岭而东面山前距海若非兵船预伏探哨寇舶卒至何以御之故健跳战舰之设不可一时而不戒严也其去桃渚一百里或攀峻岭则鸟道鱼贯或涉羊肠则潮滨梗防或行山地则溪石坎坷马不能驰人不能列非二日不能至设贼舶舟城下江中桃渚一路决不可以进援东去昌国卫隔大洋彼处有贼所当时时防御去宁海去台州俱一百四十里路径皆如桃渚缓急之际松海大兵必不能猝达若迳过台州府从宁海而入必由黄岩台州相岩桑州宁海窰岙计一日余方到东所援兵至此贼必已遁海而别犯矣岂能望以成功邪若报至即调海门關兵船抵所城东海山内设伏以邀击之万无一误也】

昌国总

沿海设备

昌国卫【坐冲大海极为险要石浦關切近坛头韭山乃倭夷出没进贡等船咽喉必由之路悬海南北□等山可设舟师往来巡哨以为东路声援其西象山县石浦巡司则恃之以为右翼者也悬海金齿八排朱门等处可设舟师往来巡哨以为南路声援其北牛栏基旦门青门茅海竿门则恃之以为门户者也见拨福苍兵船于此關哨守】

金井头【相对旦门直冲大海嘉靖己未夷船由此港登岸本港原设兵船近因船少力弱掣并石浦關见拨本卫北哨兵船往来巡哨】

前后二所【南临關口近三门要冲之路本所附城设有东西南北中哨伏兵厰五处每处拨军瞭望遇警走报】

钱仓所【东临大海至大嵩港水程一潮南为涂次烽堠外接竿门蒲门地方西北至湖头渡海为大嵩所界乃昌国之藩篱与大嵩相为犄角者也】

爵谿所【城悬海口直冲韭山东逼大海西并钱仓南以游仙寨为外户北以象山县为喉舌见拨旗军防守】

海中设备

韭山【形势巍巍岛岬深遠对冲日本此山之外俱辽遠大洋故夷船东来必望此山為準此昌国总第一险要今拨北哨兵船于此巡哨】

三岳山【系外海悬岛乃昌国卫前后二所喉襟如贼船从韭山来每经此过嘉靖三十四年倭船于此盘据最为险要今拨中军哨船往来巡哨】

旦门【系悬海大洋外有东旦山与韭山相对如贼船出韭山来必望本门突入以往南路内近何家□仁义南盘一带老岸今拨北哨兵船往来巡哨】

三门【乃石浦巡司土湾番头一带沿海居民喉舌如贼从闽广遁归由台温来必经于此最为险要今拨南哨兵船往来巡哨】

金齿门【岛岬甚多便于栖泊贼船往来必经此假息诚南路要冲之处与石浦關相隔二潮今拨游兵及南哨兵船往来巡哨】

大佛头山【内有斗底虾岬乌头青后城壶底等湾系贼船往来栖泊之处极为险要与石浦關相隔一潮今拨南哨兵船巡哨】

朱门山【相对大佛头系外海险要之处如贼由南来必至此假息与石浦關相隔二潮今拨南哨兵船往来巡哨】

八排门【相连南田内多膏腴田地下便栖泊若倭船停栖甚难 防与石浦關相隔二潮今拨南哨兵船巡哨】

林门【乃金齿朱门等山喉舌岛岙亦多先年夷船從坛头海洋突入结巢于此系起遣之地极为险要石浦關至此相隔一潮今拨南哨兵船巡哨】

牛栏基【系石浦關后门外洋必由之路有山环抱可避东北 风如分哨南北兵船往来必于此为适中哨守之处与石浦關相隔丰潮今该中军游兵船南北往来防哨】

坛头山【有南北□壳菜蓝等岙可以避风泊船贼由日本而来每望此山收泊与石浦關相隔一潮今该中军哨兵船于此巡哨】

鸡笼屿【在坛头山外此外一望大洋别无岛屿如贼从韭山来必由此过与石浦關相隔一潮今该中军哨兵船巡哨】

茅湾【切近钱仓所与韭山相对先年番船尝栖泊于此原设兵船一枝因船少兵弱掣聚石浦關今派北哨兵船巡哨与石浦關相隔二潮】

竿门【贴附钱仓所夷船每栖泊原设兵船一枝因船少不敷掣收石浦關并防今派北哨兵船巡哨与石浦關相隔二潮】

青门【贴附爵谿所有山回抱可以避风泊船内接公屿居民地方外冲四礁与韭山相对极为冲要原设兵船一枝因船少力弱掣聚石浦關今拨北哨兵船巡哨与石浦關相隔二潮】

定海总

沿海设备

定海卫【南临港口定海关有靖海营团兵操守招寶高耸海口极为要害山巔筑威遠城屯劄军兵使有犄角之势其隔江南岸自甬东巡司竺山等墩接连后所礮头烽火相望遇警驰报】

小浹港【内通东江出穿山宁波极为险要昔为海贼孙恩所据迨倭贼亦曾登此近打椿数层泛期拨船防守似亦未为慎固宜更密之】

后千户所【东南为霏 所南为大嵩所北为礮头烽墩坐临黄崎港先年贼船由崎头海洋突入本港最为险要每墩拨军瞭望】

黄崎港【东至舟山中中中左二所水程计一潮北至金塘山水程半潮最为险要见有兵船

往来巡哨舟师单薄似未足以遏贼之冲也】

大谢山【离后所城二里南临黄崎港北由犬猫海洋至金塘鹿山最居险要乃先年起遣地方也内设黄崎西山等七墩拨军了报又该中军哨兵船往来巡逻】

霏 所【滨海对双屿港先年贼尝登犯极为孤险春汛时月添拨官兵协守又该大嵩港兵船往来巡哨】

梅山港【东至崎头大洋南至双屿港俱约半潮双屿港先年为贼巢今填塞矣西至大嵩港计一潮北五里至三塔烽墩最为险要今拨大嵩港兵船及本所军船哨守】

大嵩所【东连霏 南接钱仓以大嵩港舟师为命】

大嵩港【对峙韭山直冲外海先年贼由此犯所城突慈岙地方极为险要今拨战船巡哨】

海外设备

舟山螺峯巡司【虽有官署之设而巡检弓兵俱散处民居螺头岙与螺峯烽墩离城十五里贼易登犯须迁居民入城则可】

鹿头烽墩【近海民少势孤常被贼登犯须迁入而后可】

岑江巡司【乃冲要海口也贼累登刼见今居民虽筑墙自卫亦被贼壤近又自葺理终难备御须为慎固之计可遏贼冲】

天同岙【居民百余家气势颇壮但力不支内有紫皮岙居民千数若协力出守彼此可以无事内又有鹿夫善射曾胜倭寇宜令悉力防御】

碇齿隘【与外港相对居民势孤累被登刼其原守军余又已取回必迁居民入内地则可】
奇岙烽墩【即大沙地方贼常于此登舶原有隘已废二岙居民大户约有千数合力出守方可恃也】

郎家碇【西碇寨相连又小沙居民殷庶有隘军共守但地势散濶难以设备贼尝登刼以碇头海塘筑堡协守则可】

袁家碇【即沙岙地方原有马岙千户所军民并逃民约计二千若迁入城以合其势庶可相接济也】

山江烽墩【与沙岙相连有隘军防守贼尝登犯军已取回须迁居民入袁家碇等处则可】

岱山巡司【与于硇堠寨相连居民自筑垣防守贼尝登犯该司居隆教寺内亦为虚应须并力捍御则可】

吊屿【因近海口每被登刼须与小展居民协守则可】

沈家门寨【原系水操之地有军防守近皆取回番船去来皆泊于此内有赵岙南岙芦花岙大岙去寨三五里向者居民筑墙大岭阻截总路近贼径由水路或门道而入累被刼掠更须慎御庶克有济】

临观总【临山观海二卫设一把总分守宁绍防将即此总所辖之地也】

海岸设备

三江所【海滨地势稍缓然海上有警则去省城八十里烽火之通于此攸寄】

沥海所【东卫临山西捍黄家堰有蛭浦等堠拨军瞭望】

临山卫【坐当冲要东接三山西抵沥海设烽堠者十拨军瞭望】

三山所【界于临观之间西以声援临山东以防应观海者也拨军瞭望】

观海卫【西有三山为右翼东有龙山为左翼居中调度聯絡应援烽堠七处每堠拨军瞭望】
龙山所【北对金山苏州大洋东对烈港况伏龙山独临海际去所仅十里乃贼船往来必由之路临观一总之咽喉也封守慎固省城安枕而卧矣】

金家岙【丘家洋连界东对烈港海洋北望洋山三姑大洋嘉靖丁巳倭舶盘据本岙及丘家洋月余为我兵所捷若突腹里由鴈门岭鳳浦湖一带至慈谿县直抵寧波内地极为险要今拨烈港兵船哨守】

海港设备

三江港【港口深濶外通大洋甚为险要贼船若自宋家溇突入腹里從陡門一带海塘可至绍兴地方越港而北为浙西赭山乃省城第一關锁也】

蛭浦港【北对浙西石墩南至绍兴府城通连大海极为险要嘉靖三十二年贼船泊西汇嘴登犯若突腹里由沿江塘路至百官梁湖直抵上虞县兵船哨守不可一日少缓】

临山港【切近卫城直冲大海倭舶屡犯见设舟师屯守西哨浙西澈乍二浦东哨观海龙山如遇临观海洋有警驰报烈港兵船合防截剿】

泗门港【为余姚县东北之喉襟越港而北为浙西澈浦最为隘要嘉靖丙辰倭舶由东北烈表突犯本境今拨本卫兵船巡哨】

胜山港【港深而广倭舶可乘潮以入嘉靖丙辰由此登犯三山所官兵敌退之近议筑塞港口又建墩台于山上】

古窑港【为慈谿之咽喉北对乍浦东哨观龙西连平石极险之处嘉靖三十五年贼船盘据突犯慈谿地方今拨兵船巡哨】

金墩浦【为定海慈谿相界之地北连大海西连伏龙山此处坐临海涂贼船自东北而来必由此系泊嘉靖己未贼曾登犯见拨军船往来巡哨】

烈港【所系甚大盖贼船之入临观也非由澈乍则由烈港诚临观之门户甚为险要先年议设三江蛭浦临山胜山古窑五港以卫临观后因各港沙硬水浅难泊而止今议派临观把总兵船改调烈港出哨临观一带地方】

海宁总【海宁卫立把总一员其分守嘉湖防将即此总所辖之地也】

海岸设备

海宁演武场【枕海曾经倭泊实为险要旧设陆路厰倭据为巢厰毁今拨旗军哨守】澈浦镇巡司【外与秦驻山大步门相连山湾潮浚贼船曾泊此可通内地宋停村紫云等处接近屿城此卫南之冲也今派龙王塘兵船巡守】

海口巡司【此处海滩沙污船只难泊迤北乍浦相连内有白马庙八团圩民丛集递年倭寇突犯将向南北必先住此观望虚实其地内通嘉兴平湖嘉善等处乃卫北之冲要也今拨龙王塘兵船巡哨】

南海口【操备厰离海半里与东海口陆路厰俱为冲要】

金家湾【此处潮深山僻递年贼船登泊若犯腹里直抵平湖沿海则侵乍浦直抵海盐实为险要今拨西海口兵船巡哨】

梁庄寨【倭寇屡登为巢实为险要】

赭山寨【东南逼大海面对萧山与钱塘江口相连先年倭尝突犯实为险要】

石墩山寨【东南倚海山下有一小港外通大洋递年倭寇登据为巢船泊港内极为险要原设寨军防守后掣回所城止于石墩烽堠拨军瞭望】

鳳凰山寨【南临大海坐对膺冲门倭尝犯此实为险要】

黄湾寨【东与澈浦接界南对大洋北通腹里硖石地方昔年倭寇屯据为巢实为险要】

海港设备

东關外龙王塘【外即大洋直对浙东临观等处迤南半洋中有白塔山贼船可泊贼若登岸向南则侵澈浦往西则侵腹里天宁寺水陆通衢直抵嘉兴实本卫之咽喉沿海之首冲也近议立为關隘今委官兵出哨西海口九王门澈浦等处】

黄道庙港【南滨海与临观相峙倭寇登犯极为冲要】

西海口【南通大洋北近平湖系折西之咽喉平湖之门户也本港海涂高硬潮水长涸不一船难系泊恐倭船来潮突进则我之兵船高阁關係匪轻当踏勘开濬建立水闸将各兵船浮泊活水遇警出剿此第一预防之计也今拨兵船出哨滩许金山青村一带海洋与吳淞江兵船相防】

一国初定海之外秀岱兰剑金塘五山争利内相仇杀外连倭夷歲为边患信国公经畧海上起遣其民尽入内地不容得业乃清野之防也赵工侍近奏令民开种以给幕租若兴此利金塘一山即可垦田数万亩歲入米几万石玉环诸山计之每歲可得米几十万石大为海防之助但其患二故当道屡议屡止其一是倭人借以为粮结巢于此兵费反多其一是大家争佃秋粮难征且无益于小民以愚计之须丈量为屯田召民耕种输赋军门耕者塔棚厰而居不挈妻孥不得卖买逐歲更始如大家放租之法则官民两利而争夺之患免矣官差石工伐山造堡海洋有警小民避入贼知堡中无子女财帛自无结巢之念矣

一台州沿海近涨滩涂长数十里濶十里若做范蠡围田之法令民耕种外设海塘一条以捍咸潮俾不得伤稻每歲起科以给幕租可得若干万石

一浙江寺田甚多势豪吞占动以千万亩计若每千亩抽其二百亩以给幕租每歲可得米几万石

主事唐枢云杭州居腹里之地而以钱塘港海门为分户南岸为宁绍北为松嘉极西尽底为杭东临大海若战舰严守闻警即出把截贼难直捣

副使茅坤云浙江所募客兵当量缓急以为声援防应则可尔恐不得为常而沿海郡县所自部署勒习以为歲戍之兵必于土著之兵择其膂力强悍之士若杭嘉湖贩盐处州矿徒并一切亡命者为之大约杭州三千嘉兴三千而湖温台宁绍亦各一二千量多寡以差其费当括十一郡县民壮弓兵之属而通计之腹里郡县则减去其半或三分之二特量留什之二三以给城庠刑狱之役而已其余并籍其费以归于官令各兵备道亲为按歷州县或择诸州县长

吏破常格而募之且各州县民壮弓兵之所食故额人七两二钱然其民间所私相转雇募一倍再倍者有之追呼道涂之费尤不可算约者请量为每名额征一十五两籍二人之所食而募二人其数可三十金

把总指挥蔡汝兰云东南自倭变以来议者不少然于台州独无說焉何也夫台州辽处海滨诚四寨之国南有桃岙金竹北有桑洲桐岩西有關山卫墅叠嶂层冈重關鸟道真一大可御之险而且南去盘石楚门仅百五十里东南去松门仅百里东去海门仅八十里设或倭奴弃舟登陆皆可卒至城下自海门而上者则一潮直达实一时难御之变也三面阻山一面濒海孤悬于数百里之外救援接济所难卒至者惟此耳曩者戚防将驻兵桃渚而倭奴屯聚桑洲遣输粮银经月不至孤危之势诚可畏也今宜于台州專立督饷方面积聚粮饷训练兵士以为重镇而且西控温处金衢北卫宁绍权非遥制而威可近飭也如是则粮饷无临时输运之难而士卒有先时设备之佚以至出海兵船卫所官军悉知警备而防御益固矣夫督饷既立则粮饷聚粮饷聚则兵士充兵士充则训练精如是则先声足以破其胆而防御足以杜其衅冲突足以挫其锋行之三年而海不 波矣此督饷所当议也近虽添设兵备防将然于粮饷无裨虽增兵亦何益哉

总兵俞大猷云自潭岸山以北以西之海水浅沙硬大船误阁则破壞且无避风安岙兵船至彼如遇夜必须当洋下碇碇不能坚每被急流飘去或夜半发风则尤危然多赖天幸非安计然则宜如何曰钱塘江乌嘴头浦内船兵一枝不可无余则练陆兵精卒一枝以待而严覈赭哨探遠谍焉庶救仓猝或曰贼舟何能至此曰贼用单桅小舟径抵山边阁干登刼故必用陆兵追捕方不走脱若以兵船必高大方能胜贼如与贼舟等则胜负未可必也今言御贼于海也易要非通论海本辽阔舟行全借大风与潮人力能几风顺而重则不问潮候逆顺皆可行若风轻而潮逆甚难夏秋之间西北风起不日必有极大西北风也操舟者见此风候须急收安岙兵船在海海舟遇晚俱要酌量收舶安岙以防夜半发风至追贼亦要预计今晚收舶何岙若一意前追遇夜风起悔无及矣

又云沿海之中上等安岙可避四面 风者凡二十三处曰马迹曰两头洞曰长涂曰高丁港曰沈家门曰舟山前港曰浚江曰烈港曰定海港曰黄岐港曰梅港曰湖头渡曰石浦港曰猪头岙曰海门港曰松门港曰苍山岙曰玉环山梁岙等岙曰楚门港曰黄华水寨曰江口水寨曰大岙曰女儿岙中等安岙可避两面 风者凡一十八处曰马木港曰长白港曰浦门曰观门曰竹齐港曰石牛港曰乌沙门曰桃花门曰海闸门曰九山曰爵溪岙曰牛栏矾曰旦门曰大陈山曰大床头曰鳳凰山曰南麂山曰霓岙其余下等安岙只可避一面 风如三孤山衢山之类不可胜数必不得已寄泊一宵若停久恐风反别迅不能支矣又潭岸山滩山许山之类皆團土无岙一面之风亦所难避可不慎乎

都御史唐顺之云往时浙直军需多倚各省协济自例罢协济之后而窘急甚矣胡总督近有乞留运米借盐银之奏蓋以军需无处甚不得已全仰此一着救急

又云江南控扼在崇明浙东控扼在舟山天生此两块土大海中以障蔽浙直门户诸哨船皆

自此分而南北总防于洋山若会哨严 遇船即打贼何从入

都指挥戴冲霄云议者皆谓玉环等山可兴屯田之利以给幕租愚谓此等山古时有民居耕作信国公皆迁之于内地不许其得业岂诚弃地利而不知惜哉亦念荒山起税为利不多即以万亩计之不过千石若寇据此以为巢穴则攻逐之费不知几倍是赍盗粮为小而失大也故舟山止留二所了守而亦不许民屯种其为虑至深遠今日备倭之防不必遠求查复信国公之制而已矣

筹海图编卷五

筹海图编卷六

明 胡宗宪 撰

直 沿海总图

松江府图

苏州府图

常州府图

镇江府图

扬州府图

淮安府图

直 兵防官考

直 倭变纪

直 事宜

直 兵防官考【分江南北为二】

苏松

总督直浙福军务兼巡抚浙江都御史

提督应天军务巡抚都御史

操江都御史

督察侍郎【详见浙江】

视军情官【详见浙江】

巡按苏松监察御史【嘉靖乙卯四月兵部题准勅兼监军纪功】

巡江监察御史

整饬苏松兵备副使

整饬常镇兵备副使

添设海防僉事【驻劄上海】

镇守浙直地方总兵官【驻浙江】

协守浙真地方总兵官【驻金山】

苏松叅将

常镇叅将

游击将军【新设驻劄金山】

南洋遊兵都司

刘家河把总以都指挥体统行事

吴松江把总

南匯把总

青村把总

柘林把总

川沙把总

福山港把总

镇江把总

京口圖山把总

沿海卫所

金山卫

左右前三所【俱在卫城】

后所【今调守柘林镇堡】

中所【今调守松江府城】

中前所【今调守青村城】

中后所【今调守南汇城】

太仓卫

左右中前后五所

吴松所

镇海卫

左右中前后五所

崇明守御千户所

镇江卫

沿海巡检司

松江府

金山 戚水泾

三林庄南跑

苏州府

江湾 顾泾

刘家港茜泾

唐茜泾甘草

白茆港唐浦

福山

沿海营堡台墩

松江府

营五【独树金山江门小盘大盘】

堡四【柘林胡家港川沙蔡庙港】

塘铺二十四

【前所二了守军四人 左所二了守军四人 右所二了守军四人
中所十七了守军三十四人】

烽墩四十三【每了守军五人】

后所三【新庙江门葛逢】

前所四【横沥□管戚家金山】

左所三【滢缺周公陆鹤】

右所三【西新东新胡家】

中前所十二【戚滢宋家新袁浦大门焦树旧袁浦

头塹二塹三塹五塹旧四塹 新四塹】

中后所十八【南漕头塹二塹三塹四塹五塹六

塹七塹八塹九塹十塹十一 塹十二 塹十三 塹十四 塹十五 塹十六】

苏州府

营堡三【整福山九折村双瀆】

敌台三【村黄窑 港七了港白茆】

烽堠四十八【港依有西 生宇圩周家马沙吕家

圩东潜宝山月浦□掬港顾泾练祁五岳七了港张浦黄窑新塘唐茜泾浪港鹿鸣双鸣大钱
泾金泾许浦高浦白茆港崔浦黄瀆福山千步泾瓦浦卢浦奚浦三丈浦西洋海洋耿泾黄泗
浦新庄唐浦大陈 浦徐陆泾小东 浦四马 泾乌沙 港 野】

淮 【除总督督察视军 官操江巡江与苏松同不重列外】

总督漕运兼提督军务巡抚都御史

提督淮扬军务巡抚都御史

巡按淮 监察御史【嘉靖乙卯四月兵部题准勅兼监军纪功】

整饬淮 兵备副使

总督漕运总兵官

提督狼山等处地方副总兵

扬州叅将

盐城叅将

统领兵勇遊击将军【驻仪真】

北洋遊兵都司

仪真守备

掘港守备

大河口把总

周家桥把总

狼山水兵把总

东海把总

管领曹濮民兵把总

管领沂州民兵把总

沿海卫所

扬州卫【旗军八千九百六十名屯军四千四百四十名】

通州千户所【旗军二百三名屯军八百八十二名】

盐城千户所【屯军八百八十二名】

泰州千户所【旗军二百三名屯军八百八十二名】

高邮卫【旗军六千七百二十名屯军四千四百四十名】

兴化千户所

仪真卫【军四千四百八十名】

大河卫【军一千五百二十一名】

左中右前后中左中右中前八所

淮安卫【军八百五十名】

左右前后中左中右六所

东海中千户所【军五百五十名】

海州中前千户所【军四百七十五名】

沿海巡检司

扬州府

狼山【六十名】 呉陵【五十名】

张港【五十名】 石港【四十名】

掘港【四十名】 西塲【三十名】

海安【三十名】 西溪【三十名】

安丰【三百名】 黄桥【三百名】

印庄【三十名】 口岸【三十名】

归仁【五十名】 州【一百名】

淮安府

喻口镇 马逻

庙湾羊寨

坝上长乐

惠深东海

临洪荻水镇

沿海营堡台墩

扬州府

营十五【徐稍大河 料角嘴壮捷壮武 掘港东营镇逯轻忠济武 掘港西营登庸平定忠节兴义】

寨九【白驹刘庄掘港塲拼茶角斜李家堡】

【大河口军二百人 料角嘴军五十人徐稍寨军五十人】

烽堠九十三

通州八

海门县二十八

泰州十一

拼茶寨四

角斜寨二

白驹寨一

掘港寨九

刘家寨一

李家堡五

直 倭变纪

苏松常镇

洪武二年二月倭寇崇明诸处指挥翁德朱文击败之【贼犯崇明德督舟师御之于海门之工帮斩获甚众阮而复寇吴淞江沿海一带文亦破之俘斩献防】

永乐二年四月对马岐倭寇苏松

【贼掠浙江穿山而来转掠沿海上命太监谕其国王源道义源道义出师获渠魁以献】

十四年倭寇崇明

【朝廷发镇江镇海二卫百户十员率军士千余御之寇平遂 崇明守御所其旧戍官军发属水寨自是贼无至境者】

嘉靖三十二年闰三月贼首王直犯嘉定

【贼自烈港之败以百余人自白马庙而来收集余党流突苏松掠嘉定之宝山镇抚陈宪疑

为盐盗率轻兵追之后知为直不敢袭】

破南漕所

【自望日而后七日贼破城者再】

同知任环守备解明道败贼于吴淞江口

【贼至刘家河 帆而西明道与六合知县董邦政率兵迎击之追及于吴淞江口值防徇港复有新贼至者与之合踪势益猖獗官兵莫敢进都御史蔡公克廉遣同知任环往助之贼遂败走俘斩百余】

四月贼围太仓州

【时贼势甚急直逼太仓城下蔡公躬乘城督战贼乃去而城外居民焚掠防尽】

五月贼破吴淞所入据之越十日守御解明道复之【贼既破城遂据为巢明道袭败之斩首百余贼首三大王六大王死焉遂复所城贼遁出海复为州判金汝舟千户杨循礼所败擒斩八十有奇】

贼首萧显入上海县镇抚胡贤死之

【显自浙西流突直境过金山至天妃宫指挥黎鹏举与贤御之鹏举被鎗贤死焉贼遂冲县市焚台所自是而后浦东沿海二百余里间新旧之贼往来络绎无虚日矣】

十一月叅将汤克宽败贼于高家嘴

【俘斩百余】

三十三年正月萧显攻嘉定县

【显自上年入寇上海而去为官兵追迫登据崇明之南沙官兵围守且半载值岁暮守者懈显得遁至黄 入攻县城又分掠南翔等镇叅将汤克宽击败之】

攻上海县

【显自嘉定循海而南攻围上海甚急时城初筑未固势且防官民汹汹兵备金事任环统民兵三百僧兵八十往援时贼船泊黄浦者以百计而自吴淞江南行者不计焉环追袭之于五里桥贼败南奔环追败之于习家坟贼始惧适浙江都御史王公忬遣都指挥卢镗来击贼乃

解围而南】

二月都指挥卢镗败贼于史家浜金事任环败贼于归家港

【时显据史家浜为巢镗进捣大败之贼死者无算乃遁往浙江海宁县镗复追败之其别踪之在归家港者环亦败之】

三月贼攻南漕所

攻松江府副千户童元巡检李丛禄御战死之【贼自曹泾而来元与丛禄御之于萧塘力战而死贼遂渡浦攻府城环与克宽击败之贼乃退走大門塾】

四月贼首王直等巢柘林

【贼与徐碧溪吳德宣等营柘林为巢窟连络三百里如老鸛嘴七八团之间皆其部落之所屯聚也问分一支自清浦白鹤港而北出太仓分一支自刘家河入趋昆山】

州判金汝舟指挥姜统败贼于刘家河

【贼自正月复据南沙至是突入刘家河统与汝舟率舟师击败之斩首百余】

攻太仓州

【松江之贼出青鱼泾遇贼□自刘家河入者六十余合攻州城】

攻昆山縣

【贼自刘家河入越太仓至昆山知县祝干壽莅任甫一月闻报即督官民死守贼攻围甚急苏州路絕干壽夜募死士持蜡书浮水而行八昼夜始達郡城巡抚屠公大山巡按孙公慎遣都指挥梁鳳应援鳳竟不进生员龚良相涕泣请兵于孙公始知鳳逗遛之罪遣良相监督以行鳳大怒欲杀良相良相不为动促之益力鳳不得已至三里桥望贼即溃而西遗火器二船于贼佯报贼已遁去人皆信之贼得火器攻城益急至有捍陣者有穴城门下者干壽与乡宦朱隆禧等分门登御而今生员张光绍潘蔚卿武举郭龙韬等严督士民竭力御之城赖以全时贼欲据昆山为巢故苏州各县皆被攻围而攻昆尤急以昆山为苏郡州县适中之地得此为巢则沿海诸邑声援俱絕进可以蚕食苏常退可以拒援兵也】

总兵俞大猷败贼于吴淞所

【贼船入吴淞江者十六艘大猷败之沉其舟十一斩首二百五十有四】

贼攻苏州府

【贼首阿八王自昆山分踪进掠府城叅政翁大立提兵御之贼乃退遁】

攻常熟县

【贼酋刘鉴自梅李进攻越四日又合福山贼进攻县城】

攻松江府

五月贼解苏松围而去州同张魁千户田应山追败之

【贼纠诸县精悍者凡七千人攻昆山县城期于必破知县祝干壽殪其渠魁二大王贼大惧图归而各县之围皆解遁出刘家河者数百艘魁等追击大败之斩首四百四十有奇】

六月贼犯苏州府

【贼自松江来者分作三支一由嘉定太仓大道而进一由闕桥清浦间道而进一由唐行千塹而进防于昆山期犯府城兵备任环御之于真义弗利百户刘爱臣死焉贼遂进至府城焚掠诸市镇而去取道于行春桥由鮎鱼口出太湖过吴江知县杨芷举人周大章率舟师追击于王江泾烂溪莺湖等处皆胜之贼由菜花泾过嘉善而去】

七月贼攻南漕所

八月贼攻嘉定县

【贼首王直分遣其酋吳德宣徐碧溪自防绚港率众千余入攻县城】

叅将许国李逢时败贼于师家浜

【直知官兵将搗其巢乃进营于师家浜列七星阵以待官兵击之大败而去阮而又进攻之贼固守其舟时二叅将所统者皆北兵不知地利屯所遇潮死者甚众无何贼由原港出海水兵追战于老鸛嘴之四马洪大败之】

贼攻青村南漕所金山卫

【蔡庙港贼并入柘林贼巢合攻青村所继至之贼登周公塹者千余攻南漕所旋亦入巢与新至之倭合攻金山皆为官军敌退】

十二月贼陷青村所

【先是贼攻所城者数次官兵守备极严贼皆负伤而走积忿诣柘林借兵二千来攻弗克贼亦计穷欲去防守门百户之伯有为贼所虏者贼令叩南门呼侄求入侄闻伯音以绳下挽昏黑之际贼乘隙以登百户首先被杀贼遂入城焚杀比他地尤】

三十四年正月贼攻南漕所

【川沙之城】

金事董邦政捣川沙洼贼巢破之

【时贼死伤者五百余监生乔镗复追败之】

贼攻金山卫

总兵俞大猷副使任环孙宏轼等败贼于胜墩【贼自嘉兴流至吴江之平望分道而来一支由太湖澜溪南麻一支由张村黎里出牛场泾期防于苏州兵备任环知州熊桴知县杨芷御之于梅堰莺湖皆胜之贼乃遁去以嘉善道阻复合兵由大道进至胜墩环与知府林懋举等率狼兵自北击之浙江副使孙宏轼总兵俞大猷率宣慰彭翼南兵自南击之狼兵首殪其渠魁一人贼气阻捐资于狼兵求脱弗听东西皆阻水官兵南北夹击之贼遂大败斩首三百是战也提督都御史周公琬巡按御史周公如斗令所在清野凡贼所向民间防具悉毁之而令环等扼之于前浙江巡按胡公宗宪复督宏轼等自后追之贼进不得食退不得息故有是败】

贼入崇明县知县唐一岑死之贼旋就灭

【贼夜袭破县城岑与之巷战身被数刃犹力战贼败出城一岑伤重而死居二日贼复至据县城诸耆民相与谋曰唐父母被害而吾辈乃容贼磐据吾县耶于是相与戮力为死鬪贼二百人皆就防】

二月贼攻青村所翁时奘等击败之

三月贼围上海县

【贼五千余屯新场下沙千余屯闸港数千屯川沙俱进逼县城时总督都御史张公经调集广兵湖兵数万驻松江贼乃退入旧巢完垒治兵为拒守计而诸营连络声势益盛张公欲伺其出海击其惰归故捣巢之策卒不果行】

贼攻金山卫总兵俞大猷败之

【柘林新至贼乘锐来攻守者发矢石御之贼中伤者甚众乃解去既而又来攻大猷败之俘者二百余】

四月贼攻常熟县

【福山之贼】

兵备副使任环击败常熟三丈浦之贼

【先是贼屯三丈浦者势甚猖獗且易官军不为备环阴部署主客官兵以保靖应袭彭守忠为中哨太仓耆民为右哨知县王鈇为左哨躬环甲冑激励三军我兵皆踊跃思奋进攻之贼遂大败俘斩二百八十有奇而我兵不损一人自用兵以来旱战全防未有如此者也】

常熟知县王鈇与致仕叅政钱泮御贼于上塘港口皆死之

【三丈浦之贼为任环所败势已破沮值陆泾坝败遁之寇与之合踪复肆猖獗欲攻县城鈇泮率兵御之贼佯为村民避贼若依官兵为援者官兵方共惜之倏尔起鬪兵士惊溃鈇泮犹督战不已遂皆遇害】

柘林贼首徐海分踪出掠

【贼知官兵将捣其巢乃分兵四出以牵制我师东掠崇明常熟以达江北西出嘉湖以摇动全浙而川沙之贼先屯老鹳嘴者以声援不继俱并入柘林】

贼攻无锡县

五月任环复败三丈浦之贼

【贼既杀王知县声势甚滋漫而太湖之贼与之合益骄肆无忌环率官兵进攻大败之杀其白眉主帅一人贼乃大惧称环为 命官人数迁徙避之】

官兵击贼于陆泾坝大破之

【详见大防纪】

游击将军周藩与贼战于朱泾败绩死之

贼复巢柘林

【贼自王江泾之败皆遁出海新贼万人复来据之未防风雨大作出海之贼覆溺防尽余党复巢焉】

贼掠浙江取道苏州出海至平望浙直官兵防击大败之

【详见大防考】

六月贼攻苏州府

【贼自柘林取路昆山而来遂掠太湖洞庭两山】

常熟三丈浦贼出海太仓知州熊桴败之于登舟沙【俘斩一百三十有奇余贼南遁至吴淞江口复为把总刘堂所败其酋急速如郎就擒斩首二百六十】

七月松江府知府方廉计杀柘林贼千人

【时巢贼甚炽廉遣谍投毒井中贼死者千余人斩首数百】

浙江提督都御史胡公宗宪遣叅将卢镗都指挥王沛败贼于刘家河金山洋

【先是贼自王江泾陆泾坝平望数败之后势甚穷促叅将卢镗都指挥王沛时往挠之贼死伤及疾疫者过半乃潜伏巢穴不敢出掠日为遁归之计既而为官兵邀击遂沉舟破釜示无去志然实计官兵不备之于海而得走也胡公谍知之预遣沛等率舟师伏海口向之贼果遁去沛等追败之于金山洋悉沉其舟贼溺死无遗】

柘林贼攻屯陶宅

【贼出海复为总兵俞大猷叅将卢镗把总姜宇所败乃复登陆结巢陶宅其一艘飘泊海门则贼酋林碧川为之首与其下一百二十余贼复登大陈山为把总任锦俘斩无遗】

八月剧贼五十三人流犯苏州提督都御史曹公邦辅讨平之

【详见大防考】

七丫港吴淞江贼遁出海洋把总杨尚英追败之【沉其舟六十俘斩三百有奇】

九月浙直官兵防击陶宅之寇指挥邵升姚生员千岳皆死之

【升等乘胜进攻贼死守其巢乘高刺下三人皆死焉】

总督都御史杨公宜遣游击将军曹克新副使任环捣川沙贼巢击走之

【克新统官兵攻贼大败之燬其巢贼遁至吴淞所环督舟师袭之斩获大半余党走清水洼】

闰十一月佥事焦希程率川兵捣周浦贼巢大败之【先是杨公潜令武生胡亘朱先等设伏贼巢约纵火为号希程监督川兵与曹克新乘雪夜袭之亘等纵火焚寺贼惊乱四面伏起斩首二百三十有奇而贼巢燬焉】

官兵败贼于吴淞江口

【周浦贼遁出吴淞江副使王崇古总兵俞大猷追击大败之俘斩一百七十】

三十五年正月叅将尚允绍击贼于四桥死之【贼首陈东时屯新塲为巢】

二月贼首徐海复巢柘林

【新陈贼首陈东自燬其巢来与之合】

三月贼据蔡庙堡叅政任环叅将乔基等大破之【时贼新至漂缺总督胡公令环防基共击之贼逃入蔡庙废堡环乃以把总陈习攻东门车梁攻西门张惟孝攻西北顾鸣鹏攻西南贼死守官兵攻之战方酣王寅等兵潜从东北入贼遂大败悉斩之】

官兵击新至贼于七灶洪等处悉败之

【时新至贼一支自漂缺登犯游击宗礼败之一支自七灶洪登犯佥事董邦政败之一支自南漕所登犯防政任环败之叅将娄宇又败之俘斩甚众而所存者无防焉先是贼据松江累年未有能挫之者及胡公为总督于是官兵僇力而新至之贼皆迎刃以败云】

陶宅之寇为官兵击败遁出海洋叅将娄宇等复追败之

【总督胡公会浙直兵进捣陶宅之寇大败之贼死者甚众遁出漂缺外洋娄宇与把总王应麟复败之于九团洋俘斩逾百】

叅政任环佥事董邦政击界嘴新至贼平之

【贼新至自界嘴登犯胡公檄环邦政防击之大战一日斩贼十之七八明日复战遂无子遗】

】

贼犯西庵董邦政平之

【贼新至自金山登陆流至西庵胡公檄邦政攻之贼大败走匿法昌寺邦政复火攻之尽殲焉】

贼犯青村把总王应麟讨平之

【新至贼自青村焚舟登陆应麟败之贼匿民房官兵复火攻之贼突走为官兵所截不得去乃复匿民房遂悉斩之】

董邦政追击新贼于沈庄平之

【贼百余皆就戮】

贼入吴淞江总兵俞大猷大破之

【贼舶十六自寶山入江大猷先奉胡公檄与把总杨尚英刘堂等设伏海口待之贼至伏发沉其舟十三斩首二百五十】

贼攻江陰县知县钱鏐出御战死之

【时贼攻围甚急填濠直逼城下势且陷钱鏐议欲出兵拒之兵备副使王崇古不从钱鏐独率民兵出城捍贼力战而死然自是贼亦稍稍引去矣】

贼攻无锡县

贼入杨子江镇江卫千户沈宗玉王世臣战死五月贼攻上海县寻进攻松江府官兵追击于湖败之

【时贼新至者以万计复屯柘林乍浦总兵俞大猷同知袁文贵知县杨旦等败其前锋既而贼攻工海县又为官兵所败而去遂攻府城把总刘堂追击于湖败之叅政任环同知熊桴复追击于淀山湖东又败之前后俘斩三百余贼】

六月新安卫百户帅印与贼战于青村德胜港死之【时印统广兵追贼】

总兵俞大猷邀击遁贼于茶山洋大破之

【七了港贼与吴淞江贼为官兵所败相继遁出海洋大猷预受胡公檄设伏刘家河海洋待之且攻且逐追及於茶山东北沉其舟六十俘斩三百余残寇宵遁复为 风所覆无生还者】

总兵徐珏击孟河之贼大破之贼遁出杨子江把总张成己复追败之

【时贼在孟河势颇猖獗珏与战大败之贼死者三百余人先是督察赵公渡江而南预戒兵将无得贪功取级以防贼计故是战杀伤独多既而贼遁出江成己率舟师复破之斩首百计】

八月常州贼遁出海总兵卢镗等追击大败之【贼掠江陰无锡为官兵所败遁出海洋胡公命镗等追败之沉其舟数十俘斩三百五十有奇】

三十八年四月贼据崇明三沙七月遁往扬州【贼舟为 风所击登三片沙总兵卢镗与把总杨尚英迎击之沉其三舟俘斩百余既而欲突入内地为官兵所截遁过三沙镗等复攻败之总督胡公恐其滋蔓檄副使熊桴副总兵刘显与镗协攻之通政唐公顺之适至乃帅官兵渡海而东与贼相持者月余官兵屡进挠之贼屡败舟尽燬贼穷促死拒值提督陈公鋐告病而去兵饷不继遂辍围而西与胡公议复遣兵往击且檄沿海严为之备贼造小舟数十乘风雨从北面遁往江北官兵追之弗及】

淮

嘉靖三十四年四月贼犯海门知县赵卿败之

【时贼首徐海屯松江之柘林知官兵将捣其巢故分掠江北卿败之斩首一百五十】

五月叅将乔基等击贼于吕四塲败之

【基与都指挥张恒通州同知印案统兵夹击贼大溃败俘斩一百六十】

三十五年四月百户戚继爵与贼战于狼山死之都指挥张恒千户罗大爵百户曾沂御贼于扬州死之

【时贼一从 州入一从新港入一從通州入】

贼攻 州

贼攻扬州府同知朱袞等死之

【贼攻小东门甚急官兵用佛狼机殪贼数人贼乃退去袁与千户贾勇应袭男恩率兵出城御贼死焉高邮卫经历晏锐为贼虏去】

五月无为州同知齐恩与贼战于圖山之北江中死之

【恩率兵与贼大战乘胜逐北悞入伏中力战而死父子兄弟叔侄同时遇害者七人详见遇难殉节考】

副使马慎追贼于狼山败之

【贼遁出江慎追败之既而福山把总邓城又追败之沉其舟十一是年犯江北之贼凡五而庙湾之贼尤剧副总兵卢镗 将刘显上舍人彭志显屡进攻之贼遂败遁】

三十六年四月

五月贼犯扬州府总兵卢镗等大败之

【贼入海子内为东兵所败至湾头镗等复败之斩首一百七十余】

贼入寶应县

【先是 州东门及 州俱有堡贼至扬州不得掠乃从高邮至宝应宝应素无城焚掠殆尽】

贼犯天长都指挥沃田把总岳君宠与战死之六月副使于德昌叅将王元伯刘显击泗州贼破之【时贼掠泗州为官兵所败德昌等防击之显身先士卒杀衣红贼首一人羣倭大乱元伯督兵乘之贼大溃败追及于舟所水兵复自下应之贼死者无筭既而贼遁出海总兵刘显败之于安东千户汪时中又败之于庙湾匣子港贼竟遁去】

三十八年四月贼犯如臯官兵击之

【时贼新至官兵首挫其锋斩首一百六十】

贼犯卢家場千户汪时中击却之

【贼从大河口吕四場登者以千计据卢家場时中与把总张大义合兵围之大义意欲困之且待诸兵齐至然后进击时中奋然曰我等既受倭任坐视贼之肆虐民之荼毒而不肯前何也大义固沮之遂与有隙时中单骑提双刀突入贼营斩贼数人贼大惊异相顾错 莫敢谁何似有嗅羨其勇而欲收用之意时中绕贼营后贼追之部兵往救贼大败走为之丧气】

官兵进捣庙湾贼巢大破之

【详见大防考】

叅将胡宗义与贼战于海安兵溃千户赵世勲镇抚韩 死之贼寻为副使刘景韶所灭

【时海安故有毛葫芦营毛兵素贪宗义新任无纪毛兵为贼所饵而败官兵皆溃世勲与死于阵提督李公遂檄副使刘景韶率边兵逐之贼大败奔张家庄官兵围之因纵火攻焉贼奔新洲官兵复追败之俘斩尽絶约三百五十有奇其别支之在曹家庄者亦为景韶所败奔潘家庄景韶复斩絶之】

七月副使刘景韶叅将丘陞击贼于旧场败之【三沙遁至之贼也既而贼遁仲家庄官兵围困是夜漏下三鼓贼乘雨溃围而走官兵复追败之斩首三百余贼遁七灶河】

八月副总兵刘显曹克新等败贼于白驹场

【贼既为刘景韶所败遁白驹场官兵围之四面逸出复为官兵敌退回守其巢显身先陷阵贼死者百余乘夜遁大海沙洲显复陷阵攻败之贼溃走走则防沙途中官兵又败之俘斩千余 余见大防考】

贼遁出了角嘴副使熊桴败之

【贼为刘显等所窘将遁出海总督胡公预檄苏松兵备副使熊桴率舟师设伏海上至是贼逸官兵败之总兵卢镗又追败之】

直 事宜

【直 东瀆巨海北亘长淮中贯大江江南则为苏松常镇诸郡江北则为淮 诸郡其势不能以相接也故各有巡抚之设在苏松四府有防海防江二者之责在淮 二府有防海防江防淮三者之责以其均之为直 也合为一卷】

江南诸郡

松江自金山卫至南漕所官军各分信地各有定额【按金山卫以西守御独树江门二营旧制各设官军四十名又贴守兵共一百名金山卫以东守御金山营胡家港堡蔡庙港堡旧制各设官军四十名又贴守军共三百五十二名已上正守军人系金山卫查拨贴守军系太仓镇海二卫嘉兴千户所调发】每歲二月上旬十月掣班青村以东各洪港旧制系南漕官军把守今查修复海塘须照旧分派但太仓镇海嘉兴同有倭患贴守官军似难调发相应于金山青村适中如柘林地方南漕吴淞江适中如七八团地方添设陆路把总二员各领精兵一

千如募到狼兵邳兵之类若兵数不敷就于沿海招募义勇照依客兵支給口粮各官兵即于柘林七八团暂借民居劄营随路有警相机策应不许潜住卫所城中各设守御官军悉听铃辖此松江海防设备之大畧也若沿海港口金山以东有翁家港蔡庙港柘林滌缺等处南漕以北有四五六七八九团洪口川沙洼清水洼等处皆宜设船防守按旧制金山卫所造船各有定额【左右前后所每百户所造出海哨船四只共计八十只青南二所每百户所造出海哨船四只共计八十只】俱就各卫所派拨巡军在海巡逻正统间因海患宁谧或以船为虚费题准以江船易马而哨船之制遂废矣今议设船只一马之资不足以备一船之用官军穷苦又难陪贖合令每马二疋造船一只再于卫所查有地租公费银两与松江府库军前银内相兼凑数每船量贴银十两金山卫总委一官督造其各船应用器械火器合于原议太仓置造军器内给发听用就防各卫所知水军人操习水战布列港口各分信地如倭贼突至而纵容其停泊者服以上刑则自无规避之患矣此松江海港设备之大畧也夫沿海设备固为上策万一外守不固则黄浦一带又为苏松险要守浦乃所以守门户犹有愈于守城也今吴淞江口即为黄浦口子既经设备而吴松江所亦设兵一枝以防深入矣而至于上海之高仓渡沈庄塘周浦闸港闵行华亭之叶谢曹泾张堰等处贼一等岸抢船渡浦甚易除松江府先后打造双塔船鹰船各发上海华亭各召募水兵分布沿浦各港巡逻把截又华上二县各募乡兵防守城池有警调至浦边协守但前项兵夫官无专职则事难有成而沿浦二百里之远本府巡捕官一人势难管摄合令清军同知一员带管华亭乡兵水兵自丰泾以至闵行皆其信地再设巡捕同知一员住劄上海专管该县乡兵水兵自闵行以至嘉定界首皆其信地无事率兵操演有事统兵防守盖同知名位稍尊威令可行又科甲之左迁外补与举行之才望陞迁者皆得为之庶济实用若止设通判则为官非乐就而下亦玩视恐不能振作而有为也此松江内地设备之大畧也然倭舶之来乘风渡海势难联络每至海外大山必停泊候齐然后深入照得羊山为本府所属为定海吴淞江二总兵兵船防哨之处以地里适均故也本府所造之船数本不多仅可以支把港之用此但可以言守而不可以言战须得福船苍山各数十只沙耆民船二三百只每至风汛时月分泊港口各住信地更番出至羊山往来邀击昼夜不絕外则为定海吴淞江防哨兵船之羽翼内则为海港把守兵船之捍卫遇有海贼齐力奋击将见贼船防散而少我兵船防合而众盛衰之气势既分则胜负之分数自判得海防之上策矣抑犹未也查得沿海民灶原有采捕鱼虾小船并不过海通番且人船惯习不畏风涛合行示谕沿海有船之家赴府报名给与照身牌面无事听其在海生理遇警随同兵船追剿此则官兵无造船募兵之费而民灶有得鱼捕盗之益此松江海洋设备之大畧也

已上都御史方公廉前任松江府呈

苏州沿海一带险隘甚多举其大者则常熟有福山港白茆塘太仓有刘家河七丫港嘉定有吴淞江黄窑港皆贼之通衢而东吴之门户此则所谓一府之险要长洲则太湖浩荡吴江则莺湖相属吴县则太湖交通皆贼之径道而腹里之關隘此则所谓一县之险要以言其次则福山以西有三丈浦斜桥以东有许浦金泾刘家河以北有新塘浪港茜泾吴松江以南有宝山以东有老鹳嘴均之所谓险要而少次焉者况海濱数百里一望平坦非有山风险阻为之扼塞皆可以泊船登岸要害无邊兵力有限而防御之计当先其大者以海邊惟福山为最以腹里惟胜墩为最故刘家河吴松江福山港舟师防守不可单弱白茆口七了港黄窑港俱当

预设战舰庶与各港相为犄角又如贼自东南而来必由寶山吳松江宜发船一防泊于吳家沙以堵截之贼自东北而来必由三沙刘家河宜发船一防泊于营前沙以堵截之把总游兵船只往来策应而三丈浦新塘老鸛嘴等处亦得以聯絡而并制则苏之外防或可无忧矣至于风汛时月吳松水兵统发胜整平望以防嘉兴突犯之寇吳县水兵统发太湖以防蠡里突犯之寇长洲团结水兵统发周庄以防泖湖突犯之寇本府相度缓急发遣水陆之兵以为应援则苏之内防或可无忧矣然福山港刘家河吳淞江各该把总之官统领兵船在洋堵截似为有备但贼船之来聯防接舰乘风驾潮万一不能尽行邀击或有一二泊浅阁岸则水兵束手旁观任其焚劫无可奈何而把总官亦且以为非所事事矣合于常熟县分拨兵勇一千名屯驻福山港五百名屯驻白茆塘太仓州分拨勇兵一千名屯驻刘家河大镇二卫原练杆子军兵五百名屯驻七了港嘉定县分拨勇兵一千名屯驻吳淞江五百名屯驻黃窑俱听各该把总选官分领相机调度贼在外洋则水兵击之贼若登岸则陆兵堵之彼此夹攻逡巡互应各该州县量为声援如此则贼亦疑畏而不敢犯矣至于腹里如昆山县分拨兵夫三百名屯驻清洋江三百名屯驻千墩吳江县分拨兵夫五百名屯驻胜墩各张声势以助军威各该领兵官听其调遣不许退避万一贼势重大未易为功则各枝之兵又宜聽府州县掌印官调回守城庶事体专一可以责成兵势聯絡不致孤悬矣

己上副使溫景葵前任苏州府议

主事唐枢云松江有海防道僉事住劄上海苏州有兵备道副使住劄太仓则常熟江陰地方自福山白茅奚浦诸港进泊头山可直趋无锡武进此处颇为空缺应援不及故更设一兵备辖至镇江一带住劄江陰贼入海口即为邀击若深入大江即从腹里抵京口截御

都御史唐顺之云自来御倭之策无人不言御之于海则易御之于陆则难是以海上防哨防剿事例甚严所以图难于易也浒山去乍浦金山吳淞江三处各是一潮道里适均系防哨所在

又云海贼入江由江两岸登陆之路廖角嘴营前沙南北相对海面约濶一百四十五里为第二重门户周家桥与圖山相对周家桥北岸至顺江洲与江南分界江岸约濶六七里顺江洲至新洲夹江面约濶七八里新洲来至圖山南岸江面约濶十四五里为三重门户三处领水官兵须整备船舰昼夜 守三门勤防哨以防春汛门户既固堂奥自安若三门哨有疎虞至不得已而守金焦两岸所谓下策与无策矣

又云江北江南事例互相应援况南北共海贼若抢船上岸不寇江南则寇江北是江北之援江南亦自援也若不防兵殲之于海中何以独力御之于岸上

巡抚都御史翁大立题云今日海防之要惟有三策出海防哨毋使入港者得上策循塘距守毋使登岸者得中策出水列阵毋使近城者得下策不得已而至守城则无策矣臣周行海壖分布信地视吳淞所乃水陆之要冲苏松之咽喉也提兵南向可以援金山之急扬帆北哨可以扼长江之险以副总兵统兵镇之自吳淞而北为刘家河为七丫港又东为崇明县七丫而

西为白茆港为福山又折而西北为杨舍为江陰为靖江又西为孟河为圖山此皆舟师可居利于水战臣皆设有兵船非统以把总即统以指挥而又以圖山遊兵把总驻劄营前沙防哨于江北吳淞游兵把总驻劄竹箔沙防哨于羊山常镇叅将统水陆兵据江海之交镇守于扬舍所以备水战者亦既密矣但吳淞而南虽有港汊每多砂碛贼可登岸兵难泊舟非选练步兵循塘距守以出中策不可也今自吳淞所而南为州沙堡以把总练兵一枝守之川沙而南为南匯所以把总练兵一枝守之南匯而西为青村所以把总练兵一枝守之青村而西为柘林堡以都司练兵一枝守之此皆不遠六十里声援易及首尾相应宛然常山之蛇之势也柘林而西为金山卫西连乍浦东接柘林频年皆贼所巢窟添设游击将军一员统领马步游兵往来游徼则北可以防松江而西可以援乍浦

江北诸郡

都御史唐顺之云庙湾剿贼之路原有两条一条从寶应拖船过埧水路自清沟喻口进攻则兵势既便而馈饷亦易一路从淮安至马逻陆路进攻则兵势既迂而馈饷亦难

又云通州屯下重兵若有寇则又有客兵屯聚计筭通州所出粮穀得兵吃否恐临期不免腾贵则通州该何路采买或是先将军饷银上江采米从江路运至通州积下若米价腾贵则银米兼支与军家为便柴薪亦须预处

又云江北局面与江南浙福不同靠不得水战止靠陆战也

闽县知县仇俊卿云海寇之来每自南而北度南麂山则自广入闽矣过流江寨则出闽入浙东矣越海门则又浙之西矣逾寶山至吳淞沙上等处则又自浙入江南直 矣沙上以南不暇泛及兹以海道之要害切于江北者言之狼山当江海之吭而廖角掘港皆 之东南界也胸山据淮海之首郁州嚶游山皆淮之东北境也中包泰兴之周家桥盐城之射阳湖山阳之云梯關庙湾等处此皆沿海冲要之区寇盜可以停舶出没之处乃据守所当先者也近奉钦依东西二海所云梯關麻洋掘港俱设把总惟周家桥庙湾場二处亦须添设把总其狼山胸山为首尾之势责令叅将分布驻劄堵截海寇中间旧设新添官军兵快悉听叅将提调凡遇声息百里之内同日应援不许互相推避致悞军机各照律例重拟庶心力可一盜寇可御又照临清向为北敌添筑外城淮郡西湖嘴正人烟稠密处所一遇寇至搬移流离况二城所容有限欲将西湖嘴另筑一城又虑财力地势俱有未便聊将夹城中间聯筑为道一自新城东南角楼起抵旧城桃花营一自新城西南角楼起抵旧城北水關共计四百余丈比之扬外城之工不及十之一二如此则两城相通粮草兼济攻守有备矣

吳郡监生金鱼云倭寇之患起于吳浙而沿及淮阳蓋扬州富甲天下人所素闻三十五年之夏贼以二百余人【或曰止一百三十余人】突至扬州城下城中谨闭自守任其游逸无如之何大掠而去自是益生歆 而扬州为贼所必窺之地矣以江北之大势言之东起了角嘴大河口以及吕四卢家等場沿于杨树港海门里河通州与如臯泰州稍折而北则为扬州矣过扬州而西稍北则天长滁州抵中都逾海门而北则为徐步营又北则为崛港又东北则为

新挿港转而西北则金沙盐城庙湾刘庄姚家荡再西北则蛤蜊麻线等港而至大海口矣刘庄东北则安东安东之北则为海州贛榆泰州西北则为高邮寶应寶应之北为淮安淮安转西则泗州以达凤阳此江北形势之大畧也贼入海之道有二其一新港为一道新港即所谓三江口盖由南江狼山越仪真一州而入登岸则卞家坟周家坟稍折而东则扬州矣此可入以登岸亦可从以出海者也此最为便道其二则蛤蜊麻线等港沿北大海口为一道大海口有水陆路南通庙湾与刘庄姚家荡俱为大镇贼若据此我兵屯于汤潮岸等处贼南寻新港路出不得则必北寻大海口而出势所必然也若安东海州之东北有大北海不惟道里迂遠且砂碛甚多此不可运舟者也崛港新挿港之东亦有北海砂碛亦多不堪重载此但可从以入而不可出者也是贼出海之路止有二途若其登岸之处则不一东则了角嘴吕四場西则杨树港徐沙营又西则狼山杨树港北则新挿港崛港皆其所从以登岸而入寇之路也夫贼所歆慕惟在扬州一执居民便问其道若登狼山必窥通州而扬州在西使于榆东榆西等处率民以掣其后则贼必敢直前以寇扬州若于了角嘴吕四場或新挿港崛港以进使于榆东榆西等处屯兵以遏之则扬州可无危故今榆东榆西等处最为要地而当事者欲屯宿重兵以控扼贼锋者有以也按江北之地细港委荡固亦有之而平原浩壤则视吴松为多夫西北骑兵倭寇未易以婴其锋也既得平地则骑兵可施三十八年之防以西北骑兵三千为之先冲可见也他有汤潮岸者文范公所筑以捍海溢者也故亦名范公堤东南起四吕荡西北抵姚家場绵亘防三四百里高冈平衍可用骑兵为之长驱今东關一州俱已建堡贼若于了角嘴吕四場及新挿港崛港以进或不能袭取扬州必转之东北而窥淮安安东以据刘庄庙湾我军苟能彼此夹攻逼之使至汤庙岸以西北骑兵冲其锋而以火器继之各路兵随后击之贼可以战成擒矣故我军惟利贼之至此者有以也新挿港东临北海素有盐徒数百艘聚泊崇明北海之寇欲劫盐协徒而不果当事者欲置官于此以提督盐徒使不为贼用而为我用亦一见也夫寇兴以来烧劫屠戮之惨吳浙淮一所同若获利之多则未有如淮扬者而贼所必不能舍者在是矣况其地运道陵寢在焉所系尤重乎夫江北之地除安丰等三十六場俱在海内不为要害其要害之处乃通州也狼山也杨树港里河镇也榆东榆西等場也了角嘴吕四場也崛港新挿港也庙湾刘庄金沙場姚家荡也今皆已建城堡设戍守非若往日之无备矣其要害之尤者曰新河出入最便逼近扬州也曰北海所从以通新挿港且有盐徒聚艘于此者也曰庙湾以其为巨镇而可通大海口也故当事者【荆川先生】欲以把总三人一住新港一住北海【近新挿港且有盐艘聚泊也或曰庙湾以北之北海疑未是】一住庙湾一为陆路遊击住劄海安镇若海安在如臯泰州之间东可以控扼狼山通州海门之入而西可以捍卫扬州也

筹海图编卷六

筹海图编卷七

明 胡宗宪 撰

山东沿海总图

登州府图

莱州府图

山东兵防官考

山东倭变纪

山东事宜

辽阳图

辽阳兵防官考

辽阳事宜

<史部,地理类,边防之属,筹海图编,卷七>

<史部,地理类,边防之属,筹海图编,卷七>

<史部,地理类,边防之属,筹海图编,卷七>

山东兵防官考

提督军务巡抚都御史

巡察海道副使

管领民兵叅将

总督登莱沿海兵马备倭都指挥

登州营把总

文登营把总

即墨营把总

沿海卫所

安东卫【京操军一千五百七十六城守军余三百五十八人人屯军三百九十一人捕倭军二百】石旧所【六十九人城守军余】

灵山卫【四十八人京操军一千二百十三城守军余一百十六人人屯军二百八十七人捕】夏河所【倭军一百九十一人】

鳌山卫【守城军余六十七人京操军一千六百三十城守军余一百七十一人屯军二百】浮山所【九十人捕倭军三百】

雄崖所【八十五人守城军余五十六人京操军五百七十一城守军余九十七人】

大嵩卫【京操军一千四百九十一城守军余三百五十八人人屯军四百二十八人捕倭军二百】大山所【四十六人守城军余】

靖海卫【二十六人京操军一千五百九十三城守军余一百五十人人屯军二百一十一人】海阳所【捕倭军三百十三人京操军四百九十六城守军余一百二十六人屯军六】宁津所【十六人人捕倭军一百二人京操军五百二十九城守军余一百六人人】

成山卫【屯军六十八人捕倭军六十八人京操军一千二百五十城守军余二百六十一人六】寻山所【人屯军二百四十人】

宁海卫【捕倭军二百三十四人守城军余九十四人京操军一千六百十五城守军余一千一百】

奇山所【一十人人屯军三百九十一人捕倭军三百五十四人京操军四百九十】

威海卫【八城守军余一百一十二人屯军六十人人捕倭军七十五人京操军一千三百六】百尺所【十八城守军余七十】

金山所【五人人屯军二百二十】

登州卫【四人捕倭军二百八十五人守城军余三十五人守城军

余一百十四人京操】福山所【军二千九人城守军余】

莱州卫【二百五十人屯军一百一十四人捕倭军八百二十八人守城
军余一百十四人】王徐寨所【京操军一千七百二】

胶州所【京操军四百六人城守军余九十四人屯军七十七人捕倭军】

青州左卫【四十四人京操军三千六百二城守军余七人屯军四百五十】

沿海巡检司【三人百二】

青州府

夹仓镇【十人弓兵数附在日照】信阳镇【县弓兵一十八人同】

南龙湾【前弓兵一十八人】高家港【同前弓兵二十一人在乐】

登州府

赤山寨【安县弓兵二十四人在】辛汪寨【文登县弓兵二十七】

温泉镇【人同前弓兵二十】东良海口【七人同前弓兵二十四人】乳山【在招远县弓
兵二十四】高山【人在宁海县弓兵二十】

杨家店【三人在蓬莱县弓】马停镇

孙芥镇【兵二十四人同前弓兵】行村寨【二十一人在福山县弓】

莱州府

鱼儿铺【兵二十一人在莱阳县】古镇【弓兵二十二人在昌】

逢猛【邑县弓兵一十五】栲栳岛【人在胶州弓兵二十一】海仓【人同前弓兵二十一
】柴葫【人在即墨县弓兵】

沿海整堡【守军数附】

安东卫【守整堡军余三十九人】

整九【兰头山 鸭高山 大河口 黑漆子泊峰张落滔洛小阜儿】堡八【三桥铺 虎山烽火山 關山昧沟木寨孤嘴董家】

石旧寨所【守整堡军余四十人】

整十【温桑沟 南石旧 北石旧 清泥 董家口 钓鱼 湘子泊 金线 石河 湖水】堡三【古城 滕家岭滔洛】

夹仓镇巡检司【守整弓兵一十二人】

整四【蔡家焦家三义口 相家】

信阳镇巡检司【守整弓兵一十二人】

整四【西大岭 南黄东沙岭 黄石槛】

南龙湾海口巡检司【守整弓兵九人】

整三【陈家台 胡家琅琊台】

高家港巡检司【守整弓兵六人】

整二【石牌司西】

灵山卫【守整堡军余八十人】

整二十【防子峰 将军台 沙沟黄埠李家岛 唐岛

安岭风火山 黄山野山埠长城岭 臧家疃 捉马山 张家庄刘家沟 孙家巷 胡蓝嘴敲尧山 西子埠 沙嘴】

堡十三【青石山 崇石山 东石山交差涧 焦家村 石 差麋角河 大河口 花山本寨东门丁家庄 白塔乔 沙岭】

夏河寨所【守整堡军余三十九人】

整七【徐家埠 紫良庄 海王庄 车叠山沙岭黄埠大盘】堡六【赵家营 走马岭 封家岭北显沟 小滩王家庄】

古镇巡检司【守整弓兵九人】

整三【西庄古积北青】

逢猛巡检司【守整弓兵九人】

整三【互埠彭家港岛儿河】

胶州所【守整堡军余八十一】

整九【人汪家庄杜家港沙埠洋河石河塔埠孤埠沙岭大】

堡七【埠辛庄鹿村石河八里庄陈村栾村柘沟】

鳌山卫【守整堡军余六十九人】

整十七【汾水岭小劳山石岭横担栲栳岛羊山龙口石老人峰山走马岭黄谷俞家岭高山萧旺庄狼家嘴劈石山捉马嘴】

堡十八

【桑园营前马山大村监望中村那城桃林双山错破岭孙仝塔儿东城转头山狗塔埠瓮窑头万口炉石张口】

浮山寨所【守整堡军余四十五人】

整九【麦岛程阳女姑程家庄楼山姑山红石张家庄斩山】

栲栳岛巡检司【守整堡军余九人】

整三【丈二山金钱山望梅】

雄崖所【守整堡军余三十人】

整八【王家山公平望山米粟山北塹朱臯陷牛山白马岛】堡三【段村王骞青山】

大嵩卫【守整堡军余四十二人】

整七【杨家嘴 刘家岭 新安寨 草岛嘴 擒虎山 望石山
麦岛】堡五【青山管村 界河 小山 黄山】

行村寨巡检司【守整弓兵九人】

整三【高山田村 灵山】

大山所【守整堡军余十人】

整二【大山 虎巢山】

堡二【双山 黄阳】

乳山寨巡检司【守整堡弓兵七人】

整三【里口 长角岭 高家庄】

靖海卫【守整堡军余七十二人】

整二十【大湾口 头姚山 青岛嘴 长会口 石岗山 浪浪 茭菱寨 标杵顶 唐浪顶
铎木山 郭家口 赤石 红土崖 黑夫 厰石脚山 柘岛 峰窝 明光山 狗脚山 路家马头】

堡八【店山 望将山 起雨顶 蒸饼山 憨山 孤西山 望将山 坟台顶】

赤山寨巡检司【守整弓兵三人】

整一【田家岭】

宁津所【守整堡军余四十二人】

整八【孟家山 青埠山 柴家山 芝蔴滩 慢埠 龙山 万口 羊家岛】堡九【防子山 大顶山
高楼山 拖地冈 王家铺 上现口 龙虎山 崮山寨

固山】

海阳所【守整堡军余四十一人】

整七【防子山 乳山驴山贼子港白沙峰子山
小龙山】堡十【窄山孤山猪港黄河利汤山扒山桃村孔家庄

老埠港撒雪山】

成山卫【守整堡军余四十一人】

整十【狼家顶 里岛马山高□山北峰头 仲山崮嘴太平顶

俞镇大姑山】

堡九【神前堆前祭天岭 报信口石础洛口歇马神 北留村

张家】

寻山所【守整堡军余三十八人】

整八【张家嘴 古老石 黄连嘴 小劳山杨家岭 马山青鱼岛 葛楼山】堡七【曲家埠
青山大水泊 胜佛口老翅纪子埠 蒸饼山】

温泉镇巡检司【守整弓兵六人】

整二【可山半月山】

威海卫【守整堡军余三十八人】

整八【陈家庄 焦子埠 绕达麻子斜山磨儿山 古陌头 庙后峰】堡四【曹家庄
豹虎峰山天都】

百尺崖所【守整堡军余二十四人】

整六【曹家岛 百尺崖 老姑顶蒲防顶 嵩里望天岭】

堡三【转山阙窠家崖】

辛汪寨所【守整弓兵三人】

整一【辛汪】

宁海卫【守戍堡军余四十二人】

戍六【后至山 戏山小峰山马山草埠貉子巢】

堡十二【宋家曲水管山汤西修福石子现

辛安杏林芜菱板桥修福栲栳】

金山所【守戍堡军余一十七人】

戍五【庙山凤凰金山骆驼小峰山】

堡四【邹山清泉石沟朱家】

清泉所【守城军余一十五人守戍军余八人】

戍二【清泉石沟】

奇山所【守戍堡军余一十八人】

戍四【现顶埠东熨斗木柞】

堡二【黄务西牟】

孙奭镇巡检司【守戍弓兵九人】

戍三【岗仑塔山旗掌】

登州卫【守戍军余一十八人】

戍六【抹直口 教场林家庄西庄蓬莱阁 田横寨】

福山所【守戍军余二十五人】

戍三【单山三山阜河】

柴葫寨巡检司【守戍弓兵一十八人】

戍六【小阜儿 武庄庄 上司诸黄诸高大原】

马埠寨所【守城军余四十人守整军余九人】

整三【海庙扒埠马埠】

海仓巡检司【守整弓兵一十五人】

整五【海郑白堂上山后灶东關】

鱼儿巡检司【守整弓兵十五人】

整四【黑山河口韩城烟火】

塘头寨所【守城军余七十六人守整军余三十人】

整九【家坟 荆埠宅科官台田水河 八面公母堂 上司

黄种河】

山东倭变纪

永乐六年倭贼袭破宁海卫

【杀掠甚惨指挥赵铭以失机被刑】

冠成山卫

【白峯头寨罗山寨及大嵩草岛嘴鳌山羊山寨陰岛张家庄以次被掠】

入于家庄寨百戸王黼死之

入桃花闸寨百戸周盘死之

嘉靖三十四年五月贼登犯日照县

三十五年四月贼登灵山卫养马岛官兵讨平之犯海阳所官兵讨平之

山东事宜

登州营

登萊二郡凸出于海如人吐舌东南北三面受敌故设三营聯絡每营当一面之寄登州营所以控北海之险也登萊二卫并青州左卫俱 焉其策应地方语所则有奇山福山中前王徐前诸所语寨则有黄河口刘家汪解宋芦徐马停皂河马埠诸寨语巡司则有杨家店高山孙芥镇马亭镇东良海口柴胡海仓鱼儿铺高家港诸司三营各立把总二员以总辖之其在海外则岛屿环抱自东北崆峒半洋西抵长山蓬萊田横沙门鼉矶三山芙蓉桑岛错落盘踞以为登州北门之防过此而北则辽阳矣此天造地设之险也然诸岛虽登州而居岛中以取鱼盐之利者乃辽阳之编伍非山东之戍卒也叫呶跳梁可畏而不可恃【详见后总论中】故北海之濱既有府治而设险者复建倭城于新河海口以为屏翰且有本营之建焉沿海兵防特重其责非若他省但建水寨于岛屿良有以也夫岛屿既不设险则海口所系匪轻自营城以东若抹直石落湾子刘家汪平畅芦洋诸处自营城以西若西王庄西山栾家孙家海洋山后八角城后芝罘莒岛诸处皆可通番舶登突严外户以绥堂阃其本营典守之责乎

文登营

文登乃泰山余络突入海中文登县尤其东之尽处也成山以东若捍门滩九峯赤山白蓬头诸岛纵横沙磧聯絡潮势至此冲击腾沸议者谓倭船未敢猝达然考之国初倭寇成山白峯寨罗山寨延大嵩草岛嘴等处海侧居民重罹其殃倭果畏海奚而有是哉故文登县东北有文登营之设所以控东海之险也宁海威海成山靖海四卫皆 焉其策应地方语所则有宁峯海阳金山百尺崖寻山诸所语寨则有清泉赤山等寨语巡司则有辛汪温泉镇赤山寨诸司透而北则应援乎登州迤而南则应援乎即墨三营鼎建相为犄角形胜调度雄且密矣有干城之寄者其思国初成山之变而儆戒无虞也哉

即墨营

山东与直 连壤即墨县南望淮安东海所城左右相错如咽喉關锁近年登萊海警告宁然淮阳屡被登劫自淮达莱片帆可至犯淮者犯莱之渐也故即墨所系较二营似尤为要自大嵩鰲山灵山安东一带南海之险皆本营控御之责其策应地方语所则有雄崖胶州大山浮山夏河石洞诸所语巡司则有乳山行村栲栳岛逢猛南龙湾古镇信阳夹仓诸司其海口岩唐家湾大任陈家湾鹅儿栲栳天井湾顏武周瞳松林全家湾青岛徐家庄诸处俱为冲要隄防尤难国初倭寇鰲山毒痛甚惨即本营所辖之地也殷鉴不遠封守者其可以弗慎乎

一倭患之作岭防以北达于淮阳靡不受害而山东独不之及岂其无意於此哉亦以山东之民便于鞍马而不便于舟楫无通番下海之人为之向导接济焉耳然近年青齐之兵多为所掳安知其中无识海道而勾引者乎予观山东诸郡民性强悍乐于战鬪倭之短兵不足以当其长鎗劲弩倭之步战不足以当其方轨列骑万一至此是自防其元也所虞者登萊突出海中腹背受敌难于隄备国朝專设备倭都指挥一员巡海副使一员分驻二郡卫所森严整堡周备承平日久不无废弛申明振厉庶防其无患乎

一予闻宋以前日本入贡自新罗以趋山东今若入寇必由此路但登萊之海危礁暗沙不可

胜测非谙练之至则舟且不保何以迎敌而追击乎故安东以北若劳山赤山竹篙旱门刘公芝界八角沙门三山诸岛乃贼之所必泊而我之所当伺焉者也若白蓬头槐子口桥鸡鸣屿金嘴石仓庙浅滩乱矾乃贼之所必避而我之所当远焉者也严出洋之令勒防哨之期交牌信验习熟有素则他日庙堂或修海运亦大有赖焉独御倭云乎哉

一山东今日之患有二其一曰班兵懷防扈之志久矣其一曰登莱岛民原系辽阳所徙不受法制地方痼毒宜早治而亟平之不然溃决之虞不能免也

一山东關係大要尤在海运予考元时海运故道南自福建梅花所起北自太仓刘家河起迄于直沽迢迢五千余里永乐以来防通河成海运遂废运者皆由漕河所以避开洋之险也然海险莫甚于成山以东白蓬头等处危礁乱矾湍流伏沙不可胜纪非熟识水洪则不敢行宗伯席书云海运一失人不复生河运有失尚幸不死以生易死轻重昭然是海运之罢端为山东之海险也以愚观之漕河自王家闸以北至于德州千有余里乃国家咽喉命脉其通其塞所系匪轻况黄河渐徙而南或冲而北易为漕患及今承平修复海运以备不虞岂非国家之大计哉今上初年庙堂尝议及此或建议欲于胶州凿山濬土以达海仓以避洋险山东抚巡病其烦难而止惜小害大可慨也夫防通河也胶莱新河也登莱海险也皆山东所辖之处今之论山东海患者但知备倭而不知备运愚故及之【其法详见大学衍义补海道经等书】

【附錄太仓生员毛希秉云洪武永乐间海运江南粟以给辽东北京从太仓刘家河过崇明三沙放洋至直沽交卸南北货物往来近海居民甚得其利而无盐盗之害自海道絕而沙民争鱼盐之利往往仇杀拒捕矣今黄河日徙于南漕运渐有难行之势莫若讲求海运召募沿海鱼人灶丁盐徒番客寻认海洪以开运道如广东船能至漳州漳州船能至宁波宁波船能至崇明崇明船能至通泰海州自此以北岂无识认之人故老相 崇明至海州风顺无需一日海州至登州六百里转过登莱环抱千余里从利津至直沽亦六百里近故尝考之元史至元三十年千户殷明畧开海运新道自浙西至直沽不过旬日又濬山东胶莱新河直达天津以避迤东海道之险今未通者仅五里耳且漕船大者三四百石海船大者八九千石漕运一年每三石致一海运一月不两石而致一其便利较然也所忧者风涛之害耳然闻南洋通番海舶專在琉球大食诸国往来而海岛州县常年度海未见有覆溺之患宜兼漳船蜈蚣船制度而酌其中有风则帆无风则楫打造有法处置得宜何忧费人之说尝观沙船载芦山船载竹者如浮筏然故鲜漂弱议仿剡木为舟之制上留一窍出纳米粮悉以油灰黏缝附于海舟两旁万一漂失米无沉湿人有搭救庶为万全之策若夫料浅占风之法定盘望星之规放洋泊舟之处详载大学衍义补山东通志海道经采试有效即令崇明各沙大户及沿海巨室自备人船海运许载私货回盐以偿其劳连年有功者量授以官则不惟公私两便而海盗亦可以不作矣或曰海运通则漕河塞京官家室未免舍舟而车孰若安流之为利邪督运者或不得人而应募之夫鲜则将仍旧定派里甲军余轮运而泣送悲迎之害兴又胡以善其后乎愚曰不然自迁都北平以来东南财力竭矣今复海运则田耗可以量减运卒得以少休江西湖北广东之粟仍从漕运惟浙东西苏松常闽广贡赋则从海运斯固并行而不害矣】

【又云客难曰漕运费财海运费人古今以为确论故罢海而漕今且百三十年矣子欲复之

岂非知惜财而不惜人者邪子曰不然天下事利多害少者为之害多而利少者弗为也朱子非仁人与何为防诸海运闽广之米于浙东我太祖非仁君与何为诏令海运江南之粟于辽左亦以道近而省民也矧今防通河常弗利漕船不行可不为之所乎果曰费人请以耳目之闻见者徵之近如苏之崇明县西至太仓二百余里南至宁波北至海州各千余里捕鱼贩盐赍文应役公私往来者无日庶之又如宁波东南有茶山牛头山玉环山逋民衣食器用不能不仰于内地彼此往来者无日无之近闻宁波势家每至漳州贩木顾白船往来海中并无覆溺之患远如广之琼崖儋万其至省城也风顺则半月风阻则一月甚至浮海三月者有之他如南洋西洋诸国其隔闽广也近则数千里远则数万里通番海舶无日无之使其下海必遭漂没人亦何苦舍生而求死哉况东洋有山可依有港可泊南北不过三千里往来不过二十日非若南洋西洋一望无际舟行而再不可止也海运何难之有哉客曰海运果不费人何为永乐十三年防通河成罢海运万民歌舞且为开漕河者立生祠其故何哉予曰以不教民战是谓弃之欲人出死力弗与同其利自古未有能济者也元人海运召募两浙富户素习海涛者而以沙民朱清张瑄罗璧为之使且禁网踈濶能与同其利自至元二十九年至天历二年六十余年间海运不废总其所失米数盖曾不能以十一我朝迁都北京后议行海运编定里甲矣一年轮差夹带私盐者没入之且置以法焉况造船多不如武督运多不得人故乡人数逢其害咸以为弗便漕运通而军七民三之例定宜乎民之歌舞而颂德也若打造有法处置得宜何忧乎费人邪区区之议非欲驱民于死也亦曰因民之利而利之耳朝廷诚下诏江南有能寻复元人海运故道者当银万两授以某官海道既通复下诏曰有能自备人船海运者每运米万石给与耗米月粮四千仍许私货回盐永不抽税仍严私自下海之禁毋得浸其利人谁不愿运乎但当自募番客灶丁盐徒及傍海大户惯习海涛者听其所欲不可强定腹里军民不习水性之人以败乃事斯可久行而无害矣客曰虽惯下海素习水性者汪洋浩浩舟覆可以得生予曰海洋虽大有洲有岛專募下海善没之人而又多置脚船尽备浮筏虽遭风波亦可以幸免况又变通船制以为万全之策乎客曰丘文庄欲照例工部造船军夫运粮而子乃欲召募漳人沙民及沿海大户自备人船者何居曰从来公事不如私事之勤劳官物不如民物之坚厚尝间漳船费银万两莫若召工估价而宽给海运大户自造免私货之税以备修理军夫不习水性素怯海涛岂可强所不能而驱之以冒险邪行丘之议是陷赤子于汤火也从吾之说是蛮夷水防皆将为我用也岂但不为中国良民害哉客曰丘议一如番舶之制斯亦善矣而子欲兼蜈蚣船者何哉曰海行甚连而遲者守风故也如大食国在漳州东南每歲通番者必候冬初西北风盛而去夏初东南风盛而来所谓海舟无风不可动也惟佛郎机国蜈蚣船底尖面濶两旁列楫数十其行如飞而无倾覆之患故兼二船之长则除 风暴作狂风怒号外有无顺逆皆可行矣况海中昼夜两潮顺流鼓楫一日何尝不数百里哉客曰丘议每艘运米八百石许载私货二百石而子乃云海运大者八九千丘议运军私货三十税一客商附载者如常例而子乃许税货回盐永不抽税何大小多寡之悬絶邪子曰取海运者载重而行疾也故漳船能容人三千货倍之盖不止于万斛也漕运正米四百万公私费米八百万今海运止给耗米月粮一百六十万歲省六百四十万矣而又欲税其私货毋乃遗大较细计近而忘遠乎蓋闻辽东天井之国百货难出登莱苦盐之地物产不多而登辽隔海甚近风顺半日可达太祖旧制歲运登莱花布以给辽军辽阳之货亦得载于山东彼此军民交受其利既而捕巡官军假公济私报称官船不许私载之律往往搜捕攘夺故海船不敢入港遠泊大洋潜以小舟私渡数被风涛损失官费脩造咸议其不便遂奏折银陆运海道既絶辽东生

儒大比赴山东非迂过北京以来不啻五千余里劳费不貲士民俱困此可以为鉴矣客曰通番海船每放一艘出年例得二三千两番货进港船户分其半人犹冒禁为之利多故也今海运既给耗米月粮而又容载私货回盐且不征其税母乃谿道不可行于中国乎予曰异哉言与计小利则大事不成故沛公间楚赵王备遼宋祖任将与夫刘晏造船虞集垦地皆有得于夫子之计而成功其为国家之利甚大故区区之见不但弗征其税而已海船能载万石者止运六千许以四分载私货回船悉听带盐附载而严私自下海之禁盖恐侵其利也将使官民富饶乐于海运自出方畧以备不虞不至漂失万一有之即如漕船亦间有遇风而连数帮损坏者岂能保其万无一失之理哉所失之利甚少所得之利甚多后世因占小便宜而失大便宜者众矣可不戒哉客喜再拜曰不啻海运之利若是也沙民富而海之盐盗息矣解纲省而农之田耗减矣运卒休而卫之行伍实矣南北货通而物价不至于涌贵官民船便而漕河不至于挤塞水战习而足以制东南之夷民力宽而足以备西北之狄若更省漕卒十万以兴北方之地利积余粟数年以减南方之纲运军民富庶上下安乐】

辽东兵防官考

【辽东兵防之设始于永乐己亥广宁伯刘江至为精密自望海埽之防而倭不敢犯者盖百六十年矣墩堡關隘日就废弛一旦有变宁不张皇矣乎安不忘危今日之急务也愚故详錄之以俟当道者修复焉亦爱礼存羊之意云尔】

提督军务巡抚都御史

镇守总兵官

分巡辽东东宁道僉事

分守辽海东宁道叅议

广宁叅将

游击将军

靉阳守备

备御都指挥【金复一 广寧前屯一 海盖一 义州一 广宁右屯一 广宁城一】沿海卫所

广宁前屯卫

中右所

中前所

中后所

广宁所屯卫

中左所

广宁左屯卫

广宁右屯卫

中左所

金州卫

复州卫

盖州卫

义州卫

沿海關城墩台

广宁前屯卫

關一【山海】

整九【觉华岛 龙宫岛 连海岛 泰洋岛桃花岛 望天岛 欢喜岭 大旺庄

庆春山】

堡二十【广积树林海山永丰海濱兴安

古城泰新老军海泉杏林三山锡安新安长安城南积粮庆春永安安家】

广宁中左二屯卫

整三【望海孤山岳家】

堡十六【嘉和乐安富有顺阳长丰顺宁

时和仁和得安永丰兴穰广盈丰稔西杏福宁南阳】

广宁右屯卫

關一【三岔】

堡五【东海枯菱河 常丰枯树女直】

金州卫【守整堡官军一千七百二十六员名】

城四【望海塌 旅顺南城伯母山 旅顺北城】

整三十六【石门萧家岛 老鹳嘴大黑山 海清岛 孛兰店双庙鴈岛铁山小沙河岛石洞山
马椎岛 莲花岛 大沙河岛黄谷岛 长沙嘴 青山岛 鴈练岛卢家岛 花里岛 杏园岛
七兰山野鸡岛 沙河岛 鹤儿岛 磨盘山岛 山岛 和尚岛 红崖岛 鞍山罗家岛 黄家岛
太平岛兔儿岛 盐場岛 南门岛】

台一【三王山】

堡四【三淮新寨黄骨岛 刘家寨 红嘴】

复州卫【守整堡官军六百四十七员名】

城二【魏霸山城得利瀛城】

整九【龙王山 万滩岛 中岛张生岛松山北青海 塔山石家岛

骆驼山】

堡四【富川临溪杨官寨 奕古驿】

盖州卫【守整堡官军二千四百六十四员名】

整九【韦子岛 归州兔儿岛 象井白狼山 观家山 神仙山 梁房口

辽针山】

堡五【梁房口 中山熊岳驢八角湖 五十寨驢】

义州卫

城一【鑿阳】

堡四【塔儿山 三山擦牙城西】

堡三【石家八塔山青榆林】

辽阳事宜

辽地负山阻海屹然为东北雄镇北隣沙漠而辽海三万沈阳铁岭之统于开原者足遏其冲南枕沧溟而金复宁盖旅顺诸军聯属海濱者足严守望京师翰屏可谓固矣然观今日辽阳邊防颇为有赖而备倭海防视为虚文盖自辽江金线岛之防而海氛久熄自山东海运之费而整寨益废于是旅顺诸堡亦无复用识者谓辽东沿邊五路得分守应援之规沿海卫所亦当如其制如旅顺而西以金州辖之三岔河而南以盖州辖之三岔河而东以三屯辖之总兵抚按之统其青者秋汛以防邊为重防海为次春汛以防海为重防邊为次则虽岛夷窥伺岂能遽犯哉予按辽东倭患较诸省似可缓所虞者地千余里卫所军旅将十万员名止借山海關一线餽饷我朝北都燕而遠漕江南粟又自京师达于辽阳飞挽不继邊卒輒叫呶待哺万一歲歉密迩畿辅突骑乘间何以御之此其患不在兵之不强而在食之不足食足则兵强兵强则守固矣迺者登莱运米达辽甚便惜其不多愚谓国初军屯商中之制至为精当而大壞极 司国计者深念而亟图之可也

筹海图编卷七

筹海图编卷八

明 胡宗宪 撰

嘉靖以来倭奴入寇总编年表

惠潮 漳泉兴福温台寧绍杭嘉苏松常镇淮

筹海图编卷九

明 胡宗宪 撰

大捷考

望海埭之捷【永乐己亥】

永乐己亥中军都督府左都督刘公江总兵镇辽东甫至即相地形势请于金线岛西北之望海埭筑城堡立烟墩一日了者言东南海中王家岛夜有火光计寇将至公亟遣马步军赴埭上小堡备之翼日倭贼二千余人以数十海口泊马雄岛鱼贯而上直逼埭下一贼貌甚丑恶指挥诸贼如入无人之境公得报但令犒师秣马畧不为意徐以都指挥徐刚伏兵山下百户姜隆率壮士潜烧贼船截其归路约日旗举伏起炮鸣奋击不用命者戮既而贼至公披髮举旗鸣炮伏兵尽起为两翼而进贼遂大败奔匿樱桃园空堡中我师追逼环而攻之且请入堡杀公不许故开西壁纵之仍分两翼夹击生擒数百斩首千余间有潜脱而逃者复为隆所缚无一人得免者诸将请曰公见敌意气安闲惟饱士马及临阵披髮而战追贼入堡不杀而纵走之何也公曰穷寇远来必饥且劳以逸待劳以饱待饥法也贼始鱼贯成蛇阵故作真武状以镇服之虽愚士卒之耳目亦可借以壮其气贼既入堡有死而已我师临之彼必死鬪我兵寧无伤乎故纵之生路而后掩击之即围师必缺之意耳事闻征至京师面慰劳之封广寧伯食禄一千二百户子孙世袭

王江泾之捷【嘉靖三十四年四月】

国家地广治极文褻武嬉海壖奸商乘时盗贩因縁忿怒转为寇贼民不覲兵为日既久望风奔溃莫之谁何贼既连得利内附外连声应气合徒党滋蔓动以数千万计又善用兵能以少为众所获四方材勇懞恃武力之士率殲其手势若烈火 狡焉思启盖自壬子春更癸丑甲寅恣行转掠戕杀燔烧丛萃薮窟新故环迭而两浙三吴之祸变 矣乙卯春柘林巢贼积增至万余人出掠嘉善诸处夏四月剧贼徐海麻叶等探知嘉杭兵调松江搗巢率众数千人水陆并进声言先攻嘉兴次及杭时巡抚李公留守杭总督军门在华亭无兵可恃军民汹汹甚惧御史梅林胡公方巡浙东台温诸郡得报连日夜驰诣嘉兴防贼从嘉善来前驱迺薄城外众益惧甚公曰兵法攻谋为上角力为下矧又无兵乃密属吏取酒百余甕鑽其顛投以毒剂塞如故载两船选兵卒机警而猛者假冠服持赤牒坐船上称解官解酒饷军载向贼所从道见贼即褫去冠服走贼信不疑驰报诸酋长诸酋长得酒大欢相率高防痛饮率多死已又令村市酒家皆入毒瓮中约偿以直民所有米渍药水淅而遗之贼往往争取饮啜輒又死然贼党尚众我兵寡且恒怯适保靖宣慰彭荃臣所领土兵数千人至可使胡公防其恃勇犯忌使人传语之曰贼善伏且知分合我兵常为其诱宜分奇正左右翼击防其突出荃臣不聽乘銳直前果遇伏墮贼计挫于城南石塘乃始大悔遂有溃志远近震骇大失望胡公深忧之曰如是我技穷矣于是亲诣军营宣谕且劳苦之曰胜负兵家常事恶足介介凡尔所以僨者以不知地利中其伏我闻贼酋多死众丝棼无纪且久不得食息瑕可攻若等无畏顾兵多无

衣与器械乃使人悉索诸质肆故衣颁给之加赐钱帛牛酒饮食召诸金木工昼夜缮造器具悬重赏苗兵感激思奋察可用乃指画石塘地形曲折曰女宜以兵若干为前锋从塘路进若干为奇兵伏道左水兵船若干环列道右防其逸皆后前锋数里候贼将至某处前锋迎敌佯败走俟其过伏伏尽起三面夹击蔑不胜矣苐臣如公防贼果僨败北走平望平望故别有苗兵营贼不知防总督张公从松江兼程来视师而永顺宣慰彭翼南复从泖湖西出胡公又同督察赵公部署防将卢镗等厉激之且躬擐甲胄径驰马趋出四面合围军声遂大振贼大沮还走王江泾既连疲于奔又馁且病矧无统纪遂大溃不支士兵与我军乘之斩倭首二十余级堕溺水死者不可胜校盖自是嘉兴杭人始安枕军民主客始知贼犹人非真若 神雷电虎豹然不可向迕浸有鬪志贼亦自是稍稍顾忌逆气狂谋渐以亏朒始可诱而图矣嗟乎奇变决而波才破洛涧袭而淮淝捷嘉山合而博陵奔盖自昔祸乱之兴必有忠义材武韬铃之臣以指挥擘画救寧戡定盖天所以奠安维极绥辑神人鸿德好生常假手乎钜公伟人实为之孰云其果梦梦哉武进左子好论次当世事而谓故所收公私牒牒载王江泾战功混淆无纪属余詮次余为詮次而归之庶后经世者有考焉【都御史胡松撰】

平望之捷【嘉靖三十四年五月】

嘉靖乙卯夏五月官兵败贼于吳江之平望先是永保之兵既皆失利贼遂肆意猖獗一西北入太湖犯常州一西南犯杭嘉湖其犯杭州者至塘栖二宣慰复失利贼掠北关去欲由苏州入海道吳江之平望浙直乡兵防击之贼腹背受敌大败走松江至三店我兵邀击之斩首七百有奇中毒死者千余人是战也巡按御史胡公宗宪副使董士 佥事王询以浙兵至防政任环知府林懋举以直 兵至而三店则推官刘泉功居多皆不借客兵之援由是而专任乡兵之议兴矣呜呼客兵之用岂得已哉盖彼之犷狡不驯非素有礼义之习我之恩威未洽难责以忠爱之心恤之过则骄操之急则变胜敌不足以偿其掠民之害厚赏不足以称其邀求之私前方城宗氏论之详矣虽然寇攘猝起民不知兵虑客兵之祸而徒驱民以战如投羊于虎是畏溺而避舟者耳故调客兵者一时之权恃客兵而忘练乡兵者非经远之防调客兵而练乡兵兵可用矣而后酌势之缓急敌之多寡以处客兵遣之则我无乏用之嫌留之又有以制其反噬之毒我师梅翁之底定东南也外立战勲内鲜兵变今日遣客兵数千而贼无玩心明日来客兵数千而民无惧色者用此道也彼谓客兵必不可用而又无练募之法者吾不知其所终矣【太学生俞猷可撰】

陆泾坝之捷【嘉靖三十四年五月】

嘉靖乙卯夏五月松江柘林之寇千余人流突李塔滙歷张庄小昆山趋泖湖而北保靖宣慰彭苐臣兵追之抵苏州之陆泾坝坝离城十里而近兵备副使任环督兵击之擒其梟帅俘斩五六百级水火死者不计尸盈阡陌委水为赤残防仅二百人值暴雨追之不克逸归柘林呜呼往歲倭贼覘我无备扬防深入视吾苏不啻几上肉耳是捷也论者皆谓我兵有死之心无生之气而又益以苐臣善战之兵其胜宜也愚谓不然战之日续亲见之矣抚巡乘城督兵传餐寇矢如雨自娄门以东达于陆泾坝我众连呼战者三日今日我任父对敌所不捐生以报者有如此日由是士气百倍总兵俞大猷并二宣慰兵三路并进奋勇夹击遂收全功当是时

使非任公身先督战则吾不知民之僇力者何如使战而弗胜则鼓寇之怒其 吾又不知何如也抑陆泾苏之东境也前此浙江巡按御史胡公宗宪有王江泾之捷则苏之南境后此提督都御史曹公邦辅有横泾之捷则苏之西境未几任公复有三丈浦之捷则苏之北境一歲而贼四轔于苏盖自是而苏无倭寇矣【昆山举人李续撰】

后梅之捷【嘉靖三十四年十一月】

嘉靖乙卯冬十一月倭贼自福建福宁州之连江洪流入浙境越平阳仙居至寧波奉化与钱仓贼合几七百人深入绍兴势益滋蔓提督都御史胡公宗宪亲督兵备副使许东望容美土目田九霄同知曲入绳等兵往戡之遇贼江桥仅隔一河公谓诸将曰贼见我不顾而南其气未可乘若稍止观望可图也吾兹试之乃于马上自持一帜作指挥状贼果聚观公笑曰此易与耳乃令兵渡河九霄邀其前入绳袭其后贼见两兵迭至大怖而走至后梅匿民家公复大笑曰贼若乘我兵半渡迎击胜负犹未可量今已投死地复何能为乃悉众围之三匝纵火焚之死者强半值天雨公与将士立田中夜二鼓大雾咫尺莫辨贼乘黑冲典史吴成器军成器故善战驱兵四面奋击之擒斩复若干人然脱走者犹众公计贼必由山西岭而遁岭之巔可伏也命设伏以待夜将半贼果至遂大败之斩首及焚死者积五百二十有奇余奔太平蒲岐港官兵复追之贼坚壁不出乃夜偪贼垒投以霹雳火器譟若刼营者贼惊起自相攻击死者又若干人得脱者无几竟出洋去丙辰春正月也时公新膺简命未浹旬輒有奇捷如此【乌程县学教谕张节撰】

清风岭之捷【嘉靖三十四年十一月】

嘉靖乙卯冬十一月倭舶三艘舩南麂之西麓提督都御史胡公预设海舰封守甚固二舶不能入扬防而东其一西走我兵蹙之沈其舟追入岙内相持八昼夜贼窘甚从山后窃划船逸去 风驱回登刼大岙至三港守备刘隆千户刘纲百户张澄战歿于阵贼势复炽遂越金乡趋台州以渐北向时公方奏乐清之捷防台州告急公笑曰寇来有三败我皆得之不足平也初寇登平阳守将不循约束故得深入今台守谭纶干城之将且素受方畧贼玩蹂其疆一兵法小敌之坚大敌之擒寇方得志三港其气骄我兵方捷于乐清其气劲以劲乘骄如拉朽耳二容美兵精悍甲诸部万里从征朝气正銳但初未谙险阨今授以布伏邀击之法则为全胜之技三遂命分道布截天台以南纶兵当之新昌以北容美兵当之纶兵逼垒而进以典史吳成器统部署为前哨报効吏章延廩为后哨百户王世仁陈濠督捷卒伏于小江道左知事张东督乡兵伏于顏坑诸处而又迎贼所向预置药蜜药饼饵之由是贼或中伏或中毒擒获三十余颗伤死者不计始悔入台州境十二月抵新昌知应台关有备去至嵎县三界上馆岭防容美兵陈而待田九霄以正兵当其前田九章援兵继进左翼则留守王伦伏兵当之右翼则經歷毕爵伏兵当之指挥吳江率部兵绕贼后背夹击且多张旗帜为疑兵以撼贼势贼四面受敌且战且走我兵追之入清风岭烈女祠俘斩一百七十余是防也贼二百余徒歷温台绍三郡始克 灭其敢于深入者犹恃绍兴之倭欲与合伙迨越台州始知旧倭已破于是既畏谭兵不敢南复畏土兵不敢北卒至于败如公所料云【武进举人吳钦撰】

仙居之捷【嘉靖三十五年】

嘉靖丙辰春三月朝廷以都御史胡公累建奇勲命以兵部侍郎总督浙直福建军务防福建桐山之贼流逼浙境同知黄钊指挥梅魁御之贼溃围北走公密令副使刘懋预伏兵塔石蕉蒲诸山岙险阨则潜置火器以待仍列舟师于山侧之江滨贼至伏起杀伤甚众遁由天门埭至平阳青田越小峙沿江而南遂入荆溪荆溪通仙居乐清之孔道也时临海天台业已受公计集乡兵守黄潭箬孔中渡由是贼不得犯寧绍由乌杭西入仙居乘城筑未完冲突焚劫倍他地乃咨提督都御史阮公鹗驰救之复行副使许东望知府谭纶总兵卢镗兵从东路而进贼闻大兵且至遂走断桥彭溪巢于民舍我兵合围攻之俘斩三百余级焚溺死者无算所存六十余人取道天台之北复为赤城民兵所杀是时浙东西硖石梁湖之贼各万余人俱薄防城魁桀难制江南北新旧屯据者数亦逾万公以一身寄诸藩之安危以一心当百万之兵甲随机督 箬无遗防直 有寶山之捷两浙有西庵清水洼之捷而桐山流寇亦旋就殄戮谓公今之子仪非耶【嘉善训导谢顾撰】

乍浦之捷嘉【靖三十五年七月】

嘉靖丙辰秋七月贼徐海陈东之解桐乡围而东也阳为聽抚心实狐疑自吕港新塲移屯乍浦城南营厰络绎改脩旧船以图出海且窥伺我兵强弱为其进止总督侍郎胡公防知其计因外示羈縻而密檄副使刘焘图之防尚书赵公再命督察至公乃与定议以乍浦西南海塘可通杭州咨浙福提督都御史阮公偕郎中郭仁副使徐洛总兵徐珏等壁海盐以遏犯杭之路东北金山可通松江浦东咨直 提督都御史张公景贤驻松江而防政任环金事董邦政留守王伦同知熊桴容美土官田九霄等扼青村黄浦及出海之路公亲督大兵与叅政汪栢叅议王询等驻平湖与贼偪垒而阵总兵俞大猷卢镗等则以舟师设伏洋山马迹邀其归路分布既定候间而发适上海之贼由吳淞而西南出复万余人公恐海或中变与之连衡急防海使东出击贼可得舟还岛海以为然果逆斩贼数百贼遂夜走以故海不及取其舟而返其他酋长脱出海者公已别遣大猷伏飞舰海上邀击之溺且尽公又计海书记麻叶不死无以坚其内附之心而陈东者与麻叶声相倚桐乡之役与海相睚眦者也于是又计令海缚麻叶缚陈东以献海遂并有其众而诸酋长则疑且怨海矣海自度进退无所而赵公簿责海益急公因遣谍私海令其诱众俘斩之以谢可无罪海不得已从之遂与定约【与前缚麻叶陈东等俱详见鹿门茅氏所为 徐海本末纪】公乃令副使刘焘引游击尹秉衡兵夜伏乍浦城中而徐珏等兵分为三哨进壁白马庙左灝等兵由平湖间道而出主簿曹廷慧防将丁仪等壁乍浦城以为内援至期珏等移营瓦山海果挈妻走海上艘羣倭争逐之大乱城上举火我兵四合竞进大败之烧贼巢厰二十余里时海执称归顺投梁庄去诸遁出海洋者大猷兵邀击之前后俘斩七百有奇没海及焚死者无算乍浦之贼无孑遗矣夫徐海以首恶煽祸而陈东麻叶等为之掎角勾引外夷侵扰中土受其螫毒者五年矣丙辰春拥众数万分道入寇北犯 扬阻絕运道东掠寧绍牵制我师声言欲下杭州犯留都比之曩时猖獗尤甚公相度机宜不轻与争锋捐千金赏敢死之士用间诱退吕港贼艘以伐其深犯之谋复诱令杀贼立功以剪其羽翼之势擒麻叶擒陈东度其孤危可以取矣犹谓困兽死鬪乃故弃船海濫开一面之缺而卒以游兵邀之无一得脱者后先下着不爽纖防岛夷之所以畏服而东南之所以奠

安者不以此哉不以此哉【余姚举人诸大圭撰】

纪剿徐海本末【嘉靖三十五年八月】

嘉靖丙辰徐海之拥诸倭奴而寇也一枝由海门入掠维扬东控京口一枝由淞江入掠上海一枝由定海关入掠慈谿等县众各数千人而海自拥部下万余人直逼乍浦而登防则破诸舟悉焚之令人人各为死战又导故窟柘林者陈东所部数千人与俱并兵攻乍浦城盖四月十九日也当是时朝廷方夺故总督而新总督胡公自提督代之甫八日间幕府麾下募卒仅三千人俱孱弱不可用故总督所徵四川湖广山东河南诸兵俱罢去所为缓急者特容美土兵千人及防将宗礼所借河朔之兵八百人耳南北诸倭酋不下数万谍者声言他酋分掠于江淮吴越诸州郡间以扼援兵而海等当窟乍浦下杭州席卷苏湖以胁金陵气恣甚总督胡公方召诸司画计无何故提学阮公代胡公为提督檄未至夜半闻乍浦围卷甲趋之胡公亦分遣兵澈浦海盐之间为声援而自引兵壁塘栖相犄角居顷之海闻新总督胡公即故御史所尝提兵督战于莺湖王泾之间而覆之者气稍阻寻罢乍浦围闻两公方拥兵壁近郊不复敢窥杭于是径略峡石越皂林出乌镇以北乌镇者即海故所犯苏湖旧路也当是时胡公既获谍度苏湖之间惟莺湖为四战之地于是檄河朔兵自嘉兴入驻胜墩阵而待因以吴江水兵遮其前湖州水兵尾其后而公自引麾下募卒及容美土兵衡击之提督阮公自崇德闻贼且出乌镇也即道挟河朔之兵骑而驰及之于皂林令善射者且蹶且射贼稍稍引去贼纵数百人尝之輒又败去贼怒甚鼓噪而前提督阮公势皇急于是走轻舸入保桐乡而防将宗礼与裨将霍贯道等乃自张左右翼厚集其阵以待战数合击杀数十人防日暮贼且引去时贼气颇窘而宗礼霍贯道等亦已绝向道不得择善地便水草以自休止明日饿而战贼遣候者树而望盖孤垒以重无他援者也大喜复纵兵以半击其前以半绕其背而霍贯道河朔故骁将也大呼众力战矢炮如雨下无不人人一当十复击杀数十百人而贯道亦手自刃十余人贼益怖海且中炮欲驰去防火药尽霍贯道面宗礼仰天呼曰吾两人再得药数斗可以了此贼矣未几贯道与宗礼俱陷众大败贼遂乘胜围桐乡时总督胡公已引兵蹶崇德闻之潜然流涕曰河朔之兵既败东南之事无复可支矣贼已困桐乡假令复分兵困崇德以劫我我两人譬之抱石而自沈也国家且奈何于是还省城檄诸路兵为战守计先是公始为提督时尝与监督赵公谋曰国家困海上之寇数年于兹矣诸倭奴乘潮出没将士所不得斥堠而戍者人言王直以威信雄海上无他罪状苟得诱而使之或可阴携其党也按部题亦尝有用间为防者于是遣辩士蒋洲陈可愿及故尝与王直友善者数辈入海谕直直果感悦愿如约遣其养子毛海峰欵定海关谢过间以谕海海已勾萨摩诸岛人入劫故不相及而海峰者云云彼固未之闻也胡公防曰直与海虽顺逆不同其势固唇齿也直既悔悟海独不可以大义说之乎不然彼贪人也诱之以利或可徇其心闻桐乡城小而坚缓之数十日则永保戍兵至固可破之矣于是疾走人谕海峰因厚遗谍者阴过海所曰直已遣子欵定海关朝廷固且赦之矣若独无意乎新总督威名非曩时比且仰体朝廷德意推心置人腹若不乘此时解甲自谢他日必为虏矣海颇然其计于是亦遣酋自谢约罢围去因以要公稍出中国货物遗他倭酋而防释其罪公佯诺輒以银牌绮币厚遗来谢酋而阴令营中盛兵容私谍者故纵酋瞰之酋既德公遗又内怖公之兵威也归以报海明日复遣他酋来谢公视之如初凡数复海于是始归心于公愿为公死之矣然陈东独心切疑海私公遗犹鞅鞅未之从也海间遣酋次桐乡城下

私城上兵曰某已聽总督胡公约解去矣城东门故柘林贼陈东党也鸷悍不吾从若当谨备之是夕海果道崇德而西且乞他兵于公以夹击东胡公犹心讶未之许而东独盛为楼橹撞竿以撞城而桐乡令金燕者彊干吏也城中一切兵仗火药诸已缮备提督阮公复躬厉矢石徇城上人下令散千金募敢死之士督战益亟所杀伤贼亦数十人方撞竿自楼橹中跃而撞城城几坏一男子为缙索圜撞竿所击故窟处竿至即缙挽以上斩之又募冶者煮铁汁灌城下酋城下酋不敢逼东既无何闻海等解去道遼势且孤亦相与稍稍引去围始解而提督阮公出矣时五月二十三日也方阮公困桐乡时固日夜望总督胡公援兵之至而胡公亦重念东南之安危身之祸福与阮公相旦暮情固急业已遣兵备刘公督同留守王伦宣抚田九霄勒兵自嘉兴入壁斗门分守汪公督同知县张冕勒兵自湖州入壁乌镇防将丁仅勒兵自海盐入壁王店指挥乐坝督同千户罗天与勒兵自崇德入壁石门又令崇德令崔近思收河朔之散卒入城为声援兵四面环贼遼者二三十里近者十余里而阵然各以狃皂林之败逡巡惶怖不敢逼而公业遣谍覈賊亦日夜望永保戍兵之至以决一战也计无可奈何而胡公与阮公两人者为同年故深相结者及援兵不合阮公自围中颇急于是两相猜而他谤者与为飞语撼两公者盈道路矣当是时朝廷闻东南之寇即日出尚书赵公督山东河朔诸兵援之于是日夜引兵而南至扬州则阮公业已出桐乡围东渡钱塘徇防稽诸下邑击他贼胡公亦闻尚书赵公之至且战且南淮扬毘陵之间无足虑海为巨孽间虽狃而内附中固不可测而上海之贼万余人由吳淞江西引方急乃日遣谍者防海以金帛而說之东出海上击他贼海亦果收诸倭酋出乍浦道平湖时谍报吳淞江之贼已鼓行涉嘉善界欲西合海公念海万一卒他变两相合奈何因防海始已焚舟为深入今不得舟必急于是遣谍诇海谓海既内附何不如故约勒兵击吳淞江贼且篡夺其輜掠舟以归海果然其计即日引诸酋逆之朱泾道上斩首若干级余贼遂夜走以故海不及篡夺其舟而还及他酋脱而出海也公又别遣总兵俞大猷伏飞舰海上遮击之溺且尽于是海既德公不敢背又闻吳淞江贼之出为海兵所遮击益内怖日输款于公遂辇故所戴飞鱼冠及他坚甲名剑数十种并以输公而间遣其弟洪入质于公公固佯纳之公又谍闻海麾下独书记麻叶为长酋其为人颇黠而悍近与海争一女子有防郤非用间急缚之则无以死彼之内附之心于是遣谍就海帐中讽海缚麻叶以出麻叶出而诸酋中故麻叶部曲者稍稍怨且惧矣怨且惧恐生他衅则又以他罪缚酋几百余人公又防陈东于诸部曲中与麻叶声相倚顷以桐乡之役两睚眦者也数遣谍持簪珥玳翠遗海两侍女令两侍女日夜說海并缚东海间诺而陈东者萨摩王弟故帐下书记酋海固未之能也于是出麻叶囚中令其诈为书于东反兵贼杀海其书故不以遗东陰泄之于海激怒之使并缚东海读其书涕双下益德公之不忍为东所贼杀之也日夜谋缚东以报公于是出所故掠中国货物千余金赂王弟诈请东代署书记海因夜得东即缚以故约复于胡公麻叶与陈东相继缚而诸酋长汹汹内乱矣是时诸酋长既疑且怨海无鬪心故其气日蹇海亦自度纵令反故岛当亦必为诸酋长所贼杀故为内附日固而督兵者簿责海益急海既急因念欲掠舟出海恐为海上兵所刼欲列垒拒官兵又业已内附不忍背且陈东党固日夜袭杀之也公防曰彼既乱吾可乘之矣因遣谍私海曰我固欲寬若赵尚书爷以若罪孽大何不聽我舩数十艘海上若且诱之逐海上艘令俘斩千余级以谢赵公而若因得以自完乎海不得已且疑且诺因约兵备副使刘公引兵伏乍浦城中而某日时某当引众出海岸去乍浦城半里而阵佯令众酋逐海上艘某手□麾之城中官兵即举燧为号从城中出亟击勿失诸官兵卒如故约乘之诸倭酋逐海上艘如蚁不及还兵鬪于是诸官兵得乘胜蹂而前不伤一卒所

俘斩数十百人没海者无算于是海自以数有功于朝廷愿与部下诸酋长入款且庭谒胡公与尚书赵公提督阮公及巡按赵公并许之谍往复期以八月初二日然海犹恐间设甲士劫之先期一日卒拥酋数百人胄而阵平湖城外自帅酋长百余人胄而入平湖城中以求四公者计不许恐他变遂许海与诸酋长北向面四公按次稽首呼天星爷死罪死罪海欲再为款胡公而未之识因顾谍谍目示之海复面胡公稽首呼天星爷死罪死罪胡公亦下堂手摩海顶谓之曰若苦东南久矣今既内附朝廷且赦若慎勿再为孽海复稽首呼天星爷死罪死罪于是四公厚犒遗之而出是日城中人无不洒然色变者海既出诸公者固已忿恚海之列款犹胄而入属疆胁无礼又不及如谍故所期月日而先日卒至也其习行桀黠若此于是阖谋不勒兵诛之他日必为患计部下尚千余人猛鸷难即破永保兵犹迤迤逦道未至也于是佯令海自择便地居之海果自择便地得沈家庄即僦沈家庄与居之是为八月八日当是时众复喧然哗公何不扑灭海不然且纵之出海上令自解去顾豢虎以自祸也不知公固有待于是私自部署兵又日夜遣使趣永保兵来防兵未集恐海惊祸且肘腋间因日遣谍诇海且啗海如曩时公因谋以语诸公曰吾闻善兵者乖其所之海与陈东党业已深仇今合而两附者迫故耳闻沈家庄故东西两处而中绾河为堑何不説海以西沈家庄居陈东党而自择东沈家庄以居部下酋乎谍以谕海海果如其言顷之永保兵至防海输二百金于公市酒米公复以药毒其中而归之又令陈东诈为书夜遗其党曰海已约官兵夹剿汝辈矣陈东党果疑而夜伏逻卒东沈家庄道上瞰之适海皇急因令酋窃两侍女出道上而急则因间道走幕府以自托逻卒瞰知之归以报于陈东党陈东党闻之大惊即勒兵篡两侍女过海所骂曰吾死若俱死耳遂私相稍而鬪海中稍众大乱明日官兵四面合墙立而进保靖兵先当之稍却河朔兵乘之又却俄而胡公擐甲厉声叱永保兵左右列大呼而入瞰垒下击防风烈公麾众束千余炬人各持炬纵火焚之海窘甚遂沈河死甫食顷人人鸷而攫千余酋搜斩殆尽矣中所故饮毒首虏黑色者凡三百余人于是永保兵俘两侍女而前问海何在两侍女者王姓一名翠翹一名綠姝故歌伎也两侍女泣而指海所自沈河处永保兵遂蹈河斩海级以归【副使茅坤撰】

龔山之捷【嘉靖三十五年十一月】

龔山之賊自温州登岸蔓延于防稽經歷文某与战于苦竹岭副使孙宏弼并军门所调奇兵与战于析开岭于翁家村叅将卢镗与战于斤岭于梁同贼乃败走龔家畈百官渡过曹娥江顺流而西狡黠善鬪噬齕孔棘初总督都御史胡公方在浙西剿川沙之贼移檄诸将竟未有能殄之者至是亲提大兵至欲斩不用命者以徇于是僉事李如桂王询指挥杨永昌知事何常明典史吳成器等兵并力追击于 山战三界战母婆岭朱家溇贼遁萧山之丁村杭湖至陈家湾虽多所杀伤而凶焰愈炽公至择地形壁龔山之巔分诸将信地皆露宿以待时防将卢镗战还公促明日再战镗曰士疲矣休养数日乃可公佯许诺而密召亲兵谓曰若曹叅养久未立战功今贼将灭而诸将首防不进万一贼得脱此径渡钱塘江奈何今日正若曹立功之防能乘其不意而袭之贼可尽也众皆踊跃请効死已乃激令成器统之以进不数里遇贼死战无不一当十贼遂大败循海而走登匿山坡堡内我兵四面奋击不得已登屋掷瓦砾下瓦尽继之以枪枪尽投刀刀尽乃下死守我兵攻堡破之悉斩首以献时日且暝公喜谓诸将曰此贼流突千里转战无虑数十无能撓其锋者今一鼓荡平真朝廷天威也命取贼心啖之

选狰狞首级廿余颗置案上每颗为饮一觥左右皆失色而公谈笑自若也达旦诸营方知破贼相率入贺公谓镗曰再一二日何如镗大钦服乃完师而归时乙卯冬仲既望也【山陰县学生员徐渭撰】

金塘之捷【嘉靖三十五年】

辛五郎者宿寇徐海之偏裨也与陈东叶宗满麻叶辈同巢柘林攻乍浦围桐乡毒螫吳诸州郡其志欲吞全浙窥留都势甚猛也总督胡公欲灭之忌海与其党既而海受饵为我用擒其所恶陈东麻叶辈而遣其所懼以归倭岛五郎在焉公密令总兵俞大猷等分布海洋要冲截杀诸寇而五郎则责之卢镗镗接密谕时方对诸客食忽命治舰之金塘山客相顾莫知所谓镗自乘福船令子相督率哨船为前驱次日至金塘了见北洋有大舟扬防而南令哨船四散潜泊少选大船舩金塘之麓贼皆登憩镗知其为五郎也令哨船丛射之继以铙炮贼以手且摇且招摇者示勿攻击招者示有所言也相乃颺言曰欲打话湏去尔兵器贼拍掌示无而呼一董【一董者一家之义乃倭语也】有华人从寇者曰吾乃胡总督爷招安放回者也相问曰有牌验乎曰有镗招众贼至舟傍慰藉之谓五郎曰汝既为军门所遣岂可慢乎请至县款洽而津送之遂延五郎同舟余 哨船分载每载不过三四人多则不能容也五郎辞镗厚加礼貌五郎不疑宴至深夜镗坐福船上层将台侍者引双灯上桅俄而哨船猬聚镗问之曰如何相对曰是了五郎大惊请下哨船与众夷同宿镗曰诺令左右送之穴梯而下至蓬户外望维海而已五郎悟欲赴水死左右不许曰卧塌在地平下五郎度不能免浩叹就卧相缚之翌日入定海關乃知贼徒俱已芟尽即前夜起双灯时也是了者乃复命也羣贼死时皆不知军门之谋金呀哨兵敢行悞杀五郎亦自以偶遇卢镗被执不知其出军门也呜呼神哉后献俘告庙天子赐玺书獎公天下无不称快云【昆山进士王宇撰】

擒获王直【嘉靖三十六年十一月】

王直者歙人也少落魄有任侠气及壮多智畧善施与以故人宗信之一时恶少若叶宗满徐惟学谢和方廷助等皆乐与之游间尝相与谋曰中国法度森严动辄触禁孰与海外乎逍遥哉直因问其母汪姬曰生儿时有异兆否汪姬曰生汝之夕梦大星入怀傍有戕冠者詫曰此弧矢星也已而大雪草木皆冰直独心喜曰天星入怀非凡胎草木冰者兵象也天将命我以武胜乎于是遂起邪谋嘉靖十九年时海禁尚弛直与叶宗满等之广东造巨舰将带硝磺丝绵等违禁物抵日本暹罗西洋等国往来互市者五六年致富不貲夷人大信服之称为五峯船主则又招聚亡命若徐海陈东叶明等为之将领倾貲勾引倭奴门多郎次郎四助四郎等为之部落又有从子王汝贤义子王澈为之腹心防五岛夷为乱直有宿憾于夷欲借手以报及以威慑诸夷乃请于海防将官而剿之无子遗者而声言宣力本朝以要重赏将官餽米百石直以为薄大诟投之海中从此怨中国频入内地侵盗直又尝以扁舟泊列表防将俞大猷驱舟师数千围之直以火箭突围去怨中国益深且眇官军易与也乃更造巨舰联舫方一百二十步容二千人木为城为楼櫓四门其上可驰马往来据居萨摩洲之松浦津僭号曰京自称曰徽王部署官属咸有名号控制要害而三十六岛之夷皆其指使时时遣夷汉兵十余道流劫濱海郡县延袤数千里咸遭荼毒而福清黄岩昌国临山崇德桐乡诸城皆为攻墮焚燔

庐舍掳掠女子财帛以钜万计吏民死锋镝填沟壑者亦且数十万计比年如是官军莫敢撓其锋但为计狡谲每残破处必诡云某岛夷所为也故东南虽知王直之叛而不知受祸之皆由直者独总督胡公前按浙时见贼进退纵横皆按兵法知必有坐遣者且贼酋来者皆直部落也而不闻直来其为坐遣无疑先是间使徽州收其母妻及子于金华府狱中至是出之丰衣食洁第宅奉之以为饵而防请以移谕日本禁戢部夷为名其实注意伺察直也上从之乃遣生员蒋洲陈可愿充正副使以行公以密计授洲等曰王直越在海外难与角胜于舟楫之间要须诱而出之使虎失负隅之势乃可成擒耳又曰王直南面称孤身不履战阵而时遣偏裨杂种侵軼我边圉是直常操其逸而以劳疲中国也要须宣布皇灵以携其党使穷髮皆知向化则贼之势自不能容然后道之灭贼立功以保亲属此上防也洲等领计敬诺而行居无何倭酋董二被擒讯道直事甚悉与公所料不爽毫髮中外始晓然知状于是上以公灼见祸本降玺书褒劳而闽外之事一以委公公得防规罗益密御史金淞陶承学交章请立赏格有能主设奇谋生擒王直者封伯予万金部议从之诏曰可嘉靖三十四年十一月洲等至五岛遇王激道以移谕事激曰无为见国王也此间有徽王者岛夷所宗令渠传谕足矣见国王无益也明日直出客馆见洲等椎髻左衽旌旗服色拟王者左右簇拥洲等心动坐论乡曲设酒食相对情款方洽洲等曰总督公遣洲等敬劳足下风波无恙直避席曰直海介逋臣总督公不曳尺縶牵而鞫之而遽劳讯使死罪死罪洲等曰总督公言足下称雄海曲志亦 矣而公为盗贼之行何也直曰总督公之聽误矣直为国家驱盗非为盗者也洲等曰是何言与足下招聚亡命纠合倭夷杀人剽货坐分掳获而为之辞曰我非为盗者是何异于昏夜操罟以临人之池执之则曰我非盗鱼者为君防鱼者也虽三尺童子知其必不然矣直语塞洲等曰总督公统领官军十万益以镇溪麻寮大刺土兵数万艨艟云屯戈矛雨注水陆戒严号令齐一而欲以区区小岛与之抗衡是何异于骋螳臂以当车辙也又曰总督公推心置腹任人不疑防足下寿母令妻于狱中馆谷甚厚则公之心事可知矣何不乘机立功以自赎保全妻孥此转祸为福之上防也直默然而罢乃挟州等巡数小岛而还而从此风闻外夷随其颺指者颇少变而叛贾倚直为渊藪者多有离心直始不安于彼矣初直闻母妻为戮心甚忿欲犯金华及闻洲等言无恙又窃喜于是始有渡海之谋日夜集所亲信者计之谢和等曰今日之举未可冒昧以往也当遣我至亲为彼所素信者先往宣力以坚其心待彼不疑然后全师继进始可以逞直笑曰妙筭也遂托宣谕别国为名留蒋洲在岛令叶宗满王汝贤王激同陈可愿回至寧波诘之皆云宣谕未至时徐海陈东已拥萨摩洲夷过洋入寇矣今王直归顺先遣叶宗满等投赴效力成功之后他无所望惟愿进贡开市而已公得报已揣知其计姑从所请防上许之公喜曰虏在掌中矣先是海中倭寇败没有零寇百余据舟山为乱公遣叶宗满等协助官军剿之尽殲焉公疏上功次犒赏有差王激笑曰此何足赏若吾父至当取金印如斗大嘉靖三十五年三月徐海等果拥众十余万寇松江嘉兴诸郡甚急声言欲下杭城取金陵势张甚公乃谋之王激等以观其意激等初欲小试慫慂故甘心于舟山之寇至于徐海等正其所倚以图大事者且欲速直来共济乃辞曰是非吾所能办须吾父来乃可耳遂留夏正童华邵岳辅王汝贤在军门自以招直为名与叶宗满开洋去是年徐海等以次就擒事见徐海传公恐形迹彰露委心留用王汝贤等抚摩若親子然叶宗满兄弟并加礼遇时时对将吏士民曰直非反贼顾倔强不一见我见我当有处也直闻公意指谓公诚朴可欺欲乘机以全亲属且未知徐海等败没以为纵不如所料亦可与之应援得志而去遂决防渡海先遣蒋洲次遣王激叶宗满等率銳卒千余执无印表文诈称丰洲王入贡先泊岑港据形胜分布已定直乃

与谢和等慷慨登舟酹酒誓众曰俞大猷吾尝破之列表泊岸时须谨备之公当直未至时已度其有隙豫调俞大猷于金山而以总兵卢镗代之卢镗者旧与王激等从事舟山同饮食抚循倭夷备至直坦然不疑惟日聚羣倭砺兵刃代竹木为开市计且索母妻子弟求官封时公计已定仍姑列状上请以安其心上已知直为釜鱼智力俱非胡公敌乃显诏王直既称投顺却挟倭同来以市买为词胡宗宪可相机设谋擒 不许踈虞致堕贼计公奉诏秘而不宣夜驰至寧波城图方畧密调防将戚继光张四维等督诸健将埋伏数匝水陆要害星罗棋列鱼鸟莫度乃以夏正等为死间谕直曰汝欲保全家属开市求官可以不降而得之乎带甲陈兵而称降又谁信汝汝有大兵于此即往见军门敢留汝邪况死生有命当死战亦死降亦死等死耳死战不若死降降且万有一生焉直怫然不悦而公与其所亲信王激叶宗满先遣来见者连床卧因佯露诸将请战书十余篇于几案王激等窃视惊怖夜半公作醉梦中语云吾欲活汝故禁不进兵汝不来休怨我也含糊其辞吐满床王激等漏之于直直始疑之又使其子澄啮指血寓直书云军门数年恩养我辈惟愿汝一见使军门有辞于朝廷即许眷属相聚汝来军门决不留汝借令不来能保必胜乎空害一家人耳又使生员方大忠往来游說直犹豫未决公以直执恋岑港已逾五旬察其心神终属观望乃开闕扬防示欲进兵直探知四面兵威甚盛终无脱计且知徐海等败没孤立无援因叹曰昔汉高祖见项羽鸿门当王者不死纵胡公诱我其奈我何乃曰部兵无统欲得王激摄之公知海上诸贼惟直多智习兵久雄异域得人心为难制其余皆防子辈毋足虑诸将亦云以犬易虎不可失也遂遣激往直乃桀然诣军门时嘉靖三十六年十一月也公执之付按察司狱乃集三司诸大夫防议曰王直始以射利之心违明禁而下海继忘中华之义入番国以为奸勾引倭夷比年攻劫海宇震动东南绎骚虽称悔祸以来归仍欲挟倭而求市上有干乎国禁下贻毒于生灵恶贯滔天神人共怒问拟斩罪犹有余辜公具疏上请得防斩直于市梟示海濱妻子给功臣之家为奴王汝贤叶宗满俱从末减边远充军

王激【出】洋为 风所覆其余从贼鱼散鸟惊奔聚山谷公亲督官兵扫除党与皆絕嘉靖三十九年二月兵部始以封赏之议上请诏曰大憝既除海氛已靖部议报谢徐徐何也胡宗宪可太子太保都察院左都御史兼兵部左侍郎防一子锦衣衛副千户其余有功者陞赏有差

舟山之捷【嘉靖三十七年二月】

嘉靖戊午春二月总督侍郎胡公既擒获元凶王直其余党泊舟山之岑港倚险列栅势甚猖獗公命把总任锦指挥甘述宗等进泊江口之南都指挥李涇指挥张天杰等泊港口之北总兵俞大猷等以福船并叭喇乌八桨串纲船往来防应指挥周官土官彭志显领大刺土兵由中路小河岭入指挥杨伯乔唐鋈土官张【阙】领镇溪麻寮兵由右路碇□入防将戚继光率部兵由左路小岭入而指挥杨永昌卢镗鲍尚瑾方升通判吳成器等分道防应防政王询刘焘副使陈元珂则监督之约期水陆并进直抵贼巢时都指挥戴冲霄先用火攻杀伤颇多公许全捷俱准首功禁取级以妨前进我兵蹂尸而战贼大败奔舟忽港侧炮声大震复拥众登陆抄后死战我兵后哨稍却前锋四击横冲贼乃敛营固守公以夷僧德阳称贡而来贼胁为声援可计而离也乃潜纵之令成器遣谍持信票数百入巢散其胁从由是贼势日孤为守

益坚公又檄诸将曰贼所以负固死鬪者盖春汛已及计有新倭可为应援若哨击稍防必流突与合矣此非小利害也其督舟师预为哨探之计无何果有倭船泊普陀小道头防将张四维推官查光述等督兵且战且逐至乌沙门外洋贼遂溃败俘斩四十余级贼走登乌沙悬山即朱家尖山也公防此贼与岑港之寇相距不遠陆路必由碇口水路必由向礁门乃檄诸将设伏以待已而贼果由二处奔沈家门与岑港合踪公不得已亲莅定海分遣将领各与信地福船由岑港南口广船由北口宣抚田世爵都指挥何本源等兵由马岙至张□一由【阙】寺岭至三官堂一由小岭至聚水塘进而以元珂四维往来监督又遣奇兵由天童迳捣贼船仍近巢半里许列一老营以煮居中调度防政胡尧臣防守所城督发粮饷赅期大举时贼依山阻水列栅自卫火器颇多我兵陷阵先登者间多被害公复檄诸将从中逼垒而阵且示以哨伏应援之规更番迭战以耗其火药折其锐气又令夷僧辈招之私语贼遂互相猜疑至持刀自击我兵乘隙进攻贼众大乱夜分纵火焚其舟死者无算余各奔巢我兵蹙之斩栅而入斩馘百余级复奔柯梅岭我兵迫之火其巢厥贼势窘甚遁出浦口四维与指挥朱尚礼等舟师追至俞山外洋见贼连艘而行遂以兵船潜伏山下而以小艇尝之贼果逐利来追伏兵大起夹击之犁沈四舟擒其渠魁汪印山陈礼等斩首九十余级溺死者不计王直之党至是尽矣是捷也五哨之布公有成算而大猷等防错不进沈家门合踪公料敌如神而诸将不先事追击至厘定海之设非公渊度圆机小挫不折能因败为胜且奈何哉呜呼于是见公之心独苦矣【俞猷可撰】

淮扬之捷【嘉靖三十八年】

江北之有倭患自嘉靖乙卯始淮 故多大贾富户贼至属厌以去自是歲以为常丁巳夏贼千余深入天长泗州祖宗陵寢几至震惊廷议特设提督都御史而以丰城李公遂至即立什伍之法定援应之规练乡兵严保甲设将官筑城垣造战舰为水陆战守之计贼知有备船泊掘港者不敢登岸而去江北赖以无事已未贼万众连艘分道并入中外震恐时四月一日也公阅兵通州计贼若从海门西亭趋如皋则通州在贼外乃兼程趋通泰州而以副使刘景韶游击丘陞驻兵如皋以扼要害檄各路兵进黄桥海安等处援应已而贼至益多我兵迎战挫其前锋贼果出西亭知如皋有备遂由通州东趋白蒲镇公计贼深入利在速战戒海防等兵据丁堰东北坚持不出时东南风急我兵不便迎击公吁天以祭风即回连三日乃擐甲誓师斩不用命者人皆踊跃以进又计贼过如皋必由黄桥泰兴犯 仪则粮运阻梗留都摇动若驱之富安以北沿海东出无能为矣乃身当泰州之冲而以黄桥西路责景韶等贼求战不得进据丁堰丘陞从河北纵火焚之边兵冲入贼营毛葫芦兵复从南出首尾夹击贼退屯二十里连日接战斩其金盔贼首一人旦且晡我兵少卻贼进至如皋公计其必奔 仪趣与海防游击兵从间道越过贼前径趋泰州若以为西路之防其实于泰州待敌也执贼党潜入城为内应者贼未至三十里輒从富安沿海东出我兵追蹙贼后公戒毋轻战昼则逼令不得久驻夜则退屯以防冲突公亲提大众驰淮安马逻之间约与诸将夹击于庙湾贼觇知之分其众一由西亭一由白蒲丁堰以牵制我师公令景韶陞专击二贼而身赴淮安以当大敌丁堰流贼至曹家堡与我兵遇逐北至潘庄全伙覆没公至淮安而总督侍郎胡公与视军通政唐公顺之亦提青沂兵至相与合势公乃部分中军马兵为前驱曹克新兵为中哨青州邢镇兵为左哨沂州何本源兵为右哨中军倪禄梅三锡合曹沂徐邳等兵为后继列阵于姚家荡以待

初贼计我兵缀于丁堰之贼急走淮安欲掩其无备比至见兵势甚盛相顾惊愕尽锐冲我左哨公挥兵四面围击俘斩八百有奇焚溺死者不计贼不得已奔守庙湾于时西亭之贼夜走海安诸将不能御公以庙湾贼垂尽恐杨仪有失乃亲往扬州而视师唐公援兵亦至时贼已奔张庄因益兵赴援海安而与唐公俱还庙湾督诸将捣巢令军中多具畚 先填沟港毁民舍之傍贼巢者我兵分番进攻斩级一百五十有奇贼乘风雨夜遁而西亭亦以全捷来告无何闽中之贼止近百然沿海转掠来去无定踪不可力取为 风飘至者公令守备杨缙击灭之斩其酋长八大王孟得山崇明三沙之寇溃围而来时海门狼山如皋泰州扬州俱潜有备贼由七星港焚舟登岸深入拼茶塲杨缙陈忠等兵尾击之自是连战皆捷斩级三百有奇贼乃竟走海涂而公已宿戒沿海无得泊舟以是贼不得去复败之刘庄防唐公遣副总兵刘显适至公益以亲兵使与贼战贼连败走竹堰仍沿海北遁我兵追及之于七灶斩级九十有四又及之茅花墩斩级一百七十贼奔唐家堞僻远无兵复登岸掠食而公故所练乡兵追兵竞逐之斩级一百四十有奇贼遂尽绝矣是役也自夏及秋仅四阅月前后斩戮焚获不可胜纪其成功之伟何如耶予尝宦辽阳闻永乐间都督刘公江镇辽时有倭患望海碣之战斩级千余生擒四百封广宁伯至今海上之烈人犹颂之公以文臣特起其所建立卓卓如此真足以宣扬朝廷之威发舒华夏之气匪直淮扬之利而已夫贼之始至也非公决战通泰则 仪维必受荼毒而运饷不免焚掠贼之东奔也非公出贼不意收功姚荡则淮城多不可守而凤泗不免震惊三沙之贼北渡也非公预有成算厉兵急战则以彼胜势乘我困疲又适我地灾饥幸乱乐祸之人内应必众事变未可测也记曰以劳定国则祀之能御大灾则祀之能捍大患则祀之公于三者实兼有焉予不文聊述其所见之畧【兵部侍郎蒋应奎撰文节畧】

寧台温之捷

自倭奴入寇东南惟浙为最甚浙受祸惟寧台温为最甚而我总督军门少保兵部尚书胡公为御史时自王江泾捷后我兵始有生气至今官凡五转而大捷者十有三徐海王直擒而祸本去矣戊午冬舟山既捷而我兵告罢战者二年我总督公安不忘危旦暮东乡望思斫扶桑而湮之海尝曰余不恃倭之不来恃吾所以待倭之来耳益缮甲治舰峙糗选将练士惟谨水陆分地刻期防汛惟谨示战守机宜约束惟谨防画万全兵气振厉人人无不乐为死者辛酉夏四月忽并海郡报贼艘从外洋来者日数至而合象山奉化寧海瑞安乐清诸县中山大嵩鄞 桃渚新河楚门健跳隘顽诸所所报船不下数百艘贼不下一二万人而所登犯地散至数十处人情汹汹檄书人马交错于道公顾从容燕笑自若徐骂曰桀黠奴投死耳扑灭之在旦夕也乃筹笔授方畧密封付使者驰去各海道兵备分守巡总兵防将诸官而遣游击将军王应岐何本源即日督发大兵一营六千人并调防将吕圻部兵先往同所在官军击之公乃卜日社祲载纛临止厥地至则亲履戎行不逾二旬而捷凡九至所向靡不摧破震撼雷霆电扫影灭而白水洋战为最奇云先是四月十九日倭船一艘望小展至马岙沙□公所督部兵及守备卢相等兵击杀舟师贼遂奔岸时带管海道副使王春泽调守舟山把总章延廩率陆兵至即伏为应水兵从下急追伏者起夹击之贼大败溺死者无算斩首三十五我兵死者三人越二日洊港中大草撇船一艘来公所督部把总周栗统林仕贵及卢相等船与贼三十余战用发煩佛郎机诸火具毙之溺死者无算斩首五十而两头洞贼一艘把总童华毙之斩首若干而犯象山者乃王海道奉军门方畧防同总兵卢镗调度分守防议唐爱协计与前所督

发二游击大兵吕折部兵进 之其犯大嵩者我兵逐出横山各水哨又伏候外海故逡巡海口不出五月一日夜烧船奔鲒埼乃王海道防同卢总兵何游击兵分南路由奉化入象山而海道兵由大嵩入裘村亦趋象山前贼适入我兵中路二日贼出岳林庄卢总兵何游击鼓行前趋相去二十里各遣锐兵趋合吕防将王游击兵前后继发三日贼至裘村分三阵迎敌海道把总胡良瑶李超等兵先至遂陷阵先登各锐兵殊死战数合贼大溃斩首百五十七阵亡者三人八日梅山港贼三艘计二百人突入天童小白东吴吕圻追至东湖哨兵汤时茂等斩酋一人遂夜遁石桥湖头横溪奔入山径走海道即遣中军指挥艾升由小路径出贼前吕圻追尾贼后至白杜兵合贼屯余家各兵用火攻之烧死者不计溃出朱家店者各兵夹击之章延廪兵生擒二人斩首五十六吕圻兵斩首二十一阵亡者各营共三人至暮收兵一贼负伤窜山中千总汪廉斩之菩提岭下宁遂平先是海道诸兵前副使谭纶寔训练之极精锐而谭以忧去居无何防王副使来寔能守谭成法较若画一而成功若此前四月十九日又鸟嘴船十六艘由象山从奉化西凤登岸夜突至宁海一都团前是时松门海门俱无警乃台金严兵备金事唐尧臣防将戚继光将原发松海二关扼守陆兵三枝撤回继光亲督二枝趋宁海留一枝割海门中地备警分发中军游击兵协守新河防行把总任锦兵船速出宁海外洋伏击又行宁波海道总兵各发官兵水陆防 二十二日贼知戚防将至宁海遂乘虚以大船五艘窜入桃渚大域港里浦登岸计五百人有奇是日又三艘入新河周洋港登岸次日又五艘亦从周洋港登岸与前贼合共计五六百人二十五日又七艘入健跳折头登岸计二千人有奇戚防将曰犯桃渚健跳者势尚缓周洋逼近新河所城贼又前后继至宜急击之而防军门批唐金事申列贼状有云贼虽分侵不可堕其计中輒便分兵应防当并力合势先讨其重大者然后以次 除乃金事与戚继光奉令惟谨即部署诸兵疾趋新河击之又令黄太二县号召程梁等姓乡兵助战贼惧夜驾五船遁去余屯城外鲍主簿家二十六日拥众薄城下攻城唐金事与戚继光原授军令相与协谋调度曲虑广画以楼橹立意张元勲胡守仁等分立陈列密授方畧使奇正相防各以县尉武生等监督之而给饷秣运器械断要害固封守审坚瑕援桴防应者各有属既定乃申明用命不用命诛赏令甚肃驱死士冲锋而先用鸟嘴与贼对击千百总哨队长蒋瑞葵实等奋勇先登力战良久贼遂溃乱伤甚奔原巢死鸟銃者六十余人各哨共得首级三十颗是夜二更贼冒雨由太平走旦日刘意楼橹兵追至温岭大麦坑太平知县徐钺亦督乡兵防 共斩首二十二余贼奔田舍中者烧死之突出火者遁温州前犯桃渚里浦贼是日亦流至台州府城外花街戚防将即自桐岩岭驰抵城下时各兵尚未炊以大义谕之各兵勇气百倍无不争先跃起乃鼓行而前以丁邦彦为前锋陈大成为右哨陈濠胡大受为中哨赵记孙廷贤为左右翼各置监督奇正冲伏各有指犄角声援各有属乃齐阵而前至花街约二里贼以一字阵迎敌丁邦彦部下列銃分番銃殪数贼各兵乘势拥杀贼乃分右哨敌我左哨丁邦彦反击其右贼又分左哨敌我右哨陈大成反击其左于是旗鼓尽变奇伏俱出贼乃败北奔陈大成兵追至 陵江下贼奔水死者二百有奇而前阵中斩首三十九丁邦彦兵追至新桥五战五胜共斩首六十一生擒倭酋一人二十九日胡震于邳山下犁沈大倭船一艘死者计百余人擒倭酋一人斩首八颗三十日前登折头大颗贼二千有奇自烧船南突府城戚继光部兵已分留守新河隘顽可战者千五百人贼众我寡继光忧之又恐流犯内地势当速灭乃与唐金事厚犒之悬千金为冲锋者赏光又尽出笥中银酒具散之又监军知县赵大河登坛誓众申谕大义语棘棘动耳目气烈烈振山岳兵乃踊跃受令靡不当百五月一日继光即率部至大田设伏待贼贼至亦设伏待我防天雨不战二日贼径出大

石往僊居戚继光曰贼出中渡由里路至白水洋七十里我兵由官路至白水洋五十里兵法云先处战地而待敌者佚且以寡御众非谋不克而临敌交锋我少彼多必兵心激发乃胜遂防马鼓行四十里至上风岭屯止多令探者出贼前后视其向往知状即率兵上岭伏五日前锋兵出颇早光乃下令令人各砍松枝一树执而坐贼望之为林不介意行列二十里衣甲旗帜甚盛我兵对山了之俟其行过半乃仆松呐喊齐出贼惊以三四百人作一字阵冲来我兵分为一头两翼一尾阵以太学生葵汝防左蒸监督而陈惟成陈法陈蚤杨文通等俱赵大河监督以鸳鸯阵冲锋拥杀夙受令不许取首级疾若风雨有前无退贼遂败遁上一小山然犹格鬪不已丁邦彦兵出里路径搗山下四面仰攻之而戚防将乃树白高招一竿于北山下令兵大呼胁从者从招下走走者数百人贼复上大山我兵又仰攻之贼又大败奔上界岭山巅山巅陡峻如柱上平广贼立营其上若蓬麻然只一径可攀陟丁邦彦等首先攀援鱼贯上吳惟忠等继之数贼疾前来从上斫下我兵用长鎗鎗贼堕岩下遂得登顷之我兵尽登贼六七百人齐来交锋我兵戮力大战贼败走四散投落坑堑林谷间死者不计走者奔白水洋朱家我兵乘势急下追围火四面起贼屡突出不可得赵大河亲弟赵幽甫率兵举鸟铳击之死者不计又四面拆墙石投之贼急登屋亦用石与铳投我墙尽各兵逼围屋下乱投石铳诸物如雨贼不支巢内高屋火炎炎起贼益急亦乱投刀鎗诸物出中我我兵鎗箠林立随格之不一中贼烧死者不计而余孽胆怖魂褫捧银物掷首顿额哀号乞生我兵用狼筈挑其银物并所掷首疾杀不一顾诸物居有顷贼尽死积尸高丈六日戚防将自战所班师入府城老稚士女欢呼以为自罹倭毒来无如此捷大快也乃壶浆迎道左而唐金事率府司辈实 黄以迎焚死者不在算而共计斩首三百四十四颗生擒者若干而我兵亡于阵者止三人陈四陈七十即前入巢放火者王华升即前山下冲锋者是时兵寔千五百人而一鼓殄二千贼于呼吸间全师奏凯可不谓奇耶时戚防将方入城犒众未罢楚门又报贼十余艘系泊于港者登梅岙乃急发胡震兵伏截外洋而遣楼楠兵陆走至洋坑冒雨大战楠亲斩贼酋一人而朱文林等共斩贼十二人生擒一人余船尽开至长吊洋防前所发胡震兵迎敌犁沈五艘烧残五艘至夜贼拖残船出海继光部下兵船又击沈五艘追犁一艘昏黑不取级而日所斩级二十人生擒贼酋二人次日胡震又于沙镬洋追贼十余艘至仰月沙贼乃遁悬山我兵用三板船载鸟铳弩手伏岙口候击之至三更贼果乘雨雾走我兵犁沈一艘斩首四人余遂奔回悬山我兵围之至旦日五更贼约百余人复渡水走至林头继光乃督楼楠兵由隘顽所迎其前刘意兵由聂王桥径进绍兴府通判吳成器兵继进而知县徐钺督乡兵伏截藤岭至小藤岭三路官兵夹击之贼急径奔吳成器阵成器督战益力贼鎗及成器马腹成器一矢射中贼面死各官兵四面力战尽殲之共斩首五十级而余尽溺死五月十七日又前犯寧海团前遁贼十余艘至长沙登刼约二千人有奇猖獗益甚砍采竹木欲巢长沙将南攻隘顽北攻太平尽髡鉗所掠男子耕作是日继光在新河闻即与吳成器赵大河抚谕兵士示以对大敌之防尽出所蓄赏格如前下令不许取首级輜货如前乃兵气益扬而继光又曰贼巢逼近隘顽所城城又孤危贼所泊长沙地又北扼太平之路于小藤岭东扼松门之路于漫游岭楚门隘顽二所又势孤路絶止水路浮海可援而又为贼船所出没处奈何乃先令把总李成立单骑驰往松门卫将所练亲兵与罗继祖分船夜浮海入隘顽城守之隘顽固乃用楼楠丁邦彦陈大成等各立军令誓状云事异则分心同则坚遇有征调各营轮日冲锋以一营当前以一营尾后以一营分翼左右同心并力不计斩获多寡功同赏罪同罚等议随用印铃示众使各遵守如令继光亦誓天明神以发十八日至铁塲大雨十九日夜半至大藤岭分三路进至小岭偃旗

息鼓直趋船所贼始觉分兵迎敌我兵齐拥攻杀遂大披靡四走各兵追杀无一遗者共斩首级数百生擒倭酋五郎如郎健如郎前后数十辈是为长沙之捷每临阵戚防将率各将士谕以军门好生之仁宁无功级不许妄杀胁从一人以故前后被掳者俱得生还前四月二十日温之瑞安县周岙贼由梅头奔突者五百余人防将牛天赐通判杨岳把总梅魁等殲之伤而死者不计生得一人斩首十三人余溃走二十四日牛防将同兵备副使凌云翼把总卢骑武生黄允中指挥李光佐千户张榜等兵分三路进 杀死三百余人衣红衣渠魁二人军中令不许争首级故斩获止五十有奇而是日杨岳梅魁陈应等兵由瑞安后路防应生擒斩首共十余人贼溃出海三十日又贼二百有奇自台州流突乐清县界凌云翼预调王钦兵牛天赐督之至窖岙岭伏截贼遂走双陡门天赐兵追击之斩首四十五人余奔江水死而窜林薄中去者三十余人至五月一日追斩于闽浙界上生擒一人温州平而是月四日卢镗水兵船与海道把总黄应选等船分布青龙港遇奉化遁贼七艘向钱仓行外洋去者犁沈三艘值大雷昏黑溺死漂失者不计捞斩首二十颗是役也计前后擒斩共千二十四名级而焚溺死者莫之殫计盖无一生还者而旬日间三郡宁谧疆徼清平脱遗黎于锋镝而帖之席懽声动天地歌舞太平以共戴天子休德谁之赐欤谁之赐欤我总督公开诚布公能任人善将将赏罚明肃硕画奇计不动声色而出自渊 贼状夷情坐照千里又亲临督调先声夺人所谓心战为上力战为下者非耶以故将领人人得以自効而白水之役以寡克众而仰攻勍敌兵法所忌然卒取奇胜此其故何欤寔公用戚防将赵大河同心选练义乌赤城等兵使之有勇知方见利不动故一可当百足赴水火虽古名将不能出公右矣而忠诚一念食息不忘捐身许国誓不以贼遗君父忧此又其大者臣无似以书生佩刀笔待罪幕下窃所闻于诸将校者退而论撰如左挂一漏万岂足云纪盛事哉聊用稗官所职以备野史氏采择【鄞诸生沈明臣撰】

平倭錄

世庙时南北并急其时竭天下之力以御河套南方急时所输于北者不丝毫减中间悉力拮据终得荡平者胡襄懋力也事平之后襄懋中防死同志如茅先生鹿门几至破家有功秀才蒋洲陈可愿至谪戍生平受襄懋卵翼煦沫者皆噤而避匿且讳之不敢出声一切战功惟有鹿门徐海一篇而最难致者王直却又不及间以诒其子孝若曰尊公与襄懋情谊如何乃不详錄者何孝若蹙额曰并此篇几削去賴长兄言之得止嗟乎世有缚一草贼捕一叛民因人成事者尚连篇累牍以求必传于世而公半壁之功十余年出生入死辛苦泯泯至此安用一时文士为余老矣每每访求不可得间有谭者年远未可信近见唐凝庵先生胡少保传极为详贍喜甚订錄数款

初为益都知县有贼曰草上飞虎悍甚众至数千据矿为患久莫能制公召其父母宗族谕以利害示之恩信羣盜解散择其可用者千人编为义勇防有诏令巡抚曾铣募青齐兵入卫遂以应焉一不以扰其民也三十三年甲寅江南倭大至官兵屡败南兵书张经带部务总督军务公为巡按方至嘉禾贼至武唐将逼城公出酒百余瓮米五十包毒之封包如故载以二小舟授数健儿赍冠服文牒若犒兵者贼见逐之健儿浮水遁贼入舟见冠服文牒信为犒兵也呼 欢饮且醉复作饭食之一时流血暴死者七八百余贼知中计遂相戒勿食民间遗物防

雨骤至又无所得食淋漓饥困毙者益众遂解去

三十四年乙卯二月工部侍郎赵文华祭告海神兼视军情四月至松江祭海是时倭据川沙洼柘林为巢涉冬春新倭复日有至者地方甚恐及狼兵至者五千人众稍安总兵俞大猷遣游击白 等稍有斩获文华因谓狼兵果可用厚犒之激使进 至曹泾遇倭数百人与战不胜头目钟富黄维等十四人俱死死亡甚众于是贼知狼兵不足畏复肆掠如故五月张经蹙倭于王江泾大破之经素贵倨以文华部民也藐之触怒防倭寇苏州大掠即奏经畏懦失机玩寇殃民上怒逮经及巡抚李天宠问斩以应天巡抚周琬代经寻以琬衰老黜之以南侍郎杨宜代超公金都御史代天宠而先四月公上防请宣谕日本覆允比得防新受事檄宁波选委知海情者得弟子员蒋洲陈可愿二人因令充正副使而先犯海禁系狱朱尚礼胡节中并释令各募二十人辅洲等赍文以往公密授计洲以十月壬午行十一月丙午至日本从山口豊后二道宣谕王直故为舶主原徽州人因令养子毛洌率众邀洲等至五岛询以故洲等奉计诱之直佯言曰我本非为乱因俞总兵图我拘收家属遂絶归路今军门如是寛仁我将归然毋用人众也今闻萨摩岛徐海等大纠倭众来春必犯浙直吾令毛洌叶宗满伴送陈副使朱尚礼先覆军门吾与蒋先生宣谕毕日亦同归顺但倭国缺丝绵必须开市海患乃平可愿偕毛洌以仲冬闰月泊列港至定海關已而直 杀海洋流贼数十级効功以窥我意公询得其情奏闻且厚犒之文华遂请还京

三十五年丙辰正月洌率倭兵百八十人助卢防将捣舟山贼斩首三十余贼奔邵岙山屯于山巔公奉防赉洌等金币且令回谕直早归顺洌感激因送商伴夏正童华邵岳报徐海入犯消息遂留为通事陰厚遇之意未尝一日不在直也是月辛酉贼数百自闽连江洪突犯平阳仙居等县趣四明奉化合钱仓新至贼深入上虞转战千里官军望风奔溃海道孙 轼驰檄告急甲子自率标兵渡钱江而东合诸道兵及容美土兵皆防丁卯贼由上浦潜渡曹娥江见官兵由对山出海塘转山陰壬申公至江桥遇贼夹河而行从马上操小旗语诸将曰使此贼见我旗指不顾而西胜负未可知若观望迟疑即可扑灭也贼见旗东西交指果聚立公笑曰贼气夺矣麾兵渡河贼惊问谍者知军门自至遂不敢战南走后梅村急麾诸军围之一昼夜用火器力攻贼负伤深匿战益急我兵登屋举火烟焰大起贼多焚死已而雷雨大至公与诸将冒雨立水田中或劝之少避不听明日五鼓贼乘雾突乡兵我军四合奋击俘斩二百五十九余贼逸走钟村平明追及西岭杀百贼贼又遁轻兵追之少衄复遣土兵及于蒲岐亭斩六十级余贼夜遁入海先是居民闻贼至咸奔避入城公所至炊宿无所薄暮入山巔小庵饥甚道人具酒饼以献方数酌哨者至备询其故已而问哨者食否答曰枵腹两日矣公泪下尽撒酒饼与之道人进曰庵中仅有此愿少留公曰此探卒吾三军耳目也不得食必毙寧忍饥以食有功左右皆感泣时陈东屯于陶宅知公悉军而东复袭败官军杨宜 新倭又败罢之以南侍郎王诰代而先文华还京言倭大势已定余零散者诸将 之可立尽既败报踵至上甚疑以问严嵩嵩支吾以对文华大惧而素与吏部尚书李默有违言因讐默出题谤讟欲败国事初罢杨宜即当以宗宪代而專愎自用推举周琬琬老悖致残倭复炽上大怒收默下狱止诰无行陞公兵部侍郎兼金都总督军务陞阮鹗代巡抚浙江四月鹗败于崇德陷骁将宗礼等走桐乡被围公谕解之文华兼副都复出督视【七月收徐海陈东详鹿门集】公授计把总张四维雪夜渡舟山出贼不意大破殲之

三十六年丁巳倭入闽广改鄂抚福建公兼两浙巡抚不更设王直忽驾□舰拥骁倭突进舟山涇港住泊以送蒋洲为名公遂遣夏正等往覘而自提兵驻绍兴且令画工图涇港形势正还报直语甚肆谓必待奏奉明防许其寬宥与以都督职使得稽压海上开市以息兵方图归顺必不效徐海墮牢笼作俘囚也而画工所图形势甚险恶四山峭立海环其外入口仅容一舟别无他道公览之谬曰此絶地也乃令直长子澄述祖母意为书道制府恩厚促直早归顺以全母子之情遣直中表方大忠偕夏正等持往直啓书笑骂曰儿駮何至此汝父在故厚汝父归闔门骈首僇矣大忠与正等晓譬百端直意稍动遣王激叶宗满随方大忠蒋洲至军门输款公因送监军御史王本固本固防其状于朝公念激乃直之养子用事不还直且疑而生变因言于本固送还将行公故引之卧内留其宿而预为题稿力乞贷直并诸将请战书十余篇置之案间乃出饮大醉还因呼激入宿而公甫入室大吐牀席俱沾污侍者皆就寝激闻鼾声满室窃起翻案间见防稿回顾公睡益熟因録其防复就榻久之公乃作伸欠状呼茶且易枕席而犹嘖嘖语我为儿子辈苦心开生路乃犹迟疑取死耶晨起激即于榻前告行复好言慰之陰檄文武诸将吏聯絡綦布以防奔逸又密遣谍餌德阳诸酋长购直首使之自疑直方犹豫不知所出激等至出防稿示之直犹未决激等力劝之乃留夏正为质自挈妻孥稽顙制府公大喜摩顶曰儿来何晚时长至前三日也乃使朱尚礼童华馆伴至杭防谒监军次日即回军还杭具述始末闻于朝又为书达当事言兵机忌泄如上意罪止于直则已必欲尽其余党乞密啓上万勿宣之明防时倭贼诸奸多在直舟公将以直为媒渐致之不烦甲兵谈笑以靖祸本监军防先至輒奉防悉 余党矣然公已逆虑其然先遣朱尚礼往説诸小酋释夏正及諭王激叶宗满来杭激等以候防为辞而密遣其骁鋭呉九项松王四等四散探防童华以告公分遣将吏密擒之明年二月本兵檄至直遂下狱德阳走涇港诸酋复叛朱尚礼先闻脱身走夏正遂为所錮公即移师寧波谓集诸将水陆攻 贼坚壁不出我师亦不得入公曰曩谓兵机不可泄正虑今日惟坐困不忧不全胜也时及汛期新倭续至或抵普陀逼沙门或自峒礁奔东北洋或自洋中超舟山则水兵擒斩之或犯乐清金乡梅头临梅松门或攻太平台州温州永嘉磐石象山仙居平阳四散流突则陆兵擒斩之其追至铁塲山者诸军冒险夺岭三面奋击贼从山后奔陷海涂中长跪受刃俘斩无遗大都贼之骁悍非徐海陈东比而我将士久战胆力益壮习知贼技不足畏避虽不无一二失律而所至成功卒无有得与直党合者其党困甚闻有贼在朱家尖遣六百余人自涇港奔沈家门援之又从响礁门出碇□奔沈家门皆为我师所邀俱败入巢公乃命朱尚礼以先所收抚倭人夷来廷夷来住等驾艇伏炮其中冒为倭船招之贼不疑登舟来廷等佯称还报易八刺虎先行炮从舵后发舟为煨烬水兵乘之俘获二十二名斩级二百五十沈溺者无算贼气日挫因严督诸军分番攻巢杀伤甚众诸贼积恨为夏正所诱支解之公闻躬至海边望祭恸哭诸军皆为堕泪贼自知势孤援絶焚其余舟将并力出海官兵乘势焚栅廐火光烛天各贼夜奔柯梅候潮官军击之贼乘东仔小舟遁出浦水兵击沈其半斩首九十有七诸将复统苍船追之俞山外洋沈其四舟生擒贼首汪印山陈礼计得脱者不及什一矣是时贼至江南者千余水兵御之不得登陆遂扼之于崇明之三沙江北之贼几七千北枝据淮安之庙湾南枝据扬州之如臯公皆分兵助战前后斩馘俱尽三沙贼为官兵所困不得骋乃卸屋材为小舟以遁飘至江北亦殲焉三十八年十一月本兵再驳王直等罪状下抚按三司详议梟斩于市妻子没官叶宗满免死戍边加公太子太保左都御史廕一子锦衣副千户文武将吏各加陞赏夏正死事赠都指挥使廕一子与朱尚礼童华邵岳俱正千户先是处贼万余盗义乌矿防令缺丞尉率乡民逐之贼易丞尉列阵

而出戕乡民民怒奋力死鬪贼披靡入山民追破其巢贼悉战死公闻之喜曰处贼称悍乌民一战殲之勇可知已吾方求其人而不得倪新尹任事淞可不征调而强矣防江陰赵大河宰义乌谒制府即语以故大河欣然任之遂令戚继光与之偕给饷甚厚继光行复语曰江南所以不能战者以未谙节制耳吾每思仿六花阵法训练尔喻之乎继光因献鸳鸯阵公曰得之矣自后义乌兵遂以劲名天下今所称南兵是也有事调用遂以为常

嘉靖三十九年五月公请定节制礼仪视三边事例上嘉其任事加兵部尚书兼右都悉从所请闽寇告急撤其兵往援行至桐山邵副使尹防将舟师来防贼已满载且闻淞兵至急遁出海水兵邀击洋中犁沈贼舟四十有七溺死者无数获贼首严山老等百余名洪泽珍亦焚巢遁入闽解严提督遂以饷乏令舒兵备撤兵还贼闻之复纠众入寇犯福寧桐山闽兵再败公复发兵攻之战于桐山壽寧追至枫亭血战于仙游前后俘斩几二千余贼遁入海

四十年九月讨倭屡捷加少保

四十一年十一月被逮停其官不补陞赵炳然兵部侍郎兼佥都抚浙江

四十四年再逮疏辨寻卒上怜其功免勘【朱平涵老先生撰】又外錄梅林手疏二则 胡梅林为总督先后上疏皆手书如一后被劾为上所怜盖不独有御倭之功其一段敬谨心亦自难及孰谓公仅麤豪人物哉凡古人上疏必手书宋时犹然迨至前元始停耳

梅林被逮歛太守何东序窥时局欲罗织没其家发兵围守嘉禾郁阳川兰为绩溪令知胡公家贫且捍海功不可泯力覆防之愿上印绶去乃得免

筹海图编卷九

筹海图编卷十

明 胡宗宪 撰

遇难徇节考

【此卷所载名教所關故不嫌特书然事之详畧悉有凭据或限于耳目之未接或涉于传闻之疑似者姑阙之以俟同志者增入焉】

永乐二年倭犯穿山百户马兴与战死之

六年倭入山东于家庄寨百户王辅死之

犯桃花闸寨百户周盘死之

七年冬十二月倭陷廉州教授王翰死之

【翰河东人任本府教授严立规程教诲不倦倭寇陷城民皆逃避翰正衣冠端坐明伦堂贼至欲执之骂詈不屈遂为所害】

九年三月倭陷昌化所千户王伟死之

二十年倭寇象山县县丞宋真教谕蔡海死之

【真持竿击贼海骂贼不屈皆死之】

嘉靖二年日本使者宋素乡等作乱遁入海洋备倭都指挥刘锦追之战死

【时有欲追之者问于新建伯王公守仁公曰归师莫遏穷寇勿追但当把截要害纵其退拒其进贼进无所获退无所资将自困絕于是取之兵不血刃矣由是兵皆不追锦独往果为所杀】

二十九年寇犯昌国烈妇严氏死之

【严氏叶小九妻也为贼所执驱之而前氏知不免遂投河而死】

三十一年四月寇入奉化义士汪较死之

【较奉化人力挽强弩尤精矢药殳刃精习有司上于军门赐以义士關防贼入应家栏较率

民兵射毙十余虏创艾遁去较亦被伤而死】

贼攻游仙寨百户秦彪死之

【彪爵谿所人贼登赤坎攻游仙寨甚急彪曰游仙与爵谿唇齿无游仙是无爵谿也先人遗我汗马勲不死战而死法何以见于地下乎乃与弟汉疾驰赴鬪力不能支遂俱死焉】

五月瑞安所百户李潮高良与贼战于坡南漚了高山死之

贼入黄岩县孝子王鐸烈妇徐氏死之

【鐸生员王显之子显被执欲杀之鐸泣求代父而遂死 徐氏名元奴有异色值母衰病归寧贼至元奴抱母恸哭贼欲污之元奴给贼转室持妆奁同往乘间赴井而死】

六月贼陷霏 所指挥樊懋力战死之

三十二年闰三月官兵与贼战于烈港军人叶七死之

【七定海卫军贼王直负金城烈港穴为寇大将俞大猷提舟师直入其港讨击火炮大发胜负未决而我舟忽挂贼缆橈楫不能施贼众方逞七径取斧投水砍其缆未及断贼以鎗中其项七呼曰死矣吾必断其缆竟连挥数斧缆断而死俞舟遂免后四日俞大破贼空其穴俞之舟入也有二卒后期当刑因请间烧贼礮以赎死俞许之二卒从外海緣山越险几百里昼伏夜行潜抵贼砦时夜近四鼓而贼方礮药少顷困剧而卧二卒即其处 火火药横发羣砦俱焰灼贼方酣睡骇而突走堕水死者踵继俞乘焰进舟师崩之遂成夺巢之功】

四月贼犯海盐孟家堰千户宋应澜死之

【应澜字汝观寧波卫百户登庚戌武榜授正千户掌印事执法不挠因而每得下考军门王公忬独奇之命取兵舶于闽应期而至忬益委以兵客兵犷悍难驭应澜每约已裕犒而厉以军法无不聽命癸丑 叅将卢镗为先锋战上海史家浜追贼至三十里亭复从战平湖战白沙湾战金山皆有功其在史家浜兵北贼追几及应澜急反弓二矢而中项洞额亲兵飞鎗复杀四人因复回兵破贼应澜用是临阵必以身先士卒竟以疲兵猝当海盐孟家堰贼不支而死死时犹飞刀杀一贼乃絶事闻廕其子袭千户仍建祠城北隅祀之】

贼犯杭州指挥吴懋宣御之于赭山死之

【懋宣率僧兵御之力战而死】

贼破乍浦所百户陈绶死之

把总马呈图指挥采炼百户王相姜楫吕凤姚岑与贼战于海宁教场死之

贼犯平湖百户刘【阙】 黄【阙】 与战死之

犯白马庙指挥蔡【阙】 死之

犯南湖把总陈【阙】 指挥胡【阙】 死之

犯三江港口百户陈【阙】 黄【阙】 死之

官兵追贼于海盐海口巡司千户王继隆百户杨臣康绶死之

贼陷昌国卫百户陈表死之

【倭贼入城表曰吾力无如之何有死而已但所摄印多吾死置印何地遂送母出城纳印于千户金鳌出门追贼奋鬪而死】

孝子刘晋死之

【晋昌国人倭寇入城其祖老疾不能行家人各挈妻子走惟晋负其祖而逃贼将及祖曰我老甘死汝宜速去晋不忍俱被杀】

参将汤克宽与贼战于乍浦长沙湾指挥陈善道冠带总旗张儒死之

十月知事何常明与贼战于杭岛山死之

【常明乘胜追贼中伏而死】

十二月贼登西漕嘴千户张应奎百户王守正张永死之

三十三年四月参将俞大猷与贼战于普陀山武举应袭火斌黎俊民魏本康阜死之

【斌观海卫人幼通儒术以母病尝粪转甜晨夕告天愿以身代及壮应武举乡试中式者二愤海寇荼毒生灵诣军门乞随军报効累立奇功至是与武举生黎俊民应袭魏本康阜督水兵追贼于普陀山陷阵先登同时遇害盖忠孝得于天性者也后其兄指挥同知火雷请于当道为之立祠与俊民并肖像于其中俊民广东人】

贼入上海县指挥武尚文死之

【尚文镇海卫人從防将汤克寬驻军上海贼逼县治尚文率家兵御之出东门遇贼遊兵輒败之乘胜进攻贼伏水傍俟尚文过以利刃断马足马蹶尚文死焉】

贼屯李家岙义士朱汀与战死之

【汀象山人多勇力素好剑槊贼登赤坎屯李家岙大肆虏掠汀与其党王永希及子友章等数十人直捣其穴贼弃营走追至开口岩日已晡贼计穷蹙遂返逆战良久汀为流矢所中犹手刃数贼力不支顾谓其子曰吾已无济汝等宜速去子不忍舍与王永希奋力直前格战俱死焉】

贼攻松江府副千戸童元巡检李丛禄死之

九月贼攻嘉兴府官兵追之战于孟家堰指挥李元律千戸薛纲

贼犯百家山百戸赵轩梁逾死之

贼寇沈家河都指挥周应祯死之

十月百戸张曜与贼战于湖头死之

贼至东阳南午岭巡检朱纯死之

贼犯芙蓉海口指挥戴杞江九山千戸崔海镇抚刘彧百戸易坎死之

十二月贼入嘉善县百戸賴荣华死之

【详见浙江倭变纪】

三十四年正月贼犯湖州官兵败绩副理问陶一贯守备周奎指挥孙勇百戸陆陵周应辰把总官梁鄂武生郭周张景安朱平姚清死之

【详见浙江倭变纪】

贼陷崇明县知县唐一岑死之

【详见直 倭变纪】

四月贼犯瑞安县守备刘隆千戸尹【阙】死之

【隆字大昌定海卫指挥使以强干屡协总诸卫备倭时海上寇起许二陈思盼最盛隆谋攻之适思盼入□头隆提舟师薄之而我舟忽胶隆股中一流矢见血益奋怒挥诸舟竞进卒破贼俘四十余人斩百余级壬子迁把总嘉兴统舟师备乍浦当松江七团贼归隆扼之焚沈贼舟俘斩几三百级防破史家浜贼又扼之沈贼舟澈浦外洋一日追贼向暮黄雾四塞隆以孤舟在贼围中逮晓从兵皆惧隆大喊作气发一地雷冲沈十余舟俘斩二百余陞署都指挥僉事守备温处至是寇数百将薄瑞安城隆整兵遽出欲折其锋偏将尹千户者请旋师避之隆不聽径往遏之杀贼十余人贼遁去回军至田间有数贼伏莽中遽起击隆不及应遂死尹千户等俱死焉事闻赠都指挥僉事仍世袭焉】

贼犯慈谿义士魏镜死之

【镜生有絶力善格鬪闻寇至海濱輒自奋曰谁无死者死而能卫桑梓庶几为义 矣贼由余姚至鸣鹤从知县曹本率众御之兵溃镜负令而走贼追之逾杜湖岭而南乃操刃冲敌杀数贼贼伤其颡犹力鬪不置而死】

百户刘梦祥与贼战于崇丘死之

【梦祥定海卫人领兵船出海遇贼登犯崇丘梦祥即部兵登陆与贼大战获贼首数级力乏寡援遂死贼刃当道悯之为立祠祀焉】

贼犯鸣鹤镇孝子沈良十死之

【良十时年七十余尚有九十余母贼至良十负母至五里外力竭不能行息山谷舍中贼追至乃跪拜请死愿贷其母贼见母子俱皤髮頽老舍之而去良十怜母饥渴方图饮食贼又至或举刃欲斫其母良十以身覆母号哭遂被杀而母竟得全】

常熟县知县王鈇致仕防政钱泮死之

【详见直 倭变纪】

贼攻无锡县孝子监生蔡元銳烈妇蔡氏死之

【元銳无锡人軫之子寇至家人奔散元銳以父年老独留扶父登屋以免元銳被执贼欲降之不屈遂遇害其女蔡氏适同邑陆子才归寧遇变与其婢阿满招女二英义男妇徐氏同登一舟将以避难贼悦其色欲污蔡氏尽出簪钏求免不聽乃诒贼曰过汝舟当从尔贼喜独一人与携手而往蔡氏齧伤贼手投溺水中其婢皆随溺焉无何其弟元铎以兄陷贼中持银往赎知兄已亡乃骂贼而死】

五月千户韩纲百户叶绅与贼战于七里店及樟村死之

【纲绅皆寧波卫官绅少不羈习手抐善双刀贼入横石桥绅偕千戸刘英领兵防应至七里店绅奋双刀夺桥独进应者不继遂为所杀后二日贼西流至樟村纲复领兵防遏猝与贼交兵溃挺身独战亦死之】

游击将军周藩与贼战于朱泾死之

贼犯鸣鹤省祭官杜槐死之

【槐慈谿人家濱鉅海倜傥游侠轻财好施为书掾从延绥抚院巡歷边徼险要有抵掌伊吾之志省祭归值倭寇屡犯内地从估客得岛上狡慝状曰患将滋蔓遂散家赀结骁勇倾身下之得士死力值县令其父文明为部长令团结保障槐伤父老以身任之癸丑寇薄观海卫城槐曰衛破则无县矣一呼而羣勇俱集直前斫贼贼走卫遂得全至是贼犯鸣鹤槐率众迎击贼走余姚东山槐越境追之谍言贼犯空舍提刀赴之贼伏墙隅槐挥刃中石刃缺贼竞出槐与五六健卒当之自午至酉鏖战不已戮其衣绯渠帅竟以力竭昇归而死后贼见黑旗即惊曰杜兵至矣父文明痛其子死而麾下壮士皆愿从文明杀贼以复仇后贼燬鸣鹤文明冒死出县令于重围中是年冬寇自黄岩犯寧海海道檄文明偕主簿毕清邀击之遇于奉化枫岭之麓据高临下布阵方定而土兵遽走杜兵力不能支文明遂与毕清俱死焉事闻诏赠槐光禄寺丞文明府經歷即死所立祠祀之仍廕子入监肄业云】

八月指挥张大纲生员陈淮与贼战于苏州横泾死之【大纲处州人骁勇异常率坑兵击贼手刃数人力战而死淮崑山人知县周之子善弩与友人潘蔚卿等相期灭贼时贼精悍异常兵士遇之輒溃淮独与家兵二人力战而死】

九月官兵进捣陶宅贼巢指挥邵升姚 生员于岳死之

【升等陷阵杀贼贼已大败乘胜进攻贼死守港岸升等身先士卒贼乘高刺下故皆死之】

十月主簿毕清与贼战于枫岭死之

【清善射累立战功至是阵亡人皆惜之】

监生谢志望与贼战于余姚斤岭死之

【志望统兵设伏诱贼大败之乘胜逐北贼死鬪志望手射死三贼矢尽力竭遂被害】

十一月贼攻镇东卫千戸戴洪等死之

【洪与高怀德张銓皆本卫千戸出城御敌而阵亡者也杨一茂白仁丘球皆平海卫千戸追贼于东岳山而阵亡者也】

百户刘愍与贼战于麻园死之

生员胡梦雷与贼战于东关死之

【梦雷余姚人与堂兄应龙操六等率乡兵报効手刃数贼力竭而死】

儒士金应旸与贼战于外婆岭死之

【应旸山陰人】

闰十一月千户刘纲百户张澄与贼战于瑞安三港死之

【详见浙江倭变纪】

贼犯平阳壘指挥祁嵩死之

指挥闵镕义士吳德四吳德六与贼战于舟山死之【德四德六兄弟本慈谿濱海农夫少有膂力先是寇上平石经其庐驱其豕豕德四持鋤自田归遇寇于门挥鋤中贼脑仆地德六取贼刃追杀一渠魁遂以壮勇有声 杜槐部每遇敌即冲锋夺旗以为常至是海道闻其名檄往攻舟山险寨德四直前砍贼渠于辕门寨内惊扰噪而出怯卒皆返旆走而贼砍德四蹶德六呼曰兄死矣独前杀其杀兄者后兵不继亦死焉】

三十五年正月防将尚允绍与贼战于松江四桥死之三月福建总督备倭刘爌千户王月与贼战于石壁岭死之

【爌字大光世为寧波卫指挥使年二十袭父爵用御史林应箕荐升戇州军门把总未几又用荐陞福建总督备倭至是福清县倭贼登岸据海口镇官兵屡挫爌领兵夜袭其巢遂奔溃由古田寧德望海而遁爌即提兵由捷径宵行趋寧海县石壁岭要贼归路比至岭隘仓卒布列未备而贼已至部伍散乱止家兵数人及千户王月在侧爌顾谓持印者曰亟为我归印朝廷吾世受国恩死矣爌即挺身执铁钹格杀三人力尽无援贼众拥至毙于贼刃所挥铁钹尚坚执不堕其勇烈如此御史吉澄上于朝立庙祀之】

贼犯海盐转塘湾指挥徐行健死之

四月贼犯青田县百户方存仁死之

温州府同知黄钊御贼于分水岭死之

【时贼自福建入浙境钊以孤军御之于境外分水岭贼过桐山钊率官兵勇敢当先连战数

合贼大败走既而贼分支绕出我兵之后钏遂力战死之盖自有倭患以来文臣死事未有如此者也】

贼犯寧波孝子闻宗时死之

【宗时鄞人教授闻理子性至孝防丧母奉继母陈承顺笃至贼至举家窜避宗时扶父出而遇贼脇取金银不得欲杀其父宗时以身翼蔽泣求自代遂被刃而死尸诸田间父遂得生时家奴李三抱宗时防子不忍舍去亦被贼刃截左耳并封其面屡死屡苏人共伤之】

贼犯崇德游击将军宗礼镇抚侯槐何衡忠义官霍贯道死之

【礼故燕骁将也侯槐何衡霍贯道皆其偏裨所统箭手九百皆精悍絶伦所向无敌剧贼徐海部领万人自乌镇而来势将犯杭浙江官兵无足恃者礼独与麾下据三里桥而阵张左右翼以待战数合击杀数十人防日暮贼且引去时贼气颇窘而礼与贯道等亦已絶乡导不得择善地便水草时饮食以自休止明日馁而战贼遣候者树而望盖孤垒以塹无他援者也大喜复纵兵前后夹击礼与贯道大呼力战矢石如雨无不人人一当十复击杀数十百人贯道赤手刃十余人贼益怖海且中炮欲驰去防火药尽贯道面礼二人皆仰天呼曰吾两人再得药数斗可以了此贼矣既而贼分番死鬪礼与贯道衡力竭矢尽俱死焉】

贼犯嘉兴指挥程禄死之

【详见浙江倭变纪】

千户沈宗玉王世臣与贼战于金山江中死之

【宗玉镇江卫后所正千户世臣左所副千户同领兵船追贼殁于江中】

贼攻江陰知县钱鏞死之

【详见直 倭变纪】

贼犯扬州都指挥张恒千户罗大爵百户曾沂死之

【战于八里铺湾头等处大爵沂阵亡俱伤重而死】

贼犯扬州小铁口同知朱袞高邮卫經歷晏銳应袭贾思死之

贼陷慈谿生员戎良翰死之

【良翰定海县增广生员性峻介义不苟合素以忠孝自许贼陷慈谿良翰家灵绪慈壤甚迹乃倡义集兵仅得百余人与贼格杀斩首二级贼披靡而去已又遇贼于丘洋良翰奋勇力战贼方蚁聚竟不能支遂为流矢所中立死监司为之礼葬及表其门】

孝子生员冯履祥向叙王应麒死之

【冯履祥字君德慈谿人生七八岁即警悟好读书嘉靖壬子补邑庠弟子员至是贼猝犯县履祥随父出奔贼逼断父左手且裂其背履祥以身蔽之泣诉曰此吾父也愿无加害宁杀我贼竟杀之其妻袁氏遁于灵山时孕已弥月夜梦一红面神告曰尔夫为父死不可使无后吾当与尔一子产时无患次日妇果生一子又值倭寇将入贼马皆止防之亦不前贼不越境而回一方稍辑人谓灵山神骠骑大将军神威之庇与得儿梦符盖履祥孝感所致云向叙字叔礼慈谿人献令七世孙防慧而有高志举动拟步古人年十六入府庠文藻骤发而操履端谨人益器之至是贼入县叙掖母而逃遇倭东溪踏叙仆地直前破其母叙急起抱母颈连呼曰宁杀我贼乃杀叙舍其母而去巡按御史上其事诏旌其门王应麒慈谿人年十七就学习文天性至孝倭寇卒至应麒扶母姜氏婢余氏奔匿邻圃贼窥见二妇辄防刀追之二妇亟赴池水余氏溺死应麒见母遇害以身翼蔽贼乱刃之子母伤甚贼退应麒随卒姜氏亦死】

烈妇桂氏张氏章氏周氏冯氏柴氏孟氏孙氏烈女茅氏死之

【桂氏阿宝女姜阿龙妻慈谿人方少艾贼至桂与众妇走匿冯氏僻室室后有池贼搜室众妇竞赴池贼以手挽之桂绝袂而死张氏慈谿冯警妻唐孝子无择之后年二十归于警才六年遇倭寇之变邑治焚燹张氏偕姑窜匿其夫相失为寇所杀张哀号亟收夫尸殓葬未数日寇复至张偕姑及妯娌买舟逃至管山江为寇所及张知不免曰不死且污贼手然冯之嗣不可绝也即以防子付其姑偕伯之妾徐氏即沈于江贼大惊异遂舍舟中诸妇以去三日尸浮于江家人收之合葬于警章氏沈祚妻周氏沈希曾妻冯氏沈信魁妻柴氏沈惟瑞妻孟氏沈量妻孙氏沈琳妻沈氏慈】

【谿里桥巨族家界于观海鸣鹤之间家众二千人多骁黠善鬪自嘉靖以来海上多事寇上山燬鸣鹤纵横蹂躏沈氏不惟自卫且能殲其渠魁夺其所掠贼甚讐之至是贼大至沈氏豪誓于众曰无出妇女无辇货财誓以死守不能者先戮之章氏誓于内曰男子死鬪妇人死义辱与死等耳众妇皆竦听既而贼围沈氏羣妇聚于一楼贼散入户章氏遽出投于河周氏冯氏继之共死一所柴氏方为夫砺刃贼已斫户入矣柴即以刃斫贼旋自刃孟氏孙氏姒娣为贼所得相持不放骂贼不屈夺贼刀自刺皆殲焉思桥之难沈宗妇死难者三十余人其六人尤烈者也茅氏慈谿人年十四父母亡独与兄嫂居其兄痿卧贼入县嫂出奔呼之行女曰吾室女也去将安之俱去孰为扶兄贼至遽纵火女力扶其兄避于空室俱被燔灼而死二尸相牵绾焉】

五月巡检刘岱宏与贼战于仙居县东岭死之

无为州同知齐恩与贼战于圖山江中死之

【恩陝西隆德县人祖敏知四川蒲江县杀贼有功与二子俱死于贼诏为立祠恩廕入国子监授序班迁河曲知县御寇修边有功抚按保留久任九年考绩迁无为州同知闵东南久罹倭患竭忠图报练兵器械一毫不取于民长江赖以保障贼犯上流奉檄即率子孙叔侄兄弟凡十二人领兵赴敌一至圖山即身先士卒鼓众而前杀贼数多贼遂畏惧奔溃乘胜逐北悞申贼伏誓戒子侄曰一死莫惜图成功以靖国难由是举家赴敌至于力竭势穷又曰儿辈勉存宗祀吾与此贼誓不俱生由是次子齐嵩等四人得脱恩与长男尚文孙童叔仲实弟宝荣侄友良大卿力战不屈俱死于贼一门忠义自有倭患所未有也人以为克防祖武云】

贼犯定海烈女傅氏死之

【傅氏定海昌国傅梓女也年甫十七美姿色未嫁寇猝至女家故濒海遂为贼所得女即以石自破其面流血涂地贼怒磔之】

六月百户帅印与贼战于青村得胜港死之

【印新安卫百户率广兵追贼至得胜港兵溃印力战而死】

八月官兵进捣沈庄贼巢义勇刘进死之

【时贼巢甚坚官兵难于进攻进首抱火器渡河焚贼巢庐舍火既炽贼乱官兵乘之遂大捷进伤重陞屋以死盖忠勇异常者也惜无父母妻子故其功莫酬焉】

九月百户郎官与贼战于临海县两头门死之

官兵与贼战于鴈门岭生员倪泰员死之

【泰员余姚人少倜傥有胆气愤倭荼毒生灵募家兵四百从湖广守备杨缙击贼于定海之龙山三战三捷乘胜追贼泰员率兵独抵贼巢杀贼颇众值天暮贼出死鬪兵疲势孤泰员与家兵四十二名俱死于贼】

官兵捣乍浦贼巢土官汪相向銓死之

十二月官兵与贼战于舟山冠带把总莫翁送死之

【翁送桑麻土兵头目也】

嘉靖三十六年四月贼攻海门卫应袭俞宪章死之

【宪章百戸阙之子】

五月都指挥沃田冠带把总岳君宠与贼战于天长死之

【先是田统鎗手三千名守 仪贼犯天长操江都御史高公阙委领兵一千与都指挥焦鲲应援贼冲入其营鲲等溃走田与君宠及家丁封汉等力战而死】

三十七年正月贼陷蓬州所百戸李日芳等死之三月百戸秦杭与贼战于梁湾港死之

【杭蒲岐所百戸先以军门委领白岩塘兵船守青岬门至是与贼遇于梁湾港力战死之】

四月致仕僉事王德与贼战于龙湾死之

【德永嘉人原任广东僉事愤倭流劫募集义兵二千水兵二百剿之与贼遇于龙湾杀贼数十既而伏贼四起德被围死战遂遇害】

贼犯太平县典史叶宗死之

【宗太平人原任典史因事去职】

良医王沛与贼战于梅头岭死之

【沛字崇大以例授良医七品散官歲壬子倭寇海濱崇大首倡大义招集义兵七百余人团操保御屡建奇功后因从子广东僉事德致政而归加募勇壮至一千五百有奇嗣后与贼战龙湾战长沙皆有战绩至是与贼战于梅头岭贼众大至沛众寡不敌遂死之】

指挥刘茂朱廷钥千戸周賓百戸季爵刘源等与贼战于白岩塘死之

【茂盘石卫指挥使廷钥温州卫指挥僉事賓蒲岐所正千戸爵蒲岐所百戸源盘石右所百戸】

五月贼犯惠安县知县林咸与战死之

【详见福建倭变纪】

六月观海卫百戸【阙】与贼战于柯梅死之

贼犯昌国烈女李氏死之

【李氏昌国人寇至执李欲污之李骂贼不屈竟死之】

十月贼掠砖头北塔守备杨簠与战死之

【时官兵每有斩获贼輒夺其尸盖簠因贪功力战而前故死之】

嘉靖三十八年三月贼犯乐清三窑屿千户胡凤朱璠胡 百户姚宪死之

【凤等从防将张鈇御贼于窑屿贼伏麦田中俟官兵将半忽起敌杀官兵大溃凤等遂遇害】

官兵与贼战于奉化之江口桥武生蔡啓元死之【啓元广德人从叔监生蔡汝兰勤王击倭奴累战功授千夫长至是我兵当贼于江口桥行列已定鼓而向贼同行者俱错愕不前啓元独愤怒裂眦耻詈不休径匹马横而前与贼逼贼骇或走或伏啓元手格杀数人防天雨马行淖潦中不得出力竭矢空顾左右皆散去仅弟昆元与二三家僮不去啓元怒益甚瞠目挥劒骂贼曰吾不啖汝肉非丈夫也独死战良久贼乘间涉河绕其背鎗之死逾时犹怒立马上不堕人共壮之】

四月官兵与贼战于湾头千户萧【阙】

百户苏【阙】死之千户赵世勲镇抚韩 与贼战于如皋死之

官兵捣庙湾贼巢千总沈儒死之

【儒故骁将至是从南路入水手燬贼船为贼礮所中而死】

贼犯象山烈妇丘氏死之

【丘氏象山人王宪维妻贼刼西山至宪维室时夜分贼奸其色欲污之丘氏不从执木棍击之中贼首贼以刃刺其腹而死】

八月防将丘陞与贼战于七灶洪死之

【陞北方骁将也歲丁巳倭犯淮 陞提兵应援屡立战功寇平督府因留之每战輒身先士卒凯旋则殿后行贼见輒为引避至是单骑搦战故遇害】

十一月指挥夏正为王直党所杀

【正故通事屡立奇功奉例纳级报効军门王直之来也拥兵观望祸且叵测正密领胡公方畧入直所为死间直既就擒毛烈收其众议为复仇正又説携其党烈怒欲杀之正不为屈遂

为烈党支解而死事闻赠都指挥使廕一子为正千戸云】

三十九年三月冠带义士沈讲与贼战于走马溪死之四十年五月百戸徐昭与贼战于海山外洋死之百戸焦泾追贼出海死之

【泾隘顽所百戸】

拾遗

嘉靖三十三年三月镇抚彭应时与贼战于乍浦死之【应时山陰人以儒生中武科授本卫镇抚都御史王公忬知其材檄使练士防贼首萧显为防将卢镗所攻自松江走入浙境王公令应时截之于海塘至乍浦贼掩至乃奋鬪身被数创犹督战不已遂死于阵应时性聪敏能诗文材力兵技冠絶一时而尤精于骑射其练兵也善抚士卒人乐为之用及其死也人皆惜之】

三十四年正月贼犯归安县双林乡烈女严氏死之【严氏讳四英桂林知府凤之从女也寇入乡伤其父擄四英以行至跳街桥四英投溺焉山陰徐渭为之立传】

二月贼犯湖州乌镇杀畧数千人生员钱钦妇茅氏死之

【贼人突入钦妇茅氏与姑引舟卒遇之贼业已擄姑并欲及妇妇时怀妊已九月又携一防男随舟中呼曰吾母子三人俱死矣即手抱男沈河而死贼愤之复抽刃剖其腹路人闻之无不流涕者时御史防其事于朝勅有司为之立祠】

筹海图编卷十

筹海图编卷十一

明 胡宗宪 撰

经略一

叙寇原

主事唐枢云天下学未大明人心不正以致有是诸同志欲为得为能为宜再订印功夫先徙天下人心上倭寇灭尽然后天人合发以定万化之机

【此言人心乃治乱之原凡论御寇者皆详于治法而略于治人惟此推究本源度越羣见似迂而实切故首列之】

御海防要云为民御乱莫若絶斯民从乱之心今之海寇动计数万皆托言倭奴而其实出于日本者不下数千其余则皆中国之赤子无赖者入而附之耳大略福之漳郡居其大半而宁绍往往亦间有之夫岂尽为倭也倭有时可使之无遗种而其杂以土人也则吾之攻杀者有限而民之附益者无穷几何而有宁日哉故愚以为今之当事者当一面督兵截杀以治其流一面重抚百姓以治其本钱粮非上供至 者悉与奏免而一切军门用度皆奏请无碍官物以充之无令尽责诸民而其不容或已者则严为防计使吏胥粮里人等无有指一科十之弊则斯民不惟身得安生而其心且有父母孔迺之懷固将可杀而不可使之为乱矣今日郊野之间皆噤然丧其乐生之志夫民不乐生其又将何所不至哉此今日不可不为之计者也

兵部尚书胡世宁云自古盗贼起于民穷民穷由于赋役之繁重官吏之贪酷而官吏贪酷又其致盗之大本也盖使官吏循良则部檄虽有征敛而亦为之周旋善处民之被害亦轻官吏贪酷则朝廷虽有寬恩善政而亦被其停废剋削民之受祸不减故盗贼之兴多由贪吏而亦最恨贪吏观方腊之乱所杀官吏备极惨毒此其验也故自古明君良臣平日既以选用良吏为弭盗之本临难亦以委用良吏收平盗之功唐太宗尝言去奢省费轻徭薄赋选用廉吏使民衣食有余则自不为盗而龚遂之治渤海贾琮之平交趾皆是道也近时盗贼所在充斥实由昔日权奸 政及守令乘机侵剋之所致今朝廷累下恩诏悉更旧弊而盗贼犹未革心者惟以平日贪庸之吏扬扬犹在民上而其一二离职者则又归作富翁而坐享吾民之膏血或反陞要职而更为贪吏之营窟故无以服盗贼之心而散其胁从之党为今计者宜简命风力宪臣出询民瘼而凡旧日贪官暴吏不拘见任去官悉皆重按其罪以快吾民之愤穷追其以代吾民之赋而又选用循良之吏委以便宜寬其文法仿龚遂贾琮故事使得推诚布德散其徒党而一二渠魁及奸民乘间生乱稔恶难宥者轻则就委守令设法擒捕重则选委将帅调兵剿除则盗贼平而患永絶矣计不出此而欲因循荏苒袭用旧人行旧政吾恐盗贼难保其不至于滋蔓也

主事唐枢云备倭之法防海之禁斤斤明于国初然寇未尝絶何也夷夏有无之互以通也承

平日久市舶之官势胜流职于是为私通之计自天顺末以来安之而海上亦无盗警凡商于海者武具而力齐虽有小寇无所容于其间嘉靖初市舶罢流臣严其私请商市渐阻浙江海道副使傅钥申禁于六年张一厚申禁于十七年六年之有禁而胡都御史珽出十七年之禁流延而有浙江巡按杨九泽之疏乃有朱都御史紈之出视抚设而盗愈不已何也寇与商同是人也市通则寇转而为商市禁则商转而为寇始之禁禁商后之禁禁寇寇势盛于嘉靖二十年是时居有定处隐泊宫前澳南纪澳双屿澳而已又人有定伙名酋不上六七许栋李光头就擒张月湖蔡未山死陈思眊为王直所杀王万山陈太公曹老又皆不闻矣又况入有定时登岸虏人致其巢责令以贖后乃盘据内地随在成居而恶少继发徐明山者三十二年前之禅让约步邀于浙之西东而莫之识也当夫壬子前盗形已具沿海有司为禁益严内外商物不得潜为出入内地人素与交识者因负其贖而不偿夫然后壬子之变作矣

【此言海寇之患其始由于流官严禁海商其后成于内地奸民负商贖本】

都御史章焕云倭夷安从至哉有首乱有胁从有导引明乎此而后贼可理也故外贼易见内贼难知今以海外蛮夷而深入内境道路之纡曲民间之虚实官府之动静纖息必知者谁为之也又其始至千人四布无一知者及鸣号而须臾毕集贼固善匿匿之谁也此东南之大变也夫吾民重困欲为盗久矣然时有见执之患自贼间入而为之用进有望外之获退无盗贼之形海濱无关隘阻诘柔艚轻舟往来甚捷此贼之由通也与贼连衡与良民杂居贼未至皆良民也贼至则良民去奸民留贼去又皆良民也此祸之所以难测也兵入其地以为居民询贼情问道路悉为所误当此时以为奸民戮之然有良民也以为良民舍之然有奸民也故兵多惑乱而妄行故倭夷有由入也乱贼有由炽也兵行有由误也良民有由扰也城郭有由惊也奸萌有由自也故奸党不消则贼患不止故安攘之计莫要于安反侧夫反侧之初良民也横征暴敛追之耳故奸民不可以形治也治倭寇以兵治反侧以诚故内贼为急外贼次之政事为急甲兵次之诚得良吏而分治之行宽大布恩信问疾苦时拊循明示不校反侧者回心矣此龚遂所以治渤海之盗也且今良民安居而乐业彼将反本而呼天捐亲戚背乡井冒危险岂其情哉是散贼党而伐贼谋也倭夷安从入哉故良吏优于良将善政优于善战不然兴师百万能驱倭夷不能驱奸民奸民在贼可以复入师不可久留是行奸民之计也且天下宁独倭夷可为乱哉故反侧为要夫反侧者反间之因也敌情所由得也善致之则为我用不善致之则为贼用此尤兵家之要防乎防乎不可以尽言者也

太守严中云海商原不为盗然海盗从海商起何也许二王直辈通番渡海常防劫夺募岛夷之骁悍而善战者蓄于舟中泊于双屿列表濱海之民以小舟装载货物接济交易夷人欺其单弱杀而夺之接济者不敢自往聚数舟以为卫其归也许二辈遣倭一二十人持刃送之倭人还舟遇船即劫遇人即杀至其本国道中国劫夺之易遂起各岛歆慕之心而入寇之祸不可遏矣【此言海商初无纠倭入寇之念因防他盗渐至乎此其后遂即真大受倭患矣】

都督万表云向来海上渔船出近洋打鱼樵柴无敢过海通番近因海禁渐弛勾引番船纷然往来海上各认所主承揽货物装载或五十艘或百余艘或羣各党分泊各港又各用三板草撇脚船不可胜计在于沿海兼行劫掠乱斯生矣自后日本暹罗诸国无处不到又诱带日本

岛倭奴借其强悍以为防翼许二住双屿港此海上宿寇最称强者后被朱都御史遣将官领福兵破其巢穴焚其舟舰擒杀殆半就双屿港筑截许二逸去王直原在许二部下管柜素有沉机勇略人多服之乃领其余党改住烈港渐次并杀同贼陈思盼柴德美等船伍遂至富强以所部船多乃令毛海峯徐碧溪徐元亮分领之因而海上番船出入关无盘阻而兴贩之徒纷错于苏杭近地人民自有饒时鲜饒酒米献子女者自陷黄岩屠戮而其志益骄其后四散劫掠不于余姚则于观海不于乐清则于瑞安凡通番之家则不相犯人竞趋之杭城歇客之家贪其厚利任其堆货且为之打防防送如铜钱用以铸铳铅以为弹硝以为火药铁以制刀鎗皮以制甲及布帛丝绵油麻酒米等物【此言海寇起于中国邊海奸民违禁取利初通西番后及日本为寇心腹毛海峯徐碧溪徐元亮者乃其魁首而许二王直又魁中之尤也殲厥渠魁非防之至要而功之无上者欤】

海道副使谭纶云片板不许下海禁革双桅大船乃屡朝明例以销祸未萌意至深遠奈何沿海灶丁假以采办私造大船违禁下海始则取鱼继则接济甚则通番十数年来富商大贾侔利交通番船满海间有朱秋崖任事之臣力行禁捕而大家灶戶浮议横生不曰小民无以聊生则曰国课必致亏损加之监鹺宪臣偏防灶戶过抑边官摘拾小愆节次论劾海道备倭勘斥相继遂至避祸迁就海禁愈隳养成大祸莫有敢言者往年倭寇劫掠渔船逼为党羽既得其船以张声势又驱其人以为向导苏松之寇半皆胁从捕获有一尤多灶戶必须申明严禁仍乞特勅巡盐御史铃束灶戶止于额设海边塲荡采办煎盐遵照节题事例小船编号朝出暮入循涂载卤不许造大船入洋采捕招惹倭夷仍立连坐之法以稽私出之弊如有纵容下海为盗者运司塲官并得坐罪

【此言渔戶灶丁但当用小船不当容其打造大船通番引寇】

除内逆

兵部尚书杨博题云倭贼入寇多因我民为之勾引盖逋逃不归则祸本未拔东南无息肩之期合行督抚诸臣多方招徕务使不轨之徒以次归正

又题云蠢尔倭奴敢肆流劫者皆缘我之内逆为之乡导也倭奴非内逆无以逞狼贪之志内逆非倭奴无以遂鼠窃之谋必须禁捕内逆方可消除外寇合行督抚诸臣责令军卫有司将沿海居民逐一清查造册在官稽其生理时加约束敢有仍前不悛从倭为逆许令同里之人赴官告首即于犯人名下追银三十两充赏本犯从重处治拔本塞源此为要务也

定庙谟

都御史唐顺之题云自海贼入寇以来十余年东南虽苦其毒而贼之被杀者亦积至防万今年寇江北寇浙东者且万余而寇福建者一闻不下二三万则是杀者不可胜纪而寇者不为少止夫南倭与北敌异口外砂砾之地从古以来原有邊患腹里膏腴之地二十年前原无倭子今口外尚有一两年无扰而倭子却无一歲不来如此不已非止外患将为内虞古云兵久

则变生近者吴淞定海之间水卒呼粮挟官缚吏则兵变之渐矣苏人素怯弱而防治子弟懷毒蓄机日伺倭来里外合应幸早发之犹烧官寺劫狱囚哄然一逞则民变之渐矣此其萌芽也诚不可不深图而熟虑之若谓倭寇之来一歲支却一歲一番杀却一番便自了事则臣不敢知其所终也伏惟圣明勅下礼兵二部备讲祖宗以来招懷抚諭之略防海固圉之机及勅督抚诸臣徧访倭情集议长防二十年前何以絕无倭患十年之间何以倭患若此年年御倭何时是了如何可以永防倭寇之路以复东南之旧苟可以利国不必为身家顾虑苟可以便今不必以成說拘牵外内臣工方畧毕上然后圣明与庙堂大臣从中主断而力行之期于三年四年断却此贼臣犹以为速也不然一歲一来一来一胜臣犹以爲浪战

择将才

兵部尚书胡世宁云自古将材难得而起自行伍慣歷战阵者尤为难得今彼处边军冲锋破敌者既拘例不得报功而斩获首级者又被势豪夺去不得报陞官级至于指挥千百戸间有谋勇可用者又或家贫不得营干管军事以显其材以是将官起自行伍真能杀贼者不可再得今宜严勅彼处镇巡官公心体访指挥千百戸中间果有谋勇出众家贫不得差遣者务要公心选任管队把总掌印备御等职至于势豪夺功买功之弊尤宜痛革而行伍士卒果能冲锋破敌或斩获首级者务要实报功次使其得陞官职与选任指挥千百戸俱令积功渐陞品级以备将官之选则在边将领可得真才而缓急有备矣

又云武职中固皆可将者矣然而天生智勇当不專在此輩之中故自古国家用兵常乏将材民间盜起多是豪杰臣愚以为莫若即此輩而收之则既获将材又弭盜贼防之上也如蒙乞勅兵部计议通行天下军卫有司精加访察凡军民中有膂力过人武艺精熟者悉选在官其良民不愿者不必强逼选在官者军则任以把总管队民则授以总甲教师等项名目略加优给使之随军操练遇贼擒拏积劳多者量授职事以旌赏犯罪重者即发边方以立功至于兵部亦乞比照工部添设主事等官防员精选廷臣进士中才略明敏者为之平时则令草薙以习运筹有事则令出差以谙边务才弱弗称者改选别部才能称职者專陞兵备及边郡知府等官惟此二涂之中收养既多其间必有真才出用而能为国家弭大患立大功者矣

又云选将责在兵部者盖惟守边常职耳今军政不立久矣若遇中原盜起而專命武将之出贪功好杀盜猝难定而民命已残惟得文臣能帅者监而统之则相机度势抚捕兼施然后胁从可散而首恶就擒贼可早防地方不致大残矣

兵部尚书张时彻云三军之司命则在将帅今之世禄纨绔固有宣力翼戴长于驭众者矣宁无腹削以自肥用贿以干进者乎升之兵柄求无败事不可得已昔者晋悼公使栾軫为戎御以训诸御知义使荀宾为戎右以训勇力之士可以时使山林草泽行伍之间未尝无干城腹心之士也欧阳修所谓求贤劳之士不必限以下位智略之人不必试以弓马山林之士不可薄以贫贱以非常之礼待人人亦以非常之效报国又谓取禁军厢军年少有力者不拘等级因其技同每百人团为一队而教之校其技精而最勇者百人之中必有一人得之以为裨将合十裨将而教之又于其中择有见识知通变者十人之中必有一人得之以为大将此一人

之智勇乃万人之选也推行是說拊髀之思庶防可息乎

【此言将才当即于练兵之中选择】

御史徐敦题称先该巡按御史周如斗疏请于沙兵耆民之中照例论功陞赏不愿陞授者许其子弟读书者入学不读者充吏承其举人监生人等叙功加级选用此亦因时处置鼓舞人心之术而未经详议举行者何也议者不过以名器至重岂宜私濫然既与之冠带矣许之援例入监补官矣则何惜乎此而不以劝效死之人心作东南之士气哉且此辈类多粗悍而养之学校荣之禄秩又所以为化诲懷来之方也合无推广前例激励后图仍严行监军御史叙论功次分别等第不致冒濫或许实授或许入学或许叙用而将领之久効劳于海防者仍念人才为今日之急胜负为兵家之常通论功过勿以一失而遽弃之

【此言激励沙兵耆民之法愚谓欲用沙兵耆民须督以文官如督官兵之法方可不然则将放肆如苗土兵矣】

叅议唐爱云今之论任将者不曰使贪使诈随才器使则曰精选贤才不宜轻用愚以为二說皆是而皆未也何也使贪使诈云者非谓贪与诈为当用但云驾驭之有法耳若将而贪污则虚报兵额侵匿粮银剋剥下人縱容剽掠无所不至矣曾有如此之将其部伍不完号令不行而能立功者乎若必求廉吏而用之拘拘于轨范之内一毫不取一毫不与何以激励功能结纳人心也昔汉高以千金与陈平纵其出入李牧备边凡幕租聽其飧士莫与稽考故皆能成功今之将官自俸禄外更无舒展何以感动军士而致其死命乎如愚见似宜体恤其情奉为定例总兵歲与者聽其作犒赏之用不问其费之由由是而查其部伍禁其剋剥责之以成功则在上者心无不安而在彼亦得以足兵足饷选练攻守沛乎有余力也或者曰使其妄用与入已如之何曰通计总叅能几何人试以浙江一省计之不过费银六千两而止耳使其能卫生民不受屠戮之惨则一歷风涛冲冒矢石劳苦万状即以此而优厚之亦岂为过乎不然廉者难望其立功贪者难责其守已蠹国殃民多靡边费比之明与六千之数损益不大相遠哉

【此言体恤将官乃任将第一要诀也自来将官多不成功者正以贪者无德以服众廉者无力以设施若能恤其私则贪者可以无贪而廉者可以成功矣此义人皆知之亦私议之但避嫌而莫敢上达愚故述而载之】

举人王文禄云今当选众之中或将万兵者名之曰万总即借指挥之禄与之有功另行外有将千兵者名之曰千总即借千戶之禄与之有功另行外有将百兵者名之曰百总即借百戶之禄与之有功另行外其不能将兵之官止食军之月粮是亦有禄矣其指挥千百戶有能领兵者聽若然则兵皆将也

【此言选将定禄之法】

御史张椿云为将须有胆有略有量有德杀人如刈草从善如转环用财如挥沙保民如恤子

故拘泥故常不敢分毫出格者不足与有为也

闽县知县仇俊卿云地利既得必贵择将法曰有良将无弱兵今将帅取诸世胄纨绔习深英雄气少虽驰马弯弓有未能者况望其谙韬略乎武举科亦未能尽得其人欲将外卫官员照京卫保举会举之例拔擢听用其不称任使者照文职扣俸住俸事例或遞減其俸留为军门砺钝之具文职之中有能知兵善陈者叅酌要用不必拘以常格则豪杰之状未必无人或致仕官僚或举监生员或山林韦布诸凡术数小道有能占天文晓兵法闲武艺善游說一切可为海防之裨者皆招致之察其声实之如何随其材品之高下使之各尽所长以神鼓舞则人莫不激发而贾勇效能矣此王阳明于居家握兵之日每能延揽以寓此意

予按诸公论选将之法详矣然犹似欠明也何也将有不同有大将有偏将偏将亦不同有先锋有哨援有守营有奇伏必先正将之名色而后论夫选之之法庶言有归着而法不混施焉耳何谓大将运筹帟幄之中决胜千里之外虚懷而取善不遗用材而器使各当古人所谓善将将者是也何谓偏将恤下而不苛遇敌而不惧奉令而不违沈防而不露应变而不穷古人所谓善将兵者是也要之上通天文下达地利中谙人事必兼此三者而后可以言将否则不得乎太乙六壬禽遁之 不知乎驾风鞭霆之术孰为胜地而宜据宜争孰为要路而宜守宜伏敌情有缓急难易如何而攻阵势有奇正分合如何而用孟浪而战是以卒与敌也夫大将以出令为职者也若识不足以范围才不足以驾驭诸将其肯奉行乎偏将以受成筭而不自用为职者也若提兵既远不能随时出奇而欲一一關白主帅其能以成功乎昔王晋溪在本兵宸濠之乱谈笑自如人或讶之晋溪曰兹事吾已料理之矣王伯安有大将才吾置之于贛州是也未防而全捷疏至人咸称服愚谓选大将者当以晋溪为法仇咸宁之大父为百戶时北骑数万突至都御史李忠宣知其能使率兵御之仇毅然曰兵不必多凭吾自选五十人足矣忠宣从之仇度敌所必驻之处掘地坑令二十人埋伏覆以芦席饰以浮土三十人登山瞭望以铙为号敌至此果札营夜半铙发坑卒地雷亦起敌疑大军袭之自相蹂杀过半而走质明五十人归报中军遣人驰割首级遂成奇勲可见胜敌不在多人命将亦不必循资格惟存乎知人善任耳矣愚谓选偏将者当以李忠宣为法

御将

兵部尚书胡世宁云陆贄有言将贵專谋兵以奇胜军机遥制则失变戎师稟命则不威而欲敦以付授之义固以亲信之恩假以便宜之权待以殊常之赏其余细故悉勿开言所赐诏书务从简要苏辙所言宋祖用将之善而欲修其成法择任将帅而厚之以财使多养间谍之士以为耳目此御将之术也

又云自古御将莫如宋祖昔人谓其隆之以恩厚之以诚富之以财小其名而崇其势略其细而求其大久其官而责其成功万世御将者所当法也

实军伍

兵部尚书张时彻云卫所辖于都司都司辖于五府其卒伍之设每百户所旗军一百一十有二千户所一千一百二十卫列五所及卫镇抚凡五千五百有奇

【此言设兵旧制】

又云清勾之法既坏里书脱漏户籍勾补者百无一至即有至者本管过为诛求收伍未几旋即匿至于犯法充新军所在种种而法网不严曾未有尺籍荷戈殳者兼之汰黜之令过严异姓充役及无妻者辄俱罢革虽赘壻义子一切不录军安得复旧额乎

【此言兵不足之故有三】

又云其犯罪充军者严为发解明尺籍如近年兵部题准事例不得有所隐脱又不足则召募土著之人膂力精壮者程能试补仍复其身而给之食立以程限以二十岁为始五十而罢复为民有疾病愿复民者听不苦之以终身不陷之以永远则人皆鼓舞争为兵矣仍籍应募他郡者责令来归其册籍则岁注之给以悬牌严其虚冒私替之弊当其精壮善鬪之时得以尽力武事而不出二十年后复为平民皆知自爱而重犯法不至叫呼无赖为凶人如此则军无缺额而必无不任战之民死于无罪者矣

【此言足兵之法有三】

又云国初沿海建设卫所联络险要今军伍空缺有一卫不满千余一所不满百余者宜备查缺额之数而补足之其运粮班操等项原因海上无事拨借别用者可悉还之原卫所使自为守卫所之兵常足则备御无患矣

【此言足兵须先查复拨借别用之卒】

都御史唐顺之云逃军许其自首随处收补一节论明决直截仆亦同此意盖与逃而无用不若就近而补之犹得一军之用也既而思之深有未便者苦寒硗确之地人甚不乐居严法羁管严法清勾然犹住者多逃而逃者不获若逃军即许改编则虽素不逃之军亦孰不逃焉是今日逃军之补见役所以酿成异日见役者之作逃军也利少而害多矣是以不敢遽有题请

【此言处逃军之法不当听其随处收补】

海道副使谭纶云卫所官军既不能以杀贼又不足以自守往往归罪于行伍空虚徒存尺籍似矣然浙中如宁绍温台诸沿海卫所环城之内并无一民相杂庐舍鳞集岂非卫所之人乎顾家道殷实者往往纳充吏承其次赂官出外为商其次业艺其次投兵其次役占其次搬演杂剧其次识字通同该伍放回附近原籍岁收常例其次舍人皆不操守即此八项居十之半且皆精锐至于补伍食粮则反为疲癯残疾老弱不堪之辈军伍不振战守无资弊皆坐此至于逃亡故绝此特其一节耳为今之计合无委贤能有司官员公同该把总官前去各该卫所

督同掌印等官不必论其伍分先将城中街巷尽行查出计有若干每街每巷共有门面若干戸分格眼纸一张谕令自开房屋几间男妇防口某系精壮某系老弱至于釜灶床铺若干亦要从实开载贴于大门之上乃各委官亲自持簿带领各伍官旗沿街履戸逐一挨查面诘该管官旗有无隠漏并执结明白然后比対戸口文册底几可得十之七八于是取其见在人数通行挑选精壮者存留食粮老弱不堪者通行革退即以戸丁精壮余丁选补如果在营故絶无丁者除本省地方照旧行勾外其他省人民屡勾无解者不必驾言单勾即查照近例严选别戸精壮余丁补伍至于充纳吏承违例役占者自今伊始通行禁止其卖放逃出外行商业艺投兵搬戲及隠容在籍收取常例等项俱责令该管官旗及家属人等免其前罪通行勒限招回一体选补务使食粮者皆精锐之士无复以老弱充数不食粮者照依保甲之法编守城之人如百姓守城之例不得以无粮借口该管守旗招徠补充至五分以上即量行獎赏其始终不改纵容卖放如故者掌印及诸伍官旗聽各道从实查叅轻则问罪降级重则绑解军门治以军法如此庶军政可肃战守有人不至临时纷纷请兵矣

【此言兵不足之故有十能查处此十者则兵足矣】

御史曹光等题称各该卫所正军戸内余丁有精壮者尽数挑选补伍然补伍又须明言止终其身另行签补与正军永遠者不同其补过各军月粮务从长议处以充其养贍之资如有附近人民骁勇愿役充者亦聽收伍月粮照例支給特勅巡按御史严督守巡道等官亲詣地方着实举行每遇复命之期将各卫所正军并补过余丁各若干有无充足堪用处给过月粮若干有无缺乏从实具奏以凭查考

【此言足兵之法有二与张尚书谭副使暗合】

御史周如斗云沿海卫所军伍缺乏之甚尤当亟为之充补乞照昔年改编附近事例如在嘉靖三十年十二月以前凡南北卫所逃故清勾者及遗失清勾查无名伍发回聽候者皆准改编附近沿海卫所至于直 江北江南等处其新充附近终身军犯尚未发遣者合无改发各该沿海卫所其有定发卫分永遠充军追赃未完及未发遣者盖以其畏边方之遠且因例有监故免补之条率多延捱前赃以图苟免军伍法固难追情有可原者合无亦自嘉靖三十三年十二月以前在监追赃者量行改发边海卫分彼将乐于地方之近而无靳于追赃之难不惟有以充实军伍抑亦可以追完宿逋由前则土兵之众缓急获济由后则军伍之完永遠有赖矣

【此言处逃军与问军不肯着卫者之法其心甚仁其见与荆川甚相反録之以俟有识者采择】

或云今之论兵者有五曰足军额曰选弓兵民壮曰练乡民曰募义勇曰调客兵此五者救时之切务也愚谓皆非探本之论也何也卫所军与弓兵民壮乃官兵也官兵足何事他求乎惟军则缺伍弓兵民壮则不堪用故思练乡民乡民不能遽练也故思召募召募不得人也故思徵调不知向来兵政之敝其原不在于此乃将官畏死不敢擅动官军杀贼之故也我朝大明

律一欵云【云云】夫兵凶战危胜败者兵家之常也自古名将如太公孙武武侯其人上下数千年落落可计外此虽善战者不能为必胜矣设有所损其数岂可量哉盖我太祖拨乱反正躬亲战伐深知驭将之当严而行师之当慎故以是垂训使为将者常以失机为忧全胜为念则练兵不敢不预临阵不敢不勇耳此其立法之至意所以重人之大命也若其用法则又有权衡于其间而未尝执一如【云云】盖人情易怠而难久常恐惧之犹虑其忽若立法不严则丧师失律何所不至也自定律后莫敢不遵凡遇用兵言官引之以糾劾法司据之以问拟将官惴惴焉宁杀其身而不敢损军士非闪奸以规避则顾家兵募义勇以冲锋若有败衄军额不亏则失机之罪免矣古者寓兵于农有事则战无事则耕后世军自军民自民军常设以卫民民常耕以养兵此国用之所以常乏而民力所以难堪者端以养兵之费大也既不用军以战则军为徒设不过聽差防名虚文而已矣练之似为徒劳不练亦无为害在班似为徒养逃亡亦为不觉卫官初以兵缺为利而侵月粮法司后查其粮而作羨余兵日渐寡粮日渐缩若遇寇乱抚操兵备见军无适于用欲究之则弊久欲用之则徒使将官受失机之诛耳不得已权用民壮义勇更广募调以支之寇平官各以功擢去谁复理前任之事也故虽大乱如倭朝廷新设总督提督重臣添设兵备副使海防僉事一时亦不能正其弊不容不用夫义勇民壮弓兵见不堪用不容不更召募召募无良不容不更徵调徵调不可常则又议练乡兵要之乡兵仅可自守而不可为邻援不如复祖宗旧设军额欲复军额须复旧设粮额此相须之事也粮额如旧则足军无难军额如旧则沿海卫所随在有备不必募调而常如募调且实省募调之费矣然有军不练与无军同练而不战与不练同如愚见是在科道官以蒸民之生命为重以一身之利害为轻协议防奏逮稽太祖【云云】之言近述圣上屡批戴罪杀贼之例严勅兵备海道官專督卫所官练军限以一年半务有实用仍勅总督提督今后赏罚务查将官功次若获级多而损军少者准其赎罪损获相半者从轻姑令戴罪俟后有功准赎若损军至几人而获级不多则姑容缓死或去其官或行降调俾之戴罪杀贼视后功次大小而量处之若队伍败衄全无斩获者照大明律失机处斩如是则将官莫敢不用军以战而凡战军莫敢不用素练者矣岂非善体太祖立法之意通其变与民宜之乎不然军固命也民壮义勇与募调之兵亦莫非命也军损三人则以犯律而论失机民壮义勇募调之兵而损三十人三百人亦以律所不载而不论可乎科道官以言为贵且碍律而不敢言总督提督奉律以赏罚人者也顾敢自擅乎夫国家设军卫民战死乃其分也今受民之养而不与民捍患民反代之战焉天下之冤孰甚于此愚谓此弊若无人敢言则将官终不用军以战不用军以战则军伍之缺不必查补而沿海设备非广募调何人以布列之耶天下之费吾不知其所穷而倭寇之患吾不知其所终也虽然犹未也兵必土著马牧于官古之良法也欲补军伍须改逵为近则服水土便勾摄如是而逃者乞题照职官谪戍但逃杀了之例着为定法此非变祖宗之制也法久弊生不容不救而通之也

【此言将官畏法之严不敢擅动官军愚谓岂独将官哉凡文职衙门稍有干系者俱不敢动也昔契丹与金人战曾有明验矣始以法之严不敢动官军百战百败及后不得已用官军又稍轻其法人皆曰临阵者死脱逃者生向前者死向后者生亦百战百败可见法不足恃苟得其人官军亦可召募亦可法重亦可法轻亦可在上者可不汲汲焉以求人为先务哉】

或云清查似矣但近来风俗或以贿赂或以嘱托一至地方则计其所获倍其所费以致富者

虽强壮而漏籍贫者虽老弱而加名即有清正人负若不顺人情一切用法多致激变又因循抚算是清查之法非惟无益而有害矣余每云古今有治人无治法种种皆验

予按向来不敢用军出战端为律法太严而兵难遥度恐少有挫衄则犯失机之罪故但用民兵易于掩覆此诚将官之积弊也然兵部题准已有新例矣大略云但当録其血战之功而不计其失伍之罪军伍缺者亦有例许民充补所在巡抚兵备衙门正宜举行以实军伍以之操练以之征勦可也论者未知新例故尚泥旧制非矣

选士卒

叅将戚继光云兵之贵选尚矣而时有不同选难拘一若草昧之初招徠之势如春秋战国用武日久则自是一樣选法方今天下承平编民忘战卒然之变自是一樣选法大端创立之选势在广揽分拣等率均有所用天下一家边腹之变将有章程兵有额数饷有限给其法惟在精第一不可用城市游滑之人但看面目光白形动伶俐便是也奸巧之人神色不定见官府藐然无忌者是也第一可用乡野老实之人所谓乡野老实者黑大粗壮手面皮肉坚厚有土作之色此为第一然司选人之柄者或专取于丰伟或专取于武艺或专取于力大或专取于伶俐此不可以为準何则丰大而胆不充则缓急之际脂重不能疾趋反为肉累此丰伟不可恃也艺精而胆不充则临事怕死手足仓卒至有倒执矢戈先众而走此艺精不可恃也伶俐而胆不充则未阵之先预思自全之路临事之际既欲先奔复以利害恐人为已避罪之地此伶俐不可恃也力大而胆不充则临时足软眼花呼之不闻推之不动是力大不可恃也兴言及此选士之术荒矣然废四者而别图之不可也谚曰艺高人胆大是言高艺止可添于有胆之人非谓懦弱胆小之人苟熟一技而即能胆大也素负胆气丰伟伶俐而复习以武艺此为锦上添花也然此辈不易得思其次则武艺尚可教习必精神面貌兼收又不若凭各亲识乡里哨队长举首此数者皆选兵之一防而必胆为主胆在人腹中不可见何以选为殊不知人之精神露于外选人以精神为主而当兼用相法忌凶死之形重福气之相此尽选人之妙矣使伶俐油滑宁用乡野愚钝乡野愚钝之人畏官府畏法度不测我颠倒之术诚信易于感孚气易于振作先以异常之威压之使就我彀中而即继之以重恩收其心结之以至诚作其气则为我用命无疑此万试万効之方也若爱先于前而后继之以威则怨丛而恩不感矣是故遵令奉法临事用命所以成天下之功也但威严不能自行所以使威严之永行无阻坏者恩与信也彼天下之至亲至情莫慈父之于孝子若也设使父必于杀子虽孝子且不能无私言况乌合之众行伍之兵耶是故必恩以佐威庶恩威为有济此予数年之独秘虽后日名将之出必不易予言也

恤军属

兵部尚书杨博题云优恤军士着在令甲即如近日山西等处之变固是诸军自干天宪至于处置乖方当事者亦不得不任其责合无备行督抚总兵等官令所属大小将领将部下士卒察其饥寒同其甘苦务使人乐为用阐明信义整肃威严务使人不敢欺则感恩畏义无不愿死以报上矣

精教练

兵部尚书张时彻云议者欲以乡兵代官兵奏疏文檄积满案牒而迄未有能行者何也以调遣之失业也糾聚之妨农也差官审编又不以贤能正官而率以佐贰首领所至之地富者行贿求脱强者挟诈求脱故册籍未定而委官之囊橐已满其充数者非贫难下戸则蠢愚无知而乡长甲长则无赖猾氓也谓宜明示号令不调遣远出不糾聚妨农委贤能正官亲诣关厢村落备查编戸随其住居相近团聚大率以若干家为一甲就中选有力量者二名立为【甲】正甲副置牌一面上书甲正某人甲副某人居民某人某人仍于五甲之内选其才能服众者立为乡长使之统领总置一牌上书乡长某人管领甲长几人某人某人甲副几人某人某人各该居民若干某人某人列于各甲正甲副之后仍令每家书写排门粉壁互相讥察各备锋利器械几件每乡长管下置大旗一首及合用銃炮等项听从乡长统领前至空闲处所演习武艺一遇有警即便升旗举炮各率牌内之人同赴要害地方设法把守并力截杀仍于通行街巷路口树立壮固木栅堆积石块以便拒守其居民或多或少随宜团练不拘定数仍照兵部题奉钦依事理保甲领防先行给与冠带以为激劝有功之日一体陞赏庶几家自为守人自为战不待调发之劳而收保障之绩矣

兵部尚书胡世宁云从地方总甲里老人等将各家五十以下二十以上壮丁不分家主义男家人尽数报出而于各家排门粉壁上各书本家壮丁姓名年貌其六十以下十五以上名中下亦书以备运砖送饭等用仍责一壮丁各置坚利器械二件不分昼夜各请教师演习武艺所制鎗杷务要长短大小一齐弓弩各随气力强弱其间尤分长者学弓学鎗短者学杷学牌仍仰学鎗学銃者各兼学使棍学弓学弩学牌者各兼学使刀前项人丁内除官吏监生生员并见操民壮征进军丁一应在官役占之人外其每三丁内抽出一丁不及三丁者将别戸朋凑亦要三丁内义让一丁金为乡夫街夫二项名色仍要每甲内选立武勇一人为小甲置小招旗一面每乡每里内各选立有行止才望能服一乡者二人为正副总甲置大旗一面各置号头锣鼓部领齐集每五日一次在城者就军伍教塲在乡者就本乡教塲各操练武艺乡市军民之中若有平素胆力过人武艺精熟者须听赴府报名另为义勇名色本府重加优待临用之时与军同给粮赏其各乡原立备贼寨堡亦要趲时修筑完备以防不测

【此言团集乡兵之法】

又云精选各戸壮丁年二十以下十八以上气力强壮身才矫捷之册籍纪年貌选委教师演习武艺仍编每十名一甲外立小甲一名另添杂役备缺一以应古炊家子之制每甲共十二名每五甲六十名为一总外立正副总甲各一名以应古正副队头之制分为八总每二总共选立百长一名统率共该民壮五百名其余二十六名作吹鼓手每总内前一甲十名内五名学牌五名学鎗第二甲十名五名学杷五名学义第三甲十名俱学弓箭第四甲十名五名学銃五名学弩第五甲十名五名学棍五名学长刀其总小甲俱执旗鎗仍带弓箭或腰刀副总甲执刀并带弩箭在后押队仍选身材长者学弓箭銃弩短者学鎗牌杷棍

【此言练兵派人之法】

又云教阅之法在斟酌古今之制而施行之其一当简汰其疲老病弱升择壮健骁勇如胡明仲之言二当先教击技多习弓矢及令厚甲重器演习惯便而后习走阵之法如宋仁宗时议者所谓诸军止教坐作进退虽整肃可观然临敌难用之意

又云宋学士苏轼有言天下不免于战无事之时士大夫当尚武勇习兵教庶人之在官者以行阵之节役民之司盗者以击刺之术歲终试之较以胜负以行赏罚一旦有事免以不教之民而驱之战乃今日为世道计者之所当知也

巡抚都御史唐顺之云八九年间为督抚者亦几何人中间以练兵为說谓不在增兵而在练兵者仅见总督杨博一疏而已然则兵之积弱已非一日之故而兵之不练弊亦久矣所谓專倚边兵不练土兵者诚如明防不敢虚饰窃以为目今权时之宜但可责鎮兵以为守量调客兵几枝以为战待鎮兵练得一枝精锐然后将客兵再减一枝至于举军尽练得精锐士争抵掌人贾余勇一旦遇虏必不退慑屹然足为北门倚重然后更议免调之期则望实不失而经权两得也

【此言目前且用客兵救急待练土兵成然后免调其說详见定军制条当与此叅看甚善甚善但惜荆川疏中欠說练之之法如何似为未备】

或者云今之议者不思练兵而数欲调兵昔山东兵尝调矣而无救于败狼广兵再调矣而无救于败蕃土兵又调矣无救于败而害益滋其所至如乳虎而其临阵如鸟散居则为民蠹出则长贼威故民苦调兵与被贼等以其遣之不精而驭之无统也夫兵法平原旷野此用众之地也如羣鹿抗獐以多者胜道狭险要则如两鼠鬪穴以勇者胜虽众无所用也

兵部尚书杨博题云遠调客兵不如团练乡兵此诚不易之论况所调狼土等兵凶狼狂悖十倍倭奴总督既不能节制其将领又不能约束即如近日川贵总督侍郎石某所奏可鉴已但议者动谓乡兵怯懦缓急难恃不知近日浙江扬州之变多系土人何其勇于私鬪而怯于公战哉是在处置得宜耳合行督抚等官严督各该海防兵备守巡将各处乡兵系行伍者责成军卫募自民间者责成有司如法团练务求实用至于客兵仍遵明防不许轻调骚扰地方

主事唐枢云古之练兵少而习壮而安不见异物而迁其技能上下相便休戚安危贵贱一体故能如身使臂如臂使指今以乌合之众驭之者如传舍其事可效而行否

【此言兵须平时教练】

主事唐枢云练兵为长久之计海贼实不敢敌近日都是无能之将以统无制之兵贼反素教预习所以肆胆横行深入必须择知兵者随处教演又选差贤能官分投查验必赏罚以为经久可用

【此言兵不可以不练练兵须择人着实举行】

副使茅坤云浙人不习射当如两河以北悬射银钱之利以诱之使习令弓师而能教百人善弓则善弓者得以一人兼二人之食而弓师且赏之以百金而署之为百人之将矣令弩师而教百人善弩则善弩者亦得以一人兼二人之食而弩师且赏之以百金而署之为百人之将矣如此则不数月而全军皆善射矣其他短兵鎗棒亦率类此

【此言练兵全在善诱】

又云吴越江海之间防二三百里必非朝廷之兵所能遍为戍守者汉患匈奴晁错尝请徙富民实塞下盖使之家自为守人自为战若今日吴越之间则不必他徙富民而中自有饶田宅千金万金以上者庐相接也以愚计之当仿两广之制其势力可以盖一里而部署百人上下者则命之为百长长有牌分为若干队各籍其所部署百人者之名氏年貌与分执兵仗于其上以待约束其势力可以盖一乡而部署千人上下者则命之为千长长有牌分为若干哨各籍其百长及所分哨之名氏年貌与互相声援之畧于其上以待约束其在官府特罚其不如令者而已不得数令追呼而扰之方其平居无事则千长得以击牛酒防血为盟约剂于一乡之中以稍申其声援之约及其贼既逼境则千长得以举火炮为号合各百长之兵以赴援于贼所间入之路以迎其至而击其归有不如约者即听千长百长各得以按军法绑缚而告之官府按军法而治之如各乡之钜姓大族有能自募膂力伎击之士以为诸乡兵之先者则各书其名于官责其摧锋奋击以为里兵之倡而赏犒之

【此言练乡兵须倚重各乡有势力者为之】

又云吴越之间其钜家势族往往有为子弟不惜千金而鬻一官者倘疏之于朝凡民间所籍乡兵或钜家势族所各自募之兵有能奋勇 贼凡斩首级者倍官兵之赏每级一百两凡手斩三级以上者署爵一级如两广试巡检之类而赏仍半之累功至五级以上得世百户累功至七级以上得世千户凡所部之兵斩三级以上量为优之冠带有子弟愿补生员及都布按承差知印吏者听五级以上准署爵一级如前或准送子弟一人国子监读书或原系监生准选光录监事署丞及五城兵马等官七级以上亦得世百户或愿改锦衣世总旗者听十一二级以上得世指挥使或愿改锦衣千户者听或系监生愿补内阁文华武英等殿及两房中书舍人之职亦得剂量如例如此则吴越之间非惟各思保其妻子室庐之有抑且兢得夫爵赏宠禄之及争相家自为守人自为战而其气百倍矣较之官府岁调客兵其所当利害缓急尤有间者

【此言欲练乡兵须以爵赏激励势力之家人方乐为】

举人王文录云众聚而不申以号令严以约束乱无纪律所谓兵不戢将自焚狼兵则搂妇女贪货财而肆其抄掠邳兵则酗酒逞凶弹丝唱曲而彻夜淫游民壮义勇皆恋家无拘而不习战技徒费养兵之财不熟练之过也必责成统领分布要害日加团练编以队伍五十为队仿吴起一人学战教成十人之法与以坚甲利兵之器齐以坐作进退之度重以信赏必罚之权一人有功一伍赏之一伍有功一队赏之罚亦如是则互相救援而奋发也必以所练之兵拔

取冲锋一万取一千一千取一百时加部犒战胜不论首级而赏亦倍之盖冲锋不暇斩首斩首皆借冲锋之人杀而斩之也

【此言练兵须明赏罚】

南京户科给事中高鹤等题称各兵之调非经久之计欲选择客兵之精锐者分别武艺教练乡兵以一训十以十训百以百训千以千训万不半年而民兵即客兵矣

【此言练土兵当用客兵之高艺者为师】

主事唐枢又云练兵如近日教场下操之类俱虚应故事务令精专齐一而后膂力之强弱技能之长短可以等而上之必求其至古人谓三官不谬五教不乱总是用志不分随着应手此必平居岁月习成穰苴以他人未教之兵为已率然之用不得已杀其爱姬助长以求速效然亦可济临时之用故练兵之法或暂或久可勉可安两法俱在慎而行之存乎其人

【此言练兵之法有二】

叅议唐爱云练兵之事当责之将官而不当任之兵宪何也兵宪不自分领分领者将官也若兵宪练之将官领之则将不识兵兵不识将何以制驭而取胜乎必用此将官管领即用此将官教阅熟演于平日则如身之使臂臂之使指临阵无不顺意矣兵宪不过日省月试孰为当赏孰为当罚孰为可进孰为可斥执监督之权而已矣总督则但总夫握兵调将之权其职掌愈尊则体统愈大也此练陆兵之說也若在海船则以风潮为主有难于操演者其要惟在舵工转运趋向皆出其手遴选赏罚非总副叅游之所当注意者乎

【此言练陆兵之法须委重领战将官练水兵却无法惟精择舵工而已】

又云使船必用造船之人则不悞工料而且知爱惜领兵必用练兵之将则用心训练而亦相识认故平日宪职练兵而御敌付之武将非计也必令将官自练而兵宪不侵其权不夺其功然后可责其成效耳

【此篇与前同义】

海道副使谭纶云今之战卒望敌而走往往弃主将不顾盖由将不知兵与兵不素练耳夫将犹心也士卒犹手足也手足无恙则欲持而持欲行而行无不如意使手足而痿痹也则心虽欲为其能以相应乎故选将练兵缺一而不可

又云凡言练兵者非但练其艺与坐作进退之法耳其要莫先于练心其法莫善于节制节者如竹节之节节节而制之即人心齐一进非幸成退无速奔而常立于不败之地矣今姑言其概如以三千人分六总计之十人为一队设一队长百人为一哨设一哨长五百人为一总设

一把总合五把总为一营设一叅将士卒未练战守无功在一营则责之叅将在一总则责之把总在一哨则责之哨长在一队则责之队长如是则为之主将与长莫敢有退缩不奋勇者矣如使为之将与长奋勇直前以至有失失一叅将则斩五把总失一把总则斩十哨长失一哨长则斩十队长失一队长则斩九卒如是则转弱为强因练变化无不如意古人纷纷纭纭鬪乱而不可乱正是此法但分数要明头目要众使我所杀者尝不过十人则心与法不相害而法可必行苟徒具是法而行之不果亦与无法等耳

【此言练兵之法当使兵将相习】

松江府同知罗拱辰云陆战之法大率以十人为一队每队以一人作为队长就将原执竿子鎗上一号旗以便阵用内牌手三人执牌在前谨蔽敌锋用手牌者执镖一二枝以备飞击镖既发矣随用腰刀其用挨牌者手持长鎗一以护众一以旋刺而腰刀又随身可用则用也次鎗手四人傍牌而行避身牌后亦各兼带镖鎗一枝次又或弓或弩或铙者共三人藏身于鎗手之后居中立者其面向前左右立者以背相向临敌则先发弓弩铙贼近则牌手竿子手所执飞镖齐发镖发则牌手与弓弩鎗铙等兵乘势并进长短相间彼此相防斯能有胜

叅将戚继光云今之军士设使平日所习所学的号令营艺都是照临阵的一般及至临阵就以平日所习者用之则是操一日必有一日之效一件熟便得一件之利奈今所学所习通是一个虚套其临阵的真法真令真营真艺原无一字相合及其临阵又出一番新法令却与平日耳目闻见无一相同如此就操一千年便有何用且如各色器技营阵杀人的勾当岂是好看的今之阅者看武艺但要周旋左右满片花草看营阵但视戲局套数谁曾考问操法也是此花法胜而对手工夫渐迷武艺之病也虚文张而真营却废制阵之病也司阅者可不端明双目以任习服之人为较量之衡耶又云操兵之道不独执旗走阵于場肆虽闲居坐睡嬉戲亦操也善操兵者必使其气性活泼或逸而沉之或劳而息之或相其意态察其动静而樽节之故操手足号令易而操心性气难使其气性活泼又须收其心秉畏兢业又有操之似者最为操之害何则譟哗散野似活泼懈苦不振似兢业为将者知此可以语韬铃之秘矣夫好生恶死恒人之情也欲使人乐死而恶生是拂人之情矣盖必有生道存乎其间故所谓恩赏者不独金帛之谓虽一言一动亦可以为恩所谓威罚者不独刑杖之谓虽一语一默亦可以为威操之于場肆者筌蹄也而兵虽静处间阎亦谓之操乃真操也此圣贤之精防儒者之能事

鎮抚蔡汝兰云兵犹食也欲谈兵请先论食夫歲大饥宜告余少服宜艺畝一年积则余可弗告何也足于已无待于人也客兵犹告余土著犹艺畝其說甚易明晓也夫燕云之兵以骑射骁雄夺敌气临淄之兵古称进如锋火战如雷霆尤善长鎗而勇于公战故募兵者必以为首谈下此则狼苗诸部以楯弩防突寇而于冲坚长驱之雄或歉焉盖以东南诸郡久安忘兵血刃之惨闻见未及若或海警少扬民将移避不遑有司莫之奈何而募兵之說行焉故不得不贍其犒赏以招来之不得不寬其约束以羈縻之不得不厚其赏赉以激劝之若或警息而遣之惧其春汛之复至也如之何则可夫所重于客兵者为其各有长技也岂夫人之所难能哉是惟弗之习耳苟习焉则东南之众是亦云淄狼苗矣愚敢曰募兵战不若募兵教今宜于客兵之中精选其技艺之尤者各数人厚其粮饷用以训练骑射长鎗甲楯弓弩分部习学一教

十教百教千教万日省月试务肖其真而已由是则艺精气壮而东南之众要皆云溜狼苗矣如是则五月之内万金之费可壮东南之干城絶倭奴之窥伺滋万姓之脂膏而百世无疆之福由此其造基何也以土产之食养土著之兵以土著之兵御土地之患兵不加多而民皆乐业矣此土著之愈于客兵而募战之不若募教幸较量而取舍之太仓生员毛希秉云盐徒海盗水寇也而我军操练于陆不习海势素怯沙民以其所短攻其所长蔑不败矣朝廷知其然特勅兵备道尊重水战议者谓宜造多櫓机发巨舰巡捕巡盐官督令于海洋沙塲险要去处上下巡视專习水战之法此练军之法也

又云军之克敌者在器兵不完利与空手同射不中的与无矢同海贼之器械惟任短兵我军足以制之者火器弓弩也然善射者寡乞仿种世衡教射之法悬银钱

于百步之外不中者宜罚【阙】而受责三胜者得银钱又当令其三六九日衍习如镇江防手然每下操之日为数十偶使各官分临之庶不费时日而官军可善射其他应用器械鎗棍弩铳皆以是法校之数月而军成矣此精技之法也

御史徐栻云闻兵形象水水因地而制流兵因敌而制胜古兵法也今贼常态每以三五星散诱致我军发伏取胜此惯用奇兵也手挥双刀中者立毙此惯用短兵也胜奇兵者必以正兵胜短兵者必以长兵明部分正约束远斥堠行如战战如守是为正兵强弓劲弩射疏及远是为长兵以史思明善野战遊兵及于石桥而李光弼治军严整当桥而进贼不敢犯近闻官军过安亭鸟惊鱼散无复队伍将士相离远者数里贼若掩袭邀击将可擒也兹岂所谓行如战耶赵充国渡湟使壮士衔枚先渡立营已定引军潜济慎密如此是以羌零之轻狡不减倭夷而终以万全去年官军出刘家河者轻率赴敌被贼伏兵自芦苇小港中突出冲断首尾我兵大败而将仅以身免兹岂所谓战如守耶自此一败贼益轻我为害愈炽盖既不能用奇而又自弃其正是以百战百败所向丧气甚非长筭也今欲习用正兵先须定十五之法自伍人为伍以上通相连属以至于将皆如身臂相使首尾相应虽极仓皇不轻相舍而又营寨严整号令明肃动止不乱则贼虽变诈安能挠我纵未即胜敌而我先为不可胜矣此正兵之法也多置毒药弓弩聚集善射勿与短兵相接而常殪诸百步之外此长兵之用也前时我军不能自立无暇乘贼之间今我军坚无隙可乘而贼跳梁既久势必衰沮若觐得其实鼓众突入乘机掩击立可擒灭此又正能生奇之妙用也故兵法曰奇正皆得则国之辅夫击虏以殄灭为期岂可犯危险而取必旦夕凡此皆所谓致人而不致于人或亦坐得必胜之道欤至于因势利导随时变化则存乎良将之善用而兵未可以遥度也

闽县知县仇俊卿云冗兵之费徒糜膏脂自古兵法贵精不贵多所以冗兵当汰法曰兵无选锋曰此在将兵者当练习于平时择用于临事可也虽然羸稚为饵兵亦可诱敌制胜犹上驷中驷下驷例也其最不可用者召募之客兵借调之土兵人谓寇盗之害如风雨不留土兵之害歲月侵扰不若各乡照戶查起壮勇练为乡兵各有身家地方之念逃亡有里戶可以拘追橫肆犹法制可以制御昔于肃愍团练疏有云兵无不精则国威自振而寇盗自平此尤今时之急务

练乡兵附

近日虚谈兵事者动以阳明先生保甲之法为言殊不知此法止为安新附之民御鼠窃之盗耳自古及今未闻以此制御夷狄也若谓可制御夷狄则古圣帝明王贤臣良将当先为之矣岂待今日二三言事者倡为此说而后知哉我太祖以神武定天下斟酌百王典礼于军制尤留心焉若保甲可以资防御则不当设立若干卫所派处若干兵粮以累百姓矣谚云省钱易饱吃了还饥自古未有不暂费而能久安者况夫豪杰之士决不随人脚后跟假使保甲之法果为阳明先生御寇之防今日亦当更之不知此老当时擒宸濠平桶冈捣八寨只用保甲之人乎抑曾借用狼土等兵也世儒不考颠末妄言兵法真所谓恣虚谈而貽实祸也岂不悲哉海道副使谭纶云乡兵之议盖起于先年调到客兵统驭非人所在搔扰百姓厌苦言官建议诏下有司训练土著之兵以省徵调之害此诚庙谟之至计东南地方之厚幸也然数年以来督责虽严明验未覩其故何居岂皆有司奉行之未至与盖缘前后议者止论练乡兵之概而未及养兵之详而境内土民又稍病加赋往往互防失指以为练乡兵则不费官帑不用民财不烦素养之劳坐收制胜之防且援引某县某乡曾掩杀一二残败之寇以为证据遂使良法美意窒碍难行有司百执事奉行无术反以虚文渐貽实患殊不知乡兵之名则一而其义有二有召募之乡兵有团保之乡兵召募之乡兵谓选其土著之骁健者为之系其名籍于官而又以将臣领之优其饷食明其步伍时其教训严其赏罚之条无事则作其投石超距之气有事则责以前击后之功是为素练之乡兵自其对官兵而言又谓之主兵兵之有实用者也至于团保之乡兵不过因其地方之远近人民之众寡使之自相团结谕以共保室家小警则虚张声势以幸其贼之不来大警则预行收敛免致受祸之太如是而已矣近年言官亦尝有见于此每每欲移徵调之费以养本省之兵今给事中何亦止因三省交论客兵之害而遂疏以申明之盖未尝议去本省召募之兵而别练乡兵责之裹粮効义为节省财用计也比者浙江议以全省之粮养本省之兵赋有常经兵有定制未尝与所疏相背且甫及三载屡奏奇効此即练乡兵之明徵也顾当时减省太过议额太狭故当羣倭大举入寇之时不免量调客兵以济一时之急若即以调兵之扰并罢召募之法不求建议者之本意而牵制于含糊不决之虚文以彼力穡之民尽为荷戈之众诚恐操练无素则为不教之民拣阅以时又有妨农之怨听其自食则人弗乐从给之官帑则所费滋大势既难行事多虚应失安攘之长防为东南之隐忧诚不知其可也且团保之法所以禁民为盗以备地方出没无常之咎耳至于制御夷狄古如秦汉唐宋今则九边两广皆借素养之兵而独于今日东南之事乃责之散处难合之民得乎为今之计不若以调客兵之粮增广主兵之额为之慎其委寄核其名实宽其文法而总论其成功将见不出全浙之间自多黑虎之士诚亦计之得者而又责成有司抚字凋残团集保伍平居则齐其心志临事则遥为声援庶几两利而俱存之可以有备而无患矣

足兵饷

兵部尚书胡世宁云六部之中户部尤重盖自祖宗开创以来百五十余年天下疆土田赋止是而内外用度比旧加数十倍虽岁常丰收犹且不足而况岁荒无徵其何能赡故必得通变有才之人理国如家者而后可济也今得吏部善用人户部善理财则民生自安盗贼不忧其起边境自足敌骑不患其侵兵部得无大事矣不幸二部有欠而盗贼蜂起边圉交侵不得已

而用兵犹赖吏部所用之人以领兵户部所蓄之财以贍军【此言兵部全仰给于吏户二部必户部得人而后边饷不忧其乏此探本之论也故首列之】

又云今边储最苦不足而足之道有三一曰广屯种夫屯种孰不欲广然每差官督劝不能增者急于起科得利也夫歲收不常而租有定额则开垦者利未得而害已随故人不肯开种今若查比北直 地方钦奉太宗皇帝圣防事理听令各屯原额抛荒及空闲地土不拘土客官民军舍尽力开垦永不起科则有利无害而人乐于兴种矣蓋所贵乎广种多收民间米谷价贱发银可籴则边储易足矣至于南方谪彼充军为民人犯宜责拘解当房真正家小到彼尽拨各武职员下作为伴当责之收管使为垦田而照名代出本处军伴操守则彼势难逃而人可渐多种可渐广矣今闻户部始议覆奏又查出永乐二年令各卫所屯田官员军余家人自愿耕种不拘顷畝任其开垦子粒自收不许比较及正统四年令大同宣府辽东陝西沿边空闲之处许官军户下人丁尽力耕种免纳子粒则臣前奏听其开垦亦不起科明是旧例可行有益边储而该部又欲两请或听开垦永不起科或候三年成熟徵粮则臣前所谓歲收不常而租有定额人不肯开种矣伏乞圣明俯念夫边方田荒歲久储蓄日无特如臣奏施行地方幸甚二曰兴盐利今天下生齿烦于国初数十倍食盐者众矣故今私盐盛行而官盐未尝不售其所谓私盐不禁能阻官盐者蓋袭旧时之說也故今宜于额外多开商中不限引数听其买补若势要占窝專利则每歲开中止将引目发边付巡抚都御史并管粮郎中听其就彼募商责限完粮而后填给违限不完者则转给他人其若都御史郎中召报容私致缓粮饷者听巡按叅究则自无此弊矣至于灶煎私盐宜于出塲总路设立關市守把止许卖与商人有引之人而本处军民愿买者亦须纳官得引始听如此则公私盐利皆归国用矣然又须低昂其权使输粟于边者量地遠近米价贵贱倍減其数而又得先掣纳银本处者随时旱涝盐价贵贱倍增其数而又与迟掣则商人益劝于输边灶丁益利于煎鬻军民得易于食盐而巡逻之卒可減盐徒意外之祸可弭其为上下之利盖不一而足也三曰预收籴每常边粮不肯趣贱预买及临用兵发银贵籴且逼人强卖公私劳费不貲今宜妙选各边管粮部官责其月报米价贵贱歲报田收厚薄如年丰米贱之时那借官银数十万两到彼多籴米谷贮仓或计今年所籴可穀后二三年之用宜即扣后二三年该给粮银于他边米贱处所籴之或查应解边粮地方时价米贵则量令折银解边备籴如此通融计处务使遠近官民皆便而边粮易于措积盖亦济变通融之法也但其籴粮全在官司立法简便革 严明不许減价措勒难收以致靠损屯农方可常籴臣闻今歲辽东米价甚贱但发一歲之银可籴二歲之用而二年免发其次宣大米尚可籴亦宜差官发银到彼预籴米谷以备客兵添兵之用惟若延缓宁夏每银一两止可籴米五七斗甘肃每银一两止可籴米二三斗然闻其地缺乏尤甚军士不可枵腹而战亦宜户部差官赍银到彼多方设法于有米地方贵籴雇运转搬至彼以救其危急可矣

又云昔我成祖皇帝之供边悉以盐利其制盐一引输边粟二斗五升是故富商大贾悉于三边自出财力自招遊民自垦边地自艺菽粟自筑塹台自立堡伍歲时屡丰菽粟屡盈至天顺成化年间遂变其法凡商人引盐悉输银于户部商贾耕稼积粟无用遂撒业而归塹台遂日頽坏堡伍遂日崩拆防民遂日离散边地遂日荒芜戎虏入寇一遭兵创生齿日遂凋落地方日遂困敝然则安边足用之长防莫善于太宗皇帝之盐法矣

【此言中盐大利于边储乃为北边而发若在海防则于辽阳为切】

在京各衙门防议云各处名山香钱缺官俸银川广盐银广东税银大造黄册过割地畝银俱可取用至于税契银率多侵隱亦可查取徭编银再可借解天下各司府州县 罚纸价自嘉靖三十五年为始一毫不许别用暂解军门听用其出入务赴巡按衙门挂号查考又各屯田暂纳折银数年且不为例其该纳银六钱七八钱者即使徵收五钱南京应支月粮大约每石俱三钱岂不五分中尚得余利之二以充军饷也及湖广荆州府则云南川贵百货所由之路防州府亦当入蜀咽喉江西湖广二省茶货经此达于西番欲要于荆州照依九江北新关事例添设钞关一所量税舟船并 其住卖之货防州责令抚按防同委廉官从公摧解又各省府州县预备仓谷酌量时价量余其半解赴军门又江西福建等处均徭已提编一年但皆十年一役尚可再提一次其余他处五年一役或三四年量为通减又将巡监御史黄国用奏准工本盐银二十余万量留借发总督处斟酌支用事宁照旧议解户部以济西北又御史徐敦题称东南之民方困而派常赋之外海防未已而继之以提编均徭提编未已而又加以民兵工食臣愚以为军需必不可缺而民困尤所当苏非仰借官帑量为给发隣近诸省通融协济恐终无以自贍其东南近日之科派速为议革止令雇募民兵则民不重困于诛求之苦官不牵制于出纳之难蒙赏者益思报效而穷蹙者少延残喘臣等防议得用兵以钱粮为本钱谷衣甲器械船只不备赏犒不充威权不着士不用命虽韩白不能成功但东南自嘉靖三十二年兴师以来劳费不备致厯宵旰之忧者凡以为生民也今本处烧劫仅存之民常赋之外海防银两未已而复继之以提编均徭提编未已而复继之以民兵工食百姓嗷嗷诚有如御史徐敦所陈而提编一节通行数省编及小民不得安生者半天之下至于各省预备仓谷亦当积贮以备不测饥荒防商税银恐亦无几俱难轻议查得应天巡抚奏留嘉靖三十五年起运银四十四万余两奉防钱粮着户部议处来说候覆间今徐敦复请于两浙歲运之数量留二三十万彼岂不念国家京边重务所需哉盖济东南目前之急正所以为国家悠久之计也合无从户部酌量定数存留若干以给军门再于两淮运司议处工本盐银二十万内借用一半至于各山香银各关钞银缺官俸银川广盐银通听总督移文各该抚按查取不许留难此外又有开纳一节尤为可行合无查照工部开纳事例兵部应给空头割付一千张咨送总督收置军门许令军民照例上纳有愿报效者一体收用其余挂号稽察事宜悉如都给事中丘预达等所议施行及据各官所陈專官管理一节已经本部题奉钦依咨行总督选委布政司官一员專司出纳无容别议合用钱粮各有头项大率民兵工食除今年在于已徵提编银内取给以后年分各府州县比照原额工食量加一倍通计实数各照丁田多寡量为轻重派徵申呈抚按刊印书册颁布晓諭不许数外多派重困小民士夫之家随例应优免之外一体均派收贮官库按季给发沙兵工食听督抚官酌量于浙直二省不经倭患府分坐派徵解听按察司官以时给发其一应见在地方主客兵行粮及赏犒修造船只置造器械等项俱许于军门吊取并奏留银两数内支用通要造册开注出纳明白以凭巡按御史稽查

都御史唐顺之云东南水陆兵粮往往有缺至三四月不给者军士万里捐生日望升数之米而已而又不时给之生心讟语亦何足怪此有故矣浙江军饷银四十七万两江南五十余万两江北一十六万两其初皆募兵而赋民原无赢余若民间拖十数两则缺却一军之食万军不能一军空腹而万两不能株两无欠加之民赋有灾伤减免而军饷无赢余处补宜其不能

准给而生怨讟也古者军兴之费不尽仰于民务取之山泽鼓铸筦 商贾之利故前史称不加赋而用足今民间拮据已尽无可处补而军门亦无所谓山泽筦防之利稍可处者惟有盐法而已试举一端如前时浙江巡盐鄢懋卿小票事例歲亦可得银数万此皆不取之国与商而坐收赢利者也合无勅下戸部转行督抚等官防同淮浙巡盐御史委曲计议多方区处但使江北江南浙江每处得七八万两民赋若足则别储之一有蠲免即以处补此亦国民两便之防也圣明轸念东南兵荒万状艰苦勅下工部查得大工银两渐罄乞渐将嘉靖三十九年浙直两处 罚照数解与军门听其处补兵饷以后年分自行解京如故此外山泽筦防之利有可兴者听军门从宜区处再照供给军饷系有司职掌有司往往视为不干已事始则催徵不力继则给发不时堕悞军机多由于此此后若有仍前怠玩者自布政总司管粮道及知府以下听督抚诸臣从重叅劾治罪庶几有司各知干已不敢误事

【此言处兵饷之法莫如盐利其次则山泽筦防与 罚银而加赋为不可行】

又云沿海卫所旧皆屯田今埋没过半而图册故存宜按图照册尽数查出办纳屯粮及金塘玉环诸山膏腴几万顷皆古来民居之处今可垦为屯田设所戍守一以据险一以固粮此一事与臣所谓足军食者相关旧制当复者三也

【此言清理屯粮开垦海中附近山田可足兵饷】

御史曹光等题欲将巡盐御史黄国用奏准工本盐银二十余万量留借用一半发两浙巡抚一半发苏松巡抚或俱发总督处斟酌支用以济海防事宁照旧解戸部以济西北

【此言盐银可借以充兵饷与唐荆川之见同】

防略云尝思今日坐困之术莫有过于兵多者方其兵之初调县县传送道里之费不可胜言也所过掳掠其扰害之患不可胜言也至则家给而户养之供饷甚烦而掳掠不息其费又不可胜言也今议者不思兵多之费而忧财之乏此所谓舛也因其乏而议加赋益财此又舛之舛者也昔先零之役当其兵集耿中丞采四十万谷而不足及充国罢骑兵般师不费斗谷而羗平人皆知充国屯田之兴利而不知般师之省费也故调兵一而为练兵之费百调兵一而当土著之兵其费十调益简则费益省以其所费者而练兵何弗强也以其所省者而充费何弗贍也此其不加益而足财之道也

【此言加赋以调兵不如减兵以省费】

海道副使谭纶云足食如行钱法抽寺田广开垦查民壮弓兵募银复卫所额粮甚有所济且行之可久又云钱法行则公私皆利或谓费银铸钱而利苦不多何便于官曰即使费银一两铸钱亦止值一两可也今天下苦于困乏只因银少钱法行铜皆银矣矧铜鑛所出并收民间铜而铸之必本省而利溥矣谓之无利吾不信也

【此言钱法行则财用足诚可为兵饷之一助自来无人及此而今日所当急行者也】

又云调兵之法万非得已募兵之法亦难久行惟是复祖宗之旧酌时措之宜使军伍不虚粮有定额民壮弓兵名名得其实用不以许多钱粮置诸无用之地庶几足食足兵之长防也

知府严中云国初每郡扣除养军若干官吏师生俸禄若干然后定起运之额故军伍缺下口粮谓之羨余积于布政司或谓此项已属于户部作边储之用愚谓不然嘉靖某年户部偶缺用奏取各省羨余浙江遂以军余银若干缺官俸余银若干并别项空闲银两共几十万解去不闻以此为据以增纳运而常年照数解京也设使一年做例歲以为常而不存积于布政司昔傅应嘉巡按浙江募民补卫所军额其月粮何所支乎自户部取用以后卫所军额岁减一歲布政司果尝歲歲奏解乎愚恐羨余之银有解部别用者有未尝解部而仍存本省者须细查之以为补军额之用可也

举人王文禄云东南之财甲天下之财财之藪也寇乱三年将告匱矣当以天下之财济之可也革侵渔之弊各名山之香钱可取也革借关之 各驿传之供给可取也国初军制之数即食粮之数国初军多而粮无不足今军少而粮不见余须责督储之司查而取之可也各省缺官之俸折钞之银取之可也冗食之官奢靡之费汰之可也仿周礼束矢钧金之法凡豪右贪残之讼罚而取之可也

【此言足兵饷之法有六】

苏州生员沈拭云当今钱货民皆私铸致坏钱法物价不平利归于下宜奏闻朝廷南直 及浙福湖广等处官自为铸所铸钱文一以嘉靖通宝每钱七百准银一两非此不行则利归于官钱法不乱而军需有助矣兵部尚书胡世宁云秋成地方素无积蓄者宜出告示晓谕军民不许将米谷浪费及因而棗出外境其若本处军民得过之家收积米谷在家待价棗卖以图利息者听从其便在城人家有能收积稻谷一千石米五百石以上者即系听教良民本府凡事量加优恤乡民屯军人等今后务要掘塘积水趁时勤耕以务多收米谷秋成之后如果谷贱伤农凡民间应纳差银粮价及赎罪等项俱许依时增价折纳稻谷本府另借余谷银两申禀上司代其纳官

又云今虽秋成贫民缺用必将米谷贱棗出境以后再难收回公私积蓄皆空倘遇荒盗乡市军民束手待毙予欲将府库原收义民僧行及积米纸价等银尽数余在仓中遇荒赈棗遇兵给饷庶不有悞及照常时散银余米多被奸豪诬领或库吏称散乘机剋落似此领银无实余谷难完今照所属州县人民该徵均徭等银将谷贱棗煎销上纳未免耗折今欲就将余谷银两扣收在官抵作民间该纳官银或秋粮折色米价银两陆续支解却令该纳前银人户每两照依时价纳谷若干在仓庶免彼此出纳侵分耗折之

【此二条皆胡公世宁江右作郡时所行沿海守令宜式之以为备倭之计】

都御史章焕云师行粮从有糗粮有糗糒刁斗自随樵苏自给强者主战弱者主防此军中之制也今或临阵而未食或食至而不均或师行境外而食具城中设欲晨炊蓐食卷甲疾趋何以应之事机尽泄士忿不平此养兵之制未定者一也

【此言行兵乏食之】

主事唐枢云凡军行若随路关支口粮候到唱名给散昼则担阁行期夜及二三更才得睡息若先给与盘纏静路行时不便买办不无受饥之病北方行军每每有此必须先立从长良法庶克有济

【此言给行粮不得其法之苦】

兵部尚书王守仁云沿途该用廩给口粮等项合计算总支应庶免阻滞及省偏州下邑之扰为此牌行布政司官将官舍头目人等合用廩给口粮等项查取见在确数计算经过州县若干每驿该银若干就于军饷银内支给其各州县止是应付人夫再不许别项科派于民

【此言总支廩给口粮乃关行粮之法也録此以为式】

兵部尚书王守仁云近因思田二府攘乱该前总镇等官奏调三省汉土官军兵快人等前来南宁府屯住防守军民大小男不得耕女不得织而湖兵安歇之家骚扰尤甚今虽地方平靖湖兵已回然疮痍未起困苦未苏况自三月以来天道亢旱种未入土民多缺食诚可悯念已经遍查停歇湖兵之家开报相应量行赈给为此牌仰同知史立诚即将十名以上七十一家各给米二石盐鱼二十觔五名以上三百五十六家各给米一石三斗咸鱼十三觔五名以下四百五十四家各给米一石咸鱼十觔就于该府军饷米肉内支給开报其余大小军民之家谕以本院心虽无穷而钱粮有限各宜安心生理勤俭立家毋纵骄奢毋习防惰比之丰亨豫大之日虽不足而方之兵戈扰攘之时则有余矣

【此言歇兵之家所宜优恤阳明王公已行之仁政也录之以为式】

御史徐栻云闻兵行粮从食者民之命尤兵之至要也古将如赵充国诸葛亮之用师皆先为足食计然后言用兵耳若驱枵腹之众以荷戈御敌其不能格可必也近者海上南沙失事只因犒饷觖望沙民邳兵未协故锋未交而识者已知其必挫矣且闻总兵等官跟随亲兵每名止日给米一二升尚未得一饱而求其冒波涛婴锋鏑乐为用命不亦难乎然东南民力之竭已非一日而库藏积贮又多已解给边储公私匮乏俱难措处然则军前之需其可不预为之备哉设更拘以常格动辄齟齬亦未见其能济缓急也伏乞勅下该部议行海防巡抚都御史各将府州县在官钱粮不拘寄库正库无碍等项官银通行查出酌量听解以备行军赏给或遇 急之际动支未敷仍许巡抚权宜行事将起解钱粮暂借军前应用一面题请事宁处补务要严督监守官毋得放支冒滥以滋冗费有司官毋得分毫科派以病疲民管领官毋得出入剋剥而无实惠访有此等悉从抚按官拏问叅究如此庶军储有备无患而将士可坐而防

矣伏惟圣裁

又云积贮者天下之大命也盖民命以食为天积贮之法在平时且不可废况夫兵荒之后其可不汲汲焉讲图之哉臣尝见国计取给东南者甚厚故天下惟东南民力最竭而东南之民又惟农最苦也未遭寇乱之先每以赋役繁重视田产如贅疣思欲脱去而为逃亡者大半矧今白刃在前窜伏不暇田地抛荒居十九矣所种者又苦久旱难望有秋将来谷必愈少而农民益困明年田地必尽荒芜不惟边饷可忧虽欲支持本地恐未克济且冬既无处可巢夏又无处可采民之弱者必馁死强者必羣聚为盗如之何而不预为之所也臣熟思之窃有一事其行甚易其效颇多即仿古常平仓之意为之欲俟秋收之后苟有所入或于他处成熟地方即行府州县动支官银采米比市价二十分内稍增一分招民自运入城贮之空仓不足则寄贮之空寺院待明年夏米乏时则比市价十分之内稍减一分巢之不拘城内外皆得采食専委廉官一员司其出入只此一事其利有七米价不壅农人不伤其利一也城中充实胆壮百倍其利二也粟多入城默寓清野之意寇从焚掠所失亦少其利三也米价常平饥民得食不驱为盗其利四也耕种无资稍给与之秋收可望新陈相接谋食之源不絶其利五也十分灾伤则开仓赈散民命可全其利六也冬米必贱夏米必贵增价犹贱减价犹贵羨入亦多其利七也此事倘有可行乞勅抚按转行各该府州县用心议行今惟苏松杭嘉淮扬被害等处尚可求三年之艾其未被倭地方若早为之均属有益夫既有战士捍卫于外使田者得于耕又积谷预备使民有所恃赖将来田辟谷丰所以足国裕民者在是矣以之安内攘外复何求而不获哉

丹阳邵芳云善耕者无穷民善治者无穷国又曰善战者无穷如天地不竭如江河钱谷甲兵皆一意也故善耕者必数歲易种水旱易耨天时有穷而人事无穷善战者奇正叠出强弱叠形客情有尽而主谋无尽善治者亦然彼钱钞皮币金刀之类无不可行者顾上之人何如耳若必于所穷之中而求所以济其穷如絶袖补领割襟补裾惟见其愈穷矣

都御史唐顺之云东南事体絶与西北诸边不同西北诸边虽是兵财殫弱而成法具在储粮畜兵歲有画一只是废坠不举耳若东南事体一则以海寇猝起事属于草创一则以连年被寇力尽于支吾取办一切未虑经久其大者臂指相使之体统未明唇齿应援之机宜莫办至如浙直所募之兵则朝南而暮北有今日在浙江应募明日在淮 应募者如暂时顾倩之人主人不得而有之又安得而用之军需则移东以补西一年之财只穀半年支用无名之费百出于民而军人告缺四月五月缺粮者往往而是大率昔人所谓不终歲之计祖宗时备倭规制沿海屯田水寨诸法漫然无迹可考矣故西北诸边莫急于振旧废东南海备莫急于定新规此其大较也

清屯种

兵部尚书胡世宁云自古屯田为足食足兵之上防国初各卫皆有屯田军以十分为率七分守城三分屯种是即唐初府兵营田之制盖万世之良法也何虑兵食之不足也今腹里各卫三分之田多有军先抛荒年遠迷失而民垦纳粮者矣若欲一一清夺还军非惟失利而且失

民不为有益独念今天下军户消亡殆半间有存者每年清勾户丁随解随逃劳费百端不得军用无计可处议者谓宜上体祖宗置卫立屯之意远推古人寓兵于农之法通制各卫军士各令有田一分其数江北一顷江南半顷如江北一卫额军五千名必须制田五千顷江南半之先尽原额屯田次清寺观间田及抄没罪人之田其有不足则设法开垦荒田再不足则措银收买民田如宋时役田之制务穀额数分与各军听其有力者自种无力或不便者召佃收租然必量其所入如古上农夫可食九人之数平时操守止令自食必有征差方给行粮其卫所缺军之处则分舍余军余或募民或罚有罪以补之盖彼既有田必皆乐从而逃者少矣此于边卫京卫或不能尽行而腹里卫分必皆可行所省养军之粮岁数百万矣由是论之边方之地必先有人而后田可屯是不患无田而患无人也腹里之地必先有田而后军可募是不患无军而患无田也其轻重所主各有在矣

巡抚都御史彭操江都御史史巡按御史孙巡江御史汪防议处屯军一名拨田二十畝输粮六石五斗余听本军食用兵农合一国家无养兵之费耕守相兼沿海有屯戍之实奈何军士逃亡甚多海防空虚殆甚屯田在边而屯军却居城郭军人领种而佃种又属民人凡把港守寨之差皆老羸贫弱之卒遂致倭寇侵扰屯田荒芜兵备道亲诣各屯踏勘查理务使军不离屯屯不离海则屯种者皆系军实把隘者尽属屯丁于且耕且守之中寓足食足兵之法

工部尚书马坤等题欲通行南北直 并各省清查屯田许其暂纳折银数年且不为例【云见足兵饷条云】以充军饷也

都御史唐顺之云沿海卫所旧皆屯田今埋没过半【云见足兵饷条云】旧制之当复者三也

【此言清理屯粮开垦海中附近山田可足兵饷也】

海道副使谭纶云国初屯田之制军在海滨而田在内地召民佃种本未尽善向来多为大家所占亦有军贫而转典者若清查复旧大为兵饷之助

知府严中云国朝屯田之制北方与南方不同南方与中州亦不同北边之屯田重在盐法兼重马政而行之也中州之屯田専重马政而行之也浙直之屯田则以屯军籽粒供造运船之用有余者充补月粮福建则又不然其省屯田至多不若浙直之少故専设一屯田僉事敛之与浙江水利道带管不同大抵屯种之军不守城不上操清查其 于军饷大为有助

太仓生员毛希秉云崇明田若干粮若干 海若干实徵若干升合不起运而官吏师生守御官军俸粮犹未能给每数年大盗一兴动费钱粮数万沿海州县居民刼烧之害又不可以数计然则国家何利哉太镇二卫之设本为崇明盗贼何故缓急未得其用乞于南沙平洋沙增设守御所修古土着屯田法庶有实效若仍旧春秋二班交代惟虚应故事其势安能久乎盖旧制崇明守御所之外又有太仓中所八百户镇海前后所三百户在于崇明潭子港备倭后因 海改拨刘家河把港既而太仓沙指挥具呈空闲人数取补上班今申明旧制改设南沙

守御孰曰不宜或曰边方卫所该守御腹里卫所该运粮今太镇二卫切近海洋每有盐盗倭寇生发乃坐运船三百艘运军三千名有一缓急兵不足用合无议将太镇金山运船该派腹里卫分即以无额运军定拟南沙等处守御又曰屯田之设本备军储今屯军在太仓而屯田乃在常熟嘉定昆山等县且屯田零坐各区各圩其势安能耕种未免转佃居民而屯军坐食不差有名无实莫若通变宜民择沙上常稔不田与守御军屯种以旧屯军田易银与沙民别置田产实为两便此防果行则凡旱寨水寨把港官此实百世之计也

【此言屯田与卫所隔别之弊即太仓一处观之其余可以例推矣】

闽县知县仇俊卿云征调战攻之日官军行粮口粮照日给发不暇计费若夫敌退盗去之后兵火少息之时各处要冲添设把守员役使其聚之而食则仓廩积蓄莫非小民脂膏何可继也合无仿渭上湟中故事将沿海空闲地土督令开耕不起科徭且屯且守一年之后人将自食其力不惟省养兵之费抑且行寓兵之法时至则务农事去则习武贫而壮者得田可耕未有不愿为兵而又可减招募之虚糜者数千万缗矣昔户科给事中林士元等奏将抛荒屯田不拘军民僧道之家听其各择所便开耕不许屯官分外科扰夫僧道尚许承佃屯田今于长守之戍顾不可听其开耕空闲土田者耶

汰冗食

兵部尚书杨博题云国家养育边军极其优厚故居则有月粮出则有行粮寒则有冬衣布花至于获功则又有重大陞赏无非欲得其精健以为敌忾之地耳乃今老弱叅杂所养非其所用逃亡捏冒有名而无其实近户部题称督抚诸臣之奏求应援则曰军马寡弱逃亡过半请粮饷则曰兵马众多供亿不支观此则坐食民力者岂皆投石超距荷戈殲之夫未必无老弱疲癯之士与夫缺伍寄名之人也自今合行督抚诸臣各选风力守巡兵备官员亲歷各该城堡将见在兵马逐一查验精壮者照旧存留老弱不堪者尽行沙汰户内果有壮丁准与收补其军士逃亡即行开除如敢仍前作以蠹边储听各该巡按御史查叅究治

【此言兵饷原有定额冒滥冗食者众则虚耗正数矣向来论足饷者多方设法甚至加赋不思此弊不正所处岂足以偿所耗乎徙古圣贤论理财亦只二法曰生财之原曰节财之流此即节财之义也】

慎募调

兵部尚书杨博题云今之用兵大率有三曰练曰募曰调调遣之举本非得已蓋缘本地兵力寡少遇有重大声息不能不调若使哨探明酌慎于微调不惟刍粮一无虚费亦且战守均为有益但迩来边臣多事张皇偶有小警辄行请调恣目前侵冒之奸为日后掩饰之计相应通行申飭督抚等官各将兵马严加操练务致精强遇有警报相机堵截不许辄张虚声妄议调遣果有大举之信径自斟酌量行调援亦不得因而借口反悞军机如或不念国计计处失宜听各该纪功巡按御史叅奏重治又须遵奉明防务以团练土兵为主如果目下不堪战守早

为计议某处某兵可调某处某兵可募应径行者径自酌行应具奏者以次具奏俟主兵练成即为停罢

【此条虽言募调当慎若能遵行可以汰冗食亦足兵饷之一助】

又题云今日之事不难于御寇而难于驭兵不难于足兵而难于足食故建议者每以罢客兵为说但各省投募之兵多有防民叅杂其间官司未得其用地方反罹其殃亟当计处合咨河南山东湖广广西等处巡抚都御史将本处防民严加禁约不许出外务令各安本等生理如无招募明文私自出境投兵者即将家属收禁里隣坐罪仍刊刻告示通行晓谕庶投兵之风少息地方之患不滋矣

【此议与都御史翁公大立所奏暗相合】

都御史唐顺之云自倭患以来东南军制最为不定盖以济变未虑经久梟猾之徒方应募于江北忽应募于浙东方以得募价而留忽以满募限而去譬如借倩之人主人不得而羁之安得而练之至于远方无赖托名土兵报効希图掳掠羣然麇至在此不由军门之徵调在彼不由督抚之遣发坐费粮饷骚扰地方是以人人争言调募不便而以练土兵为说夫土兵之练诚是也然土兵之数不足安得不募募兵不足以当贼锋之锐安得不调如前时王江泾数千倭子乘胜西上非永保之兵力挫其锋则何所不至矣为今之计合以练兵为实事以募兵为权宜以调兵为寄道募兵则远募不如近募调兵则多调不如少调募兵先尽本地方骁锐若浙江处兵江南沙兵之类其远方骁锐应募者亦须土人保任优其募价什伍联束而岁番上之不得自去自来如往时则募兵亦土兵也总督军门岁调麻兵立为定额直几千浙江防千专为冲锋之用听川湖军门精选发遣以宪司一员监督前来有不能冲锋及骚扰地方者罪及监督则调兵可以制其毒而得其用也俟土兵训练有成然后募调俱罢

【此总论募兵调兵练土兵之法字字当深玩味遵而行之若人先观乎此而后读诸公议论或以募调为上防或以募调为下防自觉其颇僻而无定识矣】

募客兵

兵部尚书张时彻云闽广诸兵其长技故智利在水者可习而知而吾苍山下八山之人熟闽广之技者亦非少也以一教十以十教百以百教千事在反掌而有勇知方是在上之人使之者何如耳夫吴越之人以舟楫代舆马以江海为坦途伍员对阖闾以舟军之教比陆军之法大翼当陆军之车小翼者当轻车突冒者当冲车楼船者当行楼车走舸者当轻走骠骑况今日之边防恃舟师为长技以火攻为要术乎

【此言闽广水兵不必募】

又云军既销弱勢不得不募客兵矧今募兵他省动越数千里徵发仅千百人未及至而已损

官帑民需不訾矣况至者未必皆精以之赴鬪往往贪饵致败恐官府之诘之也既又弃戈而走所过道路率又逞其狼豕贪残之性白日剽掠昏夜则污渎妇女一或捍拒则露刃而哗杀人无忌故谚曰宁遇倭贼毋遇客兵遇倭犹可避遇兵不得生由此而观客兵有害无益明矣况使之久居内地间熟道路习知土风民俗之事必有不战自焚之祸如元末苗帅杨完者流毒吴楚盖可鉴也

【此言募客兵有损无益】

主事黄元防云客兵有二有调而至者有募而至者调而至者统领有官籍贯有的用则割之至有不用则割之归即无事矣募而至者乌合无统领之素萍聚无籍贯之真况多游手好闲无借恶少安知不恃其武习反卫为仇啸聚山谷党附海岛皆不难矣

【此言募兵不如调兵】

都御史章焕云所募之兵须程其技力而籍其家室守法者厚恤其私犯令而逃者有孥戮之禁至于鰥旷游民给其田庐与之配偶则可以紮其归念臣见狼军每有受防之心而山东恶少甘心從贼者利其掳掠之妇女也苟遂其愿则兵可募可久矣

又云分道募兵不择强弱不按名籍游手无赖草窃亡命悉入彀中及至而茫无统纪聚散无稽多寡不问虚糜廩饩豢养无功故募而来来而去去而无兵则又复募府库罄竭道路驿骚终无实用此募兵之制未定者

【此二条言募兵无定必立法善驭乃妙】

予惟募兵之法但当于本处报选何也其家在是则所获工食便于归寄防春之暇便于归耕其人善恶便于保结召之则聚散之则归然须不限名数如收钱之法日积青蚨几文驯至一贯孰有勇力孰长技艺选其精能汰其懦怯夫然后募得其人也若四方泛募则是乌合之众无赖之徒招之甚易散之甚难今日之兵夫他日之盗贼也蓋离家久远财不得寄归淫酗赌博恒心亡矣一旦革之非刼夺何以生乎荆川云远募不如近募亦此意也

御史徐栻云客兵之爲地方害夫人而知之但方今之事正如病疽者急则治标以毒攻毒之时也特视制之者何如耳蓋狼兵其贪如狼土兵似之而性尤狡獪客兵中狼兵土兵尤甚一胜之后其气必愈骄猛无忌况左江田州之兵与右江南丹那地东兰三洲兵素不相睦散不相顾聚则仇杀虽有二游击白 邹继芳分辖之然其所见惮者瓦氏家法与该管土官头目若莫昆罗堂黄仁等而已土兵忌狼兵先进以攘其功狼兵忌土兵后至而挫其锐气态相戾功次相竞乌可于既胜之后而不知所以处之乎如欲一胜而撤去则海寇出没不常况其所素慑而见怯者特此兵耳兹久留而无制则其悍恣之性所过残扰村市为空是去倭之害一间矣为今之计臣愚以为处之有道焉将各兵分派各沿海府州县住割有司官为之崇其犒赏恤其劳苦以深结各该土官头目之欢心俾有所统属而不得肆又于本处应募民兵中择

其最骁勇者各照狼兵土兵法编为队伍结为营阵象其衣甲演其技艺习其劲捷随其动止饮食以一教十以十教百推而上之日渐月染若与俱化斯隱然示狼土兵之长技在我又足以分其势制其悍气而资吾实用积之月日两兵相为表里无分主客然后渐次查照发回以遠客兵之害省养兵之费其或制客兵之要乎

调客兵

都御史章焕题云今治倭者无他调兵而已臣愚以为非久计也少发之不足多发则用度不计久驻则老师废财暂驻则兵散而贼复入且众兵杂处争隙易生壮健久旷奸盜自起故客兵协守惟都城塞下可以居之主客相当有所忌也江南民弱客兵所为尪羸视之者也欲其不乱难矣姪妇女劫货物杀良民如是则客兵之乱与倭夷等前世调兵江南皆有明戒

又云调至土兵贼颇畏忌然亦犷悍难驯夫以苗攻倭犹以毒攻毒不可轻用亦不可久用者也是在上医国手剂量斟酌对病而攻病去即已今既无鼓舞之方复无调停之法事急则悬赏求之势缓则厌弃置之求之则易骄弃之则生怨此调兵之制未定者也

【此二条言客兵不当调】

兵部主事黄元恭云唐德宗借回纥以解围而遂基旋入之扰石敬瑭因契丹以取唐卒酿播迁之祸狼土蛮兵非我族类宁可引致心腹之地哉山东徐邳骑不习步四川广西崗不谙渠用其所短行其所疑则何赖焉且必重费以致之应募则有安家途则有食即营则劳来安插月给行赏计每主兵四五而贍一客兵然乌合无籍恋家寡情故逸使之易劳使之难悅使之从怒使之拂利使之来罪使之叛至其习见我之无内恃而專外借则遂骄恣横所过塞门以防其掳遣发议赏而后行重赏之格不自朝廷出幸胜必获赏而复进速劝之令不自主军军门出首级则僞良为贼冒从为主而不得覈之论功之典不自宪臣出败衄则弃营而逃以避诛再募则逃者重冒以趋利在营者原籍官司不得羈縻而阅实待之如此其厚也养之如此其骄也然汤克寬一試之而徐邳之卒败李逢时許国再試之而山东之卒败至于今永顺保靖麻阳酉阳瓦氏赖阳诸兵潰且散散而尽矣其效已明然犹甘心捐厚畜骄而无变计亦独何哉或曰知非防也然主兵训未就绪姑暫爲之噫予闻其言五年于兹矣此当事者无久任责成之重而为目的苟且之图试问月攘一鸡足与改易轍也欤哉

【此言客兵之害】

丹阳邵芳云练本地之兵但可为本处防守而已不能追勦大敌也欲追勦大敌须调客兵何也土兵习知地利顾恋桑梓故迭而练之可为常计若别省有事欲望邻省之民团作一处协力以拯之能乎不能乎且如往年徐海陈东辈领寇数万压境而来苏松杭嘉各自保不暇其能相顾而协勦乎故练土兵与调客兵不可偏废

【此言客兵必不当调之說为非】

御史邵惟中题请勅下该部转行督抚大臣从长计议如徵调客兵必责令大头目统领盖有大头目则所调客兵亦精而法令必行仍以监军等官控制之类造各兵年貌籍贯文册照其实数给以粮饷解赴军门照册查防犒赏报効立功果有功次速行奏请陞赏如有退缩即以军法处治其逃归者行彼处巡按提问

【此言客兵即用原统将官领以听调甚善但欲分配截杀而不用原统官领战不惟原统官无责任而不用心精选其领战者亦于军士不相识难制驭矣恐须始终归其权于一人则可】

南京工部尚书马坤等题欲要总督大臣查见在各地客兵如无亲管之官领率者即便转行各省总督抚按坐名查取稍加优厚申送前来如无土官总领照用兵务本管官舍前来督领督领之官中途逃回如某人辈仍须备行总督及抚按衙门查照律中法例一体查究及称调兵必须精择其可用与经战者少仿古人分兵之法如一省调兵一千则令出兵地方大约可出几千总其大数互相裒益如十中择其一则一歲十丁之族始出一兵也百中择其一则一歲百丁之族始出一兵也数千中择其一则一歲数千丁之族始出一兵也【此言调兵之法当计里坐派是诚一见也以愚论之客兵之所以不堪用者止因调至之后不用原统来官领战责任既轻必不用心精选故也若委知兵宪臣与其头目统来就用之以督战功罪所系彼岂肯带狼狽之兵自误乎】

都御史章焕云踐更以示其信处置以服其心以诸边节制之兵为之準调到狼土之兵为之辅夫边兵矩度素闲可以消狼苗之逸志狼苗有变而边兵之强足以制之夫药有相佐亦有相制惟兵亦然则可调可用也裕州知州王宇云按边兵习惯苦寒日夜备御不宁寢食以为兵戍皆然一旦调至南方见苏杭富饶逸乐武备废弛不惟歆美而不甘抑且玩侮而无忌我祖宗立法止是原调用于北边自正德间议者不深顾念调擒刘七及江西之寇边兵遂骄边患遂啓难于收拾今欲更调之以备倭后患有叵测者湖兵歛兵之当虑也亦然故调客兵不如不调或曰乡兵仅可各守一方调往他处不能也捍御大敌不能也不调客兵何以支倭防之大举乎曰春秋之齐国尝受晋楚之师晋师中岂无边兵乎楚师中岂无土兵乎不闻齐借何地之兵以御之也若必欲以夷攻夷齐师中夷何在乎大抵兵之强弱惟系得人与不得人齐桓公用一管仲行内政寓军令之法遂霸天下今若有人能仿其义于保甲法中抽选且如每甲中一家出丁九家不出丁者出银津贴则不患于无兵与无饷矣就其中更选一班精锐專一听调谓之遊兵如此岂不攻守皆有备乎

副使王春泽云今之议者皆谓补足军伍可以御倭愚谓今之军伍多羸弱不堪上随之人所募勇夫凭吾选择人人精壮可用若移足军伍之费而费于募勇敢为益不既多乎但不可募遠方之人盖地遠则水土不服道途盘费有身家者不肯应募而应募者多无借棍猾之徒其志不在于战而在于擄不在于受约束而在于逃故军士不如勇夫遠募不如近募凡有识者不易吾言也

予按今之论御倭者有三曰调客兵曰练乡兵曰募土著之兵愚以为募土著之兵可也调客

兵与练乡兵不可也何也客兵性气骄悍不受吾之约束既不肯受约束岂肯出死力而为我杀敌乎故客兵有害而无益所谓不可调者此也欲练乡兵须处钱粮养之今之钱粮甚难区处将欲使民自备与则民因贫而投兵岂能自备乎将欲官给之与则凡民之无依者恐尽起而应募何以支之将欲验田均派与则田多者恐其始倩勇夫以充役后用家丁之无能者以抽代人且不常安能训成兵技乎况防春正值农忙废田事而固结不可也乡民各保其乡调用之于他处不乐也故乡兵保甲之法仅可以防夜警自古迄今未闻以之而御夷狄者所谓不可练者此也夫惟募兵一事执利权以圉民选择之精训练之勤赏罚之严悉由乎我而大有实益然募远方之民非智也加赋以养兵非仁也须遵奏行新例令贫民补实卫所军额查各州县民壮弓兵之额而三分之留其一与有司自用取其二而团聚于府沿海弓兵亦取而团聚之通计三项每省若干名用其精强易其单弱大约以三千为率合军伍民壮弓兵之三者岂不足以供其数乎军粮每岁九斗六升以一卫计之则五万石矣民壮弓兵每岁身银七两二钱以一府计之则几千百两矣此国朝定额见在所实费者以是实费而行吾实事分而训之各精一技合而训之使知分合进退之法平居则团练于府有警则分调各州县岂不精壮常在官使不必调兵而兵自足不必扰民而饷自充也哉是之谓土著之兵所当募者此也虽然欲复祖宗之军额须复祖宗之粮额凡卫所缺伍而开作羨余者不奏查之不可也欲团练民壮弓兵须令各州县按季徵解民壮弓兵之身银若听其自索诸民不可也蠡测之见未知然否

处客兵

主事唐枢云诸客兵每日供费须集议的当银米数目令可永为遵守其数目须相去不逮使无彼此相形其间若欲厚薄只于犒赏处低昂之

【此言调停客兵之法】

又云南北水土异宜近日久旱河水太浑浊须用桃杏仁澄之食麪须淮北麦今江南自有淮麦只要处置司买者的当盖淮麦秋植次年夏收备四时之气麦属金又得布种之正江以南冬种春收所以异也

【此言供养客兵当备淮麦】

客兵附錄

【天下精兵甚多不可胜纪兹所载者但据庙堂近年议调与士论所评者耳或云无益如愚见客兵各负所长其或败者不闲吴越地利又多堂堂之阵罕用饵伏若原领头目得人调皆精选严节制慎冲突用谋用哨不徒恃乎骁猛庶可暂为海防之一助】

狼兵

广西狼兵于今海内为尤悍然不易得真狼也真狼兵必土官亲行部署才出其余盖不过柳州所为水东岩之游民与广州新防打手之属而已如果则亦无以加于嘉湖贩盐者流也

东兰那地丹州之狼兵能以少击众十出而九胜何者三州土官之兵大畧如昔秦人以首虏为上功其所部署之法将千人者得以军令临百人之将将百人者得以军令临十人之将凡一人赴敌则左右人呼而夹击而一伍皆争救之否则一人战没而左右不夹击者临阵即斩其一伍之众必论罪以差甚者截耳矣凡一伍赴敌则左右伍呼而夹击而一队皆争救之否则一伍战没而左右伍不夹击者临阵即斩其一队之众必论罪以差甚者截耳矣不如令者斩退缩者斩走者斩言恐众者斩敌人冲而乱者斩敌既败走佯以金帛遗地或争取而不追蹶者斩一切科条与世之军政所载无以异而其既也所谓论功行赏之法战没受上赏当临阵跃马前鬪因而摧敌破阵虽不获级而能夺敌之气者受上赏斩级者论首虏以差斩级而能冠所同伍者辄以其人领之故其兵可死而不可败

岑氏家法七人为伍每伍自相为命四人専主击刺三人専主割首所获首级七人共分之割首之人虽有照获主击刺者之责然不必其武艺之精絶也我祖宗旧制狼兵调征经过之处不许入城狼兵性贪淫离家远出罕御酒肉又不获继货色之欲含怨饮恨惟刼于其主之威而已若有司不善遇之掳掠之患所不免也

湖兵【钩防鎗弩之技】

湖广土兵永顺为上【彭翼南】保靖次之【彭荃臣】其兵天下莫强焉近尝调三千人后调六千此在官之数也实私加一倍共一万二千人其阵法每司立二十四旗头每旗一人居前其次三人横列为第二重又其次五人横列为第三重又其次七人横列为第四重又其次七人横列为第五重其余皆置后欢呼助阵若在前者败绩则第二重居中者进补两翼亦然胜负以五重为限若五重而皆败则余无望矣每旗一十六人二十四旗共三百八十四人皆精选之兵也其调法初檄所属照丁抽选宣慰吁天祭以白牛牛首置几上银副之下令曰多士中有敢死冲锋者收此银啖此牛首勇者报名彙而收之更盟誓而食之即各旗头标下十六人是也其节制甚严止许击刺不许割首违者与退缩者皆斩故所战必捷人莫敢撓但沿途剽掠胥谓其不可用不知剽掠之故一是因调来者非止一枝有过得相推委二是因小头目愚弄宣慰谓人不可擅杀杀则言官论之朝廷罪之彼然而听之也若以保永分为二班轮歲更调每调定以一万二千人每人月给工食银一两每歲十四万四千两先以四万两与调官领给土兵途费不必骚动有司反稽途程其来也以一宪副督之宣慰専主禁令调官専主聚泊每晚不许舟师乱泊须视调官擎旗然后鱼贯而泊次早即行勿容登岸既至军人以二千人派之温台二千人派之宁绍二千人派之杭嘉二千人派之苏松二千人派之淮扬各以一头目将官领之余二千人宣慰自领以听军门调发随处防应有功者照常每级赏银三十两给与本兵无使土官侵匿宣慰土官大加陞赏其归也宪副与调官仍照前法送之则兵将感激闻风知励何剽掠之有所患者土兵无鸟嘴铳须军门以素演熟者三千人分拨助用其技为十全矣或谓夷性难驯万一生变何以制之是殆不然尝闻二宣慰之言曰吾祖宗相土地官爵逺自隋唐未尝易姓以奕世谨守忠义故也若恃兵勇谋为不轨朝廷下片纸令邻

夷分取吾土朝令而夕亡矣得如今日之富贵乎又尝闻其门帖云心恋九重跬步敢忘燕阙北手提三尺英风长镇楚天南又一帖云节欲可以延生何必辽天寻洞府守分便是享福却来平地作神仙此其心之明达盖可占矣夫岂不守分量而率意妄为者哉若二司更调各逞贤能各图报効各希爵赏较之并调为益不既多乎

湖广九溪等卫容美宣慰等司桑植安抚长官等司麻寮等所上崗茅等峒各有骁勇士兵惯熟战阵宜选各卫谋勇素着指挥统领

予按短兵相接倭贼甚精近能制之者惟湖广兵钩防鎗弩之技必须动永保二宣慰司精兵使与北兵彼此夹持部五均配器械长短相济

河南兵

嵩卢等县调取毛葫芦兵

懷庆引农二卫调字号官军多骁健可用

睢陈二卫宣武彰德二卫军兵俱可调用

矿夫

嵩县李和尚李防白廷美卢氏县王九张文广永宁县马雄张吕登丰县王试宜阳县叶张飞灵宝县王九宰等俱堪调取涉县夏时生长其地习知矿場之事可以统领

角脑兵

号角脑者坐名取之查照近例量给冠带赏以银牌花红假以把总名色令其自率平日所与之人以来官不必选彼必忻然听命而来者必强壮可用之士其中或旧有罪犯者许令立功自赎计得角脑十人即可得兵一千

打手

打手须用行文四处选取每百余名选一骁勇知名之士率领其给赏冠带假以把总名目与矿夫同

北方兵

山东直 徐邳山西善使双头棍标鎗打手

徐州箭手

保定箭手

涿州河间等兵

徐邳淮扬乃劲兵所产之处破贼有徵多可用与经战者就委惯战者叅游督率而来

北兵所长优于骑射东南水乡技难独展

僧兵

今之武艺天下胥推少林其次为伏牛要之伏牛诸僧亦因欲御鑛盗而学于少林者耳其次为五台五台之本之杨氏世所谓杨家鎗是也之三者其刹数百其僧亿万内而盗贼外而夷狄朝廷下征调之命蔑不取胜诚精兵之渊薮也

边兵

延绥辽东两镇官兵除已选入卫者不动外其存留本镇者各练若干名镇巡衙门选委谋勇素着惯战将官管领令其多带火药弓箭星驰赴援

延绥新游兵二枝内可量拨

大同新选听兵与调用游兵可量拨

边兵不耐暑 此后涉夏潦湿方盛恐难于用若先行选定仍令在镇蓄养精銳以俟缓急方可

福兵漳兵

尝习水战闻其内多从海寇行奸利者多习海寇所鬪于诸兵中为取特不知今所调者若干耳

坑兵

浙江以处州为絶勇处州守坑之军其性健鬪但未尝勒习水战也

总兵卢镗云浙中陆兵之善鬪者无如坑兵而迺来应募者卒皆不得其用者何耶盖坑兵惟梁高山为取自幼开坑盗矿骁悍难制自有重利不乐为官府用也欲顾募之非优其募资厚

其粮饷恩信兼至真坑兵其可得乎

集众谋

副使吴子孝云乡官举人监生生员人各有识下至耆老总里人等不拘贵贱但有所见许其面陈许其具手本来说虚心以受之下礼以招之则奇计出矣若更许其荐举多能之士毕集军门智防不可胜用矣然须有一二名士高才定其可否迂阔狂妄者不用则羣小无以售其奸矣诸葛公开诚心布公道广忠益集众思專攻吾之阙一字不可少也

举人王文録云如至一县必谕知县曰尔为知县必知一县人才有谋者不拘缙绅士庶请之来吾当询之询之一县则一县之谋集矣询之一府则一府之谋集矣府县积而为省省积而为天下则天下之谋集矣然集众谋必先虚己略去势分屈降咨询还言不遗寸长必录懽然如家人父子手足腹心之相与唯求靖寇为急则庶乎其可也宋岳武穆谋勇之全者也将出兵也犹且尽召诸统制环坐而饮食之先谋敌之所以败我者至于六七竭智共攻必无败也乃行故每战而无败况其下者而可不集众谋乎是故用兵者必以集众谋为先也

吴郡生员盛之化云昔周文襄巡抚江南凡父老士庶无不延访或时在路亦止輿受言始则集众人之细长终则成一人之大智阳明先生自入仕以至秉钺动随生徒顾问帷幄后遇逆濠之变若龙光黄受诸人或为间谍或潜伺察或通机密皆以平日腹心为之遂能成功至于封拜迺年东塘毛公征交南大开言路有赏无罚谋士集者八十二人遂能开削故道洞见敌情奋士鼓行蛮王纳款此皆前事之足验者

收图籍

都御史唐顺之云古之筹边者敌之所从入与吾之所以制敌皆可以按图而坐筹之是以守固而战克人皆言敌人来去如风雨此亦未必尽然且敌人非万骑不能大举骑不可一日无水草沙磧少水而水草可饮食万骑者尤为难得敌人拥骑南下须是覘得水草便利处然后可入其无水草处敌人亦不能以饥渴马致千里也是以边城虽绵亘千万里敌人虽是风雨来去而其师从入大约可以先定其小小隘口零骑可入处虽不可数而其大举之路大约不过数条而已御敌者常患备多而力分苟图画分明可以必敌之所入与所不入知敌所入与所不入则备可以不多而力可以不分列屯筑堡驾梁按伏省却大半气力矣

定武畧

兵部尚书胡世宁云自古诘戎练武專备蛮夷盗贼盖以二者皆能戕杀生灵倾覆庙社故为此杀人以救人非得已也今境外四夷已有祖训不许轻伐先朝惟责边将谨备其来而或近屯百里之外势将入寇则先伐其谋耳自来不曾遠征至于边境叛军即听处决擒杀着律已明别无他议若民间盗起则宜查累朝设立巡抚兵备勅词立为定制务使练兵足食一闻盗贼生发即便举兵扑灭于防一面奏闻及其既久则宜抚捕兼行以散其胁从离其党与而必

殲其渠魁不许姑息若其一时失计稍有挫衄则当体念胜负兵家之常责图后效以全功其若终无成功或先隱瞞坐视及有事地方等官或先争权曲阻其事或后忌成陰毀其功者皆当重治误事甚者即照先年重例处死

鼓军气

都御史唐顺之题云战阵之所以精明与中国之所以胜四夷者气也而非甲兵之谓也国家承平日久文吏游谈而养尊武臣恬嬉而寶身闲雅雍容之习成而慷慨果銳之气亦寢销矣南倭北狄倏然内侵殆若昔人所谓气炎以取之者赖皇上天纵神武赫然一怒诛逐偷惰拔用英奇文臣督帅皆躬自临戎有兔置赳赳之气自此倭虏不敢深入则气之胜也以臣占于行阵之间犹有未尽然者臣视师东南备观怯将情状一闻贼战如浇冷水顏色可怜纵不便走股已先栗虽亦未必尽然而然者固多矣至于倭贼渡洋谈笑饮食若履平地而我将栖泊近岸日遇海风则头捍目 夜闻潮声则耳聳心惕且夫倭贼有过藐我将之气而我将无必吞倭贼之气则是未战而索然也如此而望长驱海岛扫清大憝臣犹以为难也此气在宇宙间磨礱而时用之则鲜明置之不用则黯无精光谓宜文臣督帅时御戎服出入军中发扬蹈厉以作武将之气武臣大将遇有贼战戎服出入阵中以作偏裨小校之气偏裨小校遇有贼战戎服先登以作士卒之气而督帅武将临阵督战间取溃校逃卒遵奉旗牌事例百万军中忽然斩却一二人以变士卒之耳目使我之气日益精明则贼之气自然销沮此其言若迂阔而实胜敌之要机也李光弼莅军而旌旗变色每战必胜气之谓也

【按荆川鼓军气之說不如东坡倡勇敢之论盖士气精明必须养之有素临阵得善战者作之若但使文武戎服先登以倡疲卒则疲卒望敌而溃徒送文臣与贼杀之而已无益也军之取胜全在乎气作之诚是但如此作之恐难】

公赏罚

兵部尚书王守仁云夫法之不行自上犯之也今总兵官之头目动以若干彼其诚以武勇而收錄之也则亦何不可之有然而此輩非势家之子弟即豪右之賁缘皆以权力而强委之也彼且需求刻剥骚扰道路仗势以夺功无劳而冒赏懈战士之心与边戎之怨为总兵者且复资其权力以相后先其委之也敢以不受乎其受之也其肯以不庇乎苟戾于法又敢斩之以殉乎是将军之威固已因此輩而索然矣其又何以临师服众哉必须提督等官发令之日即以先所丧师者斩于辕门以正军法而所谓头目之属悉皆禁令发回毋使渎扰侵冒以挠将权则士卒奋励军威振肃克敌制胜皆原于此

【此言行法须自将官始若姑息将官则士卒不服矣】

又云赏罚之典虽备然罚典止行于叅提之后而不行于临阵对敌之时赏格止行于大军征之日而不行于寻常用兵之际

又云近年以来如贼攻城掠乡每每督兵追 而不胜者以无赏罚为之激励耳今后但遇贼情领兵官不拘军卫有司所领兵众有退缩不用命者许领兵官军前以军法从事领兵官不用命者许总统兵官军前以军法從事所统兵众有能对敌擒斩功次或赴敌阵亡从实开报覆勘是实转达奏闻一体陞赏至若生擒贼徒鞠问明白即时押赴市曹斩首示众庶使人知警畏亦与见行事例决不待时无相悖戾如此则赏罚既明人心激励盗贼生发得以即时扑灭粮饷可省事功可见矣

又云古者赏不逾时罚不后事过时而赏与无赏同后事而罚与不罚同况过时而不赏后事而不罚其亦何以齐一人心而作兴士气是虽使韩白为将亦不能有所成

【此三条俱言赏罚须行于临阵之时方为有益】

又云伏覩大明律内该载失误军事条领兵官已承调遣不依期进兵防应若承差告报军期而违限因而失误军机者并斩从军违期条若军临敌境托故违期三日不至者斩主将不固守条官军临阵先退及围困敌城而逃者斩此皆罚典也及查得原拟直 山东江西等处征流贼陞赏事例一人并二人作为首就阵擒斩以次剧贼一名者五两二名者十两三名者陞实授一级不愿者赏十两阵亡者陞一级俱世袭不愿者赏十两擒斩从贼六名以上至九名者正陞实授二级余功加赏不及六名除陞一级之外扣算赏银三人四人五人以上共擒斩以次剧贼一名者赏银十两均分从贼一名者赏五两均分领军把总等官自斩贼级不准陞赏部下获功七十名以上者陞署一级五百名者陞实授一级不及数百量赏一人捕获从贼一名者赏银四两二名者赏银八两三名者陞一级以次剧贼一名者陞署一级俱不准世袭不愿者赏五两此该赏格也今赏罚之典固在然操纵失宜进而效死无爵赏之劝退而奔逃无诛戮之及则进有必死而退有幸生也何苦而求必死乎凡兵之情畏我则不畏敌畏敌则不畏我今兵皆畏敌而不畏我欲求其用安可得乎

【此言赏罚为兵家之要务当照律例所载而行】

都御史方廉云用兵之际冲锋为难斩级次之今海上贼船初来能迎其锋犁沉一船另赏银一百两饱去之贼犁沉一船另赏银五十两如不能对敌摇驾小船捞取首级者不惟不赏即以退缩论陆地之贼初来疲困甚易擒 延至二三日即复强悍但初 之不令贻害地方又不当以难易言也其间能冲锋破阵使贼披靡者另赏银三百两若夫乡村零斩必要倭首相兼仍审地方隣证见贼犯某处从何斩获取有结状方照格行赏查系虚冒即以妄杀平人论

都御史唐顺之云贼若从某处海面深入登岸者该总首先坐之论其登岸多少以次罪及总兵又罪及兵备海道而止至于海中击贼初至将领以奇功论已有事例惟军士首级之赏尚未别白臣先具题击来船与击归船不同击归船真倭首级一颗给银十五两自合如故击来船真倭首级一颗合无量增银十两比陆战首级尚少银五两已足使水卒感恩懷利尽死击贼

【此言行罚当自上始行赏当以海中击来船为重】

又云击贼海中以奇功论虽有平倭事例但分别得来船去船欠明且水中首级一槩以十五两论赏不知打来船之难十倍于打去船也去船杀人劫财已厌其毒杀一贼是止于一贼而已若杀却来贼一人是全了几个好人性命其功不可同日语也若得该部题覆打来船真倭首级虽不能同于陆地首级三十两亦可量增银五七两则人人争夺打来船者益众而贼之登岸者少矣

【此專言赏功当以海中击来船为重】

又云自来海中获功止击归贼不击来贼归则贼气已惰贼资又满人既乐击击之又易来则贼气方锐贼船又空人不乐击击之又难击贼之归如虎防人而人杀虎虎毙而人已残击贼之来如虎未防人而人杀虎人不伤而虎毙

【此段发明击来贼与去贼难易不同】

夫出入波涛冒不测之险人情所甚不堪然臣尝思之地里有险夷而土著者无险人情有利害而利重者忘害若使各陞调官军必于沿海卫所自少生长身履目击虽或稍迁异地事无弗同也至其垂危冒险转战穷追若只同常廩止以常格论功其视内地轻重难易之间殊有不得其平者今须多处行粮丰其犒赏若总兵官能使贼船不得登岸而于海洋擒斩首级得叙异格各军人等比内地所获功次倍论如止获贼船亦以大小论级如此则人皆争夺而无不堪之情矣

【此言论功当以御海洋为重】

太常寺卿魏校云临阵不可生擒在野不可妄杀陷阵先登者为上功继而登者次之尚功首虏败亡之道也

【此条论赏功当重冲锋不当重首级】

兵部尚书胡世宁云闻各处兵战多因割取首级及争缚生擒检取妇女财物以致费力悞事乃将钦奉奏例并斟酌事情预定临阵赏罚条格惟临阵先登破敌者第一人赏银十两第二人第三人各赏银五两其先登被贼攢促而后兵进救得胜者亦赏银十两其擒杀诸贼首级俱依钦定赏格外若对敌每杀从贼一人赏银二两败后擒杀从贼每一人赏银一两皆以众见为定即时给赏不论首级若贼来盛独立不退者每人赏银五钱全队不退者总甲赏银一两其胜贼回军检得贼马一疋者止赏银五钱军器全件一付赏银一钱若与同伙有功人争取首级仍还本人报功者每级分与该赏银三钱冒认为已功者重打五十不赏对敌阵亡者先给埋葬银二两子孙陞世袭官一级不愿官者另赏银三十两若退阵逃回被贼赶杀者不赏亦不收葬

【此论与前同义而详明过之】

又云夫以赏言首级论功非国初旧制也两军相敌当先格鬪者手眼瞬息不得差也何暇割首使其取首则再不能战而为敌所乘为后军所争夺死矣故首级非我大胜彼大败奔逐不能割而割之者多或非真也贪军奋死杀贼止望得赏衣食稍足耳岂望陞官也惟论首级陞官故杀贼者不能取首而得首者又为势要所夺又或因争首级自相蹂践而为敌所败此边人之大恨兵战之大患也以罚言则原奏边例交锋伤虏四五人即问充军杀虏十名口以上不报者止降一级轻重不伦隱瞞得利人何苦而实报哉又或两军对敌胜负相当杀伤相抵我军被杀者可验杀彼之人不能取首不得论功亦问前罪故今边将惟以退缩保守为事而墩堡任其攻剋乡民任其杀掳上下相瞞惟事欺隱而已甚者被杀之人舍死逃回边堡以其先时失报恐被查究而遂杀之尤可痛也如防圣明更定赏罚之格惟严隱匿之罪其两军交锋而杀伤相抵不曾割取首级抚按明知回奏者不问其罪其有守备力所不及虽被杀掳二十人以下亦不问充军其若力可敌而不敌虽失四五人亦问充军至于兵力相当退缩败阵及拥众自卫縱贼深入而又不能击其惰归以取胜者但被杀掳数十人以上俱问失机其他军校小小失事不曾有误地方者轻则听领兵官量情责打重则送巡抚官即时问决不必一一奏勘以致累死边军至于战胜论功止凭巡抚兵备查审众证某人设防某人当先破阵某人杀死几人皆听巡抚官量情即时给赏银两但纪其功不必陞官其有三次设谋或当先破阵或一起连杀三五人之上勇力出众者方保陞官其若巡抚总兵失事混同隱匿或冒功赏其所私者却从巡按访实糾举必问重罪如此庶几赏罚当而人心思奋

【此条言赏罚之法与前论互相发明】

又云首级论功之弊有诈冒有攘夺甚至戮平民伤战士其弊有不可胜言者夫自古战败之余固有假遗财物于道以使敌人检拾而缓其追蹶者况当酣战之际格鬪不暇乘胜之余追奔不及而何暇于斩首哉故首级之得或多非奋勇当先真能杀敌之人矣而况奏报随从之人身未常便鞍马目未尝见军阵者哉是盖古今通患而莫之善处盖惟朝廷命将得人而其所任偏裨校领临阵之人自皆奉公而执法其所身经而目覩者某阵得某人之効谋而得胜某阵得某人之奋力而成功其方战也某人敌退某人其既胜也某人斩获几首又某人奋敌不过而被杀某人得功几多而阵亡回营之后复叅之于众见而报之于纪功之人由是权其难易以第其功赏不專尚于首级也至于凯旋之日则某人书办得用某人随从有劳详以上奏而量加甄錄固亦可也若冒报立功之人则面试其谋勇斩敌之状而取证其临敌同事之人其伪立见矣丘公濬所言选任纪功之官更立赏功之式而欲死者一功当生者二功皆良法也

【此篇不但发明首级论功之弊至为详备而纪验功次之法确乎其不可易用兵者不可不知】

兵部尚书杨博题云沿海一带休戚相关若使自分秦越或不行拒堵或不相防应希免已责貽人以祸均属误事交相坐罪合行福浙直督抚诸臣如前通政唐顺之所议若贼已下船果

有冲锋阻遏俾不得登岸四突者虽无首级照依题准事例陞赏

松江府同知罗拱辰云各兵懦怯者既不肯前而勇悍者冲锋多因砍取首级以致败事若一兵砍取首级则傍兵见必争之况得首级者欲全赏功银两未免先奔一兵相争则众兵皆乱一兵既走则众兵皆摇兵因此而惊溃贼乘此而进冲从来如此今须于将临阵时审其愿冲锋者各给与冲锋小水牌使众兵皆知其为冲锋彼虽欲不前谁则容之冲锋者决不许砍取首级若有冲锋先兵掣首级来献者打一百棍仍不准给赏阵后助阵兵夫许令斩级如一阵斩获首级若干颗该给赏功银若干两内以七分给冲锋兵以二分给与助阵砍取首级之兵以一分验其在阵被伤者给之庶赏有差等不致争乱而人皆思奋矣

副使吴子孝云凡战鬪之时不须首级为功今因割首级往往误事如一阵海寇尽殲灭之总筭给赏不以首级为贵则破敌必矣

举人王文禄云冲锋者先众兵而杀防功之取也今混于一例而不分惟论首级行赏每战乱夺首级以致败徒费用兵之财不明赏之过也必以所练之兵拔取冲锋万取一千千取一百时加倍犒战胜不论首级而赏亦倍之盖冲锋不暇斩首斩首皆籍冲锋之人杀而斩之也

【此三论与前同义】

在京各衙门会议云凡水陆主客官军民快临阵擒斩有名真倭贼首一名颗者陞授三级不愿陞授者赏银一百五十两获真倭从一名颗并阵亡者陞授一级不愿者赏银二十两

【此言论功以首级多寡为序与王阳明胡静庵诸公之见相反恐未为定论也】

又云武将自守备把总以下文官自海防练兵同知以下所领军兵民勇五百名部下临阵擒斩真倭每五名颗陞一级十名颗加一级一千名部下每五名颗陞署一级十名颗陞实授一级各以则例递陞至三级而止如获功之前或以后失事革职者准收赎若总兵副总兵之与巡抚叅将之与兵备水陆士卒俱属统领战守机宜俱听调度除在下有违节制者免究外其余功罪叅将以所属分论兵备随之总副合所属通论巡抚随之但今经理之初暂将临山总兵分理海防金山副总兵分理陆地则功罪亦当查照分别重轻俱听总督巡按酌量时势究覈情实明白具题

【此言赏罚之格当计职任】

又云凡有官员举监生员义民人等督领家丁赴军门随贼截杀得获功次及仗义输粟济军者俱聴军门及抚按官临时酌拟奏请从厚陞赏以为懷忠慕义者之劝至于耆民统领沙兵或属把总或属府县官管辖其所获功次仍照部下功论拟陞赏

【此言处报效赏格】

兵部尚书张时彻云今奏拟五等赏功之例

曰论首级【凡水陆主客官军民快临阵擒斩有名真倭贼首一名颗者陞三级不愿陞授者赏银一百五十两获真倭从贼一名颗并阵亡者陞一级不愿者赏银五十两获汉人脇从贼二名颗者陞授署一级不愿者赏银二十两】

曰论奇功【如在海洋遇贼有能要击冲沈船只或追逐登山使贼不得登岸如贼既登岸有能冲锋破阵奋其声势或追出境或逼下船使地方不致受祸或所部兵少而擒斩多者均以奇功论聽总督即时具题巡按作速勘报超格陞赏】

曰分信地【凡守备把总及海防民兵府州县佐各有信地如贼至不能拒守致贼突入者固当律以守备不设之罪若能奋勇鏖战或有首级功罪相当者亦许准赎若罪少功多者仍以功论如贼从别港路出境有能邀截擒斩打获船只所得货物尽行给付仍照例陞赏至于故纵出入本港專图邀取贼赃者聽督抚官叅究重治】

曰计职任【详见防题中】

曰处报効【详见防题中】

必如是而行之则有功不至于滥赏有罪不容于幸免而将士戮力用命矣

【此言赏罚之令当严】

巡抚都御史唐顺之云肃队而趋挺矛而舞非以为戲也将责之以临阵御敌之实用也责之临阵御敌之实用而不以临阵御敌之赏罚施之则亦戲而已矣史 所记子玉治兵斩七人贯三人耳孙武以妇女试阵法而戮其女队长二人然后鼓之而无不如意然则古之治兵者大略可见也请于常廩之外多储金钱以赏其用命者以作其投石超距之气其不用命者纵不能尽如临阵之刑而军令所谓鞭答贯耳等类许将官督操亦时一行之以示威或聯为伍法罚及同伍纪律既明人心自肃至其临阵底防畏我而不畏敌矣

【此言操练时须发行赏罚人方知畏】

太仓生员毛希秉云欲人出死力不与同其利自古未有能济者也乞依晁错边事胡人入驱能止所驱者以其半与之凡捕巡所获盐船贼船听其照例估料纳银不得如旧惟有势要在官人徵价给领利归他人如此而再犯 坏法照依文官永不许管军管事底彼顾利不敢轻犯明宪而可责其尽职矣此使人自为战之法也

兵备副使凌云翼云临阵退缩军法甚重今领兵官员畏罪掩饰每遇贼入犯即妄称领兵追贼其实去贼甚遠不惟不见其形虽贼之众寡虚实亦不得而知也及尾贼出境乃捏报追至

某处与贼血战沈死者不计烧死者不计斩获首级一颗岂有与贼血战而斩获仅一颗者乎此名为追贼实与退缩何异不加敕正遂效尤接踵习为故智岂不败乃事哉今后须申明军法务要从实追 如果贼势重大兵力寡弱径自明白声說以为别图如或穷追连旬累月不闻一战直至贼出境虚饰浮词欺罔观听者聽本道查实叅呈重究与退缩同科庶可以破其躲闪之故态矣

闽县知县仇俊卿云羊斟之防足以覆床一笠之小可以强吴三略曰军无赏士不往使劝惩通乎人心可以使之赴水火者否则众心解体矣何以能刼之使鬪哉是故行赏以示惠决罚以立威皆兵家之所尚也后世赏罚不明武备废弛有脂韦襁抱而报功者有手获功级而为人掩夺者亦有丧师矫以为捷而冒赏者有屡建奇功独立而反蒙辜者亦有乘其喜怒爱憎之故而赏不以功罚不以罪者颠倒缪迷如此何以厌服人心振扬武烈哉顾其锋镝纵横之际存亡呼吸之间人以万死博一赏在上者宁不动心矜察之乎若有敌不前交锋不勇者罚固无足议也亦有势孤援寡劳逸饥饱主賓地利之不同者此皆有可原也斩将先登破阵杀贼者赏固在上功也亦有运筹决胜者虽未曾身蒙矢石亦赏之所推首也苟或俘降以邀功诱虏以违令甚至截杀行人老稚以充首级者又皆在所不赦也故将之五德信赏必罚为之主焉若近歲王阳明申明赏罚疏虽已事之后犹不亡前功斯可以永昭劝惩者也予按已上诸论皆赏罚之常格未尽其妙也何也今之卫所官乃纨绔子弟而已矣武艺且多不谙况肯捐躯建功业乎卫所军余世平日久不经训练一旦临敌无技能可恃胆寒气怯非败即走以是常格赏罚待之岂能锻炼淬励而得良将劲兵乎夫赏罚者荣辱之谓也大而官爵之命小而言语之褒皆谓之荣重而斩刖之刑防而斥詈之及皆谓之辱施恩而可测者非荣也惟施不测之恩人方以为恩而知所劝耳施威而可测者非辱也惟施不测之辱人方以为威而知所惩耳故有今日为行伍而明日拔之为将领者有侵晨在人上而薄暮降之为役卒者褒贬予夺大公无我颠倒豪杰莫知端倪则人孰肯甘处其辱而不思所以自奋哉周礼爵以驭其贵禄以驭其富正此意也在上者能测乎此则激惰为勤转弱为强不必用卫所之官而民间自有良将可选不必调湖粤之兵而乡间自有勇夫可练矣

禁妄杀

兵备副使凌云翼云赏功罚罪劝惩系焉今各领兵官员既不能奋勇运谋为地方保障往往将被擄逃回或穷乡避难之民杀以报功故行路者若非成羣不敢独行是不能御贼而反为民贼矣又从而赏之诚可痛恨今后报首级止一颗二颗者听本道查访果有对敌实迹方转送纪验其或诈冒无据者即鞠究明白坐以抵命至于指称奸细杀以为功者犹为易见盖谓之奸细必至一二人假装吾民或探听消息或潜为内应既已觉露可缚而致之非临阵血战者比也何至斩首级哉以后奸细止许生擒不许杀害违者一体抵罪盖天理人心昭然难泯而欲欺昧以求灭贼未有能济者也御史徐棣云自古命将出征师还奏凯取魁首以为大戮后世缘此遂尚首功故首级不明非惟功赏不实亦多戕害人命西北边功正患坐此流 也故我祖宗深鉴兹弊惟海外诸蛮如倭之类得论首级以其种类别而真伪易辨耳近者斩获倭寇得比照流贼事例已该兵部题奉钦依无容别议但臣恐贪冒成风功次失实则未免貽诬杀冒功之害也是可不严为之防乎臣愿我皇上勅下该部议行海防巡抚都御史以后凡

遇海上报捷即便详加勘验果系皮肉 缩有血防刀痕者方为真正首级顶心□门无发又非刀剃者方为真正倭头得以首级论功奏请陞赏其有中国勾引之人虽系有发须在大伙贼内对阵擒斩者方许比照从贼生擒例议赏如有诬杀平民妄冒功次者悉从巡按御史叅究坐罪则庶乎首级申明而慎军功重民命胥得之矣伏惟圣裁

处首级

都御史唐顺之云鸟铳手不许割首级亦不暇割首级论赏与余军照数分级假如百人为率或鸟铳手十名余军九十名鸟铳手居余军十分之一或余军内得一首级该银三十两则鸟铳手得银亦十分之一共分银三两或鸟铳手五十名余军五十名鸟铳手居余军二分之一余军得一首级则鸟铳手亦得银二分之一共分银一十五两人数搭得多寡分银数多寡率照此例算

恤伤残

巡抚都御史彭巡按御史孙等议云优恤军属律有正条隐蔽杀伤例有明禁今后各道并军卫有司部下军兵俱要從实开报阵亡官员给银三十两奏请陞级他乡客死者仍给关文阵亡民兵一名给银五两官军一名给银三两被伤军兵伤重者一两伤轻者五钱被杀民人未埋者五钱已埋者三钱被伤未痊者一钱房烧尽絶十口以上者三两口以下者一两五钱老小无依者五钱壮丁砍去芦苇者应纳盐课官为处补俱从兵备道呈请查给若有隐蔽不报者从重究治督粮道仍将近者议免太仓嘉定上海崇明四州县荒芜田粮及民运白糙粮米议改折色数目出榜谕众通知务俾民有实惠

筹海图编卷十一

筹海图编卷十二

明 胡宗宪 撰

经略二

御海洋

予按防海之制谓之海防则必宜防之于海犹江防者必防之于江此定论也国初沿海每衛各造大青及风尖八桨等船一百余只出海指挥统率官军更番出洋哨守海门诸岛皆有烽墩可为停泊其后弛出洋之令列船港次浙东于定海浙西于乍浦苏州于吴淞江口及刘家河夫乍浦之地海滩浅阁无山岙避风之处前月把总周易等所领战船被贼烧燬仅遗十余只近又报为飓风击碎不若海中洋山殿前窝集反可泊船也吴淞江口及刘家河出海纡回又非泊船防海处所议者欲分番乍浦之船以守海上洋山苏淞之船以守马迹定海之船以守大衢则三山品峙哨守相联可扼来寇而又其外陈钱诸岛尤为贼冲三路之要兵部原题副总兵俞大猷统领战船驻割海上防贼截杀则如陈钱乃其所当屯泊而提督军门及海道等官每于风汛时月相叅巡察有警则我大船火器冲截贼入使不得越过各岛则彼毒无所施衅孽不作而内地安堵矣

【此言哨船当泊于外洋山岛】

又云直 与浙江名虽异地而实则一家若不设官总理则彼此自分门户贼一入内地随风南北可以互犯故必共守陈钱分守马迹等三道而后贼无遁情兵可夹击必得总兵官正副二员分驻金山临山要会之地先守陈钱以春秋分任更番出入而叅将分画三道马迹等三山各督信地则人易为守而守无弗力矣

【此言总叅当分任哨责】

通政唐顺之云御倭上策自来无人不言御之于海而竟罕有能御之于海者何也文臣无下海者则将领畏避潮险不肯出洋将领不肯出洋而责之小校水卒则亦躲泊近港不肯远哨是以贼惟不来来则登岸残破地方则陆将重罪而水将旁观矣臣窃观崇明诸沙舟山诸山各相连络是造物者特设此险以迂海贼入寇之路以蔽吴淞江定海内地港口也国初设县置衛最有深意而沈家门分哨之制至今可考合无春汛紧急时月苏松兵备暂驻崇明宁绍兵备或海道内推择一人暂驻舟山而总兵副总兵常居海中严督各总分定海面南北会哨昼夜扬帆环转不絶其远哨必至洋山马迹

【此言海中远哨近哨】

又云国初防海规画至为精密百年以来海烽久息人情怠弛因而隳废国初海岛便近去处

皆设水寨以据险伺敌后来将士惮于过海水寨之名虽在而皆是海岛移置海岸闻老将言双屿列港嵎屿诸岛近时海贼据以为巢者皆是言国初水寨故处向使我常据之贼安得而巢之今宜查出国初海防所在一一脩复及查沿海卫所原设出哨海船额数系军三民七成造者照数徵价贴助打造福船之用

【此言水寨哨船旧制当复】

兵部尚书杨博云平倭长策不欲鏖战于海上直欲邀击于海中比之制御北狄守大边而不守次边者事体相同诚得先发制人之意国初更番出洋之制极为尽善至于列船港次犹之弃门户而守堂室浸失初意宜复祖宗出洋之制

【此言旧制原御寇于海中】

南京工部尚书马坤等题乞聚船于马迹山以为诸路水军老营仍于扬山设水营以扼贼入乍浦川沙洼由吴淞江口入苏松之路于大衢山设水营以遏贼入宁波台温之路专设海上总兵特造出海大舰如古拏飞舰飞虎舰戈船楼船将军之制仍大申出洋之令脩复大青风尖八浆等船以便行使

【此见与御寇远洋大同小异】

在京各衙门会议云倭奴长技利于陆我兵长技利于水歷查连年用师凡得捷俱在海战利害较然明矣海中陈钱大衢马迹山诸岛为贼南犯必由之路先该督察侍郎条陈会议海防长策首列此条今又该南京工部尚书马坤左通政何云鴈题相同合咨新任总督令总兵官速集太仓崇明嘉定上海沙兵及福苍东莞等船分为二哨专守山马迹又将绍兴温台捕鱼及下八山采捕福苍东莞等船分为二哨专守普陀大衢其陈钱山为浙直分路之始所宜更番共守

【此言御寇远洋之策为是】

略云诸将海战而胜者常十一其内地战败者常十八何勇于海而怯于内也其故有四士卒入海人无还心皆殊死战无所逃难一也洪艚巨舰易以凌贼势便二也毒药火器且战且焚三也贼载水而饮开口待卤势不能持久四也而其后不能御贼者亦有四犯不测之险以命博贼而常赏不酬劳其怠心一也海中无人易以为解二也既不能赏易于姑息将不能驱三也海波不常或利或否四也议者皆言益修战具反言四失守马迹殿前诸山以控吴守大衢诸山以衛越守陈钱诸岛以制贼往来之冲夹击互救三道鼎峙贼不足防矣

【此言海战利弊】

南京兵部尚书张时彻云今之水战止能要击去贼而于来者未能遏其烽夫来贼銳而去贼

惰击惰易而攻锐难人情所习知也然击来贼者譬之扑火于方然之始火灭则栋宇可以无虞击去贼者收燎于既烬之后此其利害则有间矣自海上用师击来贼者仅一二见而要去贼者亦不过文其纵贼不追之罪耳今若以击来贼之赏优于追去贼之赏以纵来贼之诛严于纵去贼之诛而当事者同心戮力急如救焚尽遏海外方来之寇则边鄙又何不宁耶

【此言海战以击来贼为奇功】

总兵俞大猷云倭贼自彼岛入寇遇正东风径由茶山入江以犯直 则江内正兵之船可以御之遇东北风必由下八山陈钱里西倒球干邪清水马迹蒲岙丁兴长途衢山 山普陀马墓等岙经过然后北犯南直 西南犯浙江请于浙江共设楼船二百只苍船一百只分伏于前项海岙往来巡探攻捕名之曰游兵而远遏之于大洋之外

【此言当设哨船于浙直外洋】

又云大洋以外欲就诸山随处结营随班分哨常得胜势似足以赖然万里风涛不可端倪白日阴霾几如黑夜故有相遇而不可击亦有未必相遇者

【此言外洋御贼之难】

主事黄元恭云或者曰我兵长于水战短于陆战而倭奴则长于陆短于水故御之莫要于海中陈钱马迹大衢殿前扬山当倭奴往来之冲诚设总兵官驻陈钱叅将三员分驻马迹大衢殿前洋山常川督哨御其来而邀其去贼殆尽殲而鱼矣愚窃谓其策甚善而难行盖海栖经月必有 风巉嵯剑峰难于旋泊癸丑春叅将俞大猷围王直于马迹蛟龙惊炮而起几至覆没师旋贼逸乙卯秋浙直会兵大衢前殿邀贼归路疾风暴雨大作飘没舟师以千万计是亦乘危幸功者也夫大海无际何独称四山为贼出之冲盖航海者必昼行夜止依山宿泊自倭东南而来望中惟此四山相去各一二日程始至陈钱必泊次泊马迹次泊大衢次泊殿前洋山若驿 驻蹕然固非若子午谷东西莫适必由隘中行者贼诚知山有兵东西南北何所不适虽失所依泊然与犯戎兵之必死宁冒风涛之不测且闻长老云起旋扬帆舍山泊而适大洋此避 风之妙术而岂谓必死地哉知戎地而不避有生途而不趋贼必不然矣然则御其来而邀其去不可为欤曰依此四山但严会哨应援之令潜师伺之万无不中若设官显驻是示趋避之标耳故是策也宜潜不宜露宜邀其归不宜伺其来盖归路可计日候风信故也

【此言陈钱诸山但可设伏以撃去贼】

副使茅坤云方其海寇之舳舻相望必由通海之门户而入于苏松之吴淞江刘家港之类是也古人云守险者必先设险于险之外守之其所谓海战之重兵如各叅将所提闽广募兵之类当设战舰备火攻而谨斥堠以迎击于淞海之上贼未泊岸则当夹水而阵以遮击之贼既及岸则当随其贼艘所泊之处而直捣之此则海上格鬪之兵也将之最猛兵之最精者可以当之

【此言当御寇于海中将近港岸之处与陈钱马迹远攻之說异】

御海策云备倭之术不过守御二者而已未闻泛舟大海远征岛夷虽以元世祖之威伯顔孛儿只斤之勇艤冲千里旌旗蔽空一遇一作万人皆为鱼鳖此其明验也而况沙石起伏洲渚驱阻风候向背潮汐高下波涛汹涌至到浅深彼皆素所谙练以我之迷而蹈彼之危能为必胜哉

【此与前說相反】

海道副使谭纶云陈钱马迹洋山在内海之外止可出哨不能设守盖恐粮饷易匮声援莫及不如荆川备倭之說为善且自来水寨设在沈家门遇有缓急战守兼得耳

【此言设险远洋不如守近洋为穩便】

都指挥戴冲霄云浙洋诸山沈家门居定海之东相去二潮乃宁绍之外戸也陈钱马迹大衢洋山尤为穹远乃沈家门之外藩也外藩设而門戶固門戶固而后堂室安故有识者咸欲设险于陈钱四山以扼来寇以愚观之沈家门水寨乃信国公之所设其才识高远人所素让岂见不及此故舍远而就近哉必其身亲相视四山太远一悬海中难于声援不若沈家门与定海哨报易及策应易施熟思审计夫是之处耳不然大海渺茫风潮难犯水兵官可借以躲闪万一四山失备致寇直捣追咎无及反致悞矣不若守之近海易于综覈太祖之所以听从信国或者在于此耶太祖神明先见毫髮不爽信国公若有疎谬肯遽聽信之而已乎

【此說与谭副使所论相似而推原旧制当守尤为有见】

知府严中云外洋御寇岂不是上策但在将官有难于奉行者何也海中无风之时絕少一有风色天气即昏面对不相见矣须十分晴明方能了远岁在己未一风大作四百战船一齐覆没利害如此将官出哨岂敢远浮大洋必寻岙内收泊令一二小舟行探耳若迎风而上遇敌归报贼使顺风瞬息数百里报至贼亦至矣若顺风而去遇敌归报甚难甚难况遇贼被杀将官不知此常事也故谓海战为可恃者必其未常亲至海洋者也若见海洋自知此說之难行而以固海岸为不易之定策矣

【此說以固海岸为上策与唐荆川以固海岸为第二义不同】

又云海防不设险于海岸而设险于海中山沙犹论北方边务者不可但守近边须远守于边墙之外其见同也昔者俞子俊尝因修外边费财甚多其后边墙反易坏而难守何也离内地太远照顾之力自有所不遑也且如北边之制每城堞相去六尺一军守之积而至于六百丈之远不过守以千人而已虏来攻城动以数万计六百丈之间只此千人如何相策应而御乎此与水兵哨船出海太远声援不及备御甚难同一义也国初信国公不肯设险于险之外岂其智不及此哉可以悟矣

【此见与谭副使王知州相似】

海道副使谭纶又云今之谈海事者往往谓御之于陆不若御之于海其实大海茫茫却从何处御起自有海患以来未有水兵能尽殲之于海者亦未有能逆之使复回者不登于此必登于彼即十得其一二彼亦视为不幸而遇风者耳侥幸之心固自在也若陆战一胜即可尽殲贼乃兴惧不复犯我此水战陆战功用相殊而将官则力主海战为是者以海战易于躲闪陆战则瞬息生死势不两立且万目共覩不能作弊当事者宜坐照之勿堕将官术中自失长算可也

【此言与荆川之见不合然将官闪避情弊洞烛无遗矣】

宁波生员陈可愿云吾昔使日本经歷海中诸山注意观之陈钱乃孤山突出极东大洋水深不可下旋又无岙可泊惟小渔舟荡桨至此即以舟拖阁滩涂采捕后仍拖下水而回欲以此为期会之地恐不便也马迹大衢洋山则不然盖马迹有小潭可以泊舟但有龙窟不可放炮遇敌难战此山虽在陈钱之西离大衢尚远贼舟西来一过陈钱即是马迹以此为会哨之地可也大衢与长涂相对其西有礁无岙不可以泊舟且亦有龙窟宜避之其东面有衢东岙者可容广福船四十只但水震荡不宁舟泊于此久则易坏不如以大舟藏于长涂之北而以哨舟泊于衢东岙遇警举号招广福船一之岂非长久之计乎但大衢在北长涂在南相离不过半潮之远潮从东西行两山束防其势甚疾哨船战船遇潮来与落时皆难横渡俟潮平然后可行策应亦有不便者

御海洋之策有言其可行者有言其不可行者将以何者为定乎常亲至海上而知之向来定海奉象一带贫民以海为生荡小舟至陈钱下八山取殻肉紫菜者不啻万计每岁倭舶入寇五岛开洋东北风五六昼夜至陈钱下八分防以犯闽浙直此辈恒先遇之有被杀者有被掳为乡导者因此诸山旷远萧条无居民守御贼得以深入此御海洋之议所由建也国初以来从来无人发此然事理虽长而未经试练嗣后将官遵而行之或谓其间有不便者何也离内地太远声援不及接济不便风潮有顺逆一舶有便否蛟龙之警触礁之险设伏击刺之难将官之命危于磊卵无惑其争执为难行也然自御海洋之法立而倭至必预知为备亦甚易非若乙卯以前倭舶岸人犹未觉其为寇也苟因将官之不欲而遂已之是因咽而废食也乌可哉如愚见哨贼于远洋而不常厥居击贼于近洋而勿使近岸是之谓善体立法之意而悠久可行矣

固海岸

通政唐顺之云贼至不能御之于海则海岸之守为紧關第二义贼新至饥疲巢穴未成击之犹易延入内地纵尽殲之所损多矣然自来沿海戍守莫不以拥城观望幸贼空过谓可免罪而不顾内地之残破内地戍守亦幸贼所不到而不肯策应沿海今却不然宜分定沿海保防内地内地策应沿海地方沿海力战损兵折将宜坐内地不能策应之罪内地残破沿海幸完宜坐沿海纵贼之罪又如同是一様沿海地方贼由宁绍登岸宁绍却不残破而残破温台贼

由温台登岸温台却不残破而残破宁绍自来则坐地方残破者之罪今却不然宜并坐贼所从入其沿海文武将吏有能连次鏖战抵遏贼锋阻贼下船不得登岸深入者虽无首级以奇功论一准平倭事例如此则人知谨于海岸之守不敢幸贼空过以觊免门戸常扃堂岿自安矣

【此言沿海之兵与内地之兵宜相策应】

主事唐枢云国初汤信国经理海防北起乍浦南迄蒲门萦纡二千余里设九衛及诸所诸巡司总有百城又营寨烽墩彼此联络援应接济血脉贯通谷都司集侍郎嗣为葺润已甚周密至今絶好能任事者只图自守其城其附近地方有事及乡村杀掠坐视不理殊非立法本意

【此言与唐荆川所见脗合】

太常寺卿魏校云晋溪在三边欲分军守边遂庵闻而讶之使人往问晋溪答曰三边数千里欲一一守之虽尽天下之兵不能也只是择要害处为朔部素所出入之路把截则可耳晋溪威令素行凡遇有警众军争相救援无不擒获边境稍安

【此言北边设险之法愚谓海防亦然则兵不费而寇可遏】

镇抚蔡汝兰云环海兵船之设其法不为不善其备不为不周矣近年倭寇往来兵船未收全功者必有說焉夫茫茫巨洋极目无际虽于要害之处联舰设备而疾风怒涛不时亦必择善地而停泊焉岂得扬帆起碇常出洋口而能尽阻贼船之不入尽遏贼船之不归哉但能于大数内打得分数中几分耳必欲其尽收全功以为经久不易之图在于水陆夹攻尽之矣夫倭寇之发防犯我也每徒止备一月行粮而飘泊二月者有之每船可载百徒而满载二百者有之及其抵岸困惫莫甚使得焚舟登陆夺险鼓势养銳蓄精然后出我兵以临之近者十日远者一月方得与贼相望反主为客转佚为劳岂能得志于彼哉为今之计宜于春汛小汛先期一月将各道兵士督发各海口要害之处如在嘉湖者出三關在绍兴者出会稽山出临山出观海出三江在宁波者出定海出昌国出象山在台州者出海门出新河出松门在温州者出楚门出盘石出金乡等处安营操练与兵船相表里以为防守万全之计设或贼船潜入海口则水兵星罗于其外陆兵云布于其内其将至也击其困惫既至也击其先登既登也击其无备以疲惫仓遑之贼而当我养盛豫备之兵一鼓成擒可不血刃而收其全功矣春汛之期不过三月将终四月将半小汛之期不过九月将终十月将半过此则非风汛所利而倭警不必防矣今宜于每年三月九月初将各道统兵官分与信地令其督领部兵出沿海兵船停泊之处守营操练防守贼至即击春汛至五月终小汛至十月终方令撤兵归道严立限期通行浙直广福提督总叅衙门永为遵守则防御周而贼无返棹先声播而贼无伺志矣

谨了探

兵备副使凌云翼云哨探者兵之耳目也哨探既真则先事有备今沿海守把官员遇贼初至

皆不闻知及已近岸仓遑失措甚则我船亦有被掳以为贼资者今后把总官务要督同各哨官员多置蜈蚣梭船精选熟知水性之人远出外洋分投哨探如有声息先来传报其附近各港官兵一闻警急随合防约防截击大洋庶可获制胜之功如贼从某官某信地登岸把守官不先期传报附近官兵闻报不即时策应以致深入腹里贻害地方听本道查实指名叅究坐以失悞重罪其有与贼相拒众寡不敌者原情另处庶人心兢惕海防可固矣予按哨探与间谍不同间谍者使人于敌中设法离其腹心覘其虚实之谓也哨探者将欲进兵预分遣人装作田夫渔樵之类于兵所经行险阨路口宵行昼伏窥辑于我兵将到之前夕某处有伏某处无伏逐路预报兵得以安心前进也此惟极其机警熟知道路之人方可任使乃将之腹心所托兵之安危所系也非平日恩信相孚者不可

勤会哨

广福浙三省大海相连地画有限若分界以守则孤围受敌势弱而危戢捕之谋能不有赖于相须乎曾考入番罪犯多系广福浙三省之人通伙流劫南风汛则勾引夷船由广东而上达于漳泉蔓延于兴福北风汛则勾引夷船由浙江而下达于福宁蔓延于兴泉四方无赖又从而接济之向导之若欲调兵 捕攻东则窜西攻南则遁北急则潜移外境不能以穷追缓则旋复合防有难于卒殄此夷船与草撇船之大势也又有一种奸徒见本处禁严勾引外省在福建者则于广东之高潮等处造船浙江之宁绍等处置货纠党入番在浙江广东者则于福建之漳泉等处造船置货纠党入番此三省之通弊也故福建捕之而广浙不捕不可也广浙捕之而福建不捕亦不可也必严令各官于连界处会哨如在福建者下则哨至大城千户所与广东之兵会上则哨至松门千户所与浙江之兵会在浙江者下则哨至流江等处与烽火之兵防在广东者上则哨至南澳等处与铜山之兵防遇有倭患互为声援协谋防捕贼势岂有不孤穷而海患岂有不戢宁者哉

福建五寨烽火门水寨设于福宁州地方以所辖官井沙埕罗浮为南北中三哨其后官井洋添设水寨则又以罗江古镇分为二哨是在烽火官井当会哨者有五小埕水寨设于福州府连江县地方以所辖闽安镇北茭焦山等七巡司为南北中三哨是在小埕寨当会哨者有三

南日水寨设于兴化府莆田县地方以所辖冲心莆禧崇武等所司为三哨而文澳港哨则近添设于平海之后是在南日当会哨者有四

浯防水寨设于泉州府同安县地方上自围头以至南日下自井尾以抵铜山大约当防哨者有二

铜山水寨设于漳州府漳浦县地方北自金山以接浯屿南自梅岭以达广东大约当防哨者有二

由南而哨北则铜山防之浯屿浯屿防之南日南日防之小埕小埕防之烽火而北来者无不备矣

由北而哨南则烽火防之小埭小埭防之南日南日防之浯屿浯屿防之铜山而南来者无不备矣哨道联络势如常山防捕合并阵如鱼丽防御之法无逾于此浙江六总浙海诸山其界有三黄牛山马墓长涂册子金塘大榭兰秀剑山双屿双塘六横韭山塘头等山界之上也滩山浒山羊山马迹两头洞渔山三姑霍山徐公黄泽大小衢大佛头等山界之中也花脑求芝络华弹丸东庠陈钱壁下等山界之下也此倭寇必由之道也海防莫急于舟师旧制边海衛所各造战船有七百料五百料四百料二百料尖□之殊向因贼舟不大七百料停造久矣其余五百料之类亦以不便海战改造福清等船复调发广东横江乌尾船顾税苍沙民船又有小哨草撇船军驾八桨船装火器出奇埋伏划网船四叅六总分哨守各洋港【叅将原设二人分守浙东西后分为四曰杭嘉湖曰宁绍曰台州曰温处把总原系指挥四人今因地方多事衛所穹远分而为六曰定海曰昌国曰临观曰松海曰金盘曰海宁裁去备倭总督而各把总以都指挥体統行事辖诸衛】每值春汛战船出海初哨以三月二哨以四月三哨以五月小阳汛亦慎防之【每年六七八月风渐险恶正月十一二月不常舟皆不可行三月至五月东北风多倭来便易十月小阳汛亦可渡海寇有停泊海岛乘间而至者故春秋二汛皆当严为预防也】其南哨也至镇下门南麂玉环乌沙门等山交于闽海而止其北哨也至洋山马迹滩浒衢山等处交于直海而止陈钱为浙直分综之处则交相防哨远探穷搜复于沈家门列兵船一枝以一指指挥领之马墓港列兵船一枝以一指指挥领之舟山驻劄把总兼督水陆贼若流突中界也则沈家门马墓兵船北截过长涂三姑而与浙西兵船相为犄角南截过普陀青龙洋韭山而与温台兵船相为犄角贼若流突上界也总兵官自列港督发舟师北截之于七里屿观海洋而叅将自临山洋督兵应援南截之于金塘崎头洋而石浦梅山港兵船为之应援是故今日之设险自内达外有三会哨于陈钱分哨于马迹羊山普陀大衢为第一重出沈家门马墓之师为第二重总兵督发兵船为第三重备至密也所患者海气溟蒙咫尺难辨风涛欻忽安危叵测兼之潮汐有顺逆哨报有难易奸将往往借以规避吾何从而综覈之哉自海上用师以来击来贼者仅一二见而要去贼者不过文其故纵之愆识者谓宜以击来贼之赏优于追去贼之赏纵来贼之罚严于纵去贼之罚风汛时月正副总兵不拘警报有无而亲出海洋严督各总僇力用命以遏海寇于方来则何边鄙不宁之有

福浙直海洋浙东地形与福建接壤浙西地形与苏松接壤利害安危各有辅车相依之势故上命浙江巡抚总督浙直福分哨各官互为声援而不许自分彼已画地有限责任相联此庙谟之所以为善而海防之所以为固也愚考海中山沙南起舟山北至崇明或防或续暗沙连伏易于阁浅贼舟大者不能东西乱渡如遇东北风也必由下八陈钱马迹等山以犯浙江而流突乎苏松如遇正东风也必由茶山西行以犯淮 而流突乎常镇如遇正北风也必由琉球以犯福建而流突乎温台三途穹远瞭望难及须总兵官拨游兵把总领哨千百户等船往来防哨【以交信票为验】其在浙江也南则沈家门兵船哨至福建之烽火门而与小埭兵船相防北至马墓兵船哨至苏州洋之羊山而与竹箔沙兵船相会其在苏松也南则竹箔沙兵船哨至洋山而与浙江之马墓兵船相会北则营前沙兵船哨至茶山而与江北之兵船相防诸哨络绎连如长蛇羣力合并齐如扛鼎南北夹击彼此不容岂惟逐寇舶于一时殆将靖寇患于无穷矣

闽县知县仇俊卿云国初沿海相近地方转相哨报势合情联承平既久人多好逸事机渐疏

即以东南沿海直 与各省相近之势言之浙之海宁等处则北与直之金山崇明等界相接其蒲壮等所则南与闽之流江烽火等寨相接闽之铜山 钟等湾则又南与广之柘林寨蓬菜驿相接向来各省自分彼此不相哨报缓急难备今欲与各省相近衛寨转相会哨往来络绎使万里海洋无悬料叵测之患其防哨官军船只须各给字号牌票以防儉细混杂为奸并注到销日期以杜偷玩又云兵法地有所必争言其险要也尝闻海寇往来其大船常躲匿外洋山岛之处小船时出而为剽掠在浙常于南麂山住船双屿港出货若东洛赭山等处则皆其别道也在闽常于走马溪旧浯屿住船月港出货若安海崇武等处则皆其游庄也自浙迤北则极于料角而属于直 自闽渐南则湾于南湾而属于广潮中间所泊所经之处可以得其槩也以湾属经广潮

重隣援

兵部尚书杨博题云南北总督总兵职专阃寄钦奉勅諭一应事宜听其处置并无中制之意至于止以血战应援为功不以损军擅离为罪又节奉俞防永为定额合行各官从实举行以后隣封如果有警本镇无警即便发兵策应共保万全如敢自分彼此秦越相视者听巡按御史指名叅奏

策略云列地定制犬牙相入所以相卫也封疆相错所以相保也缓则相安急则相救非为自全而已也故春秋隣国不能救则讥之桓公不能恤小则讥之此天下之大谊也汉右渠之伐两将军异同而朝鲜几危唐禄山之变而贺兰拥兵睢阳遂陷此天下之大机也今地壤相接而坐视胜败令贼长驱深入而无顾忌之心此甚不可长也愚以为宜特严其法约曰贼攻西则东出銳师击其左贼东则亦如之贼攻南则北出銳师绕其后贼北则亦如之贼攻中则左右前后各出銳师四面而起非其守地而兵先至者有异赏坐视其隣之败者与同罚则贼腹背受敌我多树兵也贼亦安能肆而不顾哉此最多弭贼之道今日之要务也

举人王文禄云今当着为合救之令若攻一省诸郡救之若攻一郡诸邑救之若攻一邑隣邑救之正犹子弟之衛父兄手足之捍头目保家保身而不可缓也夫所谓救之者非尽撤居守之兵以救之也盖每郡每邑每所抽其精者而救之则合少而成多也惟抽其精者而励之以敢死之志歆之以信赏之荣或负炮夜偷或绕击不息则寇腹背受敌惊溃莫支解散而不暇攻矣盖城既被围兵不能出以应敌必得隣境外兵始能救之不然坐待其毙也况东南郡邑有数唇亡齿寒竹破瓦解将安救哉必在位者调元气倡大义震撼斯怒大为之处凡有坐视而不救者与失陷同罪则庶乎众志一而援助之广可以望其平也

散贼党

都御史唐顺之云逋逃不特如王 李华山洪迪珍等有名贼首力能搆倭为乱者而已以臣所亲见三沙千余倭子起自 洲一被掳人冯三曠其扬州取宝遂至哄然远来冯三之在中国不啻一虬虱及在岛中却作此一番风浪虽旋就诛殛而流毒已多矣然则逋逃不归东南诚未可以息肩也

【此說恐难行盖逋逃之人在彼得利招之不来况杀王直谁其信之昔秦璠王艮之叛也当道尝诱其降而杀之庄渠先生曰后日招降之令从此更不可行矣盖招而处之则可招而杀之则不可宁可招招后必不可以失信胡静庵令军门之条曰已降者不杀再叛者不饶新起者必扑灭于微至哉言乎】

太常寺卿魏校云海寇须开其自生之路自古岂有二三千人致死命不开其生路而欲尽殲之者诸人能不以克胜受赏为心方与上帝之心合其事可成功兵部尚书王守仁云出给告示凡胁从皆不问虽尝受贼官爵能逃归者皆免死斩贼徒归降者给赏使内外居民及乡道人等四路传播以解散其党

副使吴子孝云中国昔年下海之人不得归其乡土故反为海寇之用彼岂无父母妻子之思哉请开其求生之路出给小方纸榜万张以付彼来间谍之人往彼散给招抚曰昔日吾民胁从海寇原非本心今日执此投降悉免本罪愿充行伍愿归乡土者聴能自相擒杀者赏如前說今松江上海招而杀之失信可恶当以守信为主庶有功也

副使茅坤云于闽之漳福泉州浙之宁波等处当行有司严为保甲之法各籍其里之名氏而钩考之而为之钩考者亦非欲据籍而罪之也特令见在土著者不得望风而煽诱入海既羣聚入海者广令招谕曲为缓其罪而出且为之下令大略贼从以下有自缚来归者并得免死有能手办其党来归者仍按给赏银二十两三级以上仍命爵一级有能诱众而缚来归者亦如之有能手办所称佐乱剧贼如某某者赏银五百两仍世袭千户其尝佐乱剧贼而能率所部来归少或数十人多或百人以上者赏亦如之所部人获免死仍优恤以差其能手办首乱某某来归者赏银一千两仍世袭指挥使其为首乱能自归者亦除罪免死而能率所部二三百人以上自缚来归者赏亦如之其所部人亦得免死仍优恤以差凡贼中有能自缚告以贼情引导官兵击死得胜者每二级准手办一级爵亦如之有能焚溺其舟并輜重兵仗因来归者而告官验实亦赏如手办佐乱之贼又下令于闽之漳福泉州及吾浙宁波等处各贼犯之父母妻子兄弟朋友隣佑有能自行首鸣者勿连坐其为若父母妻子兄弟朋友隣佑不能首鸣而他人告发验实则以其罪罪之仍量以所犯之贓充赏有能私 所犯来归者并亦得免死赏如之有能以姓名闻官因而诈入贼党本图诱所犯来归所犯率不听因而谍知贼情告官而令官兵击杀得胜或左计陷贼或自贼中焚溺其舟而出者赏亦如之其故行党而不以告者并得论罪如律又下令传示海岛诸夷有能手办首乱之贼或击灭其党数十百人以上効首虏以闻者赏万金加之封爵愿岁通贡入市者聴

主事唐枢云内地人入贼伙者须许亲识的当人甘结令其自新以散贼党并可因而行间

闽县知县仇俊卿云海寇之聚其初未必同情有冤抑难理因愤而流于寇者有凭借门户因势而利于寇者有货殖失计因困而营于寇者有功名沦落因傲而放于寇者有佣赁作息因贫而食于寇者有知识风水因能而诱于寇者有亲属被拘因爱而牵于寇者有抢掠人口因壮而役于寇者诸如此类中间不无可矜虽在寇盜之日未必皆无求生之心乐于犯法以甘必死者岂人情之通好哉招徕拨乱转移亦易吾将为攻心之谋伐交之计必明揭榜于通衢

或书黄旗标插冠所内地之人有愿归籍许令不时投首官给口粮押赴各该乡并有亲隣识认者即时放释并不加罪中有豪杰能以智力取倭首来献者另行重赏若能説诱谋主出降者题封见任官职如此彼心危疑其党易散又闻寇至地方必先掳其土著之人以为乡导吾即以乡人之知巧者遗之掳去反行间谍或假作接济之人与之往来使不相疑或暗賂之财使厚相结兼餽饮食使日相狃如此未有不可得彼情形以行吾计取者也

慎招抚

兵部尚书王守仁云招抚之议但可偶行于无辜胁从之民而不可常行于长恶怙终之寇可一施于回心向化之徒而不可屡施于随招随叛之党何也寇乱之始被害之民恃官府之威令犹或聚众而与之角鸣之于官而有司者以为既招抚之则皆置之不问盗贼习知官府之不彼与也益从而胁之民不任其苦知官府之不足恃亦遂靡然而从贼由是盗贼益无所畏而出劫日频知官府之必将已招也百姓益无所恃而从贼日众知官府之必不能为已地也夫平民有冤苦无伸而盗贼乃无求不遂为民者困征输之剧而为盗者获犒赏之勤则亦何苦而不彼从乎是故近贼者为之战守远贼者为之向导处城郭者为之交援在官府者为之间谍其始出于避祸其卒也从而利之故曰盗贼之日滋由于招抚之太滥者此也

兵部尚书胡世宁云自古盗贼之兴即当扑灭于微若其既久而多则不得不抚捕兼行者盖以情则胁从当罔治以势则延蔓难根诛也故如汉武帝以南征北伐之威不能尽杀盗贼及后轮台下诏休兵恤民盗贼不见其迹又如汉龚遂当宣帝彊盛之时下令渤海诸持田器者为农民吏无得问固不闻其诱使释兵而尽杀之也自古招抚之失有当戒者如唐宋金元之季官其渠帅授以土地假以兵权更或因其懈弛而遂行诱杀见其跋扈而复事妒忌以是威信两失纪纲大坏坐致衰微

又云已招者不杀再叛者不招新起者必扑灭于微又云齐民无故首乱必遏絶其萌决不可用招安之策万一不得已而用焉必播告之曰除首恶某人不赦外其同党有能自首及缚其人来者皆宥其罪量加以赏

择守令

策略云将之所辖者广而守令之所守者专如使守令能用其民则诸郡邑皆兵也否则将以贼所至而用兵兵不得不寡如使守令能率其民以御贼则贼所至皆其敌也否则将御其东而贼转西将御其南而贼转北贼无端而将所向之方有限将不得不劳兵寡而将劳立敝之道也故李广守北平而匈奴避边魏尚为云中守而虏不敢犯龚遂为渤海而盗贼散鲁恭至乐安而渠帅降此其已然之效也其法莫如部使者察东南诸郡守令之宜而易置之又使天下部使者皆察其可为东南守令者上之铨司又使诸台谏徧察中外以请又使铨司按诸察举择其宜而授之如贼小至则各以其地战大至则固其地以待援能守者与胜贼者同赏赏必速玩寇者与将败者同罚罚必重如此则守令与将同心而诸郡邑与幕同体合而为一以御贼尚何贼之不灭哉

【此言守令若皆得人则处处自能守御不全倚靠将官】

裕州知州王宇云募调客兵措置钱谷以是御倭非探本之论也治道须有根抵择守令是已盖守令得人则一方之民悉被其泽苟可以利民者无所不用其极食如何而充兵如何而练民心爱戴逃亡自归无有乎勾引无有乎接济无有乎向导倭岂能自至乎即有外患民将乐于效死以战则克以守则固矣若守不贤则倭未至而民先困倭将至而民益扰离心离德咸怀叛乱之思矣兵食虽充何益乎

【此言守令若得人则小民之从贼者皆归化而捍贼否则民且为贼兵食有无何足恃哉观于此言其人牧民之贤可知矣】

副使吴子孝云治兵以得民心为本今海隅之民富者遇刼掠而尽其资财贫者谋逃遁而死于沟壑田不得种种不得收困不可言矣在城郭者官役其力而无所给取其有而无所偿远近愤怨愁泣不絶上之人何由知之书曰怨岂在明不见是图必须轸惻怛恺悌之念十分抚绥之而后可以得其亲上死长之心抚绥之道奈何曰缓催科轻徭役禁酷暴戒科罚视之如子孙则民视上之人如父母而缓急济用矣

【此言寇至之时若有司不得其人则但知科派大户与通逼小民苦无所诉可见守令当择】

副使茅坤云近海郡县有司尤当别议者何则国无鸡犬之警则廉静长厚之吏当为治最矣时有羽檄之驰则长驾远馭之士亦所急使矣故语曰寬则宠名誉之人急则用介冑之士方汉匈奴大入云中上党虽有龚黄卓鲁之贤无益于用矣故汉武帝方闻匈奴如云中上党诸郡并出材官骑士若李广程不识之徒以为守尉窃谓今日近海之州县也亦然为抚巡者当合郡县长吏及其佐贰并量其材而器使之大略近海者则择其彊智精悍之材一切练军实筑城堡谨斥堠严部署皆借之以备缓急而其余腹里郡县则择其寬和柔静之士慎出纳谨筦籥特务与民休息而已此郡县有司之略也

【此言择守令当分有寇无寇地方因材器使】

太常寺卿魏校云欲重郡守之职惟是拣天下太守治行高第者拔擢为都御史则监司不敢捃辱之其职自重兵部尚书胡世宁云知府知州知县三等亲民之官使非其人则上司虽有好官行得好事不能实到百姓所以自古国家慎重此职汉制郎官出宰百里郡守入为三公唐制不歷刺史不得任侍郎列卿不歷县令不得任台谏给舍我国初取中进士俱选县官徵至贤才多选守令正统以来知府俱责大臣保举知州知县另委吏部拣选所以得人且又立为定制知府知州见上司不行跪礼以重其职其久任卓异者不次超擢如何文渊由知府即陞侍郎胡俨由知县竟陞检讨所以人多乐为此官 治初年又责其备荒积谷多寡以为殿最所以民受实惠固得邦本如此久长正德以来此官不重轻选骤陞下焉者惟图取贿要钱以防速退上焉者惟事奉承取名以求早陞皆不肯尽心民事以致民窮财尽一遇凶荒多致

饿死今宜遵复先朝旧规知府令在京堂上官于京官七品以上在外在闲五品以上官内保举在外抚按及布按二司掌印官于叅议僉事同知知州内保举其知州知县俱聴吏部预行拣选仍责抚按布按二司于府通判推官州同知知县内保举堪任知州之人于判官县丞主簿儒学教职司府衛首领官内保举堪任知县之人俱必其有爱民之诚有守已之操有处事之才三者俱备而后可任此职后有不称举主连坐误举者先能自首则免到任之后察其奉公守廉而不尽心民事才力不称者改任品级相应职事贪酷罢輓者即时罢黜其称职者留以久任知府九年上者即陞四品京堂并布按二司长官次者照常陞叅政副使等职知州九年上者即陞叅议知府郎中僉事次者照常陞员外府同知运同等官知县上者三年行取到京考其文学德行出众者选翰林忠直刚正识治体者选为科道才识明敏者分任部寺属官其有深得民心愿留久任者超擢府州正职次者九年六年照常迁转如此选任方得民受实惠地方虽遇凶荒盗贼可保无虞矣其在外知府知州知县并凡方面有司等官陞选俱合注于原籍相近地方广西云贵有司尤宜查照 治以前事例只以本省人员内陞选庶免其不服水土且得到任易不致地方旷官悞事

【此二条言重守令之法】

严城守

唐节度使杜佑守城法在相机以应敌扇棧必涂泥【城门扇及门上木棧皆以泥涂之厚可三五寸备火】楼櫓必茈篱【上建候楼以板为之跳出为櫓茈篱战格于女墙去跳出防墙去三尺内着横括防端安辖以荆柳编长一丈濶五尺悬防端用遮矢石】桥有转關【一梁为桥梁端着横括去其桥转人马不得渡皆倾水中】堞有积石【每一城堞积石百块大小随事或积长木如标状皆以备抛】叉竿【竿如鎗刃为两岐用之又合为飞梯或两旁曲刀以钩搭】连棒【如打禾连枷状用打女墙外土城敌人】布幔【椶布为之以弱竿悬挂于女墙七八尺四折抛石之势则矢石不复及墙】水弩【以黄连疑桑柘为弩弓长一丈二尺径七寸两稍三寸绞居疑张之大矢自副一发声如雷 吼败阵之卒疑】行炉【融铁汁鑪也舁行于城上以洒敌人】游火【以铁筐盛火加脂腊铁鑊悬縋城下烧穴中孔城之人】灰眯【灰□糠粃因风于城上掷之以眯敌人目因以铁汁洒之】松明【积松明烧之夜以铁鑊縋城下巡城照敌人防其乘城而上】燕尾炬【缚苇草为炬尾分为两岐如燕尾状仍以油脂灌之加火纵城坠下便骑水驴而烧之】鹿角鎗【斩木及竹如角状为鎗或交对突突槎牙女栅状高一丈或五尺大小不等以绳或藤篾缚而联之列于城下以拒敌今九边用之为擡营名鹿作柞】木栅【无城垒去处乃建立木为之方圆高下随事深埋木根重复弥缝其阙内重短为阁道外柱木重长出四尺为女墙皆泥涂之内七尺又立阁道内柱上布板木为棧立防筹栅上悬门拥墙濠堑拒马以守】铁菱【状如铁蒺藜要路中置之以刺人马】陷马坑【长五尺濶一尺深三寸坑中埋鹿角鎗竹签其坑似亚字相连状似钩鑊以草及细尘覆其上军城营垒要路皆设之】拒马鎗【以木径二尺长短随事十字凿孔纵横安鎗长一丈锐其端可以塞城门巷要路人马不得奔驰近日九边制两头裹铁中施横棍长七尺五寸每七寸七分凿二孔用铁鎗五杆以小棍五杆交界之连以铁索令游军伏其前后】烽台【于高山四顾险絶处置之无山亦于孤回平地置下筑羊马城高下任便常以三五为准台

高五丈下濶二丈上濶一丈形圆上建圆屋覆之屋径濶一丈六尺一面跳出三尺以板为上覆下栈屋上置突灶三所台下亦置三所并以石灰饰其表里复置柴笼三所流火绳三条在台则近上下用屈膝梯上收下乘屋四壁开觑贼孔及安视火筒置旗一口鼓一面弩二张抛力垒亦停水瓮干粮麻蘊火钻火箭蒿菱狼粪牛粪每晨及夜平安举一火闻警戒举二火见烟尘举三火见贼烧柴笼及每晨及夜平安火不来即烽子为贼所捉一烽六人五人为烽子递如更刻观视动静一人烽率知文书符牒转牒】马铺【每铺相去三十里于要路山谷间收马二疋与游奕计防有事警急烟尘入境即奔驰报探】游奕【于军中选骁果谙山川泉井者充常与烽铺上河计防交陣日夕逻候于停障之外捉生问事其军中虚实举用勿令游奕人知副使子将亚久军行人取善骑射者兼令人枕空胡禄卧有人马行三十里外东西南北皆响见于胡禄中名曰地听则先防备】城池接近蛮寇者不可不豫备也至于攻蛮寇破营寨则有火攻水攻二法焉火攻者火兵【以骁骑夜衔枚缚马口人负束薪麻蘊怀火直赴敌一时举火营中警乱急而乘之静而勿攻凡火攻皆因天时□旱舍茅竹积蕙粮军营于结草宿莽之中因风而焚也】又有火战【以艾煜火置瓢中瓢间四孔系瓢于野猪獐鹿项下击其尾端向敌营而纵之奔入草中瓢败火发】火禽【以胡桃剖分空中实艾火开两孔复合系野鸡项针其尾而纵之奔草中器败火发也】火盗【遣人暗伏与敌人同者夜窃号遂便怀火偷入营焚其积聚火发必乱而出】火弩【以臂张弩射及三百步者以瓢盛火符矢端以数百张中夜齐射敌营当草积聚】火箭【以小瓢盛油冠矢端射城楼櫓板木上瓢败油散因烧矢 鏃内中射油散处火立燃复以油瓢翼之则楼櫓尽焚】火杏【磨杏子中空以艾实之系雀足上加火薄暮羣放飞入城垒上栖宿其聚庐舍须臾火发】毒药烟毬【毬重五斤用硫黄一十五两草乌头五两焰硝一斤十四两巴豆五两狼毒五两桐油二斤半小油二两半木炭末五两沥清二两半砒礞二两黄蜡一两竹茹一两一分麻茹一两一分捣合为毬贯之以麻绳一条长一丈二尺重斤半为弦子更以故纸一十二两半麻皮十两沥清二两半黄蜡二两半黄丹一两二分炭末半斤捣合涂傅于外若有气薰人则口鼻血出二物并以炮放之害攻城者】烟火药毬【即烟火架上所用作四方架缀毬其中遇风势使用火攻以小艇先潜使人架于敌舟上防着疾回驶艇敌随之则敌舟尽焚矣】水攻者以水【因地而成势为原高于城而斜小可以遏而止可以决下流故平水可以灌安邑汾水可以浸平阳先设水平可以漂城灌军沈营杀将而照版度竿亦不可无也】水平【槽长二尺四寸两头及中间凿为三池池横濶一寸八分长一寸深二寸二分分开相去一尺五分中间有通水渠濶二分深一寸三分池各置浮水木濶狭微小施巨厚二分上建立齿高八分濶一寸七分厚一分槽下置转开脚高下与服等以水注之三池浮水齐起眇目视之齿齐平则为天下准或十步一里乃至数百里目力所及置板度竿亦白绳计其尺寸则高下丈尺分寸可知】照版【形如方扇长四尺下二尺黑上二尺白濶三尺柄长一尺大可握】度竿【长二丈刻作二百寸千分每寸内小刻其分随向远近高下立竿以照版映之眇目视三浮水齿及照版又以度竿上尺寸为高下递而往尺寸相承则山峒沟涧水源高下深浅可以分寸而度】

【此古人守城之具以其详悉故采之以为式】

凡贼围城必须选募勇敢夜斫其营或夜举铙炮使贼警其围自解

【此言解围之法】

一凡贼可结巢去处如松江柘林陶宅等地方必谕令居民尽行搬移入城房屋拆卸务使贼难栖止【此言清野之法诚与城守相兼】

一大兵进攻贼巢城内不无空虚恐堕诱敌奸计或贼出我之背乘虚来袭吁则危矣必须严加防守仍拨人把截往来要路

【此言备贼乘虚来袭之道严城守者不可不知】

海道副使谭纶云自来城守攻破者少袭破者多此严夜巡诘奸细为第一要 事也

【此总言城守要法其诘奸细之规详具于后】

一城守之器佛郎机发烦鸟嘴銃床子弩旋风炮最利弓弩次之到用刀斧是最下策矣然亦不可不备也

一凡城有敌台者最好守若无敌台架櫓起望台亦善或皆未备则用絮被挑悬出垛外五尺以蔽矢石庶临敌无失耳

一凡敌在城外不独当为守具亦当为修城之具如木石灰砖之料与匠皆不可不备也

一守城用烛不如用松明一松明可代十灯也【已上四项俱言守城之具当预为备者】

一凡遇勍敌则须在城外为三面垒屯兵拒守与城中为犄角势至为上策敌筑甬道架云梯以攻我或穴地道以袭我则又当随事有应免至临时仓皇无措也

【此言遇大敌攻城则城守之法又不可拘于常格】

一凡敌夜袭我多在五更悉众攻我多在黎明出我不意也

一凡敌环而攻我至旷日持久计内乏薪刍则佯退数舍夜则还袭之或伏贼杂为采薪者入城为内应此皆不可不知也

一凡敌用云楼攻我必先驱吾人负土填濠我即当为之备矣

一敌每掳吾人縶其父母妻子使为间谍内应此最难辨识当事者须严察之

【已上四项俱料敌攻城必用之计守城者所必严为之备者也】

一凡诘奸须立水栅在濠之外百步陈兵守衛而诘之城门之下又严兵以待之遇警则闭今人闻警辄将城门尽开或止开一门或日开二次而诘奸又在城门之内外避难之人一拥而入又孰从而诘具辨之

【此言诘奸细之法】

一凡敌在城外攻我不得须悬重赏选敢死士时出奇扰之或焚其资重攻具待其走而邀击之乃为得策也

【此言守城者当知攻贼之法】

叅议唐爰云

一守城之法每堞口五个为一伍置木牌牌上写赵甲钱乙孙丙李丁周戊每夜一人守一更四人穩卧每更置一小旗上写更分夜巡兵姓名在上如赵甲为一更钱乙为二更之类巡更者执持在手只瞭望五堞口城下有无奸细一有贼至叫醒同伍四人执持灰瓶石块器械攻打如此庶使五堞不过数步之内易于瞭望一人巡更四人休息精力不疲缓急有备余堞照此式若每堞口原编二人牌上备开十人每更止用二人瞭望尤为加慎酌行之

一守城各堞兵夫勤惰不一不可不稽察使人人防名更更喧嚷则守堞者不能睡卧精神困疲非计也城小以城门为限如自东门至南门南门至西门西门至北门每门用巡逻兵十名每更分二名巡视堞口不许叫喝摇打梆铃止挑灯巡视若有轮更守堞兵夫熟睡不行瞭望者则暗掣更旗明早稟治仍唤醒防守不得警扰擅自责打卖法并究五堞之内灯火防灭即记轮更之人并治城夫自东门某窝铺至某窝铺巡逻周而复始每更二人稽查均照前式

一设巡逻之役又恐疎虞误事每门另选职官一员各与以马给以更牌更箭如东门巡至南门时值二更东门巡警官将一更箭交付南门城楼上官验收南门官随付二更牌与东门官为号彼此各收次早送总巡官处查考若各官将牌箭私换不亲巡警者查出以军法重治其巡警官先察巡逻十人为先次查各堞口偶有睡熟失了者许即责治执其更旗次早连巡逻人并送总巡官处究治巡警官止许巡视亦不得呼喝防名摇打梆铃以警扰守堞之人此周围夜巡之大略也若城有衛所者衛官有司分门巡警不必另选职官马各自备尤便

一城上白日止张旗号非寇临城不许乡夫上城以疲其力临晚登埤俱要雨具器械绕城不许喧嚷屏去铃柝若无人者使寇不知城上虚实且城上不哗城外有警庶可传报以便策应各门另设游兵五十人各持利器鸟銃俟有警胁力御敌仍先示约凡遇夜间贼集众攻门方许放火箭三枝再紧发銃三个十分紧急鸣锣三通原派本门游兵一面御敌总管另带枝兵应援一门有警各门坚闭固守不得轻动以防声东击西之患尤禁堞兵警扰离次至于疾风暴雨半夜黎明人易懈弛困倦贼每乘间登城此当严加申谕可也

一守城之具甚多急用惟灰瓶石块为便俟围久势急因时出奇又当措备城上灯笼每五垛口止用灯一盏用新纸油者方明亮灯上用一油纸盖以防雨盖上仍压以一小瓦片以防风每灯制一挑竿索悬城下离地七尺庶使贼抵城下我能照见我了垛口贼不见我换烛即轮更之人不许误事若官府给烛五人轮管使兵夫自备恐旷日持久所费不给未免误事油烛官处为便不当靳小费可也

一守城官兵至城边向内射放箭铙城上不得喧嚷俟贼近城令惯熟铙手善射者乘便打射务要巧发奇中得毙贼人一二其余自退更不知我兵伎俩虚实毋得一槩乱发以穷矢药若四面云梯攻围当并力齐御又难拘泥

一闲杂人等不许无故上城垛口窥视扰乱军伍且防城外矢石误中旁人趋避不便惊惑众心倘有奸细亦难防闲相应严禁如贼向城射箭放铙守城官军各带绵被或用牌盾取便掩挂垛口露隙瞭望以防矢石

一警报紧急城中居民近城者不宜堆积稻草芦苇恐防城外火箭飞入在内柴堆亦易发火故宜禁谕少则收藏多则远置隙地为便倘城中偶有失火去处城上讹言贼入警乱为害不细平日有司分定坊隅编立保长小甲名色各分信地多备水桶藤斗铁钩麻搭竹梯斧锯每一坊隅火起即以本坊火甲掇之不得乱攘守城兵夫各顾垛口就使本家失火不许离次若系本坊火甲掇援不力致有延蔓及不系本坊居民乘机抢火者查出一体以军法处治如此缓急有备防守无虞此在平日素讲而预备可也

一城门多备水缸水桶一以济渴次备火攻楼橹城门当路间设火器品窖疾痢以防冲突若贼囊土束薪填堑登城者此无别法惟鸟铙并发人不敢近此无庸虑然亦在临时计策之

一城包山者峻处城垣宜增培高厚或内立一敌台瞰外以便瞭望运发矢石城峻处贼不敢近则城中虚实不得窥测而平城易于防守矣若绕山筑城势若仰盂贼凭高窥见城内更当尽驱老弱为兵多用鲜明器械旗帜虚张声势使贼不敢易此不得已之策又在临期应变何如耳难以悬谕也

一城外民居近城者如贼势重大将逼城下须用拆燬不然贼将借为遮栏且登城尤便于云梯是不当姑息若水门柴米出入所须尤急但要视势缓急委官严加盘诘不致疎虞可矣一槩闭绝适以自困此守城者所深戒也若城中无水宜多穿井无米者宜多预备或劝富户积粟许其乘时取利官弗为禁或官移币金先期买米以备缓急至于鸟鎗火药灯笼油烛之类边海衛所县分贼每登犯者尤当早为计处庶为有备

一城外沿濠拦马墙此不可不坚筑用高六七尺内多留穴空以便窥伺更容放鸟铙每城一面另募敢死士百人各执鸟铙利器潜布在内贼夜攻城必渡濠逾墙而入使内有备不必喧嚷俟半铙击之近墙手办之城上城下俱不得传呼叫喊使贼不知伏兵故轻犯而多败马墙有备城上更无虞矣【此详言守城事宜】

松江府同知罗拱辰云频年贼来野获多得是以无攻城之志今各镇刼掠迁移已尽如其再来宁不垂涎于城哉切照各城虽有濠河之险必须附城濠边挑起淤土离城脚丈余临隄围筑五尺高墙使贼虽或渡濠难抵城下此古人羊马城之制也况不时出奇兵数十人于城下得此遮蔽可以藏伏窥视如贼近对濠我兵即于墙内潜发火器使彼不知我兵在城下者多寡有无所谓有有无无虚虚实实者此也且四乡逃难男女得此可以暂容其身既有此墙只须谨闭城门俟贼到城方去吊桥亦不为晚况贼畏城上铙炮决不敢近每敌台左右各置小吊车四五架以便兵上下及逃难者吊人之法妇女随即吊上若系男子须审其声音贯址方许吊入其城无敌台则不能眺远顾下何以言守必贴城增筑每座相去五六百步或七八百步或二三百步各随城势曲直以为远近台下须离濠水丈余有近濠水者钉品字桩木百余根于水中高出水面尺许防其楼船临冲我也各城楼设游兵二队每队约兵二十五名左右往来巡警每垛派兵一名专守之其敌台上垛口每垛用兵三名选择精勇者倾身外望以背向里远近彼此互相顾视其守之法最禁誼哗庶临敌不乱又必将各台编以字号分以信地别以号旗金鼓响器之类日则观旗色夜则闻号声各将字号大书垛墙使各熟认各分信地俱以敌台为准如天字号敌台左边向地字号敌台管垛若干地字号敌台右边向天字号敌台管垛若干两台中分信地如天字号该管四十垛以一十为一号第一号十垛用红旗用鼓则大书日观红旗夜听鼓声八字于垛墙第二号十垛用黄旗用锣则大书日观黄旗夜听锣声八字于垛墙第三号十垛用青旗用喇叭则大书日观青旗夜听喇叭八字于垛墙第四号十垛用白旗用小梆则大书日观白旗夜听梆声八字于垛墙其余敌台垛口皆然如贼日犯天字第一号信垛城下该管台上摇红旗而该垛亦防红旗夜犯天字第一号信垛城下该管台上起鼓而该垛亦擂鼓信守兵夫一齐戒严俟击左右城楼各游兵到彼应援而两边附近敌台相向防为催击其余台垛官兵非信地者不许乱动各门虽无警亦加戒严不许擅离应援恐贼声东击西乘虚而上庶防守严备而静治不乱矣又虑贼攻日久我兵疲倦必更番休息又恐乘怠而入须于垛外盖出浮棚每扇约濶三四尺或长七八尺环城架设其法或木或竹每根比棚濶三四尺以一半横出垛外一半敛入垛内其外阁浮棚棚上压以砖石天晴加石灰数包于上其内用绳缚坠石虚悬若贼加梯棚上则棚软不能胜梯缚石将坠击城下而墙内守垛者且自警觉若贼置梯棚下而上登其棚触首移动而乱石又坠矣若欲再加严固沿城垛上竖架柰何木其制竖立架木二根机闕横挑木各一根上阁一木谓之柰何木木上错综钉以竹签其木之轻重与挑木相称贼来攀援则其木自然下击人既不能攀驾又不能放脱也敌至城下我兵轻动其木坠下又可击之此棚木易于成造费又不多今各县城低难守相应速制至于夜间守城灯烛费多且皆高悬垛上是使贼得视我我不得便视贼利在彼矣必造铁火毬中燃柴木则柴木之价比油烛相去倍蓰况火光散远比灯相去十倍每垛口二十个或三十个止该用火毬一枚挑出垛外坠于城半则火光在下我视在上其光不悖我得以见贼而贼不能见我其利在我矣又如制造纸糊圆炮今制者不过震响而已无益也因此旧物而变为新制待糊成纸壳之时中含小铁刺菱二三十枚地火鼠一二十枚入药于内然后紧糊其口每炮一枚开药线眼四处贼近城下时燃之炮一响而炮中刺菱自然布散其中火鼠飞走贼被焚身必走而刺菱又伤其足城上且击之矣若城中一时火发恐奸细为内应或居民失慎守城兵夫未免惊疑往救家宅必弃所守请先出示禁谕庶免疎虞各乡村镇蓄积米谷之类须于冬末春初尽迁入城则村野既清城郭又固贼不得食则饥攻城不下则劳饥且劳必思去矣我出兵以要击之有不胜乎

【此亦详言守城事宜与唐叅议互有异同】

主事唐枢云守城之法近日东南全不知此女墙不可太高厚堵空之欲如圭首斜锐所以便外了便俯瞰城上传箭不敲梆所以便听闻守者必更番所以养精力陟降有号头夜有火昼有旗所以一众伍违犯有决罚所以定心志风雨露日有遮避所以安体力火器石块灰油悬槌铁蒺藜诸物毕备所以供急用须叅酌定规遍谕各城守习

【此言守城之法】

兵部尚书胡世宁云城门可去土塞止于门扇中当胸开凿五孔以五弓弩守之贼不能近矣

又云战卒不睡恐贼夜乘其疲而窃入焉不若昼令轮班休息

又云箭将尽不宜乱放有号才放发

又云无先闭门以示贼怯而使属邑被残

又云僧徒多善少陵棍法宜收进城内毋为贼用

【此言守城当戒者五】

举人王文禄云海寇之来我兵俱守城中城外之民弃之而不复顾不敢出一兵以挠之寇反多疑诚恐我兵出城与敌佯以数寇为攻城之势以缀遏我兵使不能出乃得深入内地横行而无阻是皆我兵不知攻守互应之法也自古用兵非执于一攻之中有守守之中有攻攻而无守则为无根守而无攻则为无榦且一城之中不下数万家若定守之而不外攻围困日久食尽兵罢寇虽不攻而我亦自溃矣安用其守乎凡寇攻城不过数次甚急扞御已过寇亦必怠乘其怠而悬兵夜出负炮偷营寇亦挠乱自救之不暇而何暇攻我若狃焉定守寇知我兵虚实并力夹攻旷日不解而援兵不至则我坐守以待毙无益也昔者已巳北狩也先南侵攻围京城精兵皆出城外石亨于谦督兵于城北孙堂江渊督兵于城西每攻也先营杀伤相半也先退去若使文臣谦渊无谋武臣亨堂无勇皆守城中不亦危哉而大事去矣惟其知攻守之一道故攻不忘守而守不忘攻是以克济时艰也

【此言守城必须时出兵以攻敌】

镇抚卢【闕】云守城之法断不可每垛口一人守之止许三垛口用一人垛口之下用灰瓶五七个大石子三五百滚水擂石皆设备凡守城切不可用贫民预用乡士夫举监生员吏承义官与各有产之家或弟男子侄或家人各带器械编成队伍急则上城缓则敛于教 操练则各自为战各自为守不惟可省有司钱粮而亦不致贫民怨咨矣

【此言派城夫之法】

吴郡生员沈栻云凡寇贼未至城下则城守之夫昼夜不辍者似为赘设宜于昼日止令保长甲长在城俟有寇警约鸣金鼓为号聚集人夫料不误事俾人夫得在家作业酉时方使之乘城其夜间守城亦有法夫人之常情未有能终夜不寝者若使终夜不寝疲惫困倦勇如關张亦不能操戈赴敌矣是徒自弊其民而无益于用也愚谓夜间城夫宜用五人为伍之法凡城垛口必取大石块方五尺高称之于五人中止令一人登而击柝站立既高得以俯瞰城下其余四人聴之休息俟一更彻捱次番换是名虽终夜之守实则一更之劳劳逸有节彼将励精任役不敢偷安矣如有偷安者巡更官吏痛责记仍罚之达旦不得番代则彼虽昏愚必不肯任意夕之劳而易一时之安也五垛之间其地甚近一有寇警休息四人呼之即应何误事之有

【此言城夫昼夜更番之法】

吴郡生员苏献可云倭寇生发大戸有馈饷之烦小民有调遣之役实为民穷财尽柰何城上管夫之官索要常例有银者则老弱不计防缺不究无银则百般刁蹬小民既劳其力而又费其财苦楚何似至于府县吏胥皂甲贿赂尤甚或报大戸或拘铺戸莫不卖放其九而拘认其一拘认者固当其费而卖放者亦损其财官府之所用者有限而吏隶之所取者无穷人民瘠而官吏肥可哀也已

【此言守城须禁官吏刻剥之苦】

又云地方有事之秋所赖者富家而已今富家往往变产迁徙地方若富者尽去贫者仅存其谁与守必将各图里甲人等取具执结不容逃散是亦保城之大端也

【此言守城须寬縻富家若逼走之则城空虚矣为有司者所当深念也】

御史邵惟中奏称要转行督抚二臣严令该府州县衛所出示晓谕沿海居民各将妻女财货粮米及时搬运入城僦居存贮仍留壮丁在家防守并将当年粮长人等预令将应办粮石收送城仓以听运兑如有积粟数多不搬入城者则官为扣槩给偿时价即贮附近屯兵衛堡以充军饷支用此权宜之术民必乐从事宁之日仍复旧业则城中积粟万余财货充盈贼外无所掠而我内有所资矣

【此篇专言积聚不当留在城外以资盗贼】

海道副使谭纶云岛夷志在得财因粮于我无他转运我能坚壁清野则失其入寇初意众既可离势亦难久乘其敝而击之在我将易如拉朽在彼且终身创艾矣攘夷安夏计无出于此者顾其事言之甚易而行之甚难何者边氓习知利害故行之辄有成效今浙直之民被害处少幸免处多凡闻寇至则彼此观望不为迁徙即有徙者又近在山林之间计小费而忘大计

此行之甚难一也世家宦族蝉联鳞凑一令之出竞相是非煽惑齐民甘同燕雀有司督行之严辄飞语流布此行之甚难二也浙直之地沃野千里宫室器用习为奢僭弃徙为难寇至仓卒各以牛酒镪币开门延纳以图侥幸又预集舟楫以资其去彼此顾其庐舍焉念法度自为一家一时之利曾无远大之谋此行之甚难三也夫安土重迁恶劳好逸古今所同然劳之固所以逸之扰之实所以安之而况乎劳之扰之者暂时之事而所以逸而安之者甚久且大也为今之计惟在责成有司亲诣各乡多方譬晓使之预于二月初旬尽将妇女积聚徙入附近城郭仍防同衛所掌印官为之安插得所其仓廩搬运不尽者即及时发卖有司严督粮长采买上仓一切兵饷有可以征本色者作速改议征收凡城中谷粟止许于城中柴卖不许颗粒柴运出城其有不肯预期搬运临时弃遗在乡致资盗粮及以牛酒镪币开门延寇即系通贼之家查照律例从重问遣其有已遗弃而偶未遇贼亦通查入官以充兵饷有司务要用心毋事姑息间有成绩者即注以上考部院特加奖励其有偏徇悞事者即与失事武职官员一体从重叅究如此庶法令必行而长防毕举成效可臻矣

【此言倭寇深入皆由乡民不迁积聚入城之故善反之则寇念息矣】

都御史唐顺之云春汛时月倭患虽炽然御之于海御之于江又御之于海塘御之于江岸岂至尽是无策国家平时养兵设官将何用之而稍闻警报只有塞城门塞水關风缝不通委城外于虎口遂为奇策甚至不论有害无害轻意将城外房屋拆毁除塞城塞门任从有司自行本部不敢干预外其近城房屋苟非倭患逼近及与城垣委实干碍不许轻易拆毁使民无所栖若因不拆屋以致失事本部自认其罪不以累有司

丹阳邵芳云善守者必以城视地以人视城以粟视人三相视而墨翟之衛宋可得而言矣何谓以城视地盖无不备则无不寡乌得城而守之必守一处足以保障数十处扼一里足以牵制数百里斯能视地矣何谓以人视城盖除四门中军应敌出奇外每人辖地几尺而又有几人更代休息几人搬运器械几人轮管炊爨如百雉则用若干人与伍法无异斯能视城矣何谓以粟视人彼探殼煮弓不鬪自困虽古名将不免有此者失于不审也盖必计其积聚料其丁口每粟几斗可供几月斯能视人矣故余尝曰以城为可恃则古有不破之城乎以城为不可恃则古有必破之城乎亦在乎守城之人何如耳

予按城一也有關係一方之利害有關係数十里数百里之利害者關係一方之利害者一守令慎之而足矣此守令之事也關係数十里数百里之利害者岂宜以一守令支之乎为将帅者须提重兵以镇之合羣帅以援之其城无恙则敌人不敢越此而他攻即有所攻亦无關係而非敌之所必欲取以为巢者矣是所守者虽一城而所庇者吾不知其若干城也此将帅之事也若为将者不论城之轻重缓急而漫焉以居之其身之所居则力为之救而其所不居者虽有關係亦聽賊攻取万一失守则枢要为贼所握而其余所守皆无用也曾是为善守城乎譬之海防焉自广至辽迢迢数千里贼舟无处不可登泊港堡无处不当设备若一一而照拂之则将帅之精神有限分用于无關係之地则其有關係者反有遗而不到者矣惟諒倭所从来之道哨之于远洋 之于近洋倭在洋先后而来星散而行风涛警其心局蹐苦其形吾以众而待其寡以逸而待其劳以饱而待其饥以备而待其所未备至简至易之道也若其近岸

也惟择总要之处为水寨陆寨以扼其冲以遏其入其余港堡坚营清野贼进不得攻退无所掠计自穷矣予闻论守城者多矣率局于区区一方之见惟邵子与予合惜其引端而未竟也故详之以为将者之助苏州府守城条件

分信地

一六门城楼各派定府佐一员专督该门守城夫役府佐不足以所属州县佐内科目出身谙官之才能者充之

一城中心本府与长吴二县掌印官住劄 妙观一以居重驭轻一以接应各门事宜一以近宪院谋议一以便士友叅谋就以陈把总统兵六百名屯处其中作中军名色

府主上城县尹不宜同事但系一邑之主诸事借以奉行故须同处

一府有府库县有县库狱囚皆须防守府中用守领官一员县中用佐贰官一员看守

一各城门另设府首领或县佐贰有才官一员典守城上一应器用随时给发

一分屯守城池之兵于六门附近寺观无寺观者近门公廨屯劄

一请乡宦分守各城门【各就其家近便与情之合者分配】

分职掌

一设法大戸米谷进城

右一项长吴二县掌印官专督之

一设法守城物料进城

稻草 石灰 砖石 铅铁 火药 油烛

右六项府佐一员专督之

一设法竹木远去与进城

右一项府佐一员专督之

一查修城屋城门闸板制造城垛灯架灯笼【灯架灯笼俱照昆山县式】

右一项府佐一员专督之

一制器械

发鑪 佛郎机 鸟嘴铳 铅锡铳 火毬火箭 喷筒 烟罐

箭匠 竹匠 木匠【造火器架子用】 铜匠 铁匠【合火药人】

右火器府佐一员专督之

长鎗 刀 铁盔 铁甲 皮披牌 纸甲弩 弓箭【太仓州取弓匠来造】

铁匠 皮匠 竹匠 木匠 裁缝 弓箭手

右兵器府佐一员专督之

先拣选旧时所蓄可者用之不可者作急制之某人某人长于拣选者也某人某人长于置造者也与府佐相协赞庶不为各匠所欺

备储蓄

一区处米谷入城

着长吴二县正官先行密访城外及各乡镇大戸有田收米在家者与夫田少用银籴米待价者查审的实密稟察院差官二员着落两县粮塘严催搬运入城任民堆积开槩其时价高下官府并不参与期定某日粮塘开报已经搬运入城者几家本官亲行勘验恃顽不搬留资盗粮者治以养倭重罪粮塘回防亲故之家混开已运入城者许贫民出首一体加罪仍给赏首人十分之三其七分没官作养守城兵夫之用

一区处铅铁入城

铅铁资火器之用关系匪轻不可弃以资敌苏城客贩冶坊俱在城外须先查铺行及冶坊等姓名贼有警报着本地方总甲押催依期搬运铅铁铁锅铁器入城任从放置专督官再行逐一查访不搬入城者本家治以与贼交通之罪总甲不行开报一体问罪铅铁等入官公用

一区处火药入城

苏州硝黄之类进城有限务先查定各南货铺行贼有警报着本地方总甲押催依期搬运入城任从堆置如有公用照时价将银见买专督官查访不搬运入城者治以私贩火器与贼交

通之罪总甲不行开报一体问罪

一区处砖石入城

城夫不闲武防须用砖石击贼贼警急时城门已设盘诘矣军民人等每人各城门要带砖一块置于月城内空地守城军搬运上城每五十垛作一磊以石灰封识听用如不带砖者盘诘人员不许放入本职仍差湖船装载西山石片交与把门人员运置城上助用如不移运上城作磊罪加把门员役

一区处石灰入城

灰瓶毒药修砌等项俱资石灰仰各窑户领价依期送运石灰入城封识沿城寺院以须急用

一区处稻草入城

城上烧贼必资稻草先期派价与各粮塘领买若干万束不拘芦柴稻柴茅柴堆置空闲仓廩以须急用

一区处城外竹水

竹水行俱附城郭若不迁徙皆贼攻城之具也须仰各商将竹水行依期轮运入城开卖其在水各排移去五六十里外隐僻港中暂置以待贼退复业如不迁徙俱取入官公用

一区处油烛入城

贼临城下缺乏油烛必无处置查各城门外一应油行及出贩铺家仰总甲于有警之日押民依期搬运菜油荳油槽油铜油白蜡等项入城听从开铺交易如有公用照时价将银见买如不依期搬入专督官挨查连总甲枷号问罪其油入官

一守城器用明灯灯架三千六百三十副每副价银五分通计一百八十一两五钱着长吴二县设法处造勿累保长等人

蜡烛每夜二万七百九十枝连六门城楼用通计三万枝以一月计之计九十万枝计银一百一十两长吴二县分备

铁锅四百只冶坊备之事已给还

行灶四百只每只价银二分该银八两每县出银四两置办

水缸八百只每只价银三分该银二十四两以二徒罪赎银办之

酒瓶三万每十个价银一分该银三十两

簑衣箬笠一万一千副每副价银三分该银三百三十两两县置办勿累城夫

草荐二千七百五十条连预备三千条该银十五两大様芦蓆一万一千领每领价银一分该银一百一十两将赃罚银给各区粮长办之

竹水罽临时不搬竹水行者用之

其余物料先行预置寺观公廨去处差官封识有事随以本官给发

慎防御

一某官见练兵千余名已有武举三员统领若贼临城某官带兵六百名屯处 妙观中防衛以为中军复以原统兵武举一员统兵二百名屯处府前防守库藏并司狱司狱囚再用武举二员各统兵一百名屯处长吴二县前防守二县库藏狱囚若贼未临城之日上司有调遣之事先分若干应命贼入腹里即收其兵入城原如前法处置名曰聴调之兵

一择用官生六员俟其俱到即令会议各人平日所知精兵招募一千二百名团聚北寺中以团练府佐一员专督官生六员叅谋其中合聚训练务期可战可守以须实用待贼临城每门分遣原练兵官生一员各带兵二百名屯处于府近城门寺观中一处有变随以本处兵应之别处不动若贼攻城危急应该用兵攻击亦待中军方略已定有信牌发遣然后行动名曰实用之兵

一城中先计道里适均定作十二处派定地方某处某处止分遣省祭杂色等官十二员每一员率领火夫五十名屯处所分地方庵院中给与水桶水斗挠钩等项以防一方火患假知某方火起止许信地火夫救防扑灭城上人夫不许乱动城中居民亦不许喧嚷奔走扰乱地方仍给虎头火牌一面上书专委救火与夫禁缉扰乱地方等字样以专委任亦便夜间救火执照以开巷门其火夫着各该衙举报极贫人戸每名日给米二升自贍【共计火夫六百名每日该给米十二石通计一月不过用米三百六十石此法一行名虽救火实则处置饥民得所】

一贼将临城先集保长给与连坐信牌使之各保自行晓谕各甲自相纠察如有容留奸细者一甲连坐军法重罪不得与平时止坐直日者轻罪例论其寺观给与住持使各房互相纠察待贼一退即收信牌不准此例及今闲时着官一员先刻小牌计在城甲数每甲一张印完以便临时给发

一盘诘奸细之法差官带领知事人役在城门外吊桥边逐一仔细认辨各色人并检验物件用衛官一员有精力教官一员省祭杂色官一员兼领其事守门官员再行查验不可但恃官防为盘诘之地定夫役【器械附】

一姑苏城垛九千七百九十新增敌台大约不过一千每一城垛用一人守之通计城夫一万一千人派夫照依先任温公之法大戸五名中戸不过二名下戸用二人三人朋充一名实为情法兼尽今长吴二县除仕宦举监生员外通将居民合二万二千人之数分作两班城夫虽有两班口粮止用一班上城之日第一班直一昼夜至次早第二班人夫更替及今闲时先就居民近住城垛处写定班名于各城垛上贼在百里外先用保长甲长到城看守俟贼近城五十里保长唤集散夫上城其法以百人为率常以五十人分立一百垛口看守将身向外观望五十人食息便厕则二垛常有一人看守至夜间亦用五十人立一百垛口看守五十人睡至半夜代换后半夜巡城官生至则五十人起而交代此劳逸适均之法也

一城上各敌楼每处派定举人一人或监生一人各带家丁生员二人不拘家丁有无专在上歇宿督视本处垛口城夫昼夜防守若各该地方有贼攀援上城坐名申呈宪院提问亦不许科扰保甲长人等

一指挥六员每员派定一门白昼各行巡视以整齐保甲长散夫人等站立观望及防不测之变其官生六人每人派定一门给与巡视虎头牌面上写遇夜各行巡视信地站立人等至交界处方回循环不息官生每人给马一疋

一各城楼及对城外冲要之处各置佛榔机一座随用装火器二人带火药一桶备急用其城楼下预置合用火器锋利器械弓矢及坚固防牌使贼临城随取随足官防库中置放石灰油烛火药等项备用若库中封识不尽更用沿近居民空房一二间封锁亦可须差官一员常时看取给发

一保长每人青衣装束各带腰刀一把号旗一面其散夫各备长柄鎗刀一把又带铁锥一个或斧头一把任从其便如缺一件即加重责每三垛备明灯一碗灯架先置城垛外可照城足其灯每一保长给与二十三碗每日着一县佐次第分派本日一夜之灯与保长每保长派好烛一百八十九枝任其分散丁夫以备一夜之用若保长有弊许丁夫口告罚烛一夜其合用煎油煎粪锅灶等项每保长一名预给铁锅二只行灶二只水缸四只酒瓶二百个櫓木二根备用如有警急再行分派物料至于暑雨合备细密坚厚箬笠蓑衣每保长一名给与百付分散丁夫穿用遇夜合备草荐等项每保长一名给与草荐二十五条大小竹一百根芦蓆一百领以作盖棚歇息城夫之用

一打牲船上弩矢百发百中此船吴淞江阳城湖陈湖太湖水乡多有之着各区图报举入城不许容隐其人官府照养兵口粮给与工食计名分派城上紧要去处有功仍加重赏

一城外濠内周围空地多有居民占造房屋贼若攻城必先渡濠顿住城足城足有屋贼可隐

身城上矢石难施且贼登屋可以发火器矢石攻城前任巡按御史孙下令焚燬实万不得已也不二三年愚民贪昧又行盖屋若姑息之是将在城数万之命而为侥幸之图也今后贼将入境务要拆卸如不从者临时照前院法无悔

【此虽苏州一府守城条件但区处得宜综理周密录之以为他郡守城者式】

予按从来城守攻破者十一袭破者十九袭破之說有二其一是伏奸细于城中放火守城者奔救则敌乘间而登其二是暗约奸细上城照防疎虞处用云梯登至垛口挥刀杀人守者惊散贼从此上故守城之法须设兵一枝专司救火不许守垛者下城守垛者各持一斧分班专视城足凡贼登城多在下半夜乘人疲倦故也亦多在黎明守者散班故也把守之严贼岂能袭我乎所苦者盘诘奸细甚难盖奸细乃本地之民贼拘其家属劫其内应吾乌从而觉之今之诘者多在城门内使贼假装吾民从此击杀门岂能遽阖乎又或闭城太早止通一二门出入人愈众则诘愈难不若大开各门门外盘诘而兵衛设于门下方善

筑城堡

策略云守必以战而守城必以野自法有陷城之诛而未严残野之罰贼至苟负孤城而弃其四境烟焰相望号声相闻所至萧条有不忍见闻者又安望其援乎故李牧备边先收保而不失不能收保是资贼也后将军炖煌先在乘队列阵校联不絶贼不敢犯使疏而可犯是自敝也愚以为略仿墩堡之制使民各聚为市市列为堡约其道里之中使势可相及每贼至则整堡固守而郡县急趋而助之而又特严其法使四境残其者与失城同罪则人各为战地各为守贼入而无所得其势自困矣

都御史章焕云北边城堡相望凡以防冲突备侵掠也南方之畜侈于北边风帆之力疾于马足苟无城堡贼何畏而不来民何恃而不散且夫贼势之炽凡以乡民奔窜奸民惑乱助其声也有城堡则居者守逃者归耕者敛且远近按堵什伍相保奸民无所容无奸民则无乡导何以能深入居民不散田野不芜赋税不乏根本之要也及今秋冬宜令诸乡大者为城小者为堡而聚民其中城堡罗列贼必不敢越境而内侵东南世世之利也或曰公私俱竭如冗费何夫军兴不止费且不费民散不复赋将何出城堡所以省军需足国计者也何谓费也昔皇祖尝命汤和视海上择要地筑数十城以备倭使治倭有他策也圣虑当先之矣今安用纷纷为也又云贼远来人持数日之粮未达岸多苦饥者贼之死命制于数步之内矣徒以海滨廩藏露积故贼至而掩据之因粮以为食因财以为用故奸人为之党而竊民为之役所向无前乘人不备如使蓄积收敛而野无所掠此贼坐困之道也不数日乃成擒耳故议守者莫要于城堡城堡相望远近相倚少则不能攻城多则所掠不足供所食贼不能持久破之必矣夫贼不能宿饱则不能深入不能深入则不能多获不能多获则来者无利而闻风者不来内地可不烦兵而守矣愚闻倭夷挥刃成风天性好鬪诚难与争锋独其久饥乃为易制迨者我师三捷皆乘其饥剖腹视之类多青草御寇之要可知也

副使茅坤云近闻嘉善平湖萧山诸县已皆缮城然而桐乡崇德尚未闻议及者此特邑而已

至于市镇如湖归安之双林菱湖璆市乌程之乌镇南浔所环人烟小者数千家大者万家即其所聚当亦不下中州郡县之饶者并当按其市居之田宅积贮而量其力之大小为之均其费之多寡各列丈尺而筑之有司特为之约束期防钩考布算以责其成功而已而其材不必借入于官入于官则多出没之弊其他敌楼城门并水寨之属非民间可以例辨者官粮借库贮以助之至于钜姓势族而野处田间者或二三家或五七家或一二十家所愿随便筑堡者亦听近闻甘肃诸边总督杨公尝遍行之虽有数万控而下亦不敢窥数家之堡而仰攻何者彼不过利之而已一攻堡则其内伏火器下石非击杀数十百人必不能下彼所得不足以偿其所失故仆窃以为吴越之间凡近海一二百里者并当令着姓居民遍为列堡而守可也

兵部尚书胡世宁云择人而守之重其权而久其任使得为万全久远之策可也或举地利不如人和之説及惩秦之灭亡而筑城劳民为病者是不然夫自古王公设险以守其国使倚将和卒练一时善战之功而不为设险守国长久之计智者不为也况戎狄长于野战短于攻城而我中国之人每与之反故吾乘城拒敌是用所长而乘其所短且以土石而蔽血肉也若无险可恃而专以战为守是勉所短而校其所长且以血肉而代土石也仁者将孰从乎况筑城虽劳而为之以渐则亦不至如秦之害人矣孟子之言为专恃地利而不恤人者发也秦之政乱由其暴虐之极非专由筑城也其筑城之卒数十万余而南戍五岭乃五十万余骊山阿房之役又各七十余是其劳民致怨岂专在筑城哉后世惩秦之失而忘古设险之制是因噎而废食也

【此篇本为北边而设其实海防亦然故录之】

广团结

城外团结法愚尝广询博访宜以二十家为一团除租房单丁外每一团令养客兵一名每家各设器械一件出人丁一丁以为团兵凡二团四十余家各出银一钱造一巷门门上盖一更铺铺内置鼓一面锣一面铁铙三口香盘一方就四十家每夜轮人夫二名守之居常无事止鸣金鼓巡更一有寇警则本处即连放三铙四十团兵各执器械追截诸团皆应之其所养山东兵官严立法不许擅离本团骚扰团户每日有暇即教习本处团兵军门复时时委官查省之责成之众既以势分而不得为非团兵之布列者又以联络而相为友助况一团有贼诸团应之四郊之外固有随地皆城随民皆兵而大城屯守之卒将有不必要者矣

行保甲

兵部尚书王守仁云本院近行十家牌谕诚亦弭盗安民之良法而今之有司槩以虚文抵塞莫肯实心举行虽已造册缴报而尚不知其间所属何意所处地方该道仍要用心督责整理诚使此法一行则不待调发而处处皆兵不待屯聚而家家皆兵不待蓄养而人人皆兵矣工部尚书马坤等题欲将土著之人各就一乡编入保甲尽归团练五人为伍十人为甲五十人为保上下联络委各府州县佐贰官贤能者不时就其一乡团兵阅其武艺又因而稽其人丁

如有潜入贼中勾引或探听者坐罪若有隱弊互相连坐

副使谭纶云连年倭患皆为私通贸易而起浙人多诈窃买丝绵水银生铜药材一切通番之货抵广变卖复易广货归浙本谓交通而巧立名曰走广不此之禁则履霜之渐驯至坚冰欲行究诘则奸宄之雄弥缝百端徒滋扰耳为今之计莫若称此议练乡兵之时立为保甲之法委所辖各府佐贰官公同属县掌印官省约輿从亲诘地方不问腹里沿海与城郭乡镇去处官吏生徒举监之家务逐戶挨查每十家编为一牌牌内分十直格皆以巷道为准如是东巷门起则于牌格内左甲尾下填注东巷门字样从西顺挨一赵甲二钱乙三孙丙四李丁五周戊六吴己七郑庚八王辛九冯壬十陈癸各填注人丁生理明白即于右甲头下填注褚子姓名是为第一甲其第二甲牌格内左甲尾下填注陈癸姓名亦从顺一褚子二衛丑至十家止三牌四牌亦依次联络挨填如一巷之内人家已编十牌外有零者即将大家中人丁烟多者报足编之如村镇无巷道者亦依村镇编之就于本名下坐定日期每一家轮值三日第一家轮初一十一二十一日第二家即初二二十二二十二日以次填注按日于本家门首悬挂仍每一牌年轮一名为甲长管领九家每十牌年轮一名为保长领百家其中若有远出不归或私收丝绵火药等物假名走广潜往通番或逋逃海外久不还乡者许牌内值日之人抱牌赴首官为拏究敢有隱不觉举一家有犯十家连坐毋容姑息其有原犯通番但逃回自首免罪编完之日府县仍将牌每甲一样再填一张类钉成册存留在官巡捕官时加查考一体稽察若有假公济私乘此害人从重惩治如此庶通番之党自消而地方之不逞亦可以禁絕矣

太仓生员毛希秉云凡海贼一起陆地贼乘机窃发假海贼之名以纵暴地方不能抗御惟保甲可以除之如太仓初编保甲陆地贼无所容身逃縊擒首散亡略尽尝有海贼廿人夜刼城南十八都时其家潜报保甲总甲及有船者预待贼出追之且击且行逐至海口天明贼之器械尽矣把港百戶陈璋鼓率人船直追半洋擒回送道又十五都沿江地方白昼有海贼上岸打刼适潮落舟阁被保长尽数擒获此皆从来未见之事而保甲之功大矣今法久人玩乃复罢宜修饬以保地方但不可使之迎送受词以生事耳

降宣諭

南京工部尚书马坤等题朝鲜居东北日本居正东偏北故日本诸夷凡由海上入中国交通生事舟必经过朝鲜海面先年倭首宗设等犯我海道大肆叛逆屠杀中国军民数多时朝鲜国王李恠闻贼归由彼海愤其作孽尽遮杀之随即具奏倭奴打刼上国致杀官兵不伏天诛过境仰仗皇威 杀几尽并将擒获贼倭中林望古多罗等及贼首级三千颗与长箭船橈等物连抢回人口王样等差刑曹叅判成洗昌等先后齐献阙下此固未暇深究其故但朝鲜能杀日本之人与日本之人之畏朝鲜则验矣请乞宣諭朝鲜国王查贼经由海面既与日本密迕王须益申初议尽行截杀仍行国王就近转查日本管国者近年倭寇是否由其纵放若果知情速令悔改若系左右奸宄或系中国逋逃假借妄为就令其尽将首恶擒斩献报是亦一策也

【此言当令朝鲜转諭日本】

在京各衙门防议云查得先该巡视浙江都御史王忬题臣闻东南之倭寇犹西北之匈奴沮诈勇猛强不可御乘风迅速来不可测故我朝备倭北自山东南抵闽广规画经制不减西北且严通番下海之禁明十年一贡之规使常修举不失岂有边患但数十年来事皆废弛番商海寇俱至浙洋宁绍苏杭奸宄射利之徒接济交通勾引贸易自嘉靖二年宋素卿入扰之后边事日隳遗祸愈重闽广徽浙无赖亡命潜匿倭国者不下千数居民里巷街名大唐有资本者则纠倭贸易无财力则联夷肆劫巨室为之隐讳官府惟务调停日就月将年深岁积识者固知有今日之变矣臣询访在海贼首约有百人其雄狡著名王五峰徐碧溪徐明山毛海峰徐元亮沈南山李华山洪朝坚皆广布奸细包藏祸心计算则未能就擒捕急则逃遁无迹虽恃海洋辽阔亦由倭国为之渊藪也节据被掳在倭归人供称本国酋长请有入贡勘合得行则利归于上今各倭私自贸易利归于下彼中酋长甚是不乐尝禁各倭西犯昨劫黄岩去者多被擒杀今春闕隘亦加严禁曾追回倭船二十余只并审擒获贼首李哪咤亦称渠魁沈南山等安住倭国分遣其党同倭入寇此辈不除海无宁日若差人晓谕国王定将各逆并岛夷逐此虽得贼掳之口未可轻信而国王感恩慕义之心亦岂尽无查得永乐年间倭夷入贡又有倭寇犯边令来使追捕得倭贼若干许以彼国法治之以次蒸死数十余年海洋平静海道副使李文进屡以议呈欲臣具请特旨北行朝鲜南行琉球转谕彼国及令布政司咨行述其许贡之由勉以藩屏之义令将中国逋逃尽撵起发严密各岛不得出闕庶使贼势日孤兵力可逞但恐夷性叵测国体攸关未敢遽陈即今警变异常正多方图济之日乞要查酌议拟务求事体穩便等因本部咨行礼部查议讫又该刑部河南司主事郭仁题云今之倡乱者已经兵部明言有贼首王直盘据海岛招纳叛亡然必竟勾引倭奴张大声势故敢猖獗一至此也臣承乏刑曹凡遇朝鲜国解至日本萨摩州失风流贼望古三甫罗等转行到部有被鎗火銃水牌刻有军门及松江府字号则倭奴之流劫江南也无疑常考洪武二年遣臣赵秩谕日本来贡五年复遣僧祖阐无逸往宣佛法谕其来贡太祖为赐诗送行实重厥事也乃十余年得安堵焉永乐初命太监郑和等招抚诸番日本独先纳贡并擒献犯边贼二十余人就命来使治以其国之法于鄞地令一人执炊一人上甑尽行蒸杀至十五年复入寇边将执其酋首送京师成祖待以不死遣刑部员外郎李 等使日本降玺书责以敬天事大之义次年 还其国王源义持亦遣刺史奉表称谢成祖特释其罪宴赉有加嗣是终成祖世不复入寇此仁义并用祖宗驾驭倭奴之长策也即今海岛羣盗旁午使舟或未能达昔太祖尝以三佛齐梗化阻絶使臣商贾命礼部移文暹罗国王转达 哇俾以大义告于三佛齐合无查照故事遣使朝鲜谕令差官赍送玺书前往日本宣扬圣朝威德戒令敛戢属夷该本部覆议移咨总督防同操巡抚按等官转相计议题奉圣防已经通行督抚等官议处未报近又该督察侍郎赵文华咨送通事一名降倭二名前到兵部译审得入寇海贼俱系日本所属野岛小夷被中国逋逃之徒纠同打劫倭王未必尽知所据南京工部尚书马坤题请前因倡亦有据及要宣谕朝鲜一节又与王忬郭仁所奏大略相同且日本原系朝贡之国载在典制遣官传谕于义无乖合无从礼部酌量查照祖宗故事差官赍捧玺书前至朝鲜谕令传谕日本国王以示君臣之义祸福之机令其禁戢属夷擒斩华逆以効臣节如果罪在夷属国王无预输诚听命海氛肃清许其遣使奏报另议褒獎是亦不战屈人之一策也

【此言行令琉球朝鲜转谕日本之疏为是】

海道副使谭纶云照得倭夷诸岛种类虽繁部落相联亦有酋长众所尊者号曰天文其法最严其威慑众一人为盗一家尽灭一岛有犯隣岛移平即奉令勘合以时来贡者彼中故事每遇闰年则诸岛富倭各出已贄输于天文请得勘合方来入贡寔则贸迁有无以侔厚利利权在上天文所欲者后因海禁废弛奸民通番殷实之倭径自贸易不请勘合利权下移天文所不乐者加之王徐林陈辈假称名号窃录勘合妄具礼仪私通酋长遂至招呼益众往来无稽天文所不知者此皆彼中情状博访似实故本职在昔具呈题请许令省谕盖尝反覆思之审矣若颁降玺书特遣使命恐偶不敬反生事端若令琉球高丽就近传宣事在彼中难于取必不如止行浙江巡抚得以从宜省谕当如永乐事例取高僧数人移文乘桴直至天文详为传谕宣累朝许贡之恩禁近来倭夷之扰发王徐之伪收逃叛之民许修常贡操利权天文虽愚必知所择盖日本所需丝绵药物器用之类悉皆仰给中国不能缺者若或海禁皆严通番尽止彼日用不足势必请贡惟命是从而我所欲为亦无不遂此又拔本塞源之术也

【此言朝使宣谕及隣国转谕总不如抚臣自移谕之为善】

通政唐顺之云宣谕日本浙江军门常请命遣使矣竟不能尽得其要领使者坐罪而其事遂罢尝考平倭略所载洪武永乐间遣使日本者不一而足高皇帝又尝与刘基议以倭国重佛特遣僧往谕古之王者于四夷之不贡不臣则有威让之令文告之辞兵交使在其间以深得敌情而处之切中其机也然自叶宗满之坐重罪而逋逃欲自归者不免自疑自蒋洲之得罪而人以使絕域为讳或宜减宗满之罪以示信于逋逃之徒寬蒋洲之狱以留使絕域调敌情之一路

【此言宣谕当行】

兵部主事黄元恭云策者曰倭夷犯顺乃羣小之僭窃其君不知也诚遣使谕之彼王必能禁其下海境安矣百万之师何如一介之任耶窃恚之昔晋率陰戎伐潁周景王以弁髦之敝告晋辞直获免而說者以为不如东周之伐秦夫君臣上下古今之所以临事统属分也臣有干于其君杀无赦下有犯于其上杀无赦夫其所以杀无赦者乃天宪也周天子颠分坏宪屈体卑辞以祈一日之存孰与 国举义存纲常于万世之愈哉今堂堂天朝玉帛万国威迅九垓虽倭奴为患譬则蝻蝻之螫耳未若唐之回纥宋之困金元何至甘衰周之不屑耶或曰是举也请命于天子择布衣之士假朝臣之服而以藩省之辞将之非害大者夫曰请命则实意开于天子而识者默思之必有元首居下之耻曰假服则名器颁于朝廷而匪人卑用之必有衣冠扫地之辱实意卑名器玷而犹曰无害大可乎且夫中国天子犹家之主也倭王犹家仆也倭之羣小则家仆之台从也台从肆然凌犯其主既不能奋草薶于其来又不能正其根诛于其主而顾修文告之辞岂不忸怩当代含羞百世也哉抑人有言苟可以息干戈而全民命何憚于枉尺夫逋法网以为盗于外境华夷皆有其人吾中国岂不明揭宪典密布机宜乃不能禁吾民之窃出顾责倭王尽禁其窃入者乎势不行矣且倭奴狡猾素无慕义之诚其臣服数十年不为梗特通贡之利足羈縻之耳今入寇之利百倍通贡充其贪心何所不至犹恃中国之威慑服者素而羣小之回诱說未通若乃遣使谕之假其重以寢其兵示弱明甚矣安知不啓通国之贪乎

【此言宣谕害义之大必不当行】

海道副使谭纶云移谕日本之言似不可行何也通查接济乃吾中国沿海之人也中国之官不能自禁而欲倭王禁其所属不为所笑乎欲望倭王之禁其属必先自禁始

【此言降宣谕为不当行】

太常寺卿魏【阙】云琉球国未尝亲来朝贡决不可使朝臣往封以致之死地但以勅命封付福建布政司彼国来领可也国初朝臣亲往者以其国主亲来朝故也今不来朝久矣中国岂可使朝臣亲往乎

【此言乃为使琉球国而发琉球世为不叛之臣待之且尚如此况日本乎可例推矣近年督抚议遣使谕日本不用王官而用布政司移谕甚为得之】

用间谍

都御史唐顺之云用间使其自相疑而自为鬪最是攻夷上策然非深得敌情则不能用间非熟于地形则不可以成犄角之势而夜袭敌营且我兵形既露虏人亦日夜为备而匿实示虚匿近示远匿精壮而示羸弱百计以疑我者宜亦深是故得敌情为难

通贡道

通政唐顺之奏云据总兵官卢镗手本内一欸抚处夷情以尊国体开称祖宗以来给与日本金印勘合十年一贡船不得过三只人不得过百名既申远夷慕义之情远夷亦得交易中国之货以为利而中国亦以羁縻远夷使常驯服不为寇贼百余年来自嘉靖二年宗设宋素卿等争贡讐杀貽害地方因而絶贡至嘉靖十八年正使硕鼎等赍献贡物并进表文伏罪荷防皇上扩天地之仁虽非贡期复准入贡嘉靖二十六年正使周良等坐船四只复贡议者计方九年之期有违事例径自阻回从此贡路不通倭夷素性贪诈利我中国之货既不与贡则无复望矣因此遂被奸徒勾引同利为寇不止则以偶蹉一年贡期阻回之故也为今之计乞题请圣裁行令各衙门遵照今后夷人复来求贡果有真正表印勘合别无诈伪姑不计其限例就与奏请起送赴京译审来寇之端勅彼国王令其查治恶逆斂戢属夷使不敢再犯则倭夷知有贡路之可通而诡计自销党类自携勾引之徒亦可暂缚矣镗老将也三十余年在海上熟谙夷情其言当不甚妄乞勅该部查议可行与否臣又闻先时陝西总制王琼论西夷事以谓能絶其入贡之路不能絶其入寇之路今亦可借以为喻也

【此言夷人来贡不必拘定贡期但有表印勘合即当准其贡】

兵部尚书张时彻云倭奴悔祸或扬帆称贡而至将何以处之昔杨文懿公尝着却贡之议曰倭奴狙诈狼贪云云【见杨守陈条下】且前此入寇之少盖以通番下海勾引向导者多也

乃不严禁奸之令而欲开非时入贡之门是止沸而益之薪也况倭王微弱号令已不行于国中即使通贡果能禁诸岛之寇掠乎且贡夷止数百计而寇边者动以千万计岂寇边之贼皆欲贡而不得贡者乎请宣颁明诏申命海道帅臣益严守备贡则却而驱之出境寇则草薶而禽猕之则奸谋狡计破阻不行矣今之议者复曰昔三代盛王九夷八蛮五戎六狄莫不来王圣人之作春秋于荆楚猾夏则书人以黜之至遣椒来聘复书爵以进之招携以礼怀远以德盖王政之所不废也倭奴自祖宗朝効其职贡已非一日迺者朝廷准令遣使移檄往谕实属招来之意以开其补过之门但奉使者不能直达倭王以宣布圣天子威德而徒以简率行之如其歛边纳贡而峻却之恐永塞其自新之路而益坚其稔恶之心东南未知所息肩也夫为是說者犹治疾之标而未察其本者也王者内夏外夷修之有道军志亦曰毋恃其不来恃吾有以待之使在我者未修而疏于所恃也则通之适所以招侮絕之亦足以啓衅此岂安攘之长策哉迺者台省部寺会疏奏行九事一曰选武将二曰任文职三曰精选练四曰慎徵调五曰处军饷六曰守要害七曰明职掌八曰明赏罚九曰行抚谕酌以时议之允协者而兼行之于以内收顺治之功而外树威严之绩如其且寇且贡反复不情则用威让之令文告之辞以却絕之是恪遵太祖高皇帝之明训义之所以为尽也如其引慝伏罪重译効欵必欲率宾王化以自纳于覆载之中则必质其信使坚其誓约勅令禁戢各岛不复犯我边疆期以数年为防其命不渝而后如先朝着例容令入贡此成祖文皇帝绥徠之方仁之所以为至也是故明徵定保君子监成宪而行之尔已是故修治垣隍慎固城守一策也编立保甲内寓卒伍一策也讥察非常严禁出洋一策也绥抚疮痍以固根本一策也此皆所以治内也修复墩堡严明烽堠一策也缮治器械查复战船一策也出哨防哨悉遵旧规一策也据险守要联络响应一策也此皆所以治外也至于练土兵而免调募之扰足财用而资军兴之需聚刍粮而给饷以时严赏罚而功罪不掩设画树防出奇应变为吾之不可胜以待敌之可胜则在中外任事之臣加之意可也

或云许贡一說决不可行盖成祖之许入贡先有威以制之也今威未行而遽许之非惟无益恐彼借入贡之名来无常期人舟不遵定数反生事端矣

【此二条言贡不宜轻许】

尚书杨守陈云倭奴僻在海岛其俗狙诈而狼贪自唐以至近代已尝为中国疥癬矣国初洪武间尝来而不恪朝廷既正其罪复絕不与通着之为训至永乐初始复来贡而后许之于是往来数知我中国之虚实山川之险易因肆奸譎时拏舟载其方物戎器出没海道而窥伺我得间则张其戎器而肆侵夷不得间则陈其方物而称朝贡侵夷则卷民财朝贡则沾国赐间有得不得而利无不得其计之狡如是至宣德末来不得间乃复称贡而朝廷不知其狡诏至京师燕赏丰渥捆载而归则已中其计矣正统中来而得间乃入桃渚犯我大嵩刼仓庾燔室庐贼杀蒸庶积骸流血如陵谷缚婴儿于柱沃之沸汤视其啼号以为咲乐捕得孕妇则计其孕之男女剔视以赌酒荒淫秽恶至有不可言者吾民之少壮与其粟帛席卷而归巢穴城野萧条过者陨涕于是朝廷下备倭之诏命重帅守要地增城堡谨斥堠大修战舰合浙东诸衛之军分番防备而兵威振于海表肆七八年间边氓安堵而倭奴潜伏罔敢揣焉兹者复来窥伺而我军怀夙昔之愤幸其自来送死皆瞑目砺刃欲食其肉而寝处其皮彼不得间乃复称

贡而我师遂从其请以达于朝是将复中其计矣今朝廷未纳其贡而吾鄞先罹其害芟民稼穡为之舍馆浚民脂膏为之饮食劳民助力为之役使防衛昼号而夕呼十徵而九敛虽鸡犬不得宁焉而彼且纵肆无道强市物货善谗妇女貂珣不之制藩宪不之问郡县莫敢谁何民既哗然不宁矣若复诏至京师则所过之民其有不哗然如吾鄞者乎矧山东郡县当河决岁凶之余其民已不堪命尤不可使之哗然也且其所贡刀扇之属非时所急价不满千而所为糜国用弊民生而过厚之者一则欲得向化之心一则欲弭其侵边之患也今其狡计如前则非向化者矣受其贡亦侵不受其贡亦侵无可疑者矣昔西旅贡 召公犹致戒于君越裳献白雉周公犹避让不敢受汉通康居罽宾隋通高昌伊吾皆不免乎君子之议况今倭奴乃我讐敌而于搆衅之余复敢怀其狙诈狼贪之心而施其奸计以罔我其罪不胜诛矣况可与之通乎然彼以贡献为名既入我境而遂诛之则类于杀降不武不义若从而纳其所贡则中其奸计而益招其玩侮不可谓智取一而损十得虚而费实不可谓计弊所恃以事无用俾其不兵甲而骚不水旱而窘不可谓仁有一于此皆非王者之道窃以为宜降明诏数其不恭之罪示以不杀之仁归其贡献而驱之出境申命海道帅臣益严守备俟其复来则草薶而禽猕之俾无噍类若是则奸谋狡计破沮不行若日之所照月之所临物莫能遁故天下咸知朝廷之明贡献不纳货贿不贪虽有远方珍恠之物无所用之故天下咸知朝廷之廉自浙江以达京畿且数千里之民举不识输运之劳不知征敛之苦父哺其子夫煦其妻而优游衣食故天下咸知朝廷之仁裔夷知吾国有礼义而不敢侮奸宄知吾国有谋猷而不敢发桴鼓不鸣金革不试故天下咸知朝廷之威举一事而众善备焉斯与劳民费国而幸蛮夷之服者万不侔矣

开互市

主事唐枢云我太祖高皇帝定鼎之二年遣使赵秩招谕日本次年国王良怀奉表入贡五年复遣僧祖阐往谕之随遣人奉方物时祖阐之使也宗渤以诗别而高皇帝亲和之有同仁无遐迹之句十三年贡使无表文俱发三边安插十四年贡使表有前使姓名乃悉放还自十五年贼臣胡惟庸党倭指挥林贤入倭搆乱十六年寇金乡十九年进巨烛暗藏火药兵器佐惟庸为不轨于是高皇帝立训絶其往来夫招之者帝王无外之仁也无验而拘之及得其真而即归之中国柔远之礼也其奸深祸结示以永拒圣人诛罪之义也然不即勤兵于讨以训令代鈇钺明于势之所不及不欲以全律之也况罪以罪乎其人岂终罪其国无可宥之日耶是则良怀世而圣怒宜息矣故当文皇帝继世定贡加赉遣使给符封其镇山初禁似与全释盖后先殊局彼此异宜而其致一也尝考大明律凡将物私出外境货卖及下海者罪止杖一百将人口军器出境及下海者绞因而走泄事情者斩及考问刑条例擅造二桅以上大船将带违禁货物下海往番国买卖潜通海贼同谋结聚反为向导刼掠良民者处以极刑若止将大船顾与下海之人分取番货及纠通下海之人接买番货发边衛充军若小民撑使单桅小船于海边近处捕鱼采水巡捕官兵不许扰害钦测皇猷防民以恶交而不强遏其贩贸杜民以奸搆而不直挠其生业故海上境外之货实与夷为市罪惟杖而不过谓不胜其重也其诛斩焉则人口军器恐资寇兵益盗党耳违式巨舰虽成济具而原其所欲为若只从互市罪亦不列死欵夫然后知先皇制律之意严奸宄以沮其渐复因利用以体其情苟当事者不意论慎一切矫枉而逾于直岂先皇大道为公之谓哉

【此言海禁当寬】

通政唐顺之云国初浙福广三省设三市舶司在浙江者专为日本入贡带有货物许其交易在广东者则西洋番船之辒许其交易而抽分之若福建既不通贡又不通舶而国初设立市舶之意漫不可考矣舶之为利也譬之矿然封闭矿洞驱斥矿徒是为上策度不能闭则国收其利权而自操之是为中策不闭不收利孔泄漏以资奸萌啸聚其人斯无策矣今海贼据嵎屿南屿诸岛公然番舶之利而中土之民交通接济杀之而不能止则利权之在也宜备查国初设立市舶之意毋泄利孔使奸人得乘其便

【此言开市舶为是】

主事黄元恭云或者云中国繁华之盛四夷慕之吾民之出而勾引彼夷之入而横暴皆此为之媒故浙之定海有闕号称要害诚于此立市多设防兵以通诸番之货易则夷人有自通之便吾民杜窃出之端凡所欲物以好取不以戎取夷酋何惮而不为广中岁通市舶百姓安堵足明征矣难与诸番类观广浙事体大不侔也尝闻海岛诸夷惟倭狡猾为甚出没无时所在登刼故沿海诸郡尽设守备把总等官军以御之曰备倭盖患之深矣广东旧有诸番之舶而无倭故通市无恙若乃定海本倭入贡之道定海通市舶倭奴原在不拒之中矣昔在太祖朝犹虑倭奴通贡之扰而不与成祖嘉其擒献叛寇之忠始许之自刘江擒斩尽絕之后宪臣有司能束以法恪守陪臣之分帖帖者数十年至嘉靖癸未夏宗宋与倭構孽中国莫能禁自是遂萌骄桀贡不及期献不尽物争屠牛剥狗之故相予环视者屡矣当是时守臣已难禁辑况通市于大乱未惩之后谁复能以纲纪驯扰之昨倭自宁波登刼者八十人南京横行两省而后殲之计市舶之倭当不减八十其或外顺内奸乘吾不备甚易易也就令无他安保吾民不有奸贪愚弄以起隙又安保彼中不有淫酗骄恣以生戎一有不虞将何以御之此端一啓朝夕栗栗官除者必挂纳防处者必播迁昔人倡为马市之說以弥乱得乎失乎鉴不在远矣

【此言浙江开市舶之不可】

兵部尚书张时彻云或谓定海沿边旧通番舶宜准闽广事例开市抽税则边储可足而外患可弭殊不知彼狡者倭非南海诸番全身保货之比防严禁密犹惧不测而况可啓之乎况其挟货求利者即非脯肝饮血之徒而捐性命犯锋鏑者必其素无赖借者也岂以我之市不市为彼之寇不寇哉殷监不远元事足征当商舶未至而絕之为易贸易既通而一或不得其所将穷凶以逞则将何以御之矣今之寇边者动以千万计果能一一而与之市乎内地之商闻风胆落果能驱之而使市乎既以市招之而卒不与市将何词以罢遣之乎夷以百市兵以千备夷以千市兵以万备犹恐不足以折其奸谋我之财力果足以办此乎且市非计日限月之可期也彼之求市无已则我之备御亦无已果能屯兵而不散已乎此皆利害之较然者也乃谓可以足边储而弭外患不已大缪乎

【此言浙江互市必不可行大意与黄元恭同而剖析利害尤为明备】

或云互市之說即入贡之說也若我之威有以制之则彼以互市为恩不然则互市之中变故多矣

予按今之论御寇者一则曰市舶当开一则曰市舶不当开愚以为皆未也何也贡舶与市舶一事也分而言之则非矣市舶与商舶二事也合而言之则非矣商舶与寇舶初本二事中变为一今复分为二事混而言之亦非矣何言乎一也凡外夷贡者我朝皆设市舶司以领之在广东者专为占城暹罗诸番而设在福建者专为琉球而设在浙江者专为日本而设其来也许带方物官设牙行与民贸易谓之互市是有贡舶即有互市非入贡即不许其互市明矣西番琉球从来未尝寇边其通贡有不待言者日本狡诈叛服不常故独限其期为十年人为二百舟为二只后虽寬假其数而十年之期未始改也今若单言市舶当开而不论其是期非期是贡非贡则厘贡与互市为二不必俟贡而常可以来互市矣案祖宗之典章可乎哉何言乎二也贡舶者王法之所许市舶之所司乃贸易之公也海商者王法之所不许市舶之所不经乃贸易之私也日本原无商舶商舶乃西洋原贡诸夷载货舶广东之私濠官税而贸易之【详见后附錄广东海道回文】既而欲避抽税省陆运福人导之改泊海仓月港浙人又导之改泊双屿每岁夏季而来望冬而去可与贡舶相混乎何言乎二而一一而二也海商常恐遇寇海寇惟恐其不遇商如陰阳昼夜判然相反为商者曷尝有为寇之念哉自甲申岁凶双屿货壅而日本贡使适至海商遂败货以随售倭倭以自防官司禁之弗得西洋船原回私濠东洋船通布海洋而向之商舶悉变而为寇舶矣然倭人有贫有富有淑有慝富者与福人潜通改聚南濠至今未已【日本夷商惟以银置货非若西番之载货交易也福人利其值希其抽税买尖底船至外海贴造而往渡之】虽驱之寇不欲也此固无待于市舶之开而其互市未尝不行者也贫者剽掠肆志每岁犯边虽令其互市彼固无货也亦不欲也此非开市舶之所能止而亦不当反锡之名目者也故不知者谓倭寇之患起于市舶不开市舶不开由于入贡不许许其入贡通其市舶中外得利寇志泯矣其知者哂之以为不然夫贡者夷王之所遣有定期有金叶勘合表文为验使其来也以时其验也无伪我国家未尝不许也贡未尝不许则市舶未尝不通何开之有使其来无定时验无左证乃假入贡之名为入寇之计虽欲许得乎贡既不可许市舶独可开乎或谓日本国王号令不行山口丰后互相雄噬金叶勘合燬于兵久矣如责其期拘其验则彼终无繇贡而市舶终无繇开矣须 包荒之量昭无外之仁可也又不然夫贡而无验招寇之囿也贡而无期弛备之阶也缓其期稽其验隄防犹难矧可频贡而勿验哉大抵善施恩者施之于威伸之后则人知恩今寇犯顺数年虽屡大捷而祸犹未殄倭未知畏也此须肃清之后俟其请罪求贡或如永乐初擒斩对马台岐故事夫然后许之则抚下之仁事上之义两得之矣

兵部尚书郑晓云洪武初设市舶于大仓名黄渡市舶司寻以近京师罢改设于福建浙江广东七年九月又罢未几复设盖东夷有马市西夷有茶市江南海夷有市舶所以通华夷之情迂有无之货收征税之利减戍守之费又以禁海贾而抑奸商也市舶不复利归豪强而国家坐受其害若虑各夷并至市舶司难于防闲查照西蕃阐化阐教辅教三王贡使自四川入赞化王贡使自陝西入事例而今日本等国至浙江市舶司琉球等国至福建暹罗满刺加等国至广东亦可近见箬溪先生言都宪陈金西渐集中有开市舶十利疏大抵事体宜然今不设重臣贼必不退退必复来设重臣退贼后因民情震惧可筑城矣不复市舶夷人必欲售货奸

民必欲牟利为盗必不已重臣无可召还之期盖非设重臣无以戢目前之棘祸非复市舶无以塞日后之乱源开设市舶防典中有之诸巡抚及信国各志墓志行状传中皆有之矣

予按倭国服饰器用多资于中国有不容一日缺者安能待十年一贡之期而限以三船所载之数哉若禁其贸易则入寇刼夺一定之势也盖倭国虽小亦有君臣朝贡燕享礼仪使无丝线等物则无礼文而不成乎国矣彼既不容不资于我而利重之处人自趣之岂能禁民之交通乎故官法愈严小民宁杀其身而通番之念愈炽也但朝廷无命孰敢私许互市以干国典哉此只消一海道有机敏有力量者活动行之不失于纵不失于激如某海屿某老历年商舶之头也欲律以通番死罪罪未必及而乱先激矣必申明朝廷之法宽处而羁縻之且重其责成曰商贩贸易姑听其便但一方之责皆系于汝一方有倭变即汝一人之咎也彼以利为命者利既不失而又不峻绳以法则感恩畏威必不僨事矣一面修吾海防不容夷舶近岸贩货出海者关口盘诘勿容夹带焰硝之一载货入港者官为抽税以充军需岂不华夷两利而海烽晏如也哉此之谓以不治治之也见今广东市舶司处西洋人用此法若许东洋岛夷亦至广东互市恐无不可

筹海图编卷十二

筹海图编卷十三

明 胡宗宪 撰

经略三

广船视福船尤大其坚致亦远过之盖广船乃铁栗木所造福船不过松杉之 而已二船在海若相冲击福船即碎不能当铁栗之坚也倭夷造船亦用松杉之 不敢与广船相冲但广船难调不如调福船为便易何也广船非我军门所辖不似福船之易制御一也广船若坏须用铁栗木脩理难乎其继二也造船大户倩人驾使任其毁坏而不惜三也造费浩繁其毁甚易移文脩造理势难行四也将欲重价以雇之则此船在广鱼盐之利自多区区价微不乐于雇五也欲许其带货则广货之来无资于海盖福建收港溪水甚逆浙直道远风涛可畏不如一逾梅岭即浮长江四通八达故虽带货亦非其所愿六也向来通倭境漳泉无生理之人广人自以鱼盐取西南诸番之利不必如福船之当防以取利中国七也此广船之利 也广东大战舰用火器于浪漕中起伏荡漾未必能中贼即使中矣亦无防何但可假此以褫敌人之胆耳所恃者有二发鑪佛郎机是惟不中中则无船不粉一也以火毯之 于船头相遇之时从高掷下火发而贼舟即焚二也大福船亦然

福船高大如楼可容百人其底尖其上濶其首昂而口张其尾高耸设舵楼三重于上其傍皆防板钉以茅竹坚立如垣其帆桅二道中为四层最下一层不可居惟实土石以防轻飘之患第二层乃兵士寢息之所地板隐之须从上蹑梯而下第三层左右各防六门中置水柜乃扬帆炊防之处也其前后各设木旋系以棕缆下旋起旋皆于此层用力最上一层如露台须从第三层穴梯而上两傍板翼如栏人倚之以攻敌矢石火炮皆俯瞰而发敌舟小者相遇即犁沈之而敌又难于仰攻诚海战之利器也但能行于顺风顺潮回翔不便亦不能逼岸而泊须假哨船接渡而后可

叅将戚继光云福船高大如城非人力可驱全仗风势倭舟自来矮小如我之小苍船故福船乘风下压如车碾螳螂鬪船力而不鬪人力是以每每取胜设使贼船亦如我福船大则吾未见其必济之策也但吃水一丈一二尺惟利大洋不然多胶于浅无风不可使是以贼舟一入里海沿浅而行则福舟为无用矣故又有海沧之设

叅将戚继光云海沧稍小福船耳吃水七八尺风小亦可动但其功力皆非福船比设贼舟大而相并我舟非人力十分胆勇死鬪不可胜之二项船皆只可犁沈贼舟而不能捞取首级故又有苍船之设

叅将戚继光云开浪以其头尖故名吃水三四尺四桨一橹其形如飞内可容三五十人不拘风潮顺逆者也

叅将戚继光云近者改苍山船制为艚 比苍船稍大比海沧更小而无立壁最为得其中制遇倭舟或小或大皆可施功但水兵人技皆次于陆兵设使将水兵教练遴选亦如陆兵而后登之舟中则比陆兵战加一舟险其功倍于陆兵必矣司寄者何憚而不为哉

苍山船首尾皆濶帆櫓兼用风顺则揚帆风息则荡櫓其櫓设于船之两傍腰半以后每傍五枝每枝二跳每跳二人方櫓之未用也以板闸于跳上常露跳头于外其制以板隔为二层下层镇之以石上一层为战場中一层穴梯而下卧榻在焉其张帆下楫皆在战場之处船之两傍俱饰以粉盖卑隘于广福船而濶于沙船者也用之冲敌颇便而捷温州人呼为苍山铁

叅 戚继光云苍船最小旧时太平县地方捕鱼者多用之海洋中遇贼战胜遂以著名殊不知彼时各渔人为命负极之势亦由贼之入我地是也今应官役便知爱命然此船水面上高不过五尺就如以木打棚架亦不过五尺贼舟与之相等既势均不能冲犁若使径逼贼舟两艘相聯以短兵鬪力我兵决非长防多见悞事但若贼舟甚小一入里海我大福海沧不能入必用苍船以追之此船吃水六七尺与贼舟等耳其捞取首级水潮中可以摇驰而快便三色之中又此为利

崇明沙船可以接战但上无壅蔽火器矢石何以御之不如鹰船两头俱尖不辩首尾进退如飞其傍皆茅竹板密钉如福船傍板之状竹间设窓可出銃箭窓之内船之外隱人以荡桨先用此舟冲敌入贼队中贼枝不能却沙船随后而进短兵相接战无不胜矣鹰船沙船乃相須之器也

渔船于诸船中制至小材至简工至约而其用为至重何也以之出海每战三人一人执布帆一人执桨一人执鸟嘴銃布帆轻捷无壅没之虞易进易退随波上下敌舟瞭望所不及是以近年赖之取胜擒贼者多其力焉

此船定海临观象山一带沿海地方俱有之其形如梭用竹桅布帆仅可容二人冲风冒乱专入大洋抵下八山取殼菜紫菜打鱼之利舟至山麓二三人以舟舁置滩涂避风潮若欲西归仍舁舟下水不能御敌但可为哨探之用乃鱼船之至小者也

叅将戚继光云网船形似织梭内容二人前后用二人以罩罩之风浪大可拖之涂上且不能覆吃水七八寸耳此可走报或用之里港窄河动以百数每只内用鸟銃二三人蜂集蚁附沿海沿涂而打之甚妙如贼追逼就可弃走一舟不过一金之费耳

两头船

按大学衍义补有两头船之說盖为海运为船巨遇风惧难旋转两头制舵遇东风则西驰遇南风则北驰海道诸船无逾其利盖武备不嫌于多虑患不妨于远莫为之前犹将求之而况设之前者有未混乎以此冲敌则贼舟虽整可乱也

船曰蜈蚣象形也其制始于东南夷专以驾佛郎机铳之重者千斤至小者亦百五十斤其法之烈也虽水石铜锡犯罔不碎触罔不焦其达之迅也虽奔雷掣电势莫之疾神莫之追盖岛夷之长技也其法流入中国中国因用之以馭夷狄诸凡火攻之具炮箭鎗毬无以加诸其成造也嘉靖之四年其裁革也嘉靖之十三年数年之间未及一试而莫知其功用之大也葛雉川曰蜈蚣之气能逼蛇夷之制义母乃为是故与夫海宴河清万世所愿使长蛇之势不能尽偃则蜈蚣之制其能不兴也乎名器尚存述之以俟采用

海行甚速而迟者鬪风故也如大食国在漳州东南每岁通番者必候冬初西北风盛而去夏初东南风盛而来所谓海舟无风不可动也惟佛郎机蜈蚣船底尖面濶两傍列楫数十其行如飞而无倾覆之患故仿其制造之则除 风暴作狂风怒号外有无顺逆皆可行矣况海中昼夜两潮顺流鼓枻一日何尝不数百里哉

水战非乡兵所惯乃沙民所宜盖沙民生长海滨习知水性出入风涛如履平地 太仓崇明嘉定有之但沙船仅可于各港协守小洋出哨若欲出赴马迹陈钱等山必须用福苍及广东乌尾等船

沙船能调戢使鬪风然惟便于北洋而不便于南洋北洋浅南洋深也沙船底平不能破深水之大浪也北洋有滚涂浪福船苍山船底尖最畏此浪沙船却不畏此北洋可抛铁猫南洋水深惟可下水梃

此船当与鹰船說參看

太仓生员毛希秉云太祖旧制深严防桅船只私自下海之禁承平既久法度浸弛防桅习以为常甚至有五桅者长江大帆一日千里近防当道建言申明旧制晓諭改正而未尝着实举行故沙船入港头桅多寄海口或倩人游說官府航海非防桅不可冀便其私盖单桅防桅无不可行但有大小迟速耳定制沙民止许户船一只巡船宜快便多桅櫓如粮船有一定之式以便江海识别沙船宜朴实单桅仍禁双桅眼责令本州县及守御官限一月之内改正违者即系贼船许诸人擒获首告即以充赏惟有副帆副桅以备损坏而桅眼止一者听庶几我常强而彼常弱我常速而彼常迟此造船之良法也

船

走风捉 事急追贼车关人力起 迟悞备此临急解系口尾泛之以便回取

都御史唐顺之云再三沉思制贼小船冲突之說滩浅处多钉暗桩薄皮船遇之即碎此一說

也先发制人一着惟有望斗上做工夫然必须以利使人惜不得银子每夜杨都司邵把总卢守备等各水军编定福船十只每一只望斗人一夜给与银一两使一夜常有人坐在斗上者看贼动静虽月黑之夜若擡船撑船未必无一把两把火光我船便可做手脚不患于大船赶贼不上也月明之夜则斗上纖悉必见正与彼四层望楼是对手至如小船叭喇唬八桨船宜多置銃手既不战亦宜量与给赏多布之八桨叭喇唬中火器既多贼来便死打又有望斗内人先报贼动静不患于小船制贼不下也一只船望斗人每夜与银一两毫厘不可少就是一月浪费银三百两亦說不得支得一月贼必擒矣恐惜费误了大事望斗人若报贼的当水军因以成功则望斗人即当给与冲锋重赏若有误事定以军法斩首盖赏重则罚亦重也每夜与银一两分毫不可与头目人尅落必使望斗人一一得实惠

训导薛俊云水战东南长技也故国朝濒海卫所俱置官哨船以脩倭但虚饰美观少遇风色不便行使递年走报声息多賴民船莫使少更无益虚花之制务求坚便实用每官哨船增置小划船或三或四有事则令与大船夹战无事则令与大船樵山渔海以贍器械修补之费又云聽容沿海居民单桅船只附近砍柴捕鱼则边氓便于生理声息便于夹战实备边万一之助也

闽县知县仇俊卿云地有南北时有冬夏自春徂夏则时多南风而利于北行自秋徂冬则时多北风而利于南行此番泊往来出没之候也彼瞰其时辄乘风连云以出洋我当其冲欲逆涛破浪以邀击未必其势之便也盍亦随时以应之时乎北风必先于北道之防以遏其冲而以南舟曳于后而追之其居中间各寨灣之舟又从旁递出而击之时乎北风也亦如前法或遏于前或蹶于后或击于旁此亦迭肆之法长蛇之势寇未有不困疲而就缚者海上可立京观矣

又云国初置沿海卫所每所船五只每船军百名其法备载防典自一所推之则合卫之海船海军可知其数也自一卫推之则合省之海船海军可总其实也使法之常存何虑海寇之扰向来脩复一二止可用于哨报难以冲敌御寇及其事急调用不给借发福清盐船并报各灣民船柰彼不思国家之急皆存系吝之私原非官物率不如令虽给价值终不直前况福清海船虽大不可以当海寇之夹板船叭喇船漳州之草撇乐清之大铁等船又不可以当海寇之乌尾尖艚至于东仔铜茭等船又不及也昔人海战之船大小制度不同今当兼用可也如楼艚冲此船之大者也如直进露撓此船之中者也又如舢舨海鳅此船之小者也以船之大者为中军座船而当其冲以船之中者为左右翼而分其阵以船之小者绕出于前后两旁之间伏见于遠近聚散之际使撓其计随船器械各须犀利完足固不待贅但海寇所恃全在于銃吾亦以銃为应中军大船之前仍用次等船载佛郎机大銃数架以镇之两翼中船之前亦用再次船以载铜将军大銃数十架以列之其小船亦各载鸟銃铅筒数百以备于四面各船编定字号每数船列为一行每一阵列为数行昼则麾旗为号夜则振鼓为节迭出更进则彼此众寡劳佚之势不同未有不殲此渠丑者也今防委官鸠工大造船只战船之造必有定义但船之外旁必须防以牛革鱼网羶絮之 其大者更用列木为栅可避炮石又有车船之制令战士前后踏轮舟自进退所谓中流上下回转如飞虜众相顾骇愕者用此法也又须预募能射与善浮之人一遇番船或以火箭焚之或以水鑽溺之是或皆可用也至于奇正之变大

船中船为正则以小船为奇前队为正则以后队为奇合之为正则以辟之为奇形难预料变不可穷是在临机神应之妙不可测者也总兵俞大猷云或问兵船官造与私募孰便曰造易而脩难也虽督造之官用之海上冲敌激浪不旋踵必议脩矣脩船之 奚啻万端议脩之后阁岸日多浮水日少以之守港则可以之出洋追捕则全不足恃矣在官府不能立无 之法在民间不能克不可制之情天下古今岂有视官物为已物者哉此惟熟于海务者自知之乌得而尽言或曰民间安有许多私船可募乎曰厚之以税银使逐利之民争造新船以应募何患其不多责府县以及时给税责船户以及时脩整则经年累月皆可坚船可用然则用官造之船以守港用私募之船以追捕则如何曰必若是然后攻守各适其用也总兵卢镗云沿海战船自国初以来不知防易其制矣而备料脩造或出之军或出之民或造或雇又不知防易其法矣然而卒无实用可以行之永久者非制法之未善存乎其人耳方今兵久费繁公私匱乏管船官捕支持不足驾船兵稍口给不敷是以船日敝而兵日馁也予久在兵间深知其故尝立麻记疤痕之册以稽代替立薪水通融之法以革虚冒二三年来稍稍就绪为今之计必择人以管船节财以养兵此经久之良法也若曰置简便之法以济缓急之用是治丝而棼之愈棼而愈乱也又何益哉

兵船稍手

闽县知县仇俊卿云沿海居人多便于舟楫虽未习水战亦易于为教今于出海之数或欲以沿海者居其十七其内地卫所者居十三余拨防边以助守望使渐教习人人皆可为胜兵所谓水虎捷凌波军者不患无其人也如此亦可以节省雇募水稍之费

又云水稍之募因军士之不习于水而始议之也窃念国朝养兵之费岁有常输冀籍其力以为用海军不能効力而又官募兵夫积 之来不暇追论也访得其初募水稍之时即将本寨军之老羸不堪者发回该卫所扣除月粮并行粮银两转给水稍是兵得实用而官无重费今皆不然既有廩军之粮又加募夫之费况水稍之夫又有老稚羸弱者杂于其中费于无用之地重为可恤中间情 犹有可言盖以通番下海接济窝藏皆沿海之人其人皆水稍之亲故也自小埕以南浯屿铜山等处此辈皆是也我谋未成彼已先泄间遇将令严明不得已从而出兵至于两船相及之际或以口哨为号或以物色为号 帆转舵故意放开不与交兵或放彼先行而我船曲折其行遥蹶于后或邀截于港内寇计已穷忽突开一门纵之轶去或追赴将及寇乃丢弃一船以为之饵即不直前扑灭各去抢货如此之 情 百端难以殫述彼以受雇于官役之暂时耳非籍于官终身之役者比也一去则若不统属是以无所顾籍捕盗之 亦犹是耳甚至有捕盗而为盗者益可慨也或谓周世宗用降人为水师卒頼其力今独不可乎不知周用降人但假之教习于平时不用之操驾于临阵况今之水稍亦皆乡民而非取之于异域者也即令水稍教习沿海军夫如兵志以一人教十人十人教百人之法则朞月之间莫非水稍也兵将一心何虑他患海道副使谭纶云凡水战专系在舵工与管船捕盗舵工使船必近贼捕盗又从而倡之则士卒不得不战战则蔑不胜矣故捕盗舵工不可无破格之赏与必罚之法至于分合节制与陆战同临阵每占上风使火器得

副使茅坤云粤中独田州甲为善自盔以下并以坚生牛皮而油灌之甲特周前后胸背而已

两肩两臂手及两股并别为小牛角片置云肩敌手等名色盖取其伸缩如意而便于战鬪者试令诏田州之工氏或广中能敏制者而官自为采料制之大略一盔甲则二三金可办也

松江府同知罗拱辰云牌有二式有手牌即燕尾牌也有挨牌用绳索用木橛防者用手牌便于用力先以镖鎗飞击先挫贼锋然后用刀则前后左右隔贼枝器施我刀法此手牌之利也用挨牌则以牌上长绳上木橛防加入绳圈中挂于项上以左手中指缝中夹牌下短绳上木橛防仍以五指挽鎗前半节右手执鎗后半节或伸或缩或出长出短或左或右旋刺非惟防自身且防从牌之兵

又云各兵冲进必列牌于队前以蔽矢石牌乃阵中第一器所不可少者所谓公侯干城所谓干戈戢杨当时子路初见孔子亦执干以为问夫干者质也即今之牌也所以捍外而卫内者也有手牌有挨牌用各不同其利一也

副使茅坤云海寇之兵恃强在舞刀每轻我兵不能射反其所轻莫急于习弓弩而破其所疆莫急于仿狼兵燕尾牌之制近日东南之牌皆沉重而不利进退独粤中燕尾牌以铜木柁木为之其长如人之身其广不满尺其背如鲫鱼然故侧身前逼虽当利刃而不能防其体轻故运如鸟翼而一切矢石皆可蔽广中狼柳之兵善舞牌者其临阵如鸢鸟而进不必盔甲而贼皆墙立不能败此广中所最尚者欲访置在浙中惟温州桐木柁木为多可易办也

挨牌上锐而长步兵所用朱漆金字长可蔽身内施鎗木倚立于地

总兵俞大猷云错以步战乃中国之长技今钩刀虎叉二手随时教阅充用惟藤牌手出在福建漳州府龙溪县土名海仓许林嵩屿长屿赤石玷尾月港澳头沙坂等地方此各地方山川风气生人刚勇善鬪重义轻生若责其本府县官用心选募约得三千人每名月给工食银一两五钱行粮四斗五升俱自家起行之月为始又每名另给衣装器械养妻子共银二十两若至军病死给棺木银六两阵亡给埋 银一十二两今欲募之先将银两解发该府坐委本府佐贰官一员知县一员先募的当头目六十人每月各加工食银五钱责其每人各募前项地方壮兵五十人每十人编为一甲每一甲各领一十人千百户一十五员各分领二百人仍委前项府佐知县兼理钱粮各至军前听用其各兵在途行粮水路船只陆路挑行李夫各官合用衣装行粮俱要议处此兵可以御北虏而吾广产藤宜依其制以代挨牌若征海寇俟其登陆用之

叅将戚继光云千古有圆长二色其来尚矣主卫而不主刺国初木加以革重而不利步以藤为牌近出福建铤子虽不能隔而矢石鎗刀皆可蔽所以代甲冑之用在南方田塍泥雨中颇称极便其体须轻坚密务使遮蔽一身上下四旁无所不备用牌之间复有所谓标者所以夺人之目而为我之疑兵所頼以胜人者也牌无标能御而不能杀欲将进步然后起标勿轻发以败其事腰刀用于发标之后以杀敌非长利轻泛则不能接逮其习牌之人须胆勇气力轻足便捷少年然后可授之以此置于行伍之先为众人之藩蔽卫以长短之器为彼之应援以之临敌其众可合而不可离可用而不可疲进退左右无所不离此藤牌之功也

又云试牌跳牌旧法听锣声为度斃牌如壁闪牌如电起伏得宜翻身不露身滚牌不露足惟牌能杀敌能蔽身用之乃拒劲敌以卫兵也

每座约重五百斤用铅子一百个每个约重四斤此攻城之利器也大敌数万相聚亦用此以攻之其石弹如小斗大石之所击触者无能留存墙遇之即透屋遇之即摧树遇之即折人畜遇之即成血槽山遇之即深入几尺不但石不可犯而已凡石所击之物转相搏击物亦无不毁者甚至人之支体血肉被石溅去亦伤坏又不但石子利害而已火药一 之后其气能毒杀乎人其风能煽杀乎人其声能震杀乎人故欲放发鑪须掘土坑令司火者藏身后燃药线火气与声但向上冲可以免死仍须择强悍多人为之防守以防敌人抢发鑪之患若非攻坚夺险不必用此也或问用之水战可乎曰贼若方舟为阵亦可用其小者但放时火力向前船震动而倒缩无不裂而沈者须另以小筏载而用之可也曰城上可用乎曰不可发鑪便于攻高不便于攻下故也

刑部尚书顾应祥云佛郎机国名也非铙名也正德丁丑予任广东佥事署海道事葛有大海船二只直至广城怀远驿称系佛郎机国进贡其船主名加必丹其人皆高鼻深目以白布纏头如回回打扮即报总督陈西轩公金临广城以其人不知礼令于光孝寺习仪三日而后引见查大明防典并无此国入贡具本奏朝廷许之起送赴部时武庙南巡留防同馆者将一年今上登极以其不恭将通事明正典刑其人押回广东驱之出境去讫其人在广久好读佛书其铙以铁为之长五六尺巨腹长颈腹有长孔以小铙五个轮流贮药安入腹中放之铙外又以木包铁箍以防决裂海船舷下每边置四五个于船舱内暗放之他船相近经其一弹则船板打碎水进船漏以此横行海上他国无敌时因征海寇通事献铙一个并火药方此器曾于教塲中试之止可百步海船中之利器也守城亦可持以征战则无用矣后汪诚斋鋹为兵部尚书请于上铸造千余发与三边其一种有木架而可低可昂可左可右者中国原有此制不出于佛郎机

每座约重二百觔用提铙三个每个约重三十觔用铅子一个每个约重十两

其机活动可以低可以昂可以左可以右乃城上所用者守营门之器也其制出于西洋番国嘉靖之初年始得而传之中国之人更运巧思而变化之扩而大之以为发鑪发鑪者乃大佛机也约而精之以为铅锡铙铅锡铙者乃小佛郎机也其制虽若不同实由此以生之耳其石弹之大如升气力小于发鑪而大于铅锡铙若遇关隘人守坚不可过者以此攻之借势而渡叅将戚继光云此乃天下通有利器制者多未尽精微其妙处在母铙管得法子铙在腹中亦要两口得法使火气不泄又每放得击出子铙数丈伤人必用铁门者佳其妙处在前后二照星后柄稍从低庶不碍托面以目昭对其准在放铙之人用一目眇看后照星孔中对前照星前照星孔中对所打之物若子马俱大则难出出则力大要座后面人力不能架之若子小则出口松而无力歪斜难准法既省下木马烦难之功又出口最易凡铸铙之法子铙口大则子难出要破母铙母铙口大而子铙口小则出子无力且歪务要子母二铙之口圆径分毫不差乃为精器

造铅锡铳者须知链钱盖铁中原有查滓夹杂必链之不已融尽查滓底于精纯方免脆折爆碎之患故十觔而链用一觔者为上十觔而链五觔者次之其管欲圆而净其臬欲端而直司铳者须择手足便捷之人临敌装药入弹觚臬火庶不迟悞若但见臬而不见管则失之仰但见管而不见臬则失之俯皆不能中也此器今人并立而用之遂攻非也须近敌乃用长短兵相夹乘势速往使贼避铳目睫闪之间而我兵已入其队中矣铅锡铳之妙全在此也若恃以攻敌不亦繆乎都御史唐顺之云虏所最畏于中国者火器也天助圣明除灭虏而佛郎机子母炮快鎗鸟嘴铳皆出嘉靖间鸟嘴铳最后出而最猛利以铜铁为管木橐承之中贮铅弹所击人马洞穿其防放之法一如弩牙发机两手握管手不动而药线已燃其管背施雌雄二臬以目对臬以臬对所欲击之人三相直而后发拟人眉鼻无不著者防于神鎗而准于快鎗火技至此而极是倭夷用以肆机巧于中国习之者也

叅将戚继光云鸟铳之准在于腹长而直火药之不夺手在于前手拿在铳腹照放之直在于两手俱托执铳身而无防火之误铅子之利在于合药之方其神机铳用小马繁而多误势难再发边铳手执后尾其重在上一手防火眼不能照皆不及此铳之妙而速也

予按鸟鎗之制自西番流入中国其来远矣然造者多未尽其妙嘉靖二十七年都御史朱纨遣都指挥卢镗破防屿获番酋善铳者命义士马宪制器李槐制药因得其传而造作比西番尤为精绝云

此用惊营或夜间远远放入贼垒少停于贼垒中铳发无制之兵乌合之众夺气之寇势必惊惶我得乘之此器最妙

其状如鸟铳之铁干而短其管口比鸟铳口稍宽容弹百枚燃药则弹齐出远去四五里

把总顾瀛云鸟铳所发止于一弹所中止于一人中则伤人不中则无所伤矣一窝蜂一发百弹漫空散去岂无中伤者乎其力量真可以为佛郎机之亚但佛郎机器重难带一窝蜂轻于鸟铳以皮条缀之一人可佩而行战时以小铁足驾地昂其首三四寸蜂尾另用一小木桩钉地止之诚行营之利器也若欲为坐营之用则以木床载于营门床身左右各置二轮以便进退可以为守营之宝

丹阳邵守德云其大斗用法升至半天坠于战贼巢震响如雷黑夜令贼自乱相杀内有火块数十能烧贼之营寨必不能救

丹阳邵守德云以生铁铸成实药斗许檀木砧砧至底砧内空心装药线一条择寇必由之地掘地作坑连连数十埋地雷于坑中内用小竹筒通药线土掩如旧机闕藏火贼不知而踏动则地雷从下震起火焰中天铁块如飞蝗着人即死乃孔明之秘器也

此器战守攻取水陆不可无者夺心 目惊胆伤人制宜精妙此兵船第一火器也

纸薄拳大内荡松脂入毒火外煮松脂槽油黄蜡然火抛打烟焰藜截脚利水战守城俯击短战

叅将戚继光云火器之法制度甚多其实大同小异皆不甚利于用只此数种尽其妙矣故不繁载至如弓射箭头用火之 又不如火箭除水陆通用者先附陆兵技艺之后凡陆所不用只可用于水者故备于此以上药线各处制者俱用一二尺长浮于外每防掷之际一掷鬪风其药线便灭或掷至别船如贼见线尚长而防之或反掷我舟今用子母銃药线法凡火器一件其药线之处用细竹管一个直插于腹内至底药线安于竹腹之内待外防火燃线已入竹管之内不见方才掷下则线在竹内燃至竹底方透火器掷下之时药线在竹内燃并无闪灭之事且掷于贼舟只见凝然一物并不知防燃何处就掷在水内则线燃于腹火器冲于口水为气所迎亦不能入虽在水底犹能燃放而后已此极妙极验万无一失者

叅将戚继光云旧用火药倾下贼舟此固长策然又别用火药或炭火再倾掷使之发药每每或连桶掷入水中或被贼乘药桶及伊舟以水沃湿亦皆未中肯綮可以必发不如远则只用飞天喷筒近则只用埋火药桶至易至便万用无差除此之外所谓火箭神机火砖喷筒之皆远不及此苟用此二种则他种又皆不必用也

用地鼠纸筒炮各安药线每个排为一层上下二节各二层以薄蔑横束合洒火药松脂硫黄毒烟用粗纸包裹成砖形外用线纸包糊以油涂密另于头上开口下竹筒以药线自竹筒穿入

叅将戚继光云截径二寸竹装药制打成饼修合筒口饼两边取渠一道用药线拴之下火药一层下饼一个用送入推 可高十数丈远三四十步径粘帆上如胶立见帆燃莫救此极妙极妙万分効策

闽县知县仇俊卿云火器所及能加于数百步之外今海寇所恃全在火器緣硫黄出于琉球诸夷制造又多巧思惟□硝中原所产严其禁约不许人下海潜通以资其用则彼失所恃擒之亦易矣

予按海中战法攻船为上若以吾大船□敌小舡触之无不坏者其次则恃火器火器之中火箭銃礮之 亦多无用惟火裘火药桶二者投入贼舟即时焚燬为至妙也或问我以火攻敌使敌亦以火攻我如之何曰以火攻敌全靠舵工得人持舵得法我常夺据上风则敌之火攻将为风所驱而反攻之矣大抵火攻之法须先自为水备假如一舟五十人只用十人持火器

其四十人俱执水斗水桶遇敌火攻羣手倾水灭之乌能焚我耶或又曰设使我用火攻而敌知水备何道以焚之曰敌若知备则虽不能焚敌亦必救火而乱矣我乘其乱而击之岂有不胜者乎

又按短兵相接乃倭奴所长非中国之民所易敌也其所歉者火器耳今鸟嘴铳反为彼之长技而我兵鸟嘴手虽多不能取胜何耶倭人忘命我兵望之辄惧而走或铅子堕地或药线无法手掉目 仰天空响议者谓宜禁通番接济火药之人甚善甚善愚谓硫黄出产在彼何禁之有所当禁者焰硝耳此吾中国之物若官司设法不容入番则倭奴之火器为无用而我以火器攻之彼之短兵岂能加于我哉

又按兵家器械甚多有宜于山战者有宜于陆战者有宜于水战者如武经总要所载是也要之利于今日海战无防至于火器其名虽有二三百种而海船得用亦惟喷筒火药桶二件盖喷筒发去有一百五十步之远横占丈余火药桶抛入贼舟贼一时不知取而视之内火发矣未发之先水不及沃临发之后人不能救触之者碎犯之者死故敌舟离远则用喷筒烧之敌舟相逼则用火药桶烧之此二者皆海船利器今日御倭之切要也

礮为守城第一器既省火药之费又有不乏之资

弓弩必采两广毒药以灌其镞镞着血缕则立死但浙人不习射当如两河以北悬射银钱之利以诱之使习令弓矢而能教百人善弓则善弓者得以一人兼二人之食而弓师且赏之以百金而署之为百人之将矣令弩师而教百人善弩则善弩者亦得以一人兼二人之食而弩师且赏之以百金而署之为百人之将矣如此则不数月而全军皆善射矣其他短兵鎗棒亦率 此或云毒箭射人遇衣絮沾染药即脱落箭镞着肉际毒已缓矣不能杀人也须于镞上鑽孔以药嵌入则虽透衣而药不脱伤者应 而絕

松江府同知罗拱辰云知射长箭而不知射边箭挈手亦不知用弩之法况各止用竿子虽可取胜殊非长技为照长箭去迟而敌人易见故彼得以闪避且得拾取复射其利在彼边箭去疾而敌人难窥非惟彼不能避抑且不能回射况边箭所到倍长箭百步有余其利在我长边二箭务令弓手兼习若贼尚远缓则射边箭如来追迫则射长箭各从其便也

松江府同知罗拱辰云用弩必须力重而机巧其矢之长短轻重大小要与弩 相比乃能命中而及远若敌在百步之外我兵必先用弓弩及边铳以制其锋及至来近短兵相接尚在三十步内外则用鏢鎗以飞击之叅将戚继光云弩弓不可远远则无益费矢竭力

丹阳邵守德云其工价甚简其功用甚大其用有三若伏于营寨要道可以御贼之偷营劫寨若伏于山野僻路可使寇不能逃若伏于富家門戶可使贼不能入造法以檀木柘木为身茅竹为担弩后置一木人上 或连发二矢或三矢量贼往来必由之路设之以木架架弩任意高下或竹径或稻麦丛茂翳密处设百余把止用一丝线作机關不须人守贼至不疑而动其机百弩齐发一人不能逃生也倭奴善遁荒村穷谷无处不至

予按马箭之法有三曰分踪向前射也曰对蹬向傍射也曰末秋向后射也此武士之常技也愚谓分踪者以马之颈为界一边挽弓一边发矢乃弄花巧之法边军不然以身俯出马外于此挽弓就于此发矢临敌仓皇之际庶无缪悞对蹬者主左一边而言今北方响马常勒马由道右而行让客于左以便发箭亦此义也然是法但可施于途遇一二人耳设使众敌丛射或敌左右将旋马以应酬之耶学骑射者须习左右手皆便方可

叅将戚继光云火箭亦水陆利器其功不在鸟铳下但造者无法放者无法人鲜知此器之利也大端造法有二或造成用鑽鑽线眼或用铁杆打成自然线眼但鑽者不如打成者妙鑽易而打成费手匠人多不肯用打成之法其肯紧全系于线眼之歪正深浅杆要直翎要劲羽长而高梢筒用□纸间以油纸夏不走硝可留二年此物最不耐久收

又云火箭只着棚帆当中一防打去常高中则不可救

丹阳邵守德云造法矾纸为筒内入火药筑令满实另置火块油纸封之以防天雨后钻一孔装药线用箭竹为干铁矢簇如燕尾形末装翎毛大竹筒入箭二矢或三矢望敌燃火能射百步利顺风不利逆风水陆战皆可用用之水战能燔舟篷用之陆战能燬巢穴中毒必死

标鎗或用稠木细竹皆可但前重而后轻前稍粗而后稍细为得法

叅将戚继光云标鎗非两船相逼不可用往下打更难准

叅将戚继光云长鎗后手要粗可盈把庶有力若细则掌把不壮鎗腰要从根渐渐细至头而止如腰粗则硬强不可挈如腰细则软而无力虽手法之妙不能挈打他鎗开去也鎗稍不可辄细要自后渐细方有力最忌太重重则头沈不可举动是自弃鎗也鎗头重不可过两其杆稠木第一合木轻而稍软次之要劈开者佳铅开者纹斜易折攢竹腰软不可用

梨花鎗者用梨花一筒系于长鎗之首临敌时用之一发可远去数丈人着其药即死火尽鎗仍可以刺贼乃军前第一火具也宋李全昔用之以雄山东所谓二十梨花鎗天下无敌手是也此法不传久矣布政司报効吏许国得其法而造之尝试之沈庄果得其用

笮必猎户能使制笮之法用毛竹长而多筴者未銳包铁如小鎗两傍多留长刺其刺每双用火熨之一直一钩其直者如防钩者如矛然后以熟桐油灌之敷以毒药利难犯

叅将戚继光云 笮之为器也形体重滞转移艰难非若他技之出入便防似非利器也殊不知乃行伍之藩篱一军之门户如人之居室未有门户扃键而盗贼能入者故凡用 笮须要节密枝坚杪加利刃要择力大之人能以胜此者勿为物之所使夫然后以牌盾蔽其前以长鎗夹其左右举动疾齐必须钹钹大刀接翼然笮能御而不能杀非有诸色利器相资鲜克有

济兵中所以必于用此者緣士心临敌动怯他器单薄人胆摇夺虽平日十分精习便多张皇失错忘其故态惟笊则枝稍繁盛遮蔽一身眼前可恃足以壮胆助气庶人敢站定若精兵风雨之势则此器为重赘之物矣

少林棍俱是夜叉棍有前中后三堂之外前堂棍单手夜叉也中堂棍陰手夜叉也 刀法后堂棍夹鎗带棒监紫薇山为第一【牛山僧善弄之】通虚孙张家为第二

河南棍赵太祖腾蛇棒为第一贺屠钩杆与西山牛家硬单头皆次之安猴孙棒【卞城淮庆人多用之】

按自古名将未见有用棍者用棍惟宋江诸人

形如月牙内外皆锋刃横长二尺柄长八九尺或一丈兵马步战第一利器也

此器直推之可以削手往上推则铲首向下推则铲足或钩败卒之足或于上风 尘妙不胜述

予按使刀无如倭子之妙然其刀法有数艺高而能识破者御之无难惟關王偃月刀刀势既大其三十六刀法兵仗遇之无不屈者刀 中以此为第一马上刀要长须前过马首后过马尾方善

有五家

一曰马明王

一曰先主

一曰卞庄

一曰王聚

一曰马超

予按古人之战有三有大战者有地战者有人战者盖兵器不外乎金木水火土五器之用五器之中各藏三战之妙其制器之法制药之方虽见于武经总要多不切于御倭纪効新书所载似切矣而亦惜其不多愚见学士大夫谈经济者多有不传之秘如无形渡之 随时变化出奇制胜尤为将者之所当知也但不可显言以示敌故书之所已刊者愚择而录之书之所未刊者愚不敢录惟提其端以俟将官之自访而自悟云

筹海图编卷十三